




121125

Galley





Q. 2.

4. I. 22



HUNOLDI  
PLETTENBERGI

*E. Societate JESU*

INTRODUCTIO

*A D*

JUS CANO-  
NICUM.



---

HILDESII,

Typis JOAN. LEONARDI SCHLEGELII  
Episc. & Summi Capit. Typog.

M. DC. LXXXII.

Prostant Coloniae apud GODEFRIDUM de BERGER

1848

1849

1850

1851

1852

1853

1854

1855

1856

1857

1858

1859

1860

1861

1862

1863

1864

1865

1866

1867

1868

1869

1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895



1896

1897

1898

1899

1900



DEIPARÆ VIRGINI  
 MARIAE  
 COELI REGINÆ  
 DOMINÆ NOSTRÆ.

H. P.



**S**upplex appendo Aræ tuæ,  
 DOMINA, has quales-  
 cunq; lucubrationes meas.

Tibi debentur illæ, sub cujus Nu-  
 mine & Præsidio susceptæ, cujus  
 ope hætenus continuatæ sunt. Ita-  
 que revisens postliminio Cryptam  
 Hildesiensem sub Choro Ecclesiæ  
 Cathedralis, in qua jam Annus  
 unus de triginta volvitur, quod  
 TE COELI REGINAM in  
 statua thaumaturga, licet non eo,

)( 2

quo



quo par erat , cultu & affectu  
venerari cœperim , nunc iterum  
TIBI supplici mente & poplite  
me sisto , & hanc Introductionem  
meam Tuo Patrocinio dico  
& consecro. Imo totum me mea-  
que omnia Tuo Servitio addico &  
mancio , ut quæ omnia potes  
apud Filium , quia MATER es ,  
& per TE vis , quia BONA  
& CLEMENS es , me Servu-  
lum tuum infimum , Filio , quem  
genuisti , Iudici meo concilies , cœ-  
lo dignum efficias , & ex his ar-  
umnis in æterna gaudia introducas.

Respice quoq; benigno obtutu ,  
O VIRGO DEIPARA , ex hac  
Crypta veluti ex throno & sede ,  
quam ut Tutelaris Patriæ & Ec-  
clesiæ Patrona elegisti , Diœcesin ,  
& hanc , quam Lipsanothecâ  
Tuâ Marianâ , & nunc cœlitus  
demissa




demissâ designasti, Basilicam Cathedralē, tuere illam malisq̃ ingruentibus opportuna exhibere remedia. Aspice & hanc Tuam Civitatem, eamq̃ quæ à TE & Filio Tuo recedendo prisca deseruit sacra, novisq̃ adheret ritibus, ad agnitionem veritatis, ævitam fidem, & Tui amorem attrahere. Tuam dixi, DOMINA, Civitatem, nam tuis prodigiis concepta, tua obstetricante manu è paludibus vepribusq̃ prognâta, & tua pientissima cura & favore educata est, ut in eam, quam conspiciamus, amplitudinem excreverit.

Recipe hanc aberrantem Tuam filiam quondam TIBI dilectam, & cœlesti nive dealbatam, cumque candorem suum  
( 3                      pristi-



*pristinum violarit , absterge  
maculas , ut jam iterum pri-  
mavâ & TIBI gratiore No-  
menclatione non tam Hildes-  
heim, quam Hilgenschne ap-  
pellari possit.*





AD LECTOREM

# P R Æ F A T I O.

**A**Nte Septennium, cum Tre-  
viris in Collegio Nobilium  
& Seminario Archi-Episco-  
pali sacros interpretarer Canones,  
cœpi annotare quædã, quæ expedi-  
torem aditũ Juris utriusq̃. Candi-  
datis ad scientiam sacrorum Cano-  
num plenius acquirendam præbe-  
re possent. Illa subsecivo subinde  
aucta studio nactus hac æstate plus  
ocij Osnabrugi in ordinem aliquẽ,  
& hunc, quem cernis, Benevole,  
Lector, libellum digessi, qui veluti  
Prodromus & Anteambulo tam  
profani, quam sacri Juris Studiosis  
facem præferat, ut sine offendicu-  
lo ad intima scientiæ hujus arcana  
penetrare, & sacrosancta ejus my-  
steria *non illotis*, ut ita dixerim cum  
Gajo JurisConsulto *l. i. ff. de Orig. jur.*  
*manibus tractare* possint. Operam,  
licet non oleum, cujus Æstivis  
his

his Mensibus nullus in lampade fuit  
 usus, perdidisse me in concinnan-  
 do hoc opere existimarem, nisi  
 persuasum haberem, me bonas ho-  
 ras hoc studio non male perdidis-  
 se, & fore non paucos ex cupidâ  
 Legum juventute, aliisque sacra-  
 tionum literarum cultoribus, qui  
 libellum hunc, quem *Introduc-  
 tionem ad Jus Canonicum* appello, gra-  
 to obtutu excepturi, & perlectum  
 benevolo porro affectu profecutu-  
 ri sint. In hanc me opinionem ad-  
 ducit dignitas & usus sacrorum  
 Canonum, ad quos intelligendos  
 introductio hæc subservit. Est  
 namque scientia Canonica cætera-  
 rum omnium post Theologiam,  
 præstantissima, & ad Regimen,  
 Ecclesiæ apprimè necessaria; Per  
 hanc enim in Monarchia Ecclesia-  
 stica ritè ordinatur Politia, Pax &  
 Justitia floret, controversiæ in fo-  
 ro sacro justa ratione decernun-  
 tur, cultus DEO debitus provehi-  
 tur, fidei morumque puritas indu-  
 citur,



citur, & salus demum animarum promovetur. Quæ ut pluribus hic confirmem, superfluum esse judico, cum satis per se constent, & ex infradicendis de præstantia Juris Canonici clarè patebunt. Id vero in vestibulo hujus libelli à me requiri puto, ut totius Operis ordinem & œconomiam ab oculos Lectori ponam; Quam ergo sic accipe:

*Potissima pars cujus rei principium est, inquit Gajus l. c. Principium vero in addiscendis artibus & scientiis est nosse, unde nomen suum fortitæ sint, quæ earum definitiones, quæ partes, origo & processus; Nam & Ulpianus inquit l. i. ff. de just. & jur. Furi operam daturum prius nosse oportet, unde nomen Juris descendat. Et Cicero l. i. offic. Omnis qua à ratione suscipitur de re aliqua institutio debet à definitione proficisci, ut intelligatur, de quo disceptatur. Cognitis quoque partibus scientiarum cognoscitur earundem perfectio & excellentia, cum in omnibus rebus id perfectum sit,*  
*quod*

*quod ex omnibus suis partibus constat ;*  
 Ut rectè idem Gajus *l.c.* Quapropter  
 prioribus tribus capitibus Juris &  
 Justitiæ Etymologia , definitio &  
 divisio proponetur. Deinde dicetur  
*Capite 4.* in quas partes Jus Cæsa-  
 reum dispertiatur , & quomodo li-  
 bri illius ab Auctoribus citentur.  
 Tum *Capite 5.* Juris Canonici de-  
 finitio & præstantia exponetur ;  
 Ac subinde quinque capitibus dif-  
 ferentiæ illius à Civili ordine li-  
 brorum Decretalium ostendentur ,  
 ut videant uno quasi obtutu Juris  
 Alumni , in quibus Jus Civile ab  
 Ecclesiastico emendatum sit. Sub  
 hæc *Capite 11.* Origo & incremen-  
 tum Juris Canonici adductis variis  
 variorum collectionibus , & Cano-  
 num Compilationibus ob oculos  
 ponetur. Postea detegentur fontes  
 ac principia Juris hujus Ecclesiasti-  
 ci ; Ac *Capite 12.* perlustrabitur fons  
 primus , nimirum S. Scriptura de-  
 clarando , quæ ejus sit Auctoritas ,  
 & an præcepta illius omnes mor-  
 tales

tales obligent; Subjungetur quoque  
 quam vim obligandi habeant Traditiones. Postmodum *Capite* 13. tractabitur de Conciliis, ex quibus  
 tanquam secundo fonte quamplurimæ profluxerunt Leges Ecclesiasticæ; Et cum cognitio Conciliorum magnum afferat lumen Jurisprudentiæ studiosis; exponetur Generalium Conciliorum Auctoritas, & qua forma ac methodo negotia in iis pertractentur. Subinde *Capite* 14. Compendiosa eorundem Canonumque in iis contentorum dabitur descriptio; Tum etiam *Capite* 15. dilucidabitur, an Concilium Generale sit supra Papam, & *Capite* 16. an id errare possit in fide. Cum vero nonnulla Concilia generalia partim probata, partim à Pontificibus rejecta sint, subjungetur *Capite* 17. eorundem series & gesta, ne sacrorum Canonum studiosi in errorem inducantur, putentque probatum esse aurum omne, quod ex ejusmodi fodinis eruitur. Post Generalia  
 agetur

agetur de Conciliis particularibus *Capite* 18. exponeturque eorum divisio, auctoritas, & quis modus res in iis tractandi observandus sit. Postea aperietur *Capite* 19. fons tertius Juris Canonici ageturque de Constitutionibus Pontificiis, Bulario, & Responsis particularibus Sedis Apostolicæ. Sub hæc exponemus *Capite* 20. quam habeant Auctoritatem Sententiæ Ss. Patrum, quibus tanquam ex quarto fonte promanantibus Jus Canonicum agetur. Et *Capite* 21. an & quam vim habeant obligandi Ecclesiasticos Placita Principum sæcularium, quæ quintum Juris Pontificii fontem constituere dicimus. His explanatis ad ipsum Corpus Juris Canonici accedemus divisionem ejusdem, & partes singillatim exponendo. Et quidem *Capite* 22. de Decreto Gratiani & Paleis; *Capite* 23. de Decretalibus Gregorii IX. *Capite* 24. De libro Sexto Decretalium, Clementinis & Extravagantibus, ac de-  
mum

num *Capite 25.* de Septimo Decretalium tractabimus, singularum partium Auctores, auctoritatem, libros, & quomodo hi citentur, summatim declarando.

Hæc est, Candide Lector, Introductionis hujus Oeconomia, in qua si quid correctione dignumprehenderis, ignosces, & si vacet, corriges memor humanum esse errare lapsumque opinionis & calami, si abfuerit obstinatio, malitia & negligentia veniam mereri. Si quid vero excidisset orthodoxæ fidei probisq; moribus minus consonum, id omnino à me nec dictum, nec scriptum velim, omnia subji- ciendo iudicio S. Romanæ Ecclesiæ.

Cum vero Scriptorum omnium, Legum Canonumque vel maxime peritorum sit laudatissima consuetudo aliena suis immiscere, tum ut præeuntibus gnaris viæ Ducibus securius incedant, tum ut operibus suis alienis gemmis splendorem concilient; Ideo & ego argumento-  
fam



sam imitatus apiculã, quæ jam hunc  
jam istum florẽ delibat, ex variis iis-  
que probatissimis Auctioribus con-  
gessi ea, quæ ad hoc meum propo-  
situm pro usu studiosæ in Jure Ju-  
ventutis facere existimavi. Si quis  
vero Aristarch<sup>9</sup> ad hæc corrigaverit  
frontem, & scripta mea aliis lanci-  
nanda projecerit, hunc equidem  
non moror, memor illius Solonis:

Πᾶσιν ἀδελφὲν χαλεπόν.

*Cunctis complacuisse grave est.*

Et quod Ecclesiastes ait: *Omnes la-  
bores hominum & industrias patere in-  
vidia proximi. c. 4. v. 4.* Mihi fatis est,  
Amice Lector, si tu aliquem ex  
hoc meo labore fructum percepe-  
ris; sic namque cum Salomone di-  
cam: *Quoniam non soli mihi laboravi.*  
*Eccles. c. 24. v. 47.* Osnabrugi 28. Aug.  
die S. Augustino Sacro. 1691.

ELENCHUS

# ELENCHUS CAPITUM.

<b>CAPUT I.</b> De variis acceptionibus & divisionibus Juris & Justitiæ.	pag. 1.
<b>II.</b> De divisione Juris proprietatis in Re & ad Rem.	10
<b>III.</b> De divisione Juris accepti pro Lege.	21
<b>IV.</b> Quæ sint partes Juris Cæsarei.	33
<b>V.</b> Quid Jus Canonicū & ejus Excellentia.	34
<b>VI.</b> Differentia Juris Canonici & Civilis, quæ libro 1. Decretalium occurrunt.	44
<b>VII.</b> Differentiæ in libro 2. occurrentes.	56
<b>VIII.</b> Differentiæ in libro 3. occurrentes.	71
<b>IX.</b> Differentiæ in libro 4. occurrentes	78
<b>X.</b> Differentiæ in libro 5. occurrentes.	85
<b>XI.</b> Origo & incrementum Juris Canonici, seu Canonum Ecclesiasticorum.	94
<b>XII.</b> De principiis & fontibus, ex quibus derivatum est Jus Canonicum, ac primum de S. Scriptura.	114
<b>XIII.</b> De Conciliis, ac in primis Generalib <sup>9</sup>	138
<b>XIV.</b> Series Conciliorum generalium legitimorum.	160
<b>XV.</b> An Concilium sit supra Papam.	242
<b>XVI.</b> An legitimū Concilium generale errare possit.	299
<b>XVII.</b> Series & gesta Conciliorū generalium, quæ partim approbata, partim reprobata sunt.	306
<b>XVIII.</b> De Conciliis particularibus.	329
<b>XIX.</b> De Constitutionibus Summorum Pontificum, Bullario & Responsis particularibus Sedis Apostolicæ.	349
<b>XX.</b> De Sententiis Sanctorum Patrum.	358
<b>XXI.</b> De Placitis Principum sæcularium	364
<b>XXII.</b> De Decreto Gratiani, & Paleis.	366
<b>XXIII.</b> De Decretalibus Gregorii IX.	376
<b>XXIV.</b> De Libro sexto Decretalium, Clementinis, & Extravagantibus.	381
<b>XXV.</b> De Septimo Decretalium.	389

*Approbatio Rev. P. Provincialis.*

**E**go infraſcriptus Societatis JESU per Provinciam Rheni inferioris Præpoſitus Provincialis, poteſtate mihi facta à P. N. P. THYRSO GONZALEZ Societatis noſtræ Præpoſito Generali, typis mandari permitto *Introductionē ad Jus Canonicum à P. Hunoldo Plettenberg Societatis ejusdem Sacerdote conſcriptam*, à deputatis ad id Cenſoribus ejusdem Societatis lectam & approbatam. In cujus rei fidem has literas manu propriā, conſuetoque officii Sigillo munitas dedi. Coloniz die 16. Februarii Anno 1692.

(L. S.) HENRICUS VVEISVVEILER.

COPIA PRIVILEGII CÆSAREI.

**C**um ex Mandato Sacræ Cæſaræ Majestatis, Omnibus & ſingulis Typographis ac aliis quibuscunque liberariam negotiationem exercentibus ſerio firmiterque inhibeat, ne quisquam libros ullos à Societatis noſtræ Patribus hætenus editos, aut in poſterum edendos, intra ſacri Romani Imperii Regnorum & Dominiorum Sux Cæſaræ Majestatis hæreditariorum fines, ſimili aliove charactere, aut formā, ſive in toto, ſive in parte, excudere, recudere, vel aliò excudendos, ſeu recudendos mittere, aut alibi etiam impreſſos adducere, vendere & diſtrahere, clam ſeu palam, citra ſupradictorum Patrū conſenſum ac testimoniū audeat vel præſumat. Ego HENRICUS VVEISVVEILER Soc. JESU per Rheni Inferioris Provinciam Præpoſitus Provincialis, concedo *Joanni Leonardo Schlegelio Episc. & Summi Capit. Typographo* facultatem excudendi librum, cui titulus: *Introduction ad Jus Canonicum à P. Hunoldo Piettonberg Societatis ejusdem Sacerdote conſcripta*. In quorum fidem, hoc ei testimoniū ſubſcriptum & Sigillo munitum dedi. Coloniz die 16. Febr. 1692. (L. S.) Henr. VVēiſvveiler.





# INTRODUCTIONIS AD JUS CANONICUM CAPUT I.

De variis acceptionibus & divisionibus Juris & Justitiæ.

*Juris Etymologia. Quid jus activè & passivè sumptum. Quid Jus Jurisdictionis & Proprietatis. Justitiæ varia acceptio, definitio & divisio.*



1.

**V**ariæ sunt de Etymologia Juris opiniones. Franciscus Connanus l. 1. Com. Jur. Civ. Jus dici putavit quod juxta sit, Majoragius l. 4. Msc. c. 1. aliiq; à juvando id derivarunt. Neutrum placet, cum utrumque durum sit, & longius petatum. Melius Ulpianus l. 1. ff. de Jur. & Just. Jus à Justitia denominavit, vel tanquam objectum ab ipso actu seu potentia, quemadmodum scibile à scientia

A

tia

tia, visibile à visu appellatur ; Vel potius tanquam artem seu scientiam à suo fine ; Cum enim Jus definiat hic Ulpianus ex Celso esse *Artem equi & boni*, sumitur in citata lege Jus pro scientia Juris, seu Jurisprudencia. Scientiæ vero. & artes denominationem sæpè accipiunt à fine, quem sibi propositum habent, sic Grammatica dicitur ἀπὸ τῶν γραμμάτων, Logica ἀπὸ τοῦ λόγου &c. pari ratione collectio præceptorum, seu *Ars illa equi & boni* à Justitia, quam sibi propositam habet, rectè denominari potest. Optimè Aristoteles & Isidorus ; Ille 5. *Eth.* c. 1. Jus activè sumptum deduxit à jussu seu jubendo ut nimirum sit hoc, quod vel DEUS, vel natura, vel Princeps, vel populus, vel civitas, vel consuetudo jubet. Isidorus vero l. 5. *Etymol.* c. 2. passivè acceptum ab eo, quod justum est, derivavit ; Nam *Jus est dictum* per apocopen, *quia justum est.* Dist. 1. c. 2.

Porro justum duplici sensu sumitur ; Primò latè, pro eo quod rationi & legi Divinæ, vel humanæ conforme est, ideoq; ab Aristotele 5. *Eth.* c. 1. justum legitimum, id est, *quod à legum latrice facultate definitum est*, appellatur, spectatq; ad Justiciam legalem perquam quisque

que reddit, quod debetur Reipublicæ, cujus ipse membrum est, & fundatur in debita rectitudine actionum, quæ sunt ad alterum, licet alter per hoc nullum sibi jus acquirat; Sic divites tenentur dare Eleemosynam pauperibus, hi tamen non habent jus vel actionem, qua eos cogere possint ad eam elargiendam. Deinde justum sumitur strictè pro eo quod est æquum & alteri debitum, sicque objectum est Justitiæ particularis, quæ est virtus cardinalis, prout infra dicitur *num. 3.* Hoc sensu Justum seu Jus acceptum tres requirit conditiones: Prima est, ut sit ad alterum vel realiter vel tantum moraliter distinctum; Quapropter licet inter Patrem & Filium, Maritum & Uxorem, Dominum & servum in sensu morali non detur jus proprie dictum, cum filius sit pars moralis Patris, Uxor Mariti, & Servus Domini, quatenus nimirum subjacent voluntati Patris, Mariti & Domini; Datur tamen inter illos jus & justum simpliciter, ut sunt alii à se & distincti realiter, si nimirum comparentur inter se præcisè, ut homines sunt absque subjectione unius ad alterum, ideoque si Pater filios, maritus Uxorem, aut Dominus servos immerentes infamaret, mutilaret, aut occi-

deret, injustè ageret. Secunda conditio est, ut sit debitum, adeoque illius violatione alteri fit injuria. Tertia est, ut sit æquale, vel saltem æquabile juri alterius, & eam ob causam non datur justum strictè sumptum inter DEUM & Creaturas, quia cum Creatura reddere non possit DEO æquivalens, non poterit etiam jus suum juri DEI æquare.

2. Jus active sumitur pro libera & legitima potestate aliquid agendi inducendo in alterum obligationem aliquam, quod proinde jus potestativum à Theologis appellatur; quo sensu dixit Jurisconsultus in Reg. 54. ff. *Nemo plus juris, id est potestatis, in alterum transferre potest quam ipse habeat.* Hac acceptione Jus bifariam dividitur: in Jus *Jurisdictionis*, quod felicitatem subditorum præcipuè spectat, & *proprietas* quod utilitati subjecti, cui inest, primario servit.

Jus Jurisdictionis vario sensu usurpatur. 1. Pro lege, sic Isidorus in c. 2. Dist. 1. *Jus generale nomen est, lex autem Juris est species*, ideoq; quæ lege naturali aut positiva præcipiuntur, aut prohibentur, dicuntur præcepta aut prohibita jure naturali vel positivo. 2. Pro Judicis sententia, diciturque hoc sensu Ju-

Judex dictare jus, & Prætor jus reddere etiam cum iniquè decernit : Relatione scilicet facta non ad id quod ita Prætor fecit, sed ad illud, quod Prætozem facere convenit l. pen. ff. de just. & jur. 3 Pro scientia legum seu Jurisprudencia ; Sic Ulpianus l. 1. ff. de just. & jur. ait : Juri, id est scientiæ legum, operam daturum nosse oportet, unde nomen juris descendat, & definitur ibidem : *Ars boni & recti*, quia licet in omnibus spectanda sit æquitas, in Jure tamen civili potissimum hæc requiritur. l. in omnibus quidem ff. de reg. juris. & maximè in jure Canonico, quod à Sede Apostolica, & Sacris Conciliis emanavit. Inde dicuntur Juris Studiosi, qui huic scientiæ dant operam, Jurisconsulti vel periti, qui eandem callent. l. 1. C. de Asses. l. 9. ff. de penis. l. 4. ff. de var. & extraord. cogn. 4. Pro loco in quo Jus redditur, appellatione collata ab eo, quod fit in eo, ubi fit. l. pen. ff. de just. & jur. Hinc illæ loquendi formulæ : In jus vocare, ambulare, injure comparere ; *Quando ego te injure conspicio*, inquit Cicero pro Murena. Neque tantum pro loco sumitur ubi Prætor aut Magistratus judicat ; Sed etiam in quo Judex Pedaneus

Judicat. l. 4. §. quod ait ff. de interr. in jur. fac. 5. Pro libris, quibus leges sunt comprehensæ. 6. Demum *nonnunquam jus etiam pro necessitudine dicimus, veluti est mihi jus cognationis vel adfinitatis.* l. fin. ff. de just. & jur.

3. Justitia, sic dicta quod jus sistat ac statuatur varie quoque accipitur. 1. Pro lege: *Scitis quod docuerim vos præcepta atq; justitias.* Deut. 4. v. 5. 2. Pro observantia legis, prout sumpsit Tullius l. i. de leg. cum dixit, eam esse *obtemperacionem legis.* 3. Pro habitu gratiæ sanctificantis, quo homo efficitur DEO gratus, & justus, prout sæpè sumitur in sacris literis & Tridentino, quod sess. 6. c. 7. ait. *Unicam formalem causam justificationis esse justitiam DEI, non qua ipse justus est, sed qua nos justos facit: qua videlicet verè justus nominamur & sumus justitiam in nobis recipientes.* 4. Pro collectione omnium virtutum, ut Philosophus 5. Eth. c. 3. ex Theocride dixit: *Justitia in sese virtutes continet omnes.* Et Zacharias apud Lucam c. i. v. 75. *Serviamus illi in sanctitate & justitia.* 5. Pro cujuslibet virtutis habitu vel actu, sic quamlibet operationem honestam vocamus

camus opus justum ; Et Christus ait *Matth. 6. v. 1. Attendite ne justitiam vestram faciatis coram hominibus.* 6. Pro omni & sola virtute, quæ est ad alterum aliquo modo distinctum sive realiter, sive juris fictione ab operante, ut ei suum quoddam jus tribuat. Qua ratione complectitur non solum quatuor species justitiæ strictè sumptæ, sed etiam Misericordiam, Pietatem, Gratitude, Religionem, Liberalitatem, Munificentiam & Obedientiam. 7. Denique strictè sumitur pro Justitia particulari, seu speciali virtute morali, quæ tanquam virtus Cardinalis annumeratur Prudentiæ, Temperantiæ & Fortitudini *Sap. 8. Sobrietatem, id est Temperantiam, & Prudentiam, docet & Justitiam & virtutem, id est & Fortitudinem.* De hac in præsentia agimus, & definitur ab Ulpiano l. 10. ff. de just. & jur. *Constans & perpetua voluntas jus suum cuique tribuendi.* In qua definitione loco generis sunt hæc verba: *Constans & perpetua voluntas*, omnes enim virtutes voluntatis sunt habitus vel actus ejusdem, pro quibus ibi voluntas sumitur, iique *Constantes*, id est firmi, virtutis enim est firmare voluntatem in bono honesto;  
ac

ac *perpetui*, non ex parte actus, quod actus Justitiæ semper durare debeat, nec ex parte subjecti, ut inhærere debeat subjecto, hoc est animæ rationali perpetuò, sed ex parte objecti, ut velit omni tempore & in omni re indemnitate alieni juris servare. Reliqua verba: *Jus suum cuique tribuendi*, ponuntur loco differentiae desumptæ ex proprio ejus objecto, quod est jus, ut est idem, quod justum ac debitum.

4. Justitiæ modo definitæ quatuor assignamus species: Legalem, distributivam, commutativam & vindicativam. *Legalis* spectat conservationem vel augmentum istius communitatis vel Reipublicæ, cujus quis pars seu membrum existit. *S. Thom.* 2. 2. a. 6. & in 5. *Eth.* l. 3. Dicitur quoque generalis, quia spectat bonum generale & commune, propter quod leges conditæ sunt; ideoque est virtus specialis distincta à cæteris, cum habeat speciale objectum, nimirum bonum commune, & specialem honestatem, quæ reperitur in hoc studio boni communis, quam nulla alia virtus specialis, neque etiam cæterarum collectio intendit. *Justitia distributiva* est virtus, qua Princeps aut Resp. distribuit commoda & onera communia intra membra com-  
muni-



munitatis servatâ proportionem ad merita singulorum. *Commutativa* quæ anonomasticè est *Iustitia* tribuit unicuique suum absque respectu ad merita, & sine comparatione unius ad alterum, curatque solum, ut constituatur æqualitas inter datum & acceptum, inter lucrum & damnum. Differunt hæc duæ virtutes inter se specie & essentialiter. *S. Thom.* 2. 2. q. 60. a. 1. per aliam enim virtutem ordinatur totum ad partes suas secundum proportionem dignitatis singularum, & per aliam ordinatur pars ad partem, sive totum privatum ad aliud totum privatum, quia jus quod habet pars ad partem, est jus merè proprium ipsiq; debitum, ut seorsim spectatæ; Jus autem, quod habet pars ad totum, seu civis adversus communitatem est Jus ad aliquid commune possidendum cum proportionem dignitatis, quam habet in ordine ad bona communia, quæ cum fundent diversam valde rationem debiti, erunt quoque jura valde diversa. Differunt ergo *Iustitia* distributiva & commutativa in eo, quod hæc jus suum tribuat alteri tanquam toti privato, & metiatur æqualitatem debitam juri alterius secundum proportionem Arithmetica, illa vero jus suum tribuat alteri

teri tanquam parti communis formali-  
liter, & exigit æqualitatem secundum pro-  
portionem Geometricam. *Arist. 5. Eth. c. 3.*  
& *4. S. Tho. l. c.* Justitia demum *vindictiva*  
est, quæ inclinatur ad puniendum delicta  
pœnam condignam pro gravitate delicti  
infligendo, ne nimirum nimia remissione  
libertas peccandi crescat, neque pœna-  
rum severitas culpæ mensuram excedat.  
Hæc à cæteris Justitiæ speciebus supra e-  
numeratis adæquatè distinguitur, prout  
inter cæteros more suo doctè ostendit  
P. Martinus de Esparza *quest. 22. de virt.*  
*Justit.* de qua pluribus Theologicum Ma-  
gistro in 3. *Dist. 36. S. Thoma 2. 2. à quest. 57.*  
& Philosopho 5. *Eth.* Nobis ad intentum  
nostrum hæc pauca hic delibasse satis est.

## CAPUT II.

De divisione Juris proprietatis  
in Re, & ad Rem.

*Quid Jus in re seu Reale, & ad rem  
seu Personale. Quid mixtum. Quid Do-  
minium proprietatis & Jurisdictio-  
nis. Quid Imperium me-  
rum & mixtum.*



Elebris est Juris proprietatis di-  
visio ex parte objecti in *Jus in Re*  
& *Jus ad Rem.* *Clem. un. de se-  
quest.*

quest. & poss. fruct. Jus in Re est facultas quam quis habet in Re jam sua ne ab altero lædatur; adeoque adhæret rei aut personæ consideratæ ut res, eamque immediatè devinctam habet, ita ut ad quemcunque res, aut persona ut res considerata, devenerit, competat nobis illius vindictio, ideoq; dicitur *Jus reale* l. officium ff. de rei vindic. & parit actionem realem, quæ vocatur rei vindictio lib. 6. tit. 1. ff. Ad hoc regulariter tria requiruntur; Primo *existentia rei*, sive illa sit corporalis & tangibilis, ut domus, sive incorporalis & tangi nequeat, ut jus Patronatus, quod consistit in denominatione quadam morali; Nam res non existens nondum est obtenta nec juri devincta, ideoque ad fructus sequenti anno proventuros non habent Ecclesiastici Jus in Re, sed solum ad Rem. Secundo requiritur *Titulus* aliquis justus v.g. emptionis, donationis vel similis, ut dominium rei comparetur; ideo fur & usurarius defectu Tituli non habet Jus in re circa pecunias furto vel usura acquisitas. Tertiò demum requiritur *Traditio* quia Traditionibus & usucapionibus dominia rerum non nudis pactis transferuntur l. 20. C. de pact. adeoque

Em-

Emptor, si res emptā nondum sit illi tradita, non habet jus in Re; sed solum ad Rem. Licet vero regulariter, ut dixi, ad obtinendum jus in Re requiratur traditio, in aliquibus tamen casibus ex speciali Juris dispositione hæc non est necessaria, veluti primò in Beneficiis Ecclesiasticis, in quibus per solam collationem & acceptionem comparatur Jus in Re *c. si tibi absenti de Præb. in 6.* Secundò in hæreditate rerum, in quibus acquiritur Jus in Re per solam aditionem verbo vel scripto factam, *l. cum Hæredes ff. de acquir. poss. §. ult. Instit. de hæred. qual. & diff.* Tertiò in donationibus, venditionibus & similibus factis Civitatibus, Ecclesiis aliisque piis locis ob speciale privilegium, acquiritur Jus in Re ante traditionem *l. ult. C. de Sacro S. Eccles. Covarr. l. 2. resol. c. 19. n. 2.* Licet autem in dictis casibus dominium rei acquiratur ante apprehensionem, non tamen acquiritur ejusdem possessio, quia *possessio nisi naturaliter apprehensa sit, ad nos non pertinet. l. cum Hæredes ff. de acquir. poss.*

2. Jus ad Rem est facultas, quæ habetur ex aliquo Titulo ad actum futurum, vel rem debitam nondum obtentam; adeoque Jus ad Rem obligat, seu devincit directè non rem ipsam, sed personam

sonam qua talem in ratione agentis, ad aliquid nimirum tradendum seu præstandum vel ex contractu aut quasi contractu v. g. ex mutuo, venditione, vel ex delicto, aut q. delicto v. g. ex furto, ideoq; dicitur *Jus personale*. Quamvis ergo hoc jus respiciat etiam rem ut terminum mediatum remotum, proximè tamen respicit personam quàm talem eamque sibi immediatè devincit. Ex hoc jure oritur *Actio personalis*, quæ ita tendit in personam obligatam, ut contra alium rei possessorem institui non possit; Sic qui emit equum numerata pecunia, priusquam equus tradatur, non potest illum ab alio exigere, quam à venditore, & contra hunc solum actionem instituere personalem, licet equus vel furto vel venditione vel donatione ad alium pervenerit *l. pen. C. de act. & oblig. & §. omniam autem Instit. de actio.*

Hinc inferes. 1. Jus quod habemus adversus alios, ne nos in usu rerum nostrarum vi aut dolo impediant non esse personale, tum quia nec provenit ex contractu vel q. nec ex delicto vel q. tum quia non est ad terminum aliquem positivum sed negativum, & consequitur ad Jus in Re, cum enim habeam jus in bonis meis & fama, habeo consequen-

quenter Jus, nequis in usu eorum me impediat.

Inferes 2. Cur Dominus habeat jus reale in mancipium suum, Conductor vero personale in operarium. licet utrumque jus versetur circa personam immediate; Quia jus Domini respicit mancipium ut rem, quæ subest dispositioni Domini, ut possit vendi, huc illuc pro libitu transferri &c. Jus vero conductoris tendit in operarios, ut personas in ratione agentis ad præstandas nimirum operas, ad quas conducti sunt.

Inferes 3. Quod omnis actio oriatur ex obligatione aliqua, qua vel persona vel res aliqua nobis est obligata. Actio vero duobus modis accipitur, vel pro actu perquam petitur res ab alio debita, vel pro potentia seu jure agendi, & definitur: *Jus persequendi in judiciis, quod sibi debetur. Instit. de actio.*

3. Præter jus reale & personale datur quoque *Jus mixtum* sicuti dantur actiones mixtæ, quæ nec strictè reales sunt, nec strictè personales, sed de utrisque participant, ut patet ex *tot. lib. 10. ff.* & quatuor assignantur, quæ partim sunt in rem, partim in personam. Prima est: *Finium regundorum*, qua agitur de finibus prædiorum confusis iterum deter-

determinandis. Secunda : *Familia eriscunda*, qua agitur inter cohæredes de dividendis rebus hæreditariis. Tertia : *Communi dividundo*, quæ datur illis inter quos est res communis, ut legatum, donum &c. dividatur, vel, quod præstandum est, præstetur. Quarta : *Ad exhibendum*, quale habet v.g. Titius adversus Cajum, apud quem putat probabiliter latere servum suum fugitivum, & agere potest, ut jubeatur Cajus exhibere hominem, quem detinet, ad cognoscendum, an sit servus fugitivus, nec ne. Hoc jus mixtum est, quia non est purè reale, cum non fundet immediate actionem vindicationis, nec etiam est merè personale, cum detur hæc actio contra quemcumque ad quem servus pervenerit, adeoque rei potius, quam personæ inhæret.

4. Jus in re aliud est perfectum, quod Dominium dici potest, aliud minus perfectum, quale Depositarius habet in depositum, Creditor in pignus, & usufructuarius in rem, cujus usum habet. Dominium duplex est: Jurisdictionis & proprietatis. Dominium proprietatis definitur à Bartolo in *l. si quis vi §. differentia ff. de acquir. poss.* Jus perfecte disponendi

*di de re corporali nisi lege prohibeatur.*

Dicitur *Jus* id est, facultas seu potestas;

*Perfekte* explicat plenitudinem Dominii;

*De re*, denotat jus proprietatis, nam

Jurisdictionis versatur directè circa per-

sonas; *Corporali*, indicat rerum incorpo-

ralium, ut sunt officia, servitutes, actio-

nes personales & similia, non haberi pro-

priè Dominium & possessionem, sed qua-

si Dominium & quasi possessionem. De-

rum verba: *Nisi lege prohibeatur*, de-

notant, quod per accidens, & non ex

defectu Dominii aliquando fiat, ut quis

per legem vel pactum impediatur à per-

fecta dispositione vel usu rei; Sic pupil-

lus, qui licet perfectum habeat in sua bo-

na Dominium, *cum sit Dominus omnium.*

*ad Gal. 4. v. 1.* Non potest tamen ob legis

prohibitionem illa abalienare. Et qui do-

rum emit cum pacto non vendendi, sic

Dominus domus, licet non possit de illa

disponere per venditionem, cum pa-

ctum per accidens conjunctum id vetet.

Dominium hoc proprietatis aliud est

perfectum & plenum, aliud imperfectum

& imminutum, idque dupliciter, vel

ex parte objecti, vel ex parte subjecti.

Perfectum ex parte objecti est, quod

complectitur rei proprietatem simul &

com.



commoda; Imperfectum ex parte objecti est, quod vel solam habet proprietatem rei sine commodis, & dicitur *Dominium directum*, ejusque Dominus *Proprietarius* seu *Dominus directus*; Vel solum habet usum & commodum, & dicitur *Dominium utile*, Dominus vero *Fructuarius*. Ex parte subjecti Dominium plenum est, si quis consortem Dominum mortalem non habeat, diminutum vero si talem agnoscere debeat.

§. Dominium Jurisdictionis est potestas gubernandi subditos ad eorum in primis utilitatem. Actus illius sunt præcipere, prohibere, punire, ferre leges, in iis dispensare, pronunciare sententiam, & definire quid jus postulet. Aliud est divinum & increatum, quod est absolutissimum, & omni ex parte perfectissimum; Aliud humanum sive creatum, quod dividitur in Ecclesiasticum & politicum seu temporale. *Illud quidem divinis ministrans, hoc autem humanis præsidens ac diligentiam exhibens.* Utrumque dividitur in Imperium & simplicem Jurisdictionem. *Bart. in l. 1. & l. Imperium ff. de jurisd. om. Iud. Abbas in c. quod sedem de offic. ordin.* Imperium est jurisdictio, quæ nobili Judicis officio ex-

ercetur. Ubi per nomen Judicis intelligitur quæcunque publica potestas. Dicitur vero nobile Judicis officium, quod per se stat, & non est alligatum actioni; Judex enim motu proprio & ex officio, non adactus à partibus procedere potest ad delicta puniendâ, beneficia concedenda &c. *c. qualiter 17. de accus.* Simplex jurisdictio est, quæ exercetur Judicis officio mercenario. Dicitur officium mercenarium, quod deservit actioni merè civili, per quam nimirum pars litigans intendit consequi jus suum, seu *interesse* proprium, ut Legistæ loquuntur; Simplicis ergo jurisdictionis officium ideo mercenarium, & actioni deserviens dicitur, quia Judex motu proprio sive ex officio procedere non potest ad lites civiles, sed solum ad instantiam partium, iis enim desistentibus Judex quoque cessare debet, instantibus vero & judicium expetentibus sententiam etiam ferre tenetur.

6. Jam verò imperium dividitur in merum & mixtum. *Bart. & Abb. l. cc.* *Merum est*, quod exercetur nobili Judicis officio publicam utilitatem respiciente; Actus illius sunt leges ferre, fontes plectere &c. Habetque diversos gradus, quorum primus est *Maximi imperii*, quo

quo spectat potestas bellum inferendi, universales leges condendi, Concilia vel Comitia generalia cogendi, cognoscendi de causis absque remedio appellationis; Item potestas monetam cudendi, veſtigalia imponendi &c. quæ *Regalia* vocantur, quia propria sunt Regis seu supremi Principis. Secundus gradus est *majoris Imperii*, & est habere gladii potestatem in facinorosos l. imperium ff. de jurisd. om. ind. Huc spectat potestas maximæ capitis diminutionis inferendæ, quod supplicii genus apud Romanos olim in usu fuit. l. 8. §. est pœna ff. de pœn. & mors quædam civilis habebatur, cum per hanc pœnam non solum jus civitatis, sed etiam libertatis amitteretur, & servi efficerentur, qua in metallum damnabantur & metallici dicebantur. l. 10. §. 1. l. 36. ff. de pœn. vel ad bestias, l. 6. ff. ad leg. Juliam peculatus. In Jure Canonico huc pertinet potestas Clericum degradandi & brachio sæculari extradendi: Item excommunicandi non ad instantiam partis læsæ, sed motu proprio. Mol. tract. 5, de just. disp. 6. Tertius gradus est *Imperii magni*, ad hoc spectat posse igni & aquæ interdicere, in exilium deportare, & dicitur hæc pœna media, seu minor capitis diminutio,

20 *Imperium merum & mixtum.*

perquam Jus civitatis non libertas amittitur. *Instit. de cap. demin.* sed huic supplicii generi postea sublato successit deportatio in Insulam. l. 3. ff. ad leg. Jul. peculatus. l. 2. §. 1. ff. de pœn. Quartus gradus est *parvi Imperii*: quo spectat posse relegare, torturæ subijcere, in corpore acriter, sed citra mortem vel mutilationem punire. Quintus gradus est *imperii minoris*, quo pertinet modica cōercitio in corpore. Sextus gradus est *imperii minimi*, ad quod spectat posse exiguam multam pecuniariam imponere.

7. Mixtum imperium est, quod exercetur nobili Judicis officio privatum cōmodum spectante; Actus illius sunt: Dispensare in lege, & ætate, dare Privilegium, constituere tutores, restituere in integrum, contra facinosum procedere ad alterius instantiam Judicis officium implorantis. Quemadmodum imperium merum, ita & mixtum in suos gradus distinguitur; Est enim unus gradus *maximi imperii* supremo Principi reservatus, v. g. illegimos vel jure infames integro statui, vel famæ restituere, revocare sententiam, quæ transivit in rem judicatam &c. Et sic per alios gradus supra relatos, qui inferioribus etiam potestatibus conveniunt, descendi potest. CA-

C A P U T III.

De divisione Juris accepti  
pro lege.

*Quid jus naturale & positivum. Quid  
jus divinum tum vetus, tum novum, &  
humanum. Quid jus gentium & ci-  
vile, scriptum & non scriptum,  
publicum & privatum.*

I.

**S**icuti Lex ita Jus pro lege sum-  
ptum dividitur in Jus naturale  
& positivum. Naturale est,  
quod instinctu naturæ non constitutio-  
ne aliqua habetur. c. 7. Dist. 1. & defini-  
tur ab Aristotele s. Eth. c. 7. *Quod ubi-  
que eandem vim habet, & non quia vi-  
detur, aut non videtur*, id est, cujus  
obligatio oritur non ex arbitrio præci-  
pientis, sed ex natura rei, quæ cum ea-  
dem sit apud omnes, eandem quoque  
ubique, & apud omnes vim habet. Jus  
vero naturale triplex est, ut statuit S.  
Thom. 1. 2. q. 94. a. 2. secundum tripli-  
cem inclinationem quam habet homo  
ad bonum prosequendum, & malum vi-  
tandum. Primo inest homini inclinatio  
ad conservationem sui, tanquam ad bo-  
num

B 3



num secundum naturam, in qua communicat cum omnibus substantiis; *Omnis enim natura, ut ait Cicero l. 4. de fin. vult esse conservatrix sui, ut salva sit, & in genere conservetur suo* secundum hanc inclinationem juris sunt naturalis ea omnia perque *vita hominis conservatur & contrarium impeditur.* Et consentiunt Jurisconsulti, cum doceant *nihil tam naturale esse, quam eo genere quodq. dissolvere, quam quo colligatum est.* Ulpianus l. nihil tam naturale de reg. jur. Secundo inest homini inclinatio ad aliqua magis specialia secundum naturam, in qua communicat cum cæteris animalibus, & secundum hoc dicuntur ea esse de lege naturali, quæ natura omnia animalia docuit, ut est commixtio maris & fœminæ: & educatio liberorum & similia. Ita S. Thomas l. c. Et hoc sensu definitur Jus naturale ab Ulpiano: *Quod natura omnia animalia docuit l. 1. ff. de just. & jur.* adeoque jus sic acceptum nihil est aliud, quam instinctus naturæ sensitivæ, qui hominibus cum brutis est communis. Veruntamen hic brutorum instinctus abusivè dicitur jus naturale, cum non reguletur à ratione, à qua jus originem trahit; Atque

que inde est, quod bruta nullum habeant jus cum hominibus commune, tum quia non habent dominium in proprios actus, uti natura habet rationalis, tum quia si bruta à nobis impedirentur in in suis operationibus, fieret ipsis injuria, cum injustum sit impedire jus alterius. Tertio modo pergit S. Thomas l. c. *inest homini inclinatio ad bonum secundum naturam rationis, quæ est sibi propria*, & ex hoc profluit jus naturale proprie dictum, de quo Cajus Jurisconsultus l. omnes populi ff. de just. & jur. *Quod vero naturalis ratio inter omnes homines constituit, id apud omnes peræque custoditur.* Propriæ ergo & formaliter inest jus naturale homini, quod nihil est aliud, quam recta ratio ab auctore naturæ ipsi indita, seu dictamen & conscientia præcipiens aliquid necessario faciendum vel non faciendum. Scite, ut solet, Seneca ad Lucilium Epist. 65. *Est ergo à DEO tamquam naturæ autore impressum inditumque cordibus nostris, per quod secundum dictamen rationis practicæ actus humanos liberos ad bonum justumque dirigimus.* Hujus juris præcepta sunt omnia practica dictamina naturaliter nota, non solum uni-

ver-

versalia illa : Malum esse fugiendum & bonum faciendum, sed etiam magis particularia in illis radicata, ut est in primis illud : *Quod tibi non vis fieri, alteri ne feceris*, seu ut Christus docet, *Matth. 7. v. 12. Omnia quaecumq; vultis, ut faciant vobis homines, & vos facite illis*; Hoc enim complectitur præcepta secundæ tabulæ Decalogi, & quæ ex iis per consequentiam naturalem deducuntur ; Ideo S. Augustinus in Psal. 57. *Nullus est, qui sola natura duce non asserat, nolle accedi ab altero ad uxorem suam, sibi furtum fieri, & qui velit injuriam pati, cui non displiceat, panem sibi negari esurienti, peregrinum non suscipi, dictareque rationem naturalem, ut eadem aliis vel non faciamus mala, vel bona præstemus.*

Jus illud naturale est immutabile ex natura sua, & si quæ mutatio fiat in iis, quæ juris sunt naturalis, hæc non provenit ex eo, quod ipsum jus naturale per dispensationem aliquam vel abrogationem in se mutetur, sed quod objectum ob supervenientem circumstantiam extrahatur è numero eorum, quæ juris erant naturalis ; Sic reddere depositum juris est naturalis, nunquam tamen de jure



jure fuit naturali furioso reddere ensem depositum.

2. Jus positivum sive lege positum, ut loquitur S. Thomas 5. *Eth. lect. 12.* secundum Aristotelem 5. *Eth. c. 7.* est:

*Quod ab initio* (nimirum ante legem latam) *hæc an illo modo fiat, nihil refert: cum autem positum fuerit, refert*, id est quod non ex natura rei, sed ex libera DEI vel hominis voluntate pender.

Hinc deducitur 1. Ea quæ sunt contra jus positivum, mala esse quia prohibita; quæ vero sunt contra jus naturale, prohiberi quia in se mala sunt. 2. Apud diversas gentes, diversa esse jura positiva. 3. Pro temporum varietate variari quoque hæc jura posse, cum enim Principis arbitratu posita sint, ejusdem quoque voluntate mutari aut tolli poterunt, si Reip. expedire judicaverit.

Dividitur jus positivum in Divinum & humanum. Divinum est, ut inquit S. Tho. 2. 2. q. 57. a. 3. *ad 3.* quod divinitus promulgatur, hoc est, quod DEUS vel Christus statuit, & per se vel per ministros, puta Angelos, Moysen, & Apostolos promulgavit. Hoc subdividitur in vetus & novum; Vetus est, quod DEUS in veteri Testamento Judæis tulit, & per Angelos acceptum Moyses  
tan-

tanquam Præco DEI primus promulgavit *c. Moyses 1. Dist. 7.* Hoc triplicis generis præcepta continebat : *Moralia* ad formandos mores, ut sunt præcepta Decalogi *Exod. 20.* *Ceremonialia* de rebus ad divinum cultum spectantibus contenta in libro Levitici *c. 1. & seq.* *Judicialia* de rebus civilibus & politicis consignata in libro Exodi *c. 21. & seqq.*

Jus divinum positivum novum est, quod Christus in novo Testamento condidit, & tum ipse tum ejus Apostoli ex ore Magistri sui promulgarunt. Quæ vero iidem Apostoli tanquam Rectores Ecclesiæ statuerunt, ad jus humanum pertinent, ut sunt : Canones Apostolorum, Decreta de jejunio quadragesimali, celebratione diei Dominicæ & similia. Hoc jus nunquam abrogabitur per aliud novum *Jerem. 32. v. 40.* quia hoc salvare potest in sempiternum. *Hebr. 10.* quod non poterat vetus, & ideo antiquatum est ; Nam translato Sacerdotio necesse fuit, ut legis translatio fieret *Hebr. c. 7. v. 12.*

3. Jus humanum, quod humano arbitrato conditum, dividitur in sæculare, quod auctoritate Principis vel Magistratus sæcularis, & Ecclesiasticum, quod auctoritate Ecclesiæ est latum. Sæcu-

lare

lare subdividitur in Jus gentium & Civile c. 6. Dist. 1. Jus gentium dicitur quia *cojure omnes fere gentes utuntur.* c. 9. Dist. 1. & est quod usu & moribus introductum *apud omnes*, aut fere omnes *populos peraeque custoditur & observatur.* *Inst. de Jur. nat. gent. & civ. §. Jus autem gentium.* Hoc jure introductæ sunt rerum & dominiorum divisiones & obligationes. l. 5. ff. de *Just. & Jur. foedera*, servitutes captorum justo bello, Legatorum non violandorum religio, & similia *Instit. l. c. c. Jus gentium dist. 1.* Quamvis jus illud utpote humanum ex parte abrogari possit, ut defacto abrogatum est, quod Christiani capti à Christianis in bello justo mancipia fiant, fieri tamen moraliter non potest, ut totum eliminetur, quia ad hoc requireretur consensus omnium, aut ferè omnium Nationum; Nec ut fiat expedit ob gravissima incommoda & mala, quæ inde orirentur, si v. g. rerum divisio tolleretur.

Differt vero jus gentium à naturali in multis: Jus enim naturale obligat ex natura rei, non arbitrio tantum recipientis. Est penitus immutabile, imo de ipso nec DEUS judicat, sed *per ipsum judicat qui judicat.* S. Aug. de ver. relig. c. 31. Est tempore primum, quia  
coz-

coævum ipsi naturæ hominis ; Rectè intellectum idem est apud omnes. E contrario jus gentium non obligat nisi ex arbitrio hominum ; Potest hominum arbitrio, si non plane tolli, saltem minui. Non prius condi cœpit quam homines multiplicarentur super terram. Nec est ubique idem.

4. Jus civile communiter nunc usurpatur pro omni jure, quod à sæculari potestate constituitur ; Cæterum dicitur id *quod quisque populus vel quævis civitas sibi proprium constituit. c. 8. dist. 1.* Unde aliud est Atheniense, aliud Lacedæmoniorum, aliud Romanorum, quod per Antonomasiam Jus commune & Civile appellatur §. *Sed jus quidem Inst. de jur. nat. &c.* quia potissima & principalior pars juris est Romanorum, ideoque dicitur etiam Jus Quiritum, quia Romani Quirites vocabantur *c. 1. Dist. 1.* vel à Romulo Quiricio, sic dicto ab ingenti ejus hasta, quæ Sabinorum lingua Quiris dicebatur *Glos. Inst. de jur. nat. §. Sed jus* vel quod sic à Curibus Sabinorum urbe appellati sint. *Liv. l. 1.*

Efficitur hoc jus cum juri naturali vel gentium aliquid additur vel detrahatur. *l. 6. ff. de just. & jur.* Sic v. g. præscribit jus gentium fontes esse puniendos,

dos, sed cum non præscribat quo genere poenæ, addit & determinat id Jus civile, ut latro gladio, fur laqueo puniatur. Similiter præscribit Jus gentium pacta esse servanda, huic detrahit Jus civile, dum statuit pupillum non obligari ad servandam promissionem ab eo factam ob ætatis fragilitatem.

Dividitur Jus civile in scriptum & non scriptum seu Consuetudinem ut innuitur à Gajo *l. omnes populi ff. de Just. & jar. Instit. de jur. natur. tit. 2. §. Jus autem civile* Jus non scriptum seu consuetudinarium est Jus ex usu & praxi veniens approbatum, vel: *Jus diuturnis utentium moribus introductum. Instit. l. c. §. sine scripto.* Sive illud in scripturam postmodum redigatur, ut jura feudorum, sive non: Non enim desinunt esse consuetudines, quod in scripturam referantur. Dividi potest in generale, quod ubique in Imperio Romano servatur, ut est jus feudorum & in speciale, quod in certa Provincia vel civitate est introductum.

Scriptum dicitur, non quod literis sit consignatum, sed quod præscriptum sit & sancitum; Sicuti nec leges à legendis legum tabulis dictæ sunt, id enim magis conservandæ memoriæ causa fit, quam quod sit de legis essentia, ut bene advertit

tit Ant. Augustinus in lib. de leg. c. 1. in fin. Itaque jus scriptum est, quod auctoritate publicâ sancitum & omnibus subditis præscriptum est, licet inscriptum non sit relatum. Jus vero non scriptum est, quod non est auctoritate publicâ expresse præscriptum, sed moribus solum utentium receptum, & tacitè comprobatum est, licet id postea literis consignetur.

Jus scriptum dividitur in commune & particulare. Commune dicimus totum illud, quo Imperium Romanum cum capite suo ac omnibus membris regitur. Particulare vero appellamus primò Jus militare, quod ad militarem disciplinam spectat ff. de re milit. C. de offic. mil. Jud. de militari testam. Jus municipale, quod ligat solum subditos loci; Paternum, quod Pater habet ad filium; Hærilè quod Dominus ad servum, & Oeconomicum, quod vir ad Uxorem habet: S. Thom. 2. 2. q. 57. a. 4. Præterea jus particulare vocamus statuta, quæ à Collegiis, Mercatoribus, Campforibus fiunt, & illos tantum obligant, Bart. in l. 9. n. 2. 6. 7. de just. & jur. Demum mutuum etiam consensum duarum privatarum personarum in privato contractu factum, appellare possumus jus particulare, nam talis consensus sufficit

ficit ad jus aliquod inter duos constituen-  
dum. *S. Thom. l. c. a. 2.*

5. Jus commune iterum subdividi-  
tur in publicum & privatum. Publi-  
cum est, quod ad statum rei Romanæ  
spectat. *l. 1. §. 2. ff. de just. & jur.* & in tri-  
bus versatur: *Sacris, Sacerdotibus &*  
*Magistratibus. c. 1. dist. 1.* Sacra sunt,  
quæ DEO & ejus cultui consecrata sunt.  
*Festus l. 16.* Ut templa, indumenta Sacer-  
dotalia, Altaria, vasa aliaq; divinis mi-  
nisteriis inservientia. Spectant hæc ad  
jus publicum, quia res sacræ à Juristis  
dicuntur publicè consecratæ à Principe,  
vel ab eo potestatem habente, adeoque  
si quis privatus sibi sacrum constituerit,  
profanum erit. *l. 6. in tantum §. res autem sa-  
cræ. l. 9. sacra loca ff. de divis. rer. l. interdum  
ff. ut in poss. legat.* Per Sacerdotes hic in-  
telliguntur omnes, qui DEO & sacris  
vacant *l. non distinguemus §. Sacerdotio ff. de  
recept. Glos. in l. 1. de just & jur. v. Sacerdotes.*  
Hi quoque spectant ad jus publicum,  
quia pro populo preces DEO offerunt,  
& sunt mediatores inter DEUM & ho-  
minem *S. Tho. 3. p. q. 22. a. 4.* ideoque Sa-  
cerdotes dicuntur à Christo ad ministe-  
rium communis salutis electi. *c. Sape 12.  
q. 2. & communes omnium Patres ac  
Magistri c. quis. dist. 96.* Demum nomi-  
ne

ne Magistratuum intelliguntur personæ publicæ in principali dignitate constitutæ, pœnes quas est ordinaria Jurisdictio & merum imperium, ut deducitur ex *l. Eunff. de jurid. om. Jud.* Pertinent hæc ad jus publicum, quia publicæ utilitati potissimum intendunt condendo leges, jura reddendo subditis &c. Hoc jus continetur *lib. 1. ff. & C.* præsertim vero tribus libris posterioribus Codicis & aliquot Novellis. Cum vero Jus veteri Rep. mutatâ magnam quoque subierit mutationem, adeunda est hoc tempore Aurea Bulla Caroli IV. Capitulationes ac Recessus Imperii, in quibus Lex regia Germanorum continetur, ut ritè decidantur controversiæ de Imperatoris & Principum potestate.

Jus privatum est, quod ad singulorum hominum utilitatem principaliter spectat. *l. 1. §. hujus & seqq. de just. & jur.* Licet per accidens publicam etiam utilitatem respiciat, cum Reip. intersit locupletes habere subditos, & ne quis re sua male utatur. *Instit. §. fin. de his qui sunt sui vel alien. jur.* Tractat vero hoc jus de discrimine rerum & personarum, de contractibus, successionibus, Judiciis aliisque similibus. Dicitur quoque jus Cæsareum, quia à Romanis Imperatoribus  
latum



latum obligat omnes eorundem imperio subiectos, imo & sæpè alias in Europa Provincias, quæ in defectum proprii seu municipalis juris libere illud receperunt, ut de Castella testatur Molina tom. 2. de iust. & jur. Disp. 540. Continetur in corpore seu libris Imp. Justiniani prout capite sequenti videbimus.

#### C A P U T IV.

Quæ sint partes Juris Cæsarei.

*Jus Cæsareum in quot partes dividatur.*

*Quos libros contineant Digesta, Codex, Volumen, Institutiones, & quomodo citentur?*

##### I.

**I**us Cæsareum, quod partim à Romanis Imperatoribus institutum, partim eorum auctoritate collectum, & apptobatum est, in quatuor præcipuas partes dividitur, quæ sunt: *Digesta, Codex, Constitutiones, Novella & Instituta.* Prima ergo pars sunt.

*Digesta*, quæ Græci *Pandectas* vocant, id est, libros promiscua & multifaria continentes, tanquam omnerum ac doctrinarum genus complexos. quam

C

in scri-

inscriptionem inter illecebras, & magna promittentes numeravit Plinius, propter quas, ait, vadimonium deferi possit. His Pandectis septem & triginta Jurisconsulti symbolas contulerunt, ex quorum verbis & responsis Digestorum leges velut centones consarcinatae sunt. *Bud. in Pandec.* Cum enim antiquorum Juris interpretum commentaria in eam molem excrevissent, ut Jus confusum esset fermè omni sui parte, ejusque doctrina non solum difficilis, sed ferè etiam infinita videretur, ut dicitur §. *cumque hoc DEO Proæm. & Instit.* jussu & auctoritate Justiniani Augusti sedecim Jurisconsulti triennio duo librorum milia in quinquaginta contraxerunt digesseruntque, quorum viginti quatuor priores dicuntur *Digestum vetus*, quatuordecim sequentes vocantur *Infortiatum*, cujus vocis origo & significatio ignoratur; Reliqui duodecim appellantur *Digestum novum*; Hujus tamen distinctionis, uti & librorum ratio in legum allegatione nulla habetur; Citamus enim legem facilioris inventionis causa per ejusdem initium vel ordinem numeralem addito nomine *Digestis* vel *Pandectis* in ablativo & titulo in quo est

Lex

Lex hoc modo: *l. Si res mobilis Digestis de rei vindicatione* vel *l. 10. Digestis eodem.* Interdum additur §. Legis, quando Lex in paragraphos dividitur. Porro compendii causa Digesta latine notantur per simplex P. aut D. vel per geminum PP. aut DD. Græci vero per Π Pandectas notabant, quod deinde scribendi celeritas & abusus pervertit in geminum ff.

Secunda pars Juris Cæsarei vocatur *Codex* continetq; duodecim libros (quorum tamen tres ultimi substrictiore significatione ad tertiam partem spectant) qui continent collectas jussu ejusdem Justiniani leges & Constitutiones Imperatorum, quæ prius tribus Codicibus Gregoriano, Hermogeniano & Theodosiano continebantur, additis etiam aliorum retro Principum Constitutionibus Novellis, sic dictis, quod post memoratos tres Codices vel ab ipso Theodosio, vel ab aliis postea Principibus de novo conditæ essent, quæ etiam *Authentica*, id est certæ fidei dicuntur. Citantur vero leges ex Codice hoc modo: *l. Possessiones C. de probationibus*, id est lege, cujus initium est possessiones, quæ habetur in Codice sub titulo de probationibus.

36 *Partes & libri Juris Casarei.*

2. Tertia pars vocatur *Volumen* continetque inprimis tres ultimos libros Codicis. Præterea novem Collationes Novellarum seu Authenticarum Constitutionum, quæ post Codicem secundo (nam bis prodijt, sed prior editio non extat) à Justiniano editum & revisum (qui *Repetita prælectionis* dicitur. C. de emendatione Codicis §. supradictis, jamque in Scholis usurpatur) promulgatæ sunt, in quibus collationes sunt veluti distinctiones totidem librorum, ipsi vero tituli appellantur *Novellæ*. His deinde adjunctæ sunt *Consuetudines feudales* ex moribus Longobardicis, & quibusdam Imperatorum præsertim Germanorum constitutionibus desumptæ. Vulgo duo libri feudales circumferuntur, sed optima est Cujatii editio in quinque libros distributa. Accesserunt quoque *Constitutiones Friderici* Imp. in favorem Ecclesiæ. Item *Extravagantes Henrici* sub duplici titulo comprehensæ: *Læse majestatis & Rebellionis*. Denique *de pace Constantiæ*, quæ irrita fuit inter Fridericum Imp. & Henricum ejus Filium, & quosdam populos Lombardiæ, Marchiæ, & Romandiolæ, ac Nobiles Alemanniæ. Allegantur autem pro

diversis partibus hoc modo : *l. fortissimis militibus. C. de militari veste lib. 12.*

*Item Authent. vel Novel. de appellationibus 23. & Sancimus Coll. 4.*

Quartam denique partem Juris Cæsarei constituunt : *Quatuor libri Institutionum*, in quibus totum Jus Cæsareum quasi in compendium redactum est, & præcipuè traduntur ejus principia & elementa. Citantur vero hoc modo : *Instit. de rerum divisione §. Item si quis.*

## C A P U T V.

### Quid Jus Canonicum & ejus Excellentia.

*Juris Canonici varia appellationes.  
Definitio. Præstantia.*

#### I.

**D**ivisimus supra *Cap. 3. n. 3.* Jus humanum in sæculare & Ecclesiasticum. De juris sæcularis divisione ejusque partibus actum est duobus capitibus præcedentibus, nunc porro de Jure Ecclesiæ (qui est scopus noster primarius) agendum erit, ac primo hoc capite disquirendum occurrit, quid sit Jus Ecclesiasticum, & quæ ejus præstantia.

Juris Ecclesiastici variæ sunt appellationes. I. Dicitur *Canonicum* à Græco *Κανών*, id est, regula c. 1. dist. 3. quod normam rectè vivendi præbeat c. 2. dist. 3. II. *Pontificium*, ab ejus auctoribus. III. *Ecclesiasticū* ab Ecclesia quam dirigit. IV. *Sacrum* à materia, quæ vel sacra est, vel ad finem sacrum dirigitur. V. *Divinum* c. 2. de Priv. in 6. non quod immediatè à DEO conditum sit, sed quia vel continet quædam excerpta ex Sacris literis, & in Conciliis repetita, vel quia Canones instinctu & dono Spiritus sancti dictati sunt. Can. 5. can. 25. q. 1. vel quia sunt conclusiones deductæ ex principiis legis Divinæ c. 24. de accus. vel denique quia ab eo conditum est, qui immediate ab ipso Christo ligandi potestatem accepit. Matth. 16. v. 19. ut colligitur ex cap. 3. de Const.

2. Definiri potest Jus Canonicum: *Regula rectè vivendi à summis Pontificibus constituta vel approbata, qua fideles ad spirituale bonum diriguntur.* Dicitur I. *Regula* id est complexio Canonum, præceptorum & statutorum, quæ jus constituit. Glos. v. aliorum in c. 2. dist. 4. Dicitur 2. *Rectè vivendi*, quia normam rectè vivendi præbet, & distor-

flortum pravumque corrigit. *Can. 2. dist. 4. junct. Glos. V. regula.* Dicitur 3. *à summis Pontificibus*, quia hi soli tanquam supremi Legislatores jus dicere in tota Ecclesia, & universales leges pro ea condere possunt. Dicitur 4. *Constituta*, id est, lata & legitime promulgata per Decretales Epistolas, Rescripta & Constitutiones. Dicitur 5. *Vel approbata*, quia sunt quædam in jure Canonico desumpta ex Decretis Conciliorum seu generalium seu Provincialium, ex placitis Principum sæcularium, & ex sententiis SS. Patrum, quibus nisi accedat auctoritas & approbatio Summi Pontificis vim Regulæ & Legis in tota Ecclesia non habent. Dicitur 6. *Qua fideles*, quia qui extra Ecclesiam sunt, regulariter huic regulæ & juri non subijciuntur; Hinc Apostolus 1. *ad Cor. 5. v. 12.* inquit: *Quid mihi de iis, qui foris sunt judicare?* Ideoque Judæi & Pagani non sunt coercendi pœnis spiritualibus, licet corporalibus subijci possint, si quæ prohibita illis, aut in opprobrium Christianæ Religionis faciant. *c. 15. de Judæis.* Dicitur 7. *Ad spirituale bonum*, hic finis est regulæ Ecclesiasticæ seu Juris Canonici, quia præcipue spectat, Justitiam & Religionem  
in

in ordine ad DEUM & felicitatem supernaturalem.

3. Ex his colligitur Excellentia Juris Canonici, quodque præstet in multis Juri civili; Præstat enim I. Origine, quia manat ab ipso Christo, & à potestate merè spirituali Petro ejusque in Apostolica Sede Successoribus immediate à Christo communicata. II. Universalitate, quia obligat omnes Christi fideles totius mundi. *c. 1. de Const. c. 4. de Major. & obed.* Totus enim orbis terrarum subest Conditoribus hujus Juris, Christo nimirum ejusque in terra Vicariis. *c. 16. 17. 18. 21. caus. 9. q. 3.* III. Materia, remota sunt personæ & res Sacræ ac spirituales, proxima actiones hominis Christiani. IV. Fine qui est spiritualis, per se enim spectat proximè Justitiam Christianam, remotè vitam æternam. At vero Jus civile promanat primò à potestate prorsus sæculari à populo in Principes translata; Sumpsit enim initium à legibus quibusdam curiatis & 12. Tabularum edictis Prætorum ac Constitutionibus Imperatorum. *l. 2. ff. de orig. jur.* 2. Obligat nisi unam tantum Provinciam, Nationem aut Regnum. 3. Materia est profana, quia profanæ sunt res, personæ & actiones circa quas versatur.

4. Fi-



4. Finis illius est temporalis, qui spectat solum Justitiam legalem, quietem Reip. temporalem, & felicitatem naturalem. Accedit, quod principia & regulas quasdam à Jure civili factas Canones Ecclesiæ vel corrigant, vel non admittant: Ut sunt.

I. Quæ rebus vel personis officiunt. *c. fin. de immun. Eccl. in 6. c. 1. de Jure ju. in 6. & c. 1. de consuet.* II. Quæ statuunt aliquid ex se de

personis aut rebus Ecclesiæ, licet id Ecclesiæ commodum & favorem respiciat.

*c. 10. de Const.* III. Quæ decernunt aliquid in materia meræ spirituali, ut est Sacramentorum, voti, juramenti &c. *c. 10. & 11. dist. 96.* IV. Quæ sunt bonis moribus adversantia, & absque peccato exequi non licet v. g. Licitum esse

concubinatum, usuram, malæ fidei præscriptionem. Hæc aliaque similia, licet jus civile permittat, meritò tamen Canones abominantur: Cum enim leges civiles præcipuè intendunt vitæ civilis commoditatem, civium pacem & litium detestationem, ideo multa sæpè permittunt aut etiam præscribunt, quæ quidem

ad cives populosque tuendos faciunt, à sincera tamen ratione aliena sunt. At verò cum Jus Canonicum præter Justitiam puritatem quoque conscientiæ intendat, non permittit, ut vel in minimo à rationis præscripto discedatur.

4.

4. Quamvis autem tanta sit præstantia Juris Canonici, admittit tamen Principum sæcularium Constitutiones, non tantum, ut ancillentur. *30. Andr. de nov. oper. nunciat. n. 2.* Sed etiam ut Sanctiones Canonicae Juris civilis subtilitate decorentur. *Bald in Proæ. Decret.* Plurimum, namque Jus Sacrum Constitutionibus Principum adjuvatur. *c. 1. de nov. oper. nunci; c. 7. Dist. 10.* Imo multa Pontificum decreta ex legibus civilibus penè ad verbum desumpta sunt, ideoque leges civiles in foro etiam Ecclesiastico recipiuntur *c. 70. cau. 11. q. 3.* atque etiam in conscientia obligant secundum communem Doctorum Sententiam. *Laym. l. 1. Tract. 4. c. 8. n. 9.* Si justæ sint, nec Sacrae Scripturae, Canonibus & bonis moribus repugnantes. Quamobrem licet Religiosi professi ad audiendas leges, vel medicinam, nisi intra duos menses ad Clastrum redeant, excommunicati sunt. *c. 3. & 10. ne Cleric. vel Mon.* ne nimirum cum distractione vitæ Ecclesiasticæ involvant se iterum actionibus mundanis: *Omnimoda enim est illius officii, & istius habitus diversitas; illic enim quies, oratio, labor manuum; at hic causarum cognitio, conventiones, actus,*  
*publi-*


*publica litigia, & quacunque vel Ecclesiastica instituta, vel supplicantium necessitas poscit*, inquit Pelagius Papa; & habetur *c. 1. de presentium 16. q. 1.* Attamen communis est Canonistarum Sententia, non prohiberi Religiosis, & Clericis studium Juris civilis privatim intra Claustrum, sed laudabile esse diligentem illi operam navare ad sacros Canones recte intelligendos docendosque, & occurrentes conscientiae Casus dissolvendos *Laym. l. c.* Ideoque Petrus Diaconus electus Episcopus passus est à B. Gregorio repulsam propter ignorantiam rerum civilium & secularium. *Menoch. de arbitr. casu 425. n. 24.* Atque ipsa sacra Congregatio Concilii respondit deberi Clericis fructus Ecclesiae qui Juri Civili studuerint, dummodo illi operam dederint, causa addiscendi postea Jus Canonicum *Fagn. c. ult. de Cler. vel Mon. n. 33.*

Quinimo Jus Canonicum tam privatim quam publicè docere & addiscere posse Religiosos tradunt communiter DD. ad *cap. super specula, ne Cler. vel Mon. c. 1. eod. in 6.* etiam quoad eam partem quæ foro contentioso deservit; Quamvis Svaz *tom. 4. de Relig. tract. 10. l. 5. c. 4. n. 4.* existimet eam à Religiosis qui à strepitu forensi arcendi sunt, alienam esse. Verum

Verum Clericis & Religiosis non solum scire convenit, quæ per ipsos agenda sunt, sed in quibus etiam alios, qui causas forenses tractant, qua verbis, qua scriptis dirigere, & in sacro tribunali de eorum actis recte judicare possint. Præterquam quod multi Ordines Regulares jurisdictionem quoque habeant in foro externo, quam sine notitia Canonum, eorum vel maximè qui concernunt forum contentiosum, non æque bene exercere possunt. *Passer, de stat. & off. hom. q. 187. n. 1135.* Notat tamen Engel in *Proëm. de Jur. Can. n. 19.* ad majorem cautelam solere Universitate à S. Pontifice privilegium petere admittendi Clericos ad publicas legum Civilium lectiones, quale concessum esse ait Universitati Salisburgensi.

## C A P U T VI.

*Differentiæ Juris Canonici & Civilis, quæ Libro primo Decretalium occurrunt.*

Um Jus Canonicum, ut vidimus capite præcedente diversum principium, aliam materiam aliumque finem sibi præstitutum habeat, quam Jus civile, permultæ utriusque  
Juris

Juris differentia oriuntur, quas nonnulli auctores non inutili labore con-  
gesserunt, & commentariis suis expli-  
carunt, è quibus nos magis notatu di-  
gnas secundum ordinem Librorum &  
Titulorum Decretalium proponendas  
hic duximus, ut Juris utriusque Studiosi  
uno quasi obtutu videant, in quibus Jus  
Civile correctum sit à Canonico, & quæ  
leges Civiles è foro Ecclesiastico elimen-  
tur.

Tit. III.

1. Rescriptum Papæ seu Principis  
non extendit se ultra unam Diætam. *c. 11. de Rescrip. in 6.* Quod nulla lege Imperiali  
præscriptum reperitur. *Barb. in cit. c. 11.*

2. In quovis rescripto Papæ ad in-  
stantiam impetrantis concessio sub intel-  
ligi debet, licet non exprimatur, clausula:  
*Si preces veritate nitantur.* *c. 2. de Re-  
script.* Hæc vero jure civili expresse ap-  
ponenda est. *l. fin. C. de diver. rescrip.*

3. Rescriptum Papæ quod manife-  
stum in constructione errorem continet,  
invalidum est Jure Canonico *c. 11. de Re-  
script.* Non vero Rescriptum Imperato-  
ris juxta Jus Civile, *Bapt. à S. Blasio.*  
*n. 700.*

Tit. IV.

4. Per Jus civile Consuetudini ab-  
soluta

soluta tribuitur potentia abrogandi legem §. penult. *Inst. de jur. nat. & l. de quibus 33. in fin. ff. de leg.* Etiam generalem, si Consuetudo generalis sit, specialem vero, si sit specialis *Glos. in cit. §. penult. l. venditor ff. communia prædiorum*, non tamen divinam & naturalem §. *Sed naturalia Instit. de jur. nat.* Jure verò Canonico tribuitur vis mutandi & abrogandi leges positivas consuetudini solum rationabili & legitime præscriptæ. *c. fin. de Consued.*

## Tit. VI.

5. Jure civili Eligentes Abbatem jurare debent se electuros, quem sciunt idoneum. *Auth. de sanctis. Episc. c. 34. §. Jubemus igitur.* Jure vero Canonico hoc juramentum non requiritur sed alia triplex forma præscribitur. *c. 42. de Elect.*

## Tit. VIII.

6. Juxta Canones Archi-Episcopus cum Pallio sepeliendus est. *c. 2. de auct. & usu pallii.* Ne alii illo abutantur. Ac jure civili nulla sunt ornamenta cum corporibus sepulchro inferenda. *l. Si quis §. non autem ff. de Relig. & sump. fun. ne furi- bus detur ansa sepulchra spoliandi, vel videantur cum infidelibus credere mortuos victu, vestitu aliave re materiali indigere.* *Auban. de mor. gent. l. 2. c. 10. de Tartaris,*

Tit.

Tit. XIV.

7. Jure civili ordo sacer præter dignitatem Episcopalem non liberat à patria potestate quo ad temporalia. *Auth. Episcopalis C. de Episc. & Cler.* Jure vero Canonico quilibet ordo sacer liberat. *c. 3. de atat. & qualib.* De Episcopali dignitate constat ex *cap. 20. dist. 54.* Et cum dignitas patritiatus solvat jus patriæ potestatis, multo magis id faciet Sacerdotium & quilibet ordo sacer. *Glos. in cit. c. 3. v. qui seipsos.*

8. Jure civili olim permittebatur consuetudo accipiendi certam pecuniæ summam pro collatione sacrorum Ordinum *Auth. de Sanctis. Episc. c. 3. Si quis autem.* At jure Canonico nec Episcopo, nec Tabellioni quicquam accipere licet. *c. 4. cau. 1. q. 2. Trid. Sess. 21. c. 1. de reform.*

Tit. XVI.

9. Jure civili Rebaptizans & Rebaptizatus, si tamen piacularis criminis capax sit capite plectitur. *l. 2. C. Ne Sanct. Bapt. iter.* Secundum Canones vero poena Rebaptizantis scienter, vel per ignorantiam juris, est irregularitas; Si autem per ignorantiam facti Rebaptizarit excusari potest. Rebaptizatus vero licet ignoraverit se Baptizatum sit irregularis, nec promoveri potest. *c. Qui bis*

de

*de Conf. dist. 4. n. 1.* Si magna necessitas cogat; Si vero sciverit se baptizatum, & ex vitio aliquo Rebaptizetur, per septem annos pœniteat, quarta & sexta feria & tres quadragesimas jejundet; Si autem putaverit se magis mundari tribus annis pœniteat. *In c. Eos de consecr. dist. 4.* præcipitur, ut ex industria Rebaptizati usque ad finem vitæ in pœnitentia jaceant, nec orationi fidelium interfint, *Sylvester V. irregularitas.*

## Tit. XVII.

*10.* Jure Canonico nati ex damnato coitu non possunt eligi ad Prælationes aut Dignitates. *c. 1. de fil. Presb.* Possunt vero jure civili. *l. Spurii ff. de Decur. l. generaliter §. Spurios quoque eod.*

## Tit. XVIII.

*11.* Jure Canonico servus non tenetur præferre charitatem erga Dominum suum charitati propriæ. *c. Humanum Dist.*

*1.* Secus est jure civili. *l. 1. ff. ad S. C. Silanianum.* Hæc vero, dissonantia tollitur, si intelligantur hæc de debito gratitudinis erga Dominum, vel obligatione spontanea.

*12.* Jure Canonico in libertis Ecclesiæ multa specialia servantur. *c. de famulis Eccl. de Servis non ordin.* Quæ in jure civili non reperiuntur. *l. 38. ff. de oper. libert.*

## Tit.



Tit. XXIX.

13. Jure Canonico delegari possunt, quæ sunt meri & mixti Imperii *c. Quod sedem de offic. Jud. Ordin. c. In Archi-Episcopatu de Raptoribus. Non vero jure civili. l. 1. de offic. ejus cui mand. est jurisd. l. Imperium ff. de Jurisd. omn. Jud.*

14. Secundum leges per solam litis contestationem perpetuatur Jurisdictio Delegati *l. & quia ff. de jur. omn. Jud. Secundum Canones sufficit citatio, vel rescriptum. c. Gratum de offic. Deleg. c. Licet eod.*

15. Jure Canonico licet prorogari possit Jurisdictio Judicis ordinarii de persona in personam, non vero Jurisdictio Delegati. *c. P. & G. de offic. Deleg. Jure civili vero etiam Judicis Delegati jurisdictio prorogari potest. l. 1. & 2. ff. de Judicis.*

16. Jure Canonico causa civilis etiam ardua, ut est trecentorum aureorum delegari potest absque alia justa causa dummodo Judex non querat exonerare se malitiosè. *c. Pastoralis de offic. Delegati. Quod fieri non potest jure civili. l. Placet etiam Judic. C. de pedaneis Jud.*

17. Delegatio Jure civili etiam privato committi potest. *l. unic. Qui pro Jurisd. l. Prætor ff. de Jurisd. Id vero non so-*

let Jure Canonico. *c. Statutum de Rescrip. in 6.* Puta si delegatio fiat à Papa, vel ipsius Legato; Nam Episcopus delegare potest simplicem Clericum sibi subiectum. *Alex. in Rubr. de offic. ejus cui mand. est jurisd.*

18. Jure Canonico Judex appellationis potest delegare causam appellationis retenta sibi praelatione sententiæ. *c. super questionem 27. de offic. Deleg.* Non vero Jure civili. *Auth. Ad hæc C. de iudic.*

19. Secundum Canones Judex ordinarius cuique committere potest audientiam causarum. *c. Pastoralis 28. de offic. Deleg.* Secundum leges vero tantum Consiliariis suis seu Assessoribus Judiciis. *Auth. Ad hæc C. de iud. §. Cetera licet.*

20. Jure Canonico potest quis alteri delegare; quod non potest per se exercere. *c. Clerici Ne Cler. vel Monach. c. Sententiam eod.* Secus jure civili. *l. 1. §. Quis mandatum ff. de offic. ejus cui mand. est jurisd.*

21. Jure civili Delegatus non exequitur sententiam suam *l. A divo ff. de re jud.* intellige de Delegato non ab ipso Principe, sed ab inferiore. *l. properandam §. Sin autem junct. Glos. C. de Judiciis.* Nec potest quempiam in possessionem mittere. Jure vero Canonico hæc fieri possunt. *c. Suspicionis de offic. Deleg. c. Si quis de for. Comp.*

22. Jure

22. Jure civili quando causam alicui Delegatus committit, ad eum est appellandum. *l. un. C. qui pro sua jurisd.* At Jure Canonico id non fit, quando tota causa committitur alteri à Delegato. *c. Super questionum de offic. Deleg.*

Tit. XXXI.

23. Jure Canonico Episcopus in omni loco Diœcesis judicia exercere potest. *c. Cum Episcopus de offic. Ord. in 6.* At Jure civili Judex ordinarius id potest solum in loco majorum suorum. *l. pen. ff. de just. & jur.*

24. Jure civili Legatî seu Præsides Principum, cum mittuntur ad Provincias, vivere debent de rebus Fiscî vel Imperatoris. *Auth. ut nulli judicium.* Jure Canonico vero missi à Papa suscipi & ali debent à Provinciis ad quas mittuntur; Nam procuratio illis debetur. *c. Accedentes de præscript. c. Super eo de Cens. Trid. Sess. 24. c. 3. de Reform.*

Tit. XXXV.

25. Jure Canonico pactum nudum obligationem & actionem parit. *c. 1. & 2. de pact.* Non vero Jure civili. *l. iuris gentium ff. de pact. l. Legem C. eod.*

26. Jure Canonico alter alteri stipulari potest. *c. Quoties oculus cordis. 1. q. 7. & arg. c. juramenti 22. q. 4.* Non vero Jure

## 52 *Differentia Juris Civilis*

civili saltem regulariter *l. Stipulatio ita §. alteri ff. de verb. oblig. & Instit. de inutil. stipul. §. Si quis alii.*

27. In Jure Canonico non habet locum pœnitentia in contractibus innotatis. *Gios. in c. Cum inter de Elect. c. 1. & 3. de pact.* Habet tamen Jure civili. *l. Si pecuniam de condict. causa data.*

28. Jure Canonico valet pactum juratum de non succedendo in hæreditate recipientis pactum. *c. 2. de pact. in 6.* Secus jure civili *l. pactum C. de Collatio.*

### Tit. XXXVI.

29. Jure civili permittitur transigere de criminibus inferentibus pœnam sanguinis, excepto adulterio; De aliis non licet transigere excepto crimine falsi. *l. transigere c. de Transact.* Sed Jure Canonico non licet in causa Spirituali desistere. *c. fin. de rescript. & c. fin. 2. q. 3. §. in omnibus.* Nec de ulla re spirituali vel illi annexis interveniente aliquo temporali transigere licet. *c. præterea c. Constitutus. c. Super eo. c. fin. de transact.*

### Tit. XXXVIII.

30. Jure Canonico Prælatus Ecclesiasticus potest Procuratorem constituere in causa Ecclesiæ suæ etiam ante litis contestationem *c. Petitio de Procur.* Jure civili non potest, nisi post litem contestatam

statam ad instar Tutoris vel Curatoris.  
*l. Neque Tutores C. eod. c. Edoceri de Rescrip.*

31. Jure Canonico mulier esse potest Procuratrix. *c. Cum dilectæ de conf. utili vel inut.* Jure civili non potest. *l. cum Prator ff. de Judic.*

32. Jure Canonico infamis esse non potest Procurator. *c. Imperatorum de juram. calum.* Jure civili potest §. ult. *Inst. de except.*

Tit. XL1.

33. Jure Canonico Ecclesia contra præscriptionem non restituitur. *c. Auditis de in integ. restit.* At Jure civili restituitur intra quadriennium à tempore completæ præscriptionis. *l. fin. C. de Sacros. Eccl.*

34. Jure Canonico Ecclesia in integrum restitui potest, etiam in præjudicium Laici: Idque coram Judice Ecclesiastico. *c. Causa restitutionis de in integ restit.* Jure civili autem semper adeundus est Judex illius, de cujus præjudicio agitur, etiamsi Ecclesia sit, quæ restitutionem petit. *l. 2. C. ubi & apud quem cogn: in int.*

35. Jure Canonico Ecclesia petere potest etiam post quadriennium in integrum restitutionem pro damno. *Glos. in c. 1. de rest. in integ.* Jure civili autem non

reperitur concedi ultra quadriennium.  
*l. fin. C. de temp. in integ. rest. petend.*

36. Jure Canonico in petenda restitutione in integrum per Procuratorem sufficit mandatum speciale, nec requiritur specialissimum. *c. Coram de restit. in integ.* Jure civili autem requiritur specialissimum, nimirum in tali causa contra talem DD. in *l. un. C. Etiam per Proc. caus. in integ.*

#### Tit. XLII.

37. Omnis cessio per Clericum in laico judicio Jure Canonico præsimitur simulata. *c. Ex parte de alien. Jud. mut. causa facta.* Secus est Jure civili, nisi aliter probetur de fraude vel simulatione. *l. per diversas. l. Ab Anastasio. C. Mandati.*

38. Jure Canonico singularis Successor, in quem facta est alienatio judicii mutandi causa conveniri potest coram Delegato ex rescripto impetrato contra alienantem tantum conscio & particeps fraudis Successore. *c. i. de alien. Jud. mut. caus.* At jure civili talis Successor coram suo tantum Judice, & non coram Delegato conveniri potest. *l. i. C. eod.*

#### Tit. XLIII.

39. Jure Canonico permissum est cum juramento compromittere. *c. Cum tem-*

*tempore c. Ex parte de Arbit. Non vero jure civili. Auth. Decernit jus novum, C. de Rec. Arbit.*

40. Jure Canonico valet compromissum in Judicem ut Arbitrum à partibus electum. *c. Cum tempore de Arbit. Secus jure civili. l. Sed si in servum §. Si quis Judex ff. de Rec. Arbit.*

41. Jure Canonico fœmina potest esse arbitra. *c. Dilecti filii. De arbit. Non vero jure civili. l. Pedius 7. ff. de Rec. Arbit. l. fin. C. eod.*

42. Jure civili arbiter, qui cognovit de causa suspicionis illa probata cognoscit etiam de principali. *l. fin. C. de Jud. Non ita jure Canonico. c. Suspensionis de offic. Jud. deleg. c. Cum dilectus de Arbit.*

43. Jure Canonico ex tribus arbitris uno absente requisito, alii duo procedunt, & valet sententia eorum. *c. fin. de arbit. in 6. Secus jure civili. l. 17. §. Celsus ff. de Rec. arbit.*

44. Jure Canonico sententia arbitri indistinctè per partes approbari potest & debet. *c. Per tuas 9. de Arb. Jure civili tantum quando compromissum fuit stipulatione confirmatum cum pœna adjecta. l. 2. ff. de Rec. arbit. l. cum antea C. eodem.*

## CAPUT VII.

Differentiæ in Libro secundo  
Decretalium occurrentes.

Tit. I.

I.

**I**ure civili non delegantur, quæ causæ cognitionem & decreti positionem desiderant, quæque Judicis officio expediuntur. *l. Nec quicquam §. ubi decretum ff. de offic. Procons. Secus Jure Canonico. c. Ad hæc de offic. Archi. c. Episcopum. 10. q. 1.*

2. Jus civile permittit Judici sæculari cognoscere causam Clerico & Laico communem. *l. omnes qui ubique cum Auth. subj. C. de Episc. & Cler. Quod Jus Canonikum non permittit. c. At si Clerici de Jud. & tot. Tit. de for. compet.*

3. Jure Canonico inquisitio est remedium ordinarium. *Abb. in rub. de Judic. Jure civili est extraordinarium. Bald. in l. 2. & l. Si maritus ff. de ad ult.*

4. Jure Canonico nec directè nec incidenter cognoscere potest Judex sæcularis de re spiritali. *c. Tuam de ord. cogn. c. Causam. c. Lator qui filii sint legi. Jure civili potest incidenter. l. quoties. C. de judic. l. Adite Præsidem C. de ordi. judi.*

5. Jus civile permittit, ut Judicis Ec-



Ecclesiastici negligentiam in causis spiritualibus suppleat Judex Laicus. *Auth. ut Cler. apud propr. Jud.* Id vero non tolerat Jus Canonicum. c. *Qualiter & quando de Judic.*

6. Jure civili eligenda est una actio, quoties plures ex eodem delicto concurrunt. l. *Senatus ff. de accus. l. Qui servum alienum ff. de oblig. & act. l. Nemo §. quoties ff. de reg. jur.* Secus jure Canonico. *Abbas in c. 2. Constitutus n. 2. & seq. De in integ. restit.*

7. Secundum leges potest Judex Laicus alium Judicem Laicum substituere in causa civili. l. 1. & 2. de *Jud.* Quod Canones non permittunt Clericis. c. *Si diligenti de fore comper.*

8. Jure civili Pater & Filius in Patria potestate constitutus lite contendere non possunt. l. *Lis nulla ff. de jud.* Jure vero Canonico non videtur id prohibitum. c. *Qualis condemnatio 2. q. 7.*

9. Jure civili filius familias in nulla causa regulariter esse potest in judicio absque consensu Patris l. 1. c. de *bon. mater. l. cum non solum §. necessitatem C. de bonis quæ liberis.* Jure Canonico autem cum agitur de spiritualibus, etiam minor viginti quinque annis absque consensu Patris in judicio esse potest. c. *Si annum de Jud. in 6.*

10. Jure

10. Jure Canonico non est necesse in libello exprimere nomen actionis. *c. Dilecti de jud. Secus jure civili l. 1. ff. de edendo, l. Edita C. eod.*

11. Jure civili, qui plures actiones in libello habet, unam eligere debet. *l. Non est novum ff. de act. empt. Jure Canonico autem plures simul exhibere potest. c. Querelam de Elect. c. Dilectus de Capell. Monach.*

12. Jure civili offerens se liti condemnatur, ac si possideret rem, quæ petitur *l. Is qui se obtulit 25. ff. de rei vind. Secus jure canonico. c. Ecclesia S. Mariæ 3. ut lite pendente.*

13. Jure civili non valet citatio, nisi assignetur terminus *l. 2. ff. Si quis in jus vocatus non jervit. Jure Canonico vero aliquando valet. c. Cum apparati de appell.*

14. Jure Canonico instantia judicii in causa principali non perit triennio vel biennio. *c. Venerabilis de jud. Secus jure civili. l. Properandum C. de iud. l. 1. c. ut inter certum tempus causa.*

15. Jure Canonico multa per denuntiationem Evangelicam expediuntur, quæ secundum leges omni remedio destituta sunt. *c. Novit de iud. c. Si peccaverit 2. q. 1.*

Tit. II.

16. Jus Canonicum indistinctè aufert Laicis potestatem de personis & rebus Ecclesiasticis disponendi; Contra Jus civile *Cod. de Sacros Eccl.*

17. Jurisdictio secundum leges civiles de persona in personam prorogari potest. *l. 1. ff. de jud.* Secundum Canones vero non prorogatur. *c. Significasti de foro competent.*

18. Jure civili cuilibet licitum est pro defensione rerum suarum occidere alium, si aliter rem suam defendere non possit. *l. 4. ff. ad leg. aquil. l. Furem nocturn. ff. ad l. Cornel. de Siciariis.* At jure Canonico Clericis id prohibetur. *c. Suscepimus de homic. & ibi Glos.*

19. Jure Canonico conveniri possunt malefactores, raptores, & invasores rerum Ecclesiæ tanquam Sacrilegi coram Judice Ecclesiastico. *c. cum sit de for. cop.* At jure civili actor forum rei sequitur. *l. Juris ordinem. c. De jurisd. om. jud. & l. seq. Nisi forte in eo casu. Auth. nulla commun. C. de Episc. & Cler.*

20. Jure civili qui contractum inicit à Judice civili illius loci, si ibi invenitur, citari potest, si autem non inveniat, mulctari, & omni remedio prætorio compelli, ut veniat. *l. Hares absens ff. de*

*ff. de Iudiciis.* At jure Canonico Judex loci contractus solum pronunciare potest; Si alibi reus existat, eo mittendus est. *c. Dilecti. c. Licet de for. compet.*

21. Jure civili delinquens sortitur forum loci, in quo deliquit non obstante aliquo privilegio. *Auth. Quia in Provincia c. ubi de crim. agere oport.* At Jure Canonico minor sortitur quidem forum delicti, sed major, ut Archi-Episcopus in gravioribus à solo Papa judicatur. *c. 1. de Raptor.*

22. Qui pacem Religionis turbant in judicio politico seu seculari conveniri & puniri possunt secundum Ordinationem Imperii. *In comit. August.* Secus Jure Canonico *tot. Tit. de for. compet.*

#### Tit. V.

23. Ille, qui vocatur ad judicium Jure civili viginti dierum gaudet induciis, quibus deliberet, cedatne an litiget. *Auth. offeratur c. de litis constet.* At jure Canonico arbitrariæ sunt induciæ deliberatoriæ. *c. Dilectus de Procur.*

#### Tit. VI.

24. Jure civili non potest procedi ad sententiam definitivam lite non contestata, nisi in causa appellationis *l. ult. §. illud c. de temp. appell.* At jure Canonico causæ matrimoniales de conservando  
ma-

matrimonio, & causæ electionum absq;  
litis contestatione tractantur. c. 1. & c.  
*Quoniam, ut lit. non contest.*

Tit. VII.

25. Jure civili Abbas in causa Monasterii jurat de calumnia in animam suam l. 2. §. *quod observari c. de jura propt. calum.* Jure Canonico autem jurare debet in animam majoris partis Conventus. c. *Præsentium de Testib. in 6. c. In pertractandis de juram. calum.*

26. Jure Canonico in Spiritualibus causis non juratur de calumnia, sed de veritate dicenda. c. *Literas de juram. calum.* Jure civili autem in omnibus causis etiam Spiritualibus de calumnia juratur. l. 1. c. *de jurej. propt. calum.*

27. Præter juramentum veritatis & calumniæ reperitur etiam Jure Canonico juramentum malitiæ. c. 1. & 2. *de juram. calum. in 6.* Quod non reperitur jure civili toto Tit. ff. & C. *de jurej. & juram. calum.*

28. Alienatio fundi dotalis aut donatio propter nuptias cum juramento per Uxorem vel maritum facta, Jure Canonico valet. c. *Cum contingat de jurejur. c. Licet mulieres eod. in 6.* Secus jure civili. l. *Non dubium C. de legib.*

29. Dif-

29. Difficultas jurantis, & majora negotia jure Canonico excusant à reatu perjurii. *c. B. Paulus. 22. q. 2. c. Brevi de jure j.* Secus de jure civili. *l. 2. c. de reb. creditis & jurejur.*

30. Jure Canonico perjurus in judicio infamis est, & à testimonio ferendo excluditur. *c. Quicumque 6. q. 1. c. Parvuli 22. q. 5.* Jure civili solum DEUM habet ultorem, nec punitur in hoc sæculo. *l. 2. C. de reb. creditis & jurejur.*

#### Tit. XII.

31. Jure Canonico Judex simul de possessorio & petitorio cognoscit & pronunciat. *c. 2. de caus. poss. propriet.* Jure civili autem prius de possessorio, quam proprietate agendum est. *l. Ordinarii C. de rei vind. l. Incerti C. de interd.*

#### Tit. XIII.

32. Jure civili bona, quæ nullius sunt, cedunt occupanti. *Instit. de rer. divis. §. fere igitur bestiae §. Item lapilli.* At jure Canonico in locis ab hoste occupatis, vel nemini attributis, non licet Dicecesin, vel jus Parochiæ constituere absque consensu Papæ. *c. cum causam de Testib.*

33. Jure civili non datur remedium recuperandæ possessionis, nisi adversus dejectorem, & qui vel mandavit,  
vel

vel ratam habuit dejectionem. *l. cum ad te ff. de vi & deviam. & l. si vi eod.* At jure Canonico latius patet adversus quemcunque ad quem res illicitè pervenit. *c. Cum dilectus, de ord. cogn. c. Sape, de restit. Spol. & c. Redintegranda 3. q. 1.*

34. Jure Canonico Spoliato possessione Ecclesiæ vel Beneficii non obest in petenda restitutione exceptio tituli non legitimi. *c. In literis, de restit. Spol.* Secus jure civili. *l. 2. §. quædam ff. de interd. sive extrac. actio.*

25. Jure civili rigor locum habet. *l. Si quis. C. unde vi.* Jure Canonico vero æquitas. *c. Ad hæc. De dolo & contum.*

36. Qui proponit exceptionem peremptoriam post fundatam intentionem Actoris, & in probatione illius deficit jure Canonico condemnatur Actori in expensas. *c. Finem litibus. De dolo & contum.* At jure civili condemnatio talis non fit, nisi in fine causæ, ubi victus victori in expensas condemnatur. *l. Properandum §. Sin autem C. de judic.*

Tit. XV.

37. Missus in possessionem in actione reali jure civili statim fit possessor. *l. Si quis emptionis §. Sed & si quis C. de præscript. 30. vel 40. an.* At jure Canonico est custos tantum rei, & non verus possessor,

essor, nisi post lapsum anni. *c. 1. de eo qui mittitur in possess. c. fin. de offic. Jud. ord in 6.*

38. Jure Canonico propter absentiam rei, & aliis quibusdam casibus fit sequestratio. *c. Ex literis, de dolo & contum. c. Dilectus de sequest. possess. & fruct. Secus jure civili. l. un. C. de prob. sequest.*

Tit. XVIII.

39. Jure Canonico admittitur positio negativa, quæ probari non potest, si Judici æquum videatur. *c. Statuimus de Confessis in 6. l. Actor. C. de probat. At jure civili illa tantum quæ probabilia sunt, poni debent. l. 2. §. Quod observari. C. de juram. calum.*

Tit. XX.

40. Jure civili unus testis, nullus testis. *l. Jurisj. C. de Test. At jure Canonico aliquando creditur dicto unius testis. c. Parvulos, de Confec. dist. 4. c. Nemo de simonia.*

41. Jure Canonico testes non absolute cogendi, sed monendi sunt ad testimonium perhibendum. *c. Super eo, de test. cog. c. Ex parte de test. & attest. Jure civili vero coguntur. l. Si quando. l. Quoniam C. de Test.*

42. Jure Canonico senes & valetudinarii compelluntur testimonium ferre propter peccatum, *c. Si qui Testium, de Test.*

Secus



Secus est jure civili. *c. Si testes. 4. q. 2. & 3. l. 8. ff. de Test.*

43. Jure Canonico criminosi à testificando repelluntur, sive damnati sint, sive non, dummodo probetur crimen. *c. Super eo de Test. cog. c. Testimonium de Test. & attest.* At jure civili non repelluntur nisi damnati sint de crimine. *l. Athletas. §. Calumninator ff. his qui notant. inf.*

44. Jure Canonico mulier in causis criminalibus regulariter testis esse non potest. *c. Mulierem 33. q. 5. c. Forum §. fin. de verb. signif.* Secus jure civili. *l. Ex eo ff. de Test.*

45. Jure civili parentes & liberi adversum se nec volentes ad testimonium admittendi sunt. *l. Parentes. C. de Test.* Secus jure Canonico. *c. Si testes. 4. q. 3.*

46. Jure Canonico etiam in causis criminalibus criminaliter intentatis potest alteri committi examinatio testium, sicut in civilibus. *c. Si qui testium. 8. de Test. c. Quoniam, de probat.* Secus jure civili. *l. Iudices & Auth. apud eloquentissimum c. de fid. instru.*

#### Tit. XXIV.

43. Jure Canonico non licet jurare per quaslibet creaturas, præterquam per membra DEI, *c. Si quis per capillum. 22. q. 1. l. Qui per salutem ff. de jure jur.*

E

48. Jure

48. Jure Canonico in criminalibus non defertur juramentum suppletorium probationis, sed reus auctore plene non probante absolvitur. *c. Tam literis, de test.* Jure civili defertur tale juramentum in criminalibus. *l. Bonæ fidei. l. 3. ff. de jurejur.*  
Tit. XXV.

49. Jure Canonico exceptio dilatoria excommunicationis in quacunque judicii parte opponi potest. *c. 12. de Except. c. Pia eod. in 6.* At jure civili non licet ullam exceptionem post litem contestetam proponere. *l. fin. c. de consor-tibus.*

## XXVI.

50. Jure civili malæ fidei possessor, postquam præscripsit, possidet: *l. Sicut in rem C. de præscr. 30. an. l. omnes eod.* At jure Canonico mala fides possessionem impedit, & præscriptionem. *c. fin. de præscript. c. Ius dictum, de verb. signif.*

51. Jure Canonico longa & longissima præscriptio non differunt, differunt tamen jure civili. *c. Dudum 31. de Dec. c. 1. de præsc. in 6. Auth. malæ fidei C. de præsc. longi temp.*

52. Jure civili Titulus & bona fides in præscriptione annorum 30. vel 40. non requiruntur. *l. Sicut in rem C. de præscr. 30. vel 40. an. & l. Omnes eodem.* At jure Canonico bona fides requiritur. *c. Si diligenti de præscript. & fin. eod.*

53. Ju-

53. Jure civili ad præscribendum bona fides ab initio tantum requiritur. *l. un. C. de usucap. transform.* At jure Canonico bona fides continuo est necessaria. *c. Quoniam omne. c. Vigilanti. c. Si diligenti. c. Veniens de præscrip.*

54. Interrupta semel per litis contestationem præscriptione, jure Canonico non procedit nova præscriptio. *c. fin. de præscrip. & R. Possessor malæ fid. de reg. jur. in. 6.* Secus est jure civili. *l. fin. C. de præscr. 30. vel 40. an.*

55. Lex 3. data à Zenone C. de quadrienn. præscr. jure civili locum habet etiam in rebus Ecclesiasticis ; Non vero jure Canonico. *c. Expedit. & c. Videntes 12. q. 1.*

56. Jure Canonico præscribenti cum bona fide datur exceptio & actio. *Andre. in reg. possess.* Jure civili etiam malæ fidei possessori exceptio permittitur, & insuper actio contra furem aut violentum possessorem. *l. Si quis emptionis §. Sed hæc C. de præscr. 30. vel 40. an.*

57. Jure Canonico non currit præscriptio tempore Prælati malè alienantis. *c. Si Sacerdotes 16. q. 3.* At jure civili statim currit præscriptio post alienationem. *Auth. Quas actiones. C. de Sacros. Eccl.*

58. Omnia jura habentia causam continuam vel discontinuam jure Cano-

nico contra Ecclesiam præscribuntur spatio 40. annorum. *c. De quarta, c. Vigilanti de præscript.* At jure civili in juribus non habentibus causam continuam, vel quasi, requiritur tempus cujus initii non extat memoria. *l. 2. ff. de aqua pluvi. c. 1. de præscr. in 6.*

59. Jure civili crimina seu actiones criminales viginti annorum spatio præscribuntur. *l. Querela, C. ad leg. Corn. de fals.* Secus jure Canonico. *Abbas in c. Licet causam de prob.*

60. Postliminio reversis jure civili datur rescissoria intra quadriennium. *Instit. de actio §. Rursus.* Jure Canonico non datur, quia eo tempore non datur præscriptio. *c. Prima actione 16. q. 3.*

#### Tit. XXVI.

61. Jure Canonico sententia lata contra matrimonium nunquam transit in rem judicatam, imo comperta veritate semper retractatur. *c. Lator. e. Tenor. c. Consanguinei, de sent. & re judic.* Secus jure civili, tota Tit. C. de execut. rei judic.

62. Jure civili concipitur sententia in personam Procuratoris vel eum qui producit. *l. 1. C. de sent. & interloc. om. jud. l. Si Procurator. ff. de doli mali & met. except.* Secus Jure Canonico. *c. Licet de probat. c. Querelam de Elect.*

63. Jure civili cum Judices discor-  
dant plurium sententia valet. *l. Duo ex  
tribus 39. ff. de re judic.* At jure Canonico  
conçors omnium sententia requiritur  
contra eum, qui est criminaliter damna-  
tus. *Si quis Episcopus 6. q. 4.*

64. Jure civili latâ sententiâ, quæ  
in rem judicatam transit, nemo auditur  
adversus illam. *l. 1. C. sententiam rescind.  
non posse.* Jure Canonico autem audi-  
tur quis favore matrimonii semiplene  
probata fraude per juramentum & unum  
testem. *c. Ex literis de in integ. restit. c. Quis-  
quis 4. q. 5.*

Tit. XXVIII.

Jure Canonico in notoriis non ser-  
vato juris ordine proceditur. *c. Vestra de  
cobabit. Cler. & mul. c. Cum sit Romana de  
appell.* Jure civili ordo & præscriptæ so-  
lennitates servandæ sunt. *l. Prolatam C. de  
sent. & interloc. om. Jud. l. Absentem C. de  
accusat.*

66. Jure Canonico Judex ordina-  
rius, ut suspectus recusari ex justa cau-  
sa potest. *c. Secundo requiris 41. §. Tertio  
postulas de appell. c. Cum speciali 61. eod. c. Si  
quis contra Clericum de foro camp.* Sed jure ci-  
vili associatur non recusatur. *l. Apertiffi-  
mi, cum Auth. Si vero contigerit C. de lud.*

67. Cum Judex delegatus recusatur

lege civili non est opus allegare causam suspicionis, nec probare *arg. l. Quia poterat ff. de Trebell.* At jure Canonico causa suspicionis coram arbitris proponenda & probanda est. *c. Suspicionis 39. de offic. deleg. c. Secundo requiris 41. de appell. c. Cum speciali 61. eod.*

68. Jus Canonicum revocationem sententiæ interlocutoriæ absolute & in omni casu, quo litigantes se gravatos existimant, indulget *c. Cum cessante de appell.* At jure civili interlocutoria, quæ præcipit aliquid dari vel restitui, vel non dari, non restitui, revocari non potest: Aliæ possunt revocari. *l. Ante sententiæ tempus C. quorum appell. non recip. l. 2. C. de Episc. aud.*

69. Jure Canonico appellare licet à quolibet gravamine. *c. Cum sit Romana. c. Bonæ memoriæ de appell.* Jure civili vero non nisi in certis causis & ipso jure expressis. *c. Pastoralis de appell.*

70. Jure Canonico omisso medio ad summum Pontificem appellare licet. *c. Dilecti filii 66. de appell. c. Si duobus eod.* Non vero jure civili appellari potest ad Principem omisso medio. *l. 1. ff. de appell. §. 3. l. Imperatores eod.*

71. Jure Canonico à sententia Episcopi appellari debet ad Metropolitanum vel Papam. *c. Duo simul, de offic. ord. c. Ad*

*Roma.*

*Romanam. 2. q. 6. Jure civili vero appellare licet ad Judicem sæcularem. Auth. Si quis litigantium C. de Episc. audient.*

72. Jure Canonico crimen confessus non potest appellare. *c. Cum speciali 61. de appell. Jure civili vero requiritur, ut etiam sit convictus l. observare, ubi Glos. C. Quorum appell. non recipiuntur.*

73. Jure Canonico appellatio non suspendit excommunicationem. *c. Præterea. c. Pastoralis de appell. Jure civili vero suspendit, ut aliud quodcunque judicatum. l. 1. ff. ad S. C. Turpi §. 11. l. fin. C. Si à non comp. Jud.*

## C A P U T VIII.

### Differentiæ in Libro tertio Decretalium occurrentes.

#### TIT. X.

##### I.

**I**N alienatione rerum immobilium Ecclesiæ alia solennitas jure Canonico, alia jure civili requiritur. *c. Sine exceptione 12. q. 2. Auth. Hoc jus porrectum. C. de sacr. Eccles.*

#### Tit. XVII.

2. Jure civili venditor præcise non tenetur dare rem venditam emptori, sed sufficit quod det interesse. *l. 1. ff. de act. emp.*

*emp. & vend. l. Si traditio C. eod.* At jure Canonico præcisè rem ipsam tradere tenetur secundum Hostiensem in *c. Cum Joannes de fid. instrum.*

3. Si quis emit rem aliquam mea pecunia, sed suo nomine jure civili habet jus in illa *l. Si ex ea pecunia C. de rei vindic. l. Qui vas ff. de furt.* At jure Canonico si res empta sit pecunia scœnebri vendi & restitui debet pecunia. *c. Cum tu de usur.* Idem est si aliena pecunia res empta sit. *c. Non est putanda. l. q. 1.*

#### Tit. XVIII.

4. Jure civili locator finito tempore locationis domum alii locare potest, etiam invito primo Conductore. *l. Ne cui C. de locato & cond.*

5. Jure civili Emphyteuta qui triennio Canonem non solvit expelli potest. *l. 2. C. de jure Emphyt.* At jure Canonico, qui duobus annis Canonem præstare negligit Emphyteusin amittit, permittitur tamen moræ purgatio. *c. Propter, de loc. & conduc.*

#### Tit. XXI.

6. Jure Canonico licitum est pignorrare bona Ecclesiæ sacra & Religiosa. *c. 1. de Pign.* Secus jure civili. *l. 3. C. Quæ res pign. oblig. poss.*

7. Jure civili fructus ex re pignorrata



rata extenuant sortem. *l. 1. & 2. C. de pig. act.* Sed in jure Canonico contrarium est in duobus casibus. *c. 1. de feud. c. Conquestus de usuris. c. Salubriter eod.*

Tit. XXV.

8. Jure Canonico ædificium ædificatum in solo alterius ex pecunia Ecclesiæ trahit ad se dominium soli favore Ecclesiæ. *c. Apostolicos. 12. q. 2.* Jure civili vero ædificium semper cedit solo. *l. Redemptores ff. de rei vendic. Instit. de rerum divis. §. Cum in suo.*

Tit. XXVI.

9. Jure Canonico, qui extremam voluntatem alterius dispositioni committit, non videtur decedere intestatus. *c. Cum tibi de Testam.* Secus jure civili. *l. Illa institutio ff. de hered. instit. l. Captatorias eod.*

10. Jure civili in testamento solenni septem requiruntur testes, in Codicillis regulariter quinque. *l. Hac consultißima C. de testam. & l. fin. C. de codicillis.* At jure Canonico in relictis ad pias causas sufficiunt duo vel tres testes. *c. Cum esses 10. c. Relatum de Testam.* Quod in omnibus locum habere asserunt nonnulli *Bart. 104.*

11. Jure Canonico in testamentis testes esse fœminæ possunt. *c. Quoriam. c. In literis, de test. & attest.* Non jure civili.  
*l. Ex*

1. *Ex eo* 18. ff. *de Test. i. Qui testamento. ff. Qui testam. fac. poss.* In causis vero civilibus & criminalibus adhiberi honestæ fæminæ possunt secundum Leges & Canones.

12. Jure Canonico Clerici de bonis propriis testari possunt. *c. Sint manifestæ* 12. q. 1. & *c. i. 5. ead.* At jure civili de quæsitis labore & industria sua non possunt testari, sed cedunt Ecclesiæ. *Auth. Licentiam C. de Episc.*

13. Jure Canonico usurarius manifestus non potest testari nisi prius præstita satisfactione de usuris ablati. *c. Quanquam, de usur. in 6.* At jure civili videtur posse testari. *tot. tit. ff. & C. de Testam. Inst. quib. permit. fac. testam.*

14. Jure Canonico non valet indistinctè legatum rei alienæ. *c. Filius de Testam.* At jure civili distinguitur. *l. Cum alienam C. de Legat. l. Si res obligata ff. de Legat.*

15. Jure Canonico Monachus in hæreditate sibi delata æquiparatur filio familias, ut Monasterium possit adire delatam hæreditatem Monacho, ejusque consensus non sit necessarius. *c. In præsentia, de prob. & l. Cum proponas C. de hæred. instit.* Sed jure civili videtur potius æquiparari Servo juxta dictam legem: *Cum proponas* Advertendum tamen, quod

quod cum Professio paupertatis incapaces reddat ad proprium quippiam sibi acquirendum, sed omnia Monasterio acquirantur, Monachum sic comparari servo, at quo ad modum filio familias assimilari. *l. ult. C. de bonis quæ.*

16. Jure civili hæres filius non implens voluntatem defuncti privatur hæreditate, salva tamen legitima. *l. fin. C. de fidei comm. Auth. Hoc amplius eod.* At jure Canonico privatur etiam legitima. *c. Sylvester II. q. I.*

16. Jure Canonico hæres tenetur ex delicto defuncti, licet ad eum nihil devenit ex delicto defuncti. *c. fin. de sepult. c. In literis de rapt. Secus jure civili. l. 1. C. Ex delict. defuncti l. In heredem ff. de calumn.*

18. Jure civili hæres qui facit inventarium non tenetur ultra vires hæreditatis. *l. Scimus C. de jure deliber.* Sicuti tenetur non conficiens inventarium. *Auth. de Hæred. & falcid. & fin. C. de jure delib.* At jure Canonico si inventarium confecerit, si non, non tenetur ultra vires hæreditatis. *c. In literis, de rapt. c. Tuos de usur.*

19. Jure Canonico pro legitima filiorum consequenda revocantur alienata per Parentes in fraudem liberorum, etiamsi alienatio facta sit ex causa onerosa,

rosa, puta venditionis vel permutatio-  
nis. *c. Raynutius de Testam.* Sed jure civili  
revocantur tantum alienata in fraudem  
ex causa lucrativa. *l. Nonusque adeo ff. Si à  
Parente quis fuer manu.*

## Tit. XXVII.

30. Jure civili mortuorum corpora  
extra civitatem ad sepulturam efferen-  
da sunt. *l. C. de relig. & sumpt. fun.* Sed  
jure Canonico fidelium defunctorum  
corpora non tantum in Urbe & Cœmi-  
terio, sed etiam in Ecclesia sepeliuntur  
*c. Cum gravia & c. seq. 13. q. 2.*

21. Lege civili non sunt ornamenta  
cum corporibus sepulchro inferenda.  
*l. Et si quis §. Non autem ff. de relig. & sumpt.  
funer.* At jure Canonico Patriarchæ &  
Archi-Episcopi cum Pallio sepeliuntur.  
*c. 2. de auct. & usu pall.*

## Tit. XXX.

22. Secundum leges fructus intelli-  
guntur & decimæ exhibentur deductis  
expensis. *l. fructus ff. soluto matrimo. l. à  
Domino §. fin. de hered. petit. & l. fundus §.  
ff. familiae Hercis.* At jure Canonico deci-  
mæ solvendæ sunt integræ de omnibus  
omnino fructibus nulla impensarum fa-  
cta deductione. *c. Cum homines, c. Non est  
in potestate c. Tuo nobis de decim.*

23. Jure civili fit mora non ex re,  
sed

sed ex persona, si interpellatus debitor congruo loco & tempore non solverit. *l. Mora ff. de verb. oblig.* At jure Canonico fit mora reipsa in tarda solutione decimarum. *c. Decimæ 16. q. 1. c. Cum homines, de decim.*

Tit. XXXII.

24. Secundum leges justa est causa divortii & solvitur matrimonium per votum continentiae ab altero conjugum factum §. *Distrahuntur Novell. Authent. De nupt.* At secundum Canones ejusmodi votum absque consensu comparis non est licitum *c. 1. & seqq. 33. 45. c. Ex publico de convers. conjug. c. Agathosa. 27. q. 2.*

Tit. XXXIV.

25. Jure civili impubes, aut filius familias sine Patris auctoritate voto non obligatur. *Si quis rem §. voto ff. de pollicit.* At jure Canonico votum ab impubere editum est validum & obligat. *c. Venientis de voto. c. Mulier 32. q. 2.*

Tit. XXXVI.

26. Jure Canonico dicitur locus Religiosus qui auctoritate Episcopi constructus aut consecratus est. *c. Adhæc, de Relig. dom. c. Nemo Ecclesiam de Cons. Dist. 1.* At jure civili Religiosus locus illatione mortuorum efficitur. *l. Cum in diversis & l. Locum ff. de relig. & sumpt.*

Tit.

## Tit. XXXVIII.

27. Jure civili Patronus Laicus Ecclesiæ indignum præsentans ea vice privatur jure suo *Auth. de sanctiss. Epis. coll. 9. cap. Si quis orat.* At jure Canonico Laicus non privatur. *c. Cum vos de offic. ord. c. Pastoralis de jure patron.* Privatur tamen persona Ecclesiastica indignum præsentans. *c. Cum in cunctis de elect.*

## Tit. XXXIX.

28. Secundum Canones imponens nova & insolita vectigalia privatur communione Ecclesiæ. *c. innovamus de cens. c. Paternarum 24. q. 3.* Secundum leges in exilium relegatur. *l. penult. C. Vectigal. nova institui non posse.*

## Tit. L.

29. Secundum Canones Clericis studium juris civilis prohibetur. *c. Super specula de privil.* Secundum leges vero omnibus id permissum est. *arg. l. Nec non §. Quod eis ff. Ex quibus causis major.*

## CAPUT IX.

Differentiæ quæ in Libro quarto Decretalium occurrunt.

## Tit. I.

## I.



X sponsalibus inter consanguineos contractis, licet nulla sint, oritur

oritur tamen impedimentum publicæ honestatis. *c. ad audientiam de sponsal.* Quod jure civili oriri non videtur. §. Si impossibilis *Instit. de in util. stipul.* quamvis id expresse decisum non reperiatur.

2. Ad sponsalium solutionem secundum leges sufficit unius tantum sponsi dissensus. *l. 1. C. de sponsal.* Non vero secundum Canones. *c. 2. de sponsal. c. de illis de despons. impub.*

3. Qui puellam nec dum septem annorum uxorem duxit, eamque conatus cognoscere, non tamen perfecit, non potest secundum Canones matrimonium contrahere cum consobrina. *c. juvenis de sponsal.* Id vero jure civili prohibitum non reperitur: *Bart. 110.*

4. Jure civili pubertas ex annorum numero æstimatur, qui in masculo est decimus quartus, fœmella duodecimus. *l. fin. C. quando tutor esse desin. Instit. quibus mod. tut. fin.* At jure Canonico ex habitu corporis & vigore naturæ desumitur. *c. Puberes. c. de illis c. fin. de despons. impub.*

5. Jure Canonico neque pœnæ, neque arrhæ promissio valet in matrimonio *c. Gemma. 29. de spons. & ibid. Gloss.* At jure civili arrhæ permittitur. *l. fin. C. Desponsal.* Non vero pœnæ promissio. *l. Titia 134. ff. de verb. oblig.* 6. Se-

6. Secundum Canones matrimonium metu in constantem virum cadente ipso jure nullum est. *c. Cum locum 14. & c. seq. de sponsal. c. Significavit De eo qui duxit in uxorem.* Jure vero civili valere videtur. *l. Si patre ff. De ritu nupt. l. Si mulier 21. ff. De eo quod metus causa.*

7. Matrimonium inter Tutorem & pupillam, cujus curam gessit, damnatur jure civili. *l. Tutor ff. de sponsal.* Permittitur vero jure Canonico. *DD. in cap. penult. de secund. nupt.*

8. Si incertum an maritus captus ab hostibus in vivis sit, jure civili potest mulier post quinquennium alteri nubere. *l. uxores 6. ff. De divort. Novell. 22. §. Sed etiam captivitatis.* At jure Canonico id non permittitur nisi certa sit de morte prioris mariti. *c. In presentia 19. De spons.*

9. Jure Canonico ad matrimonium contrahendum à valentibus loqui verba requiruntur, in cæteris consensus nutu declaratus sufficit *c. Tue de sponsal.* Jure civili vero sufficit consensus quomodocunque declaratus etiam inter valentes loqui *l. nuptias ff. De R. 1. l. cum fuerit ff. de condit. & demonstr.*

10. Jure civili præsumitur matrimonium inter cohabitantes simulque familiam tractantes. *l. in libera mulieris ff. de ritu*



*ritu nupt.* At jure Canonico non præsumitur matrimonium, sed necessaria omnino est solennitas nuptiarum. *c. Illud de præsumpt.*

11. Jure civili mulier rapta non est desponsanda raptori suo. *l. un. §. Sin autem C. de raptu Virg.* At jure Canonico id permittitur. *c. Accedens. de rapt.*

12. Secundum leges consensus Parentum requiritur ad filiorum matrimonium. *Instit. de Nuptiis init. l. Nec filium quidem famil. c. de nupt.* Non vero secundum Canones. *c. Cum apud De sponsal.*

13. Jure Canonico Pater invitam filiam maritare non potest. *c. 1. de despons. impub. c. cum locum. De sponsal.* Potest vero jure civili, nisi maritus persona sit indigna. *l. Sed quæ Patris ff. de sponsal.*

14. Jure civili non licet viro Uxorem verberare. *l. Consensu c. de repud.* Corrigere tamen potest. *c. Si quid alteri 7. q. 1.* At jure Canonico Clericis (de Laicis non exprimitur) permissum est Uxores suas custodire, ligare, verberibus & fame macerare *c. placuit, ut si 33. q. 2.*

15. Jure Canonico sententia in causa matrimonii sine scripto ferri potest. *c. Albericus 43. de Testib.* Non vero jure civili. *l. fin. C. de sententiis ex peric. recitandis.*

## Tit. IX.

16. Jure Canonico tam servus, quam liber recte matrimonium contrahunt. *c. 1. de conjug. Serv.* At jure civili nec inter servos, nec inter Servum & liberam est matrimonium, sed dicitur contubernium. *l. cum ancillis. C. de incest. nupt.*

## Tit. XIII.

17. Jure Canonico potest unius confessio, quod contrahentes sint affines matrimonium contrahendum impedire ad evitandum majus malum. *c. praterea 12. de sponsal.* At jure civili unius testimonio non creditur. *l. jurisjurandi. c. de Test.*

## Tit. XIV.

18. Ad probandam consanguinitatem Jure Canonico admittitur Testimonium de credulitate & auditu. *c. Quoties de Test. & attest.* Quod in jure civili non reperitur. *Bart. 39.*

19. In computatione graduum cognationis alia jure civili, alia jure Canonico gradatio servatur. *Bart. 96. Strein. Tit. 8. diff. 9.*

20. Jure civili affinitas contrahitur ex legitimis nuptiis etiam sine copula. *l. non facile §. affines ff. de grad. affin.* At jure Canonico ex sola copula, siue licita ea sit, siue illicita. *c. per tuas de probat. c. praterea de mulier de spons.*

Tit

Tit. XV.

21. Jure Canonico propter impotentiam, quæ impedit usum matrimonii, si de ea constet, solvitur matrimonium. in dubio triennium expectandum est. *c. Laudabilem §. de frig. & malefic.* At jure civili indifferenter triennii experientia sumenda est. *Novell. de nupt. c. 6.*

Tit. XVII.

22. Jure Canonico omnis viri fœminæque illegitima conjunctio prohibetur. *c. Tanta. qui fil. sint legit.* At jure civili Concubinatus quibusdam permittitur. *§. fin. Instit. De nupt. ff. de Concub.*

23. Jure Canonico per solum matrimonii contractum absque confectione instrumentorum dotalium legitimantur filii naturales eorum, inter quos tempore susceptæ prolis matrimonium esse poterat. *c. Tanta est. Qui fil. sint legit.* At jure civili ad effectum legitimæ filiorum naturalium confici quoque debent instrumenta dotalia. *§. fin. Instit. De nupt. c. Per venerabilem. Qui fil. sint legit.*

24. Jure Canonico filii legitimi censentur, qui ex matrimonio publicò & bona fide contracto saltem alterius Parentis nati sunt, licet revera matrimonium ob impedimentum nullum fuerit. *c. 2. & penult. Qui fil. sint leg.* At jure ci-

vili tales filii spurii habentur. *l. 3. C. solut. matrimon.*

25. Jure Canonico nati ex damnato coitu non possunt eligi ad honores & dignitates. *c. 1. de fil. Presbyt.* Secus est jure civili. *l. spurii ff. de Decur. l. generaliter §. Spurios posse eod.*

26. Jure Canonico non licet viro dimittere Uxorem suam excepta fornicationis causa. *c. Præceptum & c. Si uxorem 32. q. 5.* At jure civili pluribus ex causis repudium permittitur. *l. Consensu §. causas. c. De repud.*

27. Jure Canonico propter adulterium agitur tantum ad separationem thori, amissionem dotis & donatorum propter nuptias *c. Tue de procur.* non excludit tamen intrusionem in Monasterium. *c. Gaudeamus de convers Conjug.* Sed jure civili adulterium olim pœna sanguinis puniebatur. *l. Castitati. c. ad l. Jul. de adult.* Hodie adultera detruditur in Monasterium. *Auth. sed hodie. c. ad l. Jul. de adult.*

28. Jure Canonico maritus etiam post quinquennium de adulterio uxoris queri & agere potest ad separationem thori. *c. Admonere 33. q. 2.* At jure civili post lapsum quinquennium non auditur. *l. miles §. adulterii reum ff. de adult.*

Tit.

Tit. XXI.

29. Jure civili mulier intra annum latus transire ad secundas nuptias, idque sine pœna non potest. *l. 1. & 2. C. de secund. Nupt.* At jure Canonico statim marito mortuo alteri sine metu pœnæ nubere potest. *c. Super illa & c. fin. de secund. nupt.*

C A P U T X.

Differentiæ quæ in Libro quinto Decretalium occurrunt.

Tit. I.

I.

**I**ure civili accusare nemo invitatus tenetur. *l. un. C. ut nemo invitatus.* At jure Canonico Clerici coguntur ad denunciandum Sacerdotum scelera. *c. quapropter 2. q. 7. c. Canon. sam. Qui filii sint legit.*

2. Jure civili quoties ex eodem delicto plures actiones concurrunt, una erit eligenda. *l. Senatus ff. de accus. l. qui servum alienum ff. de oblig. & act. l. Nemo §. quoties ff. de R. l. 1.* Secus jure Canonico. *c. 2. & ult. de eo qui in uxor. dux.*

3. Jure Canonico jurisdictio delegati prorogari non potest de persona in personam. *c. P. & G. de offic. deleg.* Potest vero jure civili. *l. 1. & 2. ff. de judic.*

4. Jure civili Judex Laicus in causa civili

civili alium Judicem Laicum substituere potest. *l. 1 & 2 ff. de Judic.* Quod Jus Canonicum Clericis non permittit. *c. Si diligenti de for. compet.*

## Tit. VII.

5. Jure civili de hæresi cognoscere potest Judex sæcularis. *l. Quicumque C. de hæret.* At jure Canonico solus Episcopus vel Inquisitor. *c. ut officium inquisitionis de hæret. in 6.*

6. Jure Canonico bona hæreticorum publicantur, iisque filii privantur. *c. Vergentis 10. de hæret. c. Cum secundum eod. in 6.* Non vero jure civili. *l. cognovimus. C. de Hæret. Auth. Idem est de Nestorianis eod.*

## Tit. XII.

7. Jure civili cuilibet licet occidere alium pro defensione rerum suarum, si eas aliter defendere non possit. *l. 4. ad l. Aquil. l. Furem nocturnum ff. ad l. Corn. de Sicariis.* Quod jure Canonico Clericis prohibetur. *c. Suscepimus de homic. & ibi Gloss.*

8. Jure civili datur potestas Patri occidendi adulterum cum filia, & marito uxorem in adulterio deprehensam. *l. Patri 20. ff. de adult. l. Marito 24. eod.* At jure Canonico neutrum licet. *c. 1. de homicid.*

9. Jure Canonico omnes simul vulnerantes unum, si moriatur, censentur ho-

homicidæ, licet constet cujus ictu occisus sit. *c. Prasentium de Clerico Percussore. c. Sicut dignum de homic. volunt.* At jure civili solus ille, cujus ictu interiit, censeatur homicida. *l. Si in rixa ff. ad l. Cornel. de Sicar. l. Huic Scripturæ ff. ad l. Aquil.*

10. Jure Canonico vulnerans aliquem etiam in dubio, an ex eo vulnere is mortuus sit non potest in sacris ordinibus ministrare. *c. Ad audientiam 12. de homic.* At jure civili non tenetur tali casu vulnerans de occiso. *l. Huic Scripturæ §. Si servus ff. ad l. Aquil.*

11. Secundum Canones homicida Clericus deponendus, Laicus vero excommunicandus est. *c. Sicut dignum, de homicid.* Secundum leges vero aliter punitur. *l. Ejusdem ff. ad l. Cornel. de Sicar. l. un. C. de his, qui parent. vel liber. occid.*

12. Parricidæ aliam poenam jure civili quam Canonico incurrunt. *l. un. c. de his qui patr. vel liber. occidunt. l. pen. ff. ad Porm. de parric. c. Lectorem 33. q. 2. c. 1. & seqq. de his qui fil. occidunt.*

13. Jure civili punitur, qui causam dedit abortui, etiamsi fœtus non fuerit animatus. *l. 38. §. Qui abortianis ff. de pœn.* Jure Canonico aliter proceditur. *c. Sicut, de homic. c. Moyses 32. q. 2.*

Tit.

## Tit. XIII.

14. Jure Canonico hastiludia & torneamenta prohibentur. *c. 1. de torneam.* Jure civili vero tanquam felicitis populi studia permittuntur. *l. 1. C. de spectac.*

## Tit. XIV.

15. Jure civili licitum est res suas armis tueri etiam præveniando hostem. *l. 1. C. unde vi. l. 1. c. Quando liceat unicuique sine judicio se vindicare.* At jure Canonico non licet armis uti Clericis. *c. Ex multa, de voto;* nec iis tueri res suas. *c. 1. c. Quicumque 23. q. 8. c. Suscepimus de homic.*

## Tit. XVI.

16. Jure civili mulier non accusat virum de adulterio. *l. 1. C. adl. Jul. de adul. c. Apud misericordem §. publico 32. q. 1.* Videtur id autem posse jure Canonico. *c. Tue De Procur.*

17. Secundum leges adultera post quinquennium commissi criminis accusari à viro non potest. *l. miles 11. §. adulteri ff. de adult.* At secundum Canones potest etiam post plures annos postulare separationem thori. *c. admonere 33. q. 2.*

18. Jure civili stuprum est coitus prohibitus cum Virgine, Vidua, puero & muliere soluta. *l. Stuprum ff. de adult. l. 3. ff. de concubi.* At Jure Canonico stuprum proprie est Virginis defloratio. *c. Lex 36.*



q. 1. Licet quandoque etiam sumatur pro adulterio. c. Nemo 32. q. 4. c. Idololatria. 28. q. 1.

19. Jure civili fornicatio simplex videtur permiffa. l. 2. C. de donat. inter vir & uxo. l. In concubinato ff. de concubinis. At jure Canonico quælibet fornicatio dampnatur. c. Nemo 32. q. 4. c. de priori 31. de appell.

20. Jure Canonico Virginem corrupens dotabit eam & habebit uxorem. c. 1. de adult. Jure civili alia ponitur poena. §. 4. Instit. de publ. Jud.

Tit. XVII.

21. Jure Canonico raptus committitur tantum cum non desponsata. c. Cum causa de rapt. c. statutum 27. q. 2. Sed jure civili committitur etiam cum desponsata. l. 1. C. de rapt. Virg.

22. Jure Canonico Sacrilegus aliquando excommunicatione majore vel minore, aliquando poena pecuniaria punitur prout est delictum. c. Quisquis & alia 17. q. 4. Secundum leges vero poena Sacrilegorum capitalis est. l. Sacrilegii ff. ad l. Jul. peculatus & de Sacrilegiis.

23. Incendiariis alia poena constituta est per leges, alia per Canones l. Data opera C. de his qui accusare non possunt. c. Si quis domum de injur. c. Cum devotissimam 12. q. 2

Tit

## Tit. XVIII.

24. Jure Canonico tenetur quis furem manifestare, nec quicquam eo nomine accipere potest. *c. Qui cum fure, de furt.* Secus jure civili *l. Si obturpem ff. de condict. ob turp. caus. l. solent. ff. de præscr. verb.*

25. Jus Canonicum etiam animum furandi punit, jus civile non nisi opus externum regulariter loquendo. *c. Tres personas junct. Gloss. l. Vulgaris §. Qui furti ff. de furt.*

## Tit. XIX.

26. Jus Canonicum omnem usuram prohibet. *c. 3. 4. 5. 7. 10. de usur.* Jus civile aliquam permittit. *l. Ejus C. de usur. l. Placuit ff. eod.*

## Tit. XX.

27. Secundum Canones poena falsi multiplex est. *c. Ad falsarior. de crim. falsi.* Secundum leges in homine libero est deportatio, & omnium bonorum publicatio: in servo ultimum supplicium. *l. 1. §. fin. ff. de fals.*

28. Jure civili non punitur de falso, qui falsis instrumentis utitur, si poeniteat. *l. Si falsos C. ad l. Corn. de fals.* Secus Jure Canonico. *c. Dura, c. Ad falsarior de crimine fals.*

## Tit. XXI.

29. Sortes à jure civili pluribus modis

dis permittuntur. *l. Sed cum ambo ff. de judic.*  
Jure Canonico sortes divisoriae non permittuntur in electionibus ad dignitates & officia Ecclesiastica. *c. ult. de Sort.* licet in cæteris electionibus permittantur. At sortes consultoriae & divinatoriae omnino prohibentur. *c. sortes 26. q. 5.*

Tit. XXII.

30. De Jure civili non tenetur quis delicto obviare & alium defendere nisi sit subjectus potestati, ut filius, servus vasallus. *Glos. in l. Culpa caret ff. de Reg. Jur.*  
Jure Canonico omnes, qui possunt ad impediendum alterius delictum tenentur. *c. Dilecto de sent. excommunic. in 6. 23. q. 3. c. 7. & 8.*

Tit. XXVII.

31. Jus Canonicum solennem poenitentiam vel poenam pecuniariam imponit Blasphemis. *c. 2. de maledicis.* Jus civile poena mortis affici blasphemos jubet. *Non item ut non luxur. homines §. Et quoniam & seq.*

Tit. XXXVI.

32. Jure Canonico Actio injuriarum ad hæredes tranlit. *c. In literis de raptor.*  
Non item Jure civili *l. si eum §. qui l. injuriarum ff. si quis caution. in Jud. susten.*

Tit. XXXVII.

33. Promittens aliquid dare sub poena,

na, si partem non dederit, Jure civili ad totam pœnam obligatur. *l. In executione* 85. §. *Item si ita ff. de verb. oblig.* Secus jure Canonico. *c. suam de pœn.*

34. Aliæ pœnæ jure Canonico, aliæ jure civili infliguntur. *c. Sicut dist. 68. c. Placuit dist. 18. c. Adreprimendam de offic. ord. l. Si quis forte §. Nunc genera cum sequentibus ff. de pœn.* Pœnæ ex præscripto Canonum sunt: 1. Degradatio & Traditio Curiae sæculari. 2. Detrusio in Monasterium. 3. Depositio simplex. 4. Suspendio à divinis. 5. Excommunicatio. 6. Suspendio ad tempus. 7. Privatio officii temporalis tantum. 8. Privatio communionis tantum. 9. Pœnitentia. 10. Carcer sive temporalis sive perpetuus. 11. Traditio curiæ ad servitium. 12. Pœna verberum. 13. Relegatio ad triremes. Pœnæ à jure civili statutæ sunt: Damnum, exilium, vincula, verbera, talio, ignominia, servitus & mors.

35. Jure civili quodcunque crimen ad evitandam pœnam transactione finitur. *l. Transigere c. de transact.* Non vero jure Canonico si sit de rebus spiritualibus interveniente aliquo temporali. *c. Constitutus. c. Super eo. c. Præterea 10. de transact. tit. de Simon. & l. 9. 1. per tot.*

36. Sce-

36. Scelus contra naturam per Canones non punitur supplicio mortis. c. Clerici de excess. Prælat. c. Flagitia 32. q. 7. Secus secundum leges. l. Cum vir nubet in feminam. C. ad l. Jul. de adult. Auth. ut non luxuri. cont. nat. §. Præcipimus.

37. Incestus & adulterium aliter jure Canonico, quam civili punitur. c. Relegentes 23. q. 5. Auth. Sed hodie C. de adult.

38. Jure Canonico Monacham carnaliter cognoscens, si Clericus sit, depōnitur, si Laicus, excommunicatur. c. Si quis Episcopus. 27. q. 1. c. Si quis Sacerdos. 30. q. 1. Jure civili vero Laicus capitali pœna feritur. l. Si quis non dicam. C. de Episc. & Cler.

39. Malefici vel divinitatores alia pœna jure Canonico, alia civili plectuntur. c. Qui divinationes 26. q. 5. l. Nemo. l. Nullus C. de malef. & mathem.

40. Jure civili nemo debet in pœnam bullari, seu in fronte signari l. Si quis in metallum C. de pœn. At jus Canonicum id aliquando permittit. c. Ad audientiam de crim. falsi.

41. Convictus de libello famoso occulte exposito secundum leges capite punitur. l. un. C. de famo libel. Secundum Canones autem verberibus subijcitur. c. Qui in alterius & seq. 5. q. 1.

42. Jure

42. Jure Canonico Episcopum à propria sede ejiciens, vel comprehendens aut percutiens, vel qui contra sacras personas enormia committunt excommunicantur, & omnium bonorum confiscatione puniuntur. *c. Si quis deinceps* 17. q. 4. *c. Si quis rapuerit* 27. q. 1. At jure civili damnatorum bona hæredibus reservantur. *l. 1. §. de bon. damn.*

43. Jure civili nulla pœna ultra quadruplum excedere debet. §. *Omnes autem actiones. Instit. de action.* Secus jure Canonico *c. Quisquis* 17. q. 4. *c. Cum devotissimam.* 12. q. 2.

44. Desertori bellum aut fugienti jure Canonico pœna constituta est infamia. *c. Infames* 6. q. 1. Jure civili autem capitale supplicium. *l. Omne delictum §. Qui in acie ff. de re militari.*

## C A P U T XI.

### Origo & Incrementum Juris Canonici seu Canonum Ecclesiasticorum.

*Quatuor cœtus Apostolorum. Canonum & Constitutionum Apostolicarum auctoritas. De Codice Canonum. De collectione diversorum. De Decretis Burcardi*

*chardi Wormaciensis, Volumine Decretorum Ivonis Carnotensis, & Concordantia discordantium Canonum Gratiani. De compilatione prima, secunda, tertia, quarta & quinta, & de Decretalibus Gregorii IX. Libro sexto, Clementinis & Extravagantibus.*

## I.

**J**us Canonicum in ipsis statim primordiis nascentis Ecclesiæ condi cœpit. Apostoli enim post Ascensionem Domini quatuor præcipuè cœtus juxta glossam ordinariam in c. 1. Act. Apost. coëgisse in actibus Apostolicis leguntur, in quibus Religionis negotia tractarunt, & ea quæ Ecclesiæ regendæ utilia essent, constituerunt, Canonesque ab omnibus Christi fidelibus observandos consecrunt.

An vero hi cœtus dicendi sint Concilia Oecumenica, an particulares conventus, videtur de nomine potius, quam de re esse quæstio. Si enim spectetur materia, quæ agitabatur, dicenda erunt Concilia universalia, cum fidei negotium, quod in illis tractatum est, ad omnes Christianos spectet; Si autem convocatio attendatur, cum ea non fuerit omnibus, quorum intererat, indicta,

dicta ; particulares Conventus appellandi erunt. Poterant tamen pauci Apostoli , qui iis interfuerunt de fidei negotiis tuto statuere , cum peculiaribus Spiritus sancti donis & gratiis donati fuerint.

Primus ergo cœtus post Ascensionem Domini collectus fuit Hierosolymis anno Christi trigésimo quarto secundum Baronium , vel ut computat Philippus Labbè trigésimo tertio in domo Mariæ Matris Joannis , ubi congregatis Apostolis cum aliis ferè centum viginti suffectus est divina sorte Mathias in locum Judæ proditoris. *Act.* 1. 15. Præsedit huic cœtui S. Petrus ; Et licet plures congregati essent ex populo , hi tamen non habebant jus suffragii , sed tantum desideria sua , & virtutis testimonia depromebant.

Secundus cœtus habitus est quoque Hierosolymis anno à Nativitate Christi 34. vel secundum Labbé 33. post Spiritus sancti missionem , ob primam discordiam natam in Ecclesia ex eo , quod Græci , id est , Judæi in Græcia , vel Provinciis , ubi Græcè loquebantur , degentes ( nam gentilibus tum temporis ostium Ecclesiæ nondum patebat ) conquererentur de Hebræis , id est , indigenis



nis Palæstinis, quod viduæ eorum in quotidiano Ministerio, hoc est, servitio mensarum & eleemosynarum distributione negligerentur, neque his subveniretur, ut viduis hebræis *Act. 6. v. 1.* Quare cum æquum non esset Apostolos derelinquere verbum DEI, & ministrare mensis, concesserunt multitudini discipulorum jus præsentandi septem ad hoc ministerium idoneos, qui etiam ex hac concessione indultâ non vero ex jure *Bar. ad an. 34. n. 343. & 287. & an. 35. n. 1. Bell. l. 1. de Cler.* elegerunt ex septuaginta discipulis Domini *Epiph. l. 1. c. 21.* septem viros boni testimonii, quos Apostoli per impositionem manuum Diaconos ordinarunt. *Conc. Carth. 4. c. 1. de Sac. non iter. Bellar. de Sac. Ord. l. 1. c. 6.* Non ut mensis tantum communibus ministrarent, prout docuit *Sebast. Cesar de Eccles. Hierar. disp. 9. §. 1. Vasq. 3. p. in par. 3. disp. 236. c. 4.* aliique nonnulli, ad hoc enim opus non erat tam sollicitâ electione, & ritu illo sacro imponendi manus, sed ut ministerio etiam Altaris præficerentur; Unde in Ecclesia usus inolevit, ut Diaconi ad sacrificium offerendum omnia disponant, locum, hostiam & calicem præparent, ac Sacerdotibus offerentibus assistant. *c. Perlectis §. ad Diaconum Dist. 25.*

Quin etiam vivificum Christi sanguinem communicantibus præbebant teste Justino *Apol. 2.* Cypriano *serm. de lapsis* & Ambrosio *lib. 1. Offic.* Mensis vero communibus ministrabant non inferendo cibum potumque, sed dividendo eleemosynas inter egenos pro singulorum necessitatibus. *Baro l. c.* Quod munus etiam sequentibus sæculis Diaconos obisse testantur S. Hieronymus in *Ezech. c. 48.* S. Ambrosius de *offic. Ecclesiast.* aliique.

2. Tertius Apostolorum cœtus, ex quo desumpta est Oecumenicorum Conciliorum formula in Ecclesia observata: *Visum est Spiritui sancto ac nobis. Act. 15.* celebratus anno Christi 49. ut existimat Labbè, vel ut alii 51. Claudii Imp. 9: Hierosolymis, unde & Concilium Hierosolymitanum appellari solet, cui interfuerunt Petrus ut Præses & Caput, Paulus, Joannes (ita colligitur ex Epistola Pauli *ad Galat. c. 2.*) & Barnabas, atque Seniores, qui casu aderant Hierosolymis. In hoc Concilio agitata est quæstio, & dirempta lis de Circumcisione à Gentilibus conversis simul cum Baptismate recipienda *Act. 15.* Statutum enim est, ut ex Gentilibus conversi non circumciderentur, nec alia cæremoniâ lege Judaicâ obligarentur, sed abstinere solum

lum ab immolatis simulacrorum & sanguine, suffocato, & fornicatione; Atque hæc fuerunt prima Juris Ecclesiastici decreta, quibus tria, quæ in lege Mosaica observata fuerant, fidelibus custodienda præcipiuntur: Primum, ut abstineant ab immolatis simulacrorum, seu idolothytis, ist est rebus Idolis immolatis *Orig. in Ep. 1. ad Rom.* ne nimirum participes fiant mensæ Dæmoniorum. Eamq; ob causam sequentibus sæculis varia Concilia & SS. Patres idolothyta vehementer execrantes hoc Decretum quoque confirmarunt; Ita ut S. Augustinus dicat de bono conjugali. c. 16. *Satius esse mori fame, quam idolothytis vesci.* & citatur. c. *Sicut.* 32. q. 4.

Secundum & tertium est, ut abstineant à Sanguine & suffocato, quod etiam habetur Can. 64. Apost. & confirmarunt Concilium Gangrense relatum in cap. *Si quis carnem Dist.* 30. Arelatense secundum Can. 2. Synodus Sexta cap. 67. aliaque apud Antonium August. in *Epito. l.* 21. Verum quæri hic poterit, cum præceptum illud sit Mosaicum ceremoniale, ut patet ex Deut. c. 2. Levit. c. 7. & 17. 1. Reg. c. 14. cur Concilium id imponere voluerit Christianis, quibus ciborum delectus est vetitus, ut probat Ba-

ronius ad annum 174. n. 32. & alibi? Respondet Balsamon in *can. 67. Synodi Sextæ* & Turrianus pro Canonibus l. 1. c. 5. Præceptum illud Christianis impositum esse, ut facilius Judæi & Gentiles in unum Christum lapidem angularem necerentur, ut inquit S. Augustinus contra Faustum *lib. 32. c. 13.* & in unum populum coalescerent; Cessante verò causa infirmitatis Judæorum præceptum quoque exolevisse. Verum licet sic recte assignaretur causa prohibitionis factæ à Concilio illo Hierosolymitano, non tamen causa per hoc redditur, cur posterioribus temporibus, quando jam ratio allata cessaverat, præceptum à Conciliis & Patribus confirmatum sit. Quapropter Gonzalez Tellez in apparatu ad Decretales num. 37. assignat aliam causam hujus Decreti ex Tertulliano in *Apol. c. 9.* & Minutio in Octavio desumptam, nimirum cum primis Ecclesiæ sæculis Ethnici criminarentur Christianos, quod in Sacrificiis sanguinem haurirent occisorum infantum, audiverant enim ab iis sub speciebus panis & vini carnem & sanguinem sumi; Ideo Concilia & antiqui Patres, ut ostenderent fideles ab omni crudelitatis specie alienos esse, præcepisse ut sanguine & suffocato abstergerent.

Quar-

Quarta Synodus habita est Hierosolymis anno Christi 56. vel ut alii 58. Cui solus Jacobus cum Paulo & Senioribus interfuit. *Act.* 21. In hac Synodo confirmata sunt decreta de gentibus ad fidem conversis superiore Concilio *Act.* 15. statuta, & Judæis credentibus permissus est ad tempus usus legalium, dummodo spem suæ salutis in illis non collocent, ut nimirum Synagoga paulatim cum honore sepeliretur, & non statim ut impia & mortifera damnaretur.

3. His decretis in dictis Apostolorum cœtibus confectis, accesserunt 50 Regulæ *Canones Apostolorum* nuncupati quos B. Clemens Romanus Apostolorum coætaneus & S. Petri discipulus ac Successor græcè conscripsit. Verum controvertitur de auctoritate istorum. Gelasius Pontifex in Concilio Romano Anno 494. apocryphos esse declarat. *c. Sancta Ecclesia Dist.* 15. *c.* 1. & 2. *Dist.* 16. At Tertullianus lib. adversus Praxeam, & S. Athanasius in Synopsi numerat eos inter agiographos; Joannes Damascenus quoque inter sacras Scripturas eos ponere videtur. *l.* 4. *de fid. orthod.* *c.* 18. Li-tem hanc dirimi posse putat Bellarminus *de Script. Eccles.* n. 92. si dicatur *Canones* legitimos esse solum quinquaginta

priores, quos ex Apostolicis traditionibus congeſſit & græcè conſcripſit, ut dictum, Clemens Papa, ac poſtmodum anno 526. latinè reddidit Dionyſius Scythæ Abbas Romanus cognomento *Exiguus*. *Baron. an. 102. Barb. in c. 1. Diſt. 16.* Reliquos vero poſteriores eſſe apocryphos, cum ex illis nonnulli à Græcis doſoſè ſuppoſiti ſint, nonnulli etiam ab Hæreticis corrupti, ut patet ex Can. 65. de Sabbato non jejunando, & 67. de baptizatis vel ordinatis ab hæreticis, & Can. ult. de numero librorum ſacrorum. Qui tamen poſteriores ferè omnes, præter prædictos, vel in literis Apoſtolicis, vel in Decretis Conciliorum, vel in ſcriptis SS. Patrum confirmati inveniuntur, ut oſtendit Ganzalez *l. c. n. 42.* ideo ex horum auctoritate, licet non ex origine ſua recipi pro authenticis poſſunt.

4. Nec obſtat 1. Quod ex prioribus 50. videatur quintus Canon ſtatuerè pœnas ſegregationis & depoſitionis in Episcopum, Presbyterum & Diaconum, qui Religionis prætextu ſuam dimiſerit Uxorem; Quia non præcipitur, ut conjugatus Clericus maritali commercio Uxori ſuæ cohabitaret, ſed ut ipſius curam habeat, eamque honeſtè ſuſtentet jux-

ta præceptum S. Pauli 1. *ad Timoth.* 2. 5. & exemplum S. Petri 1. *Corin.* 9.

Nec obstat 2. quod Canon 45. & 46. Baptismum ab hæreticis collatum indiscriminatim reprobare videatur; Quia rejicitur ibi Hæreticorum baptismus alia, quam instituta est à Christo, & utitur Ecclesia, formâ collatus, quæ erat baptisma illud tempore Apostolorum in tribus Patribus, seu in nomine trium principii expertum, aut trium filiorum, vel trium Paracletorum, vel in morte Domini collatum, ut patet ex Can. 49. & 50.

Nec obstat 3. Quod S. Zepherinus Pontifex prima sua Epistola 60. vel ut alia habet lectio, 70 Sententias ab Apostolis præceptas esse scribat, quodque Can. 2. Sextæ Synodi universalis 85. Canones Apostolorum approbentur. Nam in primis Epistola illa Zepherini viris eruditis supposititia videtur; Deinde 60 vel 70 illæ Sententiæ 50 Canonibus Apostolorum continentur. *Tarrec. l. 1. c. 20.* vel, ut putat Bellarminus *de script. Eccles. n. 92.* fortassis erratum fuit in numero sententiarum vitio librariorum. Demum sexta Synodus universalis nihil de numero horum Canonum definivit; quia nullos Canones edidit, ut patet Act.

Act. 4. & 5. Concilii Nicæni II. allegatus autem Canon secundus est illegitimi Conciliabuli in Trullo habiti. *Bellarmin. l. 1. de Cont. c. 7.*

7. Accesserunt Decretis Apostolicis constitutiones quoq; Apostolorum ab eodem Clemente Romano S. Petri Discipulo octo libris comprehensæ, ut titulus præfert, multiq; existimant, quamvis sub Judicelis sit, quis earum sit auctor; Hoc certum videtur antiquissimum esse. & ut existimat de Marca *Concord. l. 3. c. 2.* codicem illum erudito scriptori, qui tertio saltem sæculo floruerit, vindicandum. Multa quidem utilia continent, magnoque in pretio à Græcis veteribus fuerunt, ut non dubitet Gabriel Alaspineus Episcopus Aurelianensis *l. 1. Observ. c. 13.* quin olim Ecclesia Græca eas pro legibus, manuali, pontificali seu rituali, ut vocant codice habuerit. Æthiopes quoque eos libros vere Apostolicos æstimare testis est Bellarminus *de script. Eccl. in Clemente. n. 92.* At vero à posterioribus Græcis in Concilio Trullano *Can. 2.* tanquam ab hæreticis depravatæ rejciuntur. Nec magnæ sunt auctoritatis in Ecclesia latina, quod in iis nævi quam plurimi reperiantur, & ab hæreticis græculis multa perperam relata, nonnulla adulterata atque



que corrupta fateantur Baronius, Bellarminus, Petronius, Simondus, Petavius, Labbè aliique scriptores Catholici.

6. Subinde cum insequentes Ecclesiarum Rectores ad exemplum Apostolorum in rebus controversis & ambiguis vel Synodi alicujus, vel S. Pontificis definitionem exquirerent, decretaque literis, ne oblivioni traderentur, consignarent, factum est, ut numerus Constitutionum & Canonum, non alio quam temporis ordine annotatorum in ingentem molem excreverint. Ex quibus proinde pro faciliiori eorundem notitia & usu composita est Collectio, quam Nicolaus Papa in *cap. Si Romanorum dist. 19. Codicem Canonum* vocat, & Regulæ illæ, quæ à Leone IV. in *c. de Libellis dist. 20.* recensentur. Hunc Codicem Canonum dono dedit circa annum 787. Adrianus primus Pontifex Carolo Magno, qui eos observari in Gallia, & capita Decretorum in Capitulare Aquisgranense confectum anno 789. referri jussit. *Sirmundus tom. 2. Conc. Gall. ad annum 787.* Hujus Codicis auctorem complures volunt Dionysium esse Exiguum. Hic enim Dionysius Monachus Scythæ natione, sed moribus Romanus in utraque lingua do-

doctissimus, ut refert Cassiodorus *de divinis lect. cap. 23.* Cognomento *Exiguus* circa annum 526. fecit collectionem sacrorum Canonum Græcis in latinum idioma translatis, in qua Præfulum sedis Apostolicæ constituta incipiendo à Syricio usque ad Hormisdam complexus est, & in aliquem redacta ordinem titulis suis distinxit, ut ipsemet testatur in Epistola ad Julianum Presbyterum, quibus deinde addita sunt Decreta Gregorii II. *Petrus de Marca lib. 3. c. 3.* Sub idem tempus elaboravit Fulgentius Ferrandus Diaconus Carthagenensis aliam collectionem, in qua citantur solum, non recitantur Canones diversorum Conciliorum, quod opus Cresconius in sua collectione *Breviarium* appellat, & mentionem illius facit Baronius *ad an. 527. n. 87.*

Hunc secutus Martinus Ordinis S. Benedicti ex Abbate Monasterii Dumienfis Ecclesiæ Braccarenfis Episcopus, Pannoniâ oriundus *Greg. Turor. Hist. Franc. l. 5. c. 28.* qui postquam scripsisset anno 571. *Collectionem Canonum* ex græcis Synodis, vivere desiit circa annum Christi 573 prout Baronius testatur. Hos Canones ex ista Martini Braccarenfis collectione

lectione transcriptos citat plerumque Gratianus in Decreto suo sub nomine Martini Papæ, pro ut ostendit congerendo textus Antonius Augustinus in Gratian. *Dial.* 10. 11. & 12. Deinde Cresconius Episcopus Africanus dedit ad Liberrimum Pontificem Nomorennon seu Concordiam Canonum, vel librum Canonum ut est in MS. in quo explicat, quibus Synodorum & Epistolarum Decretalium locis causæ illæ, quarum proponit titulos, tractentur. Hos secutus est Isidorus quidam Hispanus, qui ex antiquorum Pontificum Epistolis, & Conciliorum Canonibus, facto initio à Canonibus Apostolorum usque ad Concilium Hispalense secundum, quod celebratum est anno Christi 657. collectionem confecit.

7. Sed duæ hic oriuntur quæstiones; Prima est, quis fuerit Isidorus ille, & auctor hujus collectionis? Altera, quæ sit auctoritas Epistolarum in hac Collectione comprehensarum? Ad primum certum videtur non fuisse Compilatorem Isidorum Episcopum Hispalensem, prout nonnulli existimant, tum quia meminit in opere suo Concilii Toletani II. habiti anno 975. & Concilii VI. celebrati anno 681. adeoque scripsit quadragin-

draginta & pluribus annis post obitum Isidori Hispalensis, qui vivere desiit 636. Tum quia inseruit Collectioni suæ Epistolas Gregorii II. & III. nec non Zachariæ, qui post annum 700. in Sede Apostolica sederunt. Neque etiam hæc Collectio inter opera Isidori Hispalensis à SS. Braulio & Ildephonso, nec non à Grialio & Loäysa, qui ea ex vetustis exemplaribus luci dederunt, recensetur. Quare alii viri docti M. S. Codices secuti non improbabiler putant, Isidorum Mercatorem Episcopum Setubensem Collectionis hujus auctorem fuisse, quod confirmat Chronicon Juliani Toletani editum Parisiis à Laurentio Ramiretio, in quo refertur Isidorum istum Episcopum Setubensem ope cujusdem Monachi Compilationi operam dedisse obiisseque anno 805. Et Luitprandus in Chronico Anno 719. his verbis : *Isidorus Setuvitanus, qui interfuit Concilio 16. Toletano composuit ordinem Concilii, & collectionem Conciliorum, quæ dicitur Isidori Peccatoris.* Quod vero Compiler iste à nonnullis Isidorus Peccator appelletur, factum id esse censendum est, quod olim Episcopi quidam se ipsos in Conciliis Peccatores in-

inscribere, consueverint, ut patet ex Concilio Turonensi I. Parisiensi III. Turonensi II. & Matisconensi I. quod eo pronius est suspicari factum hic fuisse ob utriusque nominis similitudinem, cum duabus solum literis mutatis *Mercator* sit *Peccator*.

8. Quod attinet ad auctoritatem Epistolarum illarum Decretalium, quæ in hac Collectione proferuntur, defendunt nonnulli, quos inter præcipui sunt Franciscus Turrianus & Severinus Binius, genuinas esse illorum Pontificum, quorum nomina præferunt. Alii eruditissimi Scriptores Catholici, ut Baronius, Bellarminus, Peronius, Sirmondus, Petavius, Philippus Labbè rectius eas velut indubitatas non admittunt, vel ut confictas plane rejiciunt. Ad hoc moventur variis inducti rationibus.

1. Quod elegantiam & nitorem secundi Sæculi, quo datæ dicuntur, non referant. 2. Quod in omnibus Epistolis idem stylus eademque scribendi norma servetur, ut non à pluribus, sed ab uno conscriptæ esse videantur. 3. Quod ex usu vulgatæ scripturarum versionis frequentissimè arguatur post S. Hieronymi ætatem exaratas esse. 4. Quod S. Hieronymus earum non meminerit in Catalogo

## HO *Varia collectiones Canonum.*

go Scriptorum Ecclesiasticorum, adeoque ipsi incognitæ fuerint. 5. Quod Dionysius Exiguus, qui veterum Pontificum Epistolas summa diligentia collegit, illas tamen in Compilatione sua omiserit. 6. Demum, ut primus observavit Antonius Augustinus in Notis ad Capitula Hadriani, quod in Epistolis illis reperiantur ipsa Legum Imperatorum verba & scholia quædam, quæ sub Aniani nomine extant ad Codicem Theodosianum, cum tamen Pontifices, quibus Epistolæ adscribuntur, duobus & tribus etiam sæculis editionem Codicis illius præcesserint. His motus argumentis Bellarminus l. 1. c. 14. de Rom. Pontif. inquit, *has Epistolas indubitatas esse affirmare non audeam.* Et Baronius ad annum 862. n. 5. *Ex multis eas reddi suspectas Epistolas.*

9. Post Isidorum scripsit S. Burchardus ex Monacho S. Benedicti Lobii Episcopus Wormatiensis Patria Hassus circa annum Christi 1020. viginti libros Decretorum, meliori quam Isidorus ordine Conciliorum Canones, Pontificum Epistolas, SS. PP. Sententias, & Imperatorum sanctiones digerendo: Plurima enim, quod nemo ante illum fecerat, ex Digestis, Codice & Novellis tran-

transcripta in Collectionem suam retulit. Post illum aliam fecit Collectionem Deusdedit Cardinalis, quam Polycarpus scripsit, ejusque meminit Baronius Tom. II. anno 1086. Ac sub idem ferè tempus suam quoque edidit Anselmus Mantuanus Episcopus Lucensis, de quo Bellarminus *de Script. Eccles.*

Post hos Ivo Gallus ex Præposito Monasterii Quirini Belvacensis Ordinis Canonorum Regularium S. Augustini Episcopus Carnotensis edidit Volumen Decretorum circa annum Christi 1090. in quo multa quoque ex Pandectis & Codice Justiniani admiscuit, quod volumen in compendium contraxit Hugo Catulauniensis & *Pannoniam* seu *Pannoniam* appellavit.

Demum omissis aliis Photii, Harmenopoli, Siagrii & aliorum Gratianus Monachus Benedictinus videns multa in aliorum Collectaneis vel superflua, vel contraria congesta esse, multaue etiam in iis desiderari, ex cæterorum Collectionibus magnum volumen compilavit, quod *Concordantiam discordantium Canonum* inscripsit, propterea quod dissidentes inter se Canones conciliarit. Sed de hoc Auctore ejusque opere uberius infra. Cum

Cum vero nova passim Concilia in Ecclesiis celebrarentur, & novæ quotidie ederentur Constitutiones, nonnulla etiam ex antiquis Conciliis & Decretalibus in Gratiani volumine omissa notarentur, Bernardus Balbus Præpositus Papiensis ac postea Episcopus primum Faventinus, deinde Papiensis novas illas Decretales usque ad Cœlestinum III. in unum corpus insertis plurimis antiquorum Canonibus & Epistolis, redegit, & hæc *Prima* dicta est *compilatio Hostie*. Jo. Andr. in *Proëm. Decret.* Hanc deinde excepit *Secunda compilatio* tentata quidem à Giliberto Abbate, & Alano Episcopo Altiſſiodorensi, sed perfecta à Magistro Joanne Gallensi seu Walensi, pro ut appellat eum Jo. Andr. in *Proëm. Decr. n. 16.* Volterris nato quæ pertingit, usq; ad Innocentij III. tempora. Istam subsequuta est *Tertia compilatio* primum à Bernardo Archi-Diacono Compostellano privata auctoritate facta Romæ, unde & *Romana* dicta est, ac subinde à Petro Beneventano Subdiacono & Notario Innocentij III. ejusdem Innocentij jussu absoluta fuit. Cum vero tertia hæc *Compilatio* eas tantum Constitutiones complecteretur, quas Innocentius usque  
ad



ad duodecimum sui Pontificatus annum ediderat, aliud quoque volumen ex posterioribus hujus Pontificis Constitutionibus & Lateranensis Concilii Canonibus, ut videtur à Tancredo Bononiensi Archidiacono emanavit, & *Quarta Compilatio* dicta est. Postremo accessit *Quinta Compilatio* mandato Honorii Papæ III. ex ipsiusmet Honorii Constitutionibus confecta, *Greg. Teles. in Part. Jur.*

Prædictas compilationes novissimè redegit Gregorius IX. in unum volumen quinque libris distinctum per Raymundum à Pennafort, & Decretales inscribuntur, prout pluribus dicetur infra *cap. 23.* Quinque libris Decretalium accesserunt postmodum liber sextus Decretalium, Constitutiones Clementinæ & Extravagantes, quæ Corpus Juris Canonici constituunt. Annexus est illi postremis hisce temporibus Liber septimus Decretalium, sed privata solum industria collectus, nec ullam hucusque habet approbationem summi Pontificis, quæ omnia infra *c. 24, & 25.* copiosius prosequemur.

## CAPUT XII.

De Principiis ex quibus derivatum est Jus Canonicum, ac primò de Scriptura Sacra.

*Primus fons est S. Scriptura; Dicitur hac verbum DEI & Canon. Qui libri Canonici. Sacra scriptura dictata à DEO quo ad sensum & verba; Ejus auctoritas; Quæ contineat præcepta; Ad hæc omnes obligent. Traditionum auctoritas & vis obligandi.*

## I.

**J**US Canonicum, quemadmodum Civile dividitur in Scriptum & non Scriptum seu Consuetudinarium, vel in id quod legibus aut moribus constat. Jus scriptum depromptum est ex quinque potissimum fontibus: Ex sacra scriptura, Decretis Conciliorum auctoritate Papæ confirmatorum, Constitutionibus summorum Pontificum, Sententiis SS. Patrum, & Placitis Principum sæcularium.

Primo ergo desumitur hoc jus ex sacra Scriptura, nam *ex auctoritatibus veteris & novi Testamenti processerunt Canonica sanctiones.* c. Qualiter 24. de ac-

*cus.* Hæc Scriptura variis nominibus appellatur, *Serarius Proleg. Bibl. c. 25.* Nos duo tantum ad propositum nostrum proferemus, quod sit verbum DEI & Canon. Verbum DEI dicitur *Exod. 4. 30. Num. 4. 41. Et 1. ad Thessal. 2.* Et quod revera tale sit, non nisi ex traditione, & auctoritate Ecclesiæ id asserentis nobis innotescit; Ideo S. Augustinus *Epist. fund. 53.* ait: *Evangelio non crederem, nisi Ecclesia Catholica me commoveret auctoritas.* Est vero verbū DEI aliud scriptū aliud nō scriptū; Per hoc regebantur homines non solum à mundo condito annis 2669. priusquam Moyse libros suos conscripsit, eratque verbum, quo allocutus est DEUS Adamum Abrahamum, reliquosque Prophetas, sed etiam in principio nascentis Ecclesiæ post ascensionem Christi annis omnino septem, nimirum ab anno 34. usque ad annum 41. quibus nec Evangelium nec Epistola literis consignata fuit.

Scriptum per Antonomasiam dicitur Scriptura vel Scripturæ sacræ *Ps. 86. Eccles. 44. 5. Jo. 2. 22. Ad Rom. 4. 3.* Estque ad instar Epistolæ à DEO ad nos missæ per quam nobiscum loquitur: *De civitate à qua peregrinamur scripta*

*nobis venere litera*, inquit S. August. *Conc. 2. in Psal. 90. & continetur in libris* *Canonicis* mox referendis.

Dicitur deinde *Canon Iren. l. 4. c. 69. Chrys. Hom. 14. in Gen.* Canon vero duo significat: Normam seu regulam, & Catalogum seu Numerum aliquarum rerum. Utroque sensu verbum DEI seu sacra Scriptura est Canon, quia & Regula est omnium rectissima, veraq; credendi & vivendi norma, & continet in certo ordine & numero libros, qui à Spiritu sancto dictati, & ut tales ab Ecclesia recepti sunt, ideoque Canonici appellantur. *Innoc. Epist. 3. ad Exuperium Cont. Loadic. can. 59.* Hi sunt alii veteris, alii novi Testamenti; Veteris sunt: *Quinque Moysi, id est: Genesis, Exodus, Leviticus, Numeri, Deuteronomium, Josue, Judicum, Ruth, quatuor Regum, Duo Paralipomenon, Esdræ primus & secundus, qui dicitur Nehemias, Tobias, Judith, Hester, Job, Psalterium Davidicum 150. Psalmorum, Parabola, Ecclesiastes, Canticum Canticorum, Sapientia, Ecclesiasticus, Isaias, Hieremias cum Baruch, Ezechiel, Daniel, Duodecim Propheta minores, id est,*

*est, Osea, Joel, Amos, Abdias, Jonas, Micheas, Naum, Abacuc, Sophonias, Aggeus, Zacharias, Malachias, duo Machabeorum primus & secundus.*

Novi Testamenti sunt: *Quatuor Evangelia: Secundum Matthaeum, Marcum, Lucam & Joannem: Actus Apostolorum à Luca Evangelista conscripti: Quatuordecim Epistolae Pauli Apostoli; ad Romanos, duae ad Corinthios, ad Galatas, ad Ephesios, ad Philippenses, ad Collossenses, duae ad Thessalonicenses, duae ad Timotheum, ad Titum, ad Philemonem, ad Hebraeos; Petri Apostoli duae, Joannis Apostoli tres; Jacobi Apostoli una; Iudae Apostoli una, & Apocalypsis Joannis Apostoli.* Hos omnes tanquam divinos & Canonicos recipit Concil. Tridentinum Sess. 4. Accepit autem illos à Florentino in Decret. Eugenii; Hoc à Gelasio Papa c. *Sancta Romana dist. 15.* Ille ab Augustino l. 1. *Doctr. Christ. c. 8.* & Innocentio I. *Epist. ad Exuper.* Isti ab Antecessoribus, & hi ab Apostolis, Apostoli demum vetus Testamentum à Synagoga. Vocantur vero hi libri Testamen-

tum, quod pactiones DEI cum humano genere initas contineant, S. Hieron. in c. 3. ad Gal.

Nec dicas: Nonnullos SS. Patres de quorundam librorum auctoritate dubitasse, & plures etiam non reperiri in Canone Judæorum, ideoque quosdam dictos esse *Deutero-Canonicos* ex eo haud dubie, quod parem non haberent cum aliis auctoritatem; Nam PP. de auctoritate quorundem dubitantes, vel non inspexerunt Canonem Ecclesiæ, vel priusquam is conficeretur, è vivis excesserant. Quod autem aliqui non reperiantur in Canone Judæorum, causa est, quod hi post Esdram scripti sint, qui Canonem Hebræorem postremus consignavit. Cum vero reperiantur in Canone Ecclesiæ, quæ non minorem habet auctoritatem in consignando Canone, quem habuerit Synagoga, æquè ac cæteri recipiendi sunt, nam ut inquit S. August. l. 3. Epist. fund. c. 5. de Actibus Apostolicis loquens: *Necesse est, me illi libro credere, uti credo Evangelio, quoniam utramque scripturam similiter mihi Catholica commendat Ecclesia.* Porro dicti sunt nonnulli *Deutero-Canonici*

*Nonici* non ob defectum auctoritatis, sed quod posterius relati sint in Canonem.

2. Quæcunque in supradictis libris Canonicis continentur ea omnia DEO dictante exarata sunt, & nihil in iis humano spiritu conscriptum est. *Basil. Hom. 10. in Exameron.* Si enim in sacra hac scriptura humana divinis miscerentur, plurimum de veritate & auctoritate illius decederet; Cum enim certa ab incertis difficulter discerni possint, omnia falsitatis suspicioni obnoxia forent, *cap. St ad scripturas dist. 9.*

Nec obstat 1. quod Auctor libri Machabæorum ad finem operis errorum veniam petat, & *lib. 2. c. 2. n. 27.* dicat se negotium plenum vigiliarum, & sudoris assumpsisse; Non enim petit veniam erroris in conscribenda Historiæ veritate, sed inscriptionis elegantia commissi, neque labor & ansa meriti sublata est per DEI assistentiam in scribendo veritatem.

Nec obstat 2. Evangelistas loca veteris Testamenti referentes non iisdem uti verbis & diversas in historiis narrari circumstantias; Atque etiam *Matt. 27.* Hieremiam pro Zacharia citari. Quia diversa verba non magis officiant veritati

tati quam diversi calami quibus eadem res scribitur. Accedit quod, cum nimia Testium Concordia in circumstantiis parvi momenti suspecta sit. *l. 3. Testium fides ff. de Testib.* dici possit voluisse DEUM scriptores Sacros in sensu semper conformes esse, in verbis aliquando discrepare. Quod vero apud Matthæum Hieremias pro Zacharia citatur, factum id est, ut intelligamus omnium Prophetarum dicta esse communia, quia eodem spiritu DEI afflati vaticinia ediderunt. *S. Hier. & Beda ad hunc locum S. Aug. l. 3. de cons. Evang. c. 7.* Maldonatus etiam non sine fundamento asserit Matthæum nullius Prophetæ nomen retulisse, sed solum dixisse, ut alias sæpe: *Tunc impletum est, quod dictum est per Prophetam.* Alium vero scriptorem, quod putaret Hieremiæ citari testimonium illius proprium nomen addidisse; Tum quia S. Augustinus *l. c.* testatur suo tempore in multis codicibus nullum nominatum fuisse Prophetam, tum quia in versione Syriaca nomen Hieremiæ non legitur.

3. Jam vero non sensum tantummodo, sed etiam verba sacræ Scripturæ dictavit Spiritus Sanctus. De sensu defi-



definivit Tridentinum *sess. 4.* & docet: S. Paulus 2. *ad Timoth. 3.* & *ad Hebr. 1.* Item S. Petrus in *Epist. 2. c. 1.* De verbis licet nonnulli dubitaverint, id ipsum sentit S. August. *Serm. 2. in Psal. 90.* Bellar. *de verbo DEI c. 2.* & est receptissima Patrum sententia; Id enim conveniens fuit ad majorem dignitatem, & excellentiam scripturarum. Pöterat vero Spiritus Sanctus dictare verba vel imprimendo species infusas, vel excitando præexistentes in mente Scriptoris, ut verborum, quæ scribenda erant conceptu efformaret. Atque hanc ob causam sacra Scripturæ veritates excellentiori modo scriptæ censentur, quam Conciliorum & Pontificum definitiones in materia fidei, quia in his sufficit Spiritus sancti assistentia, quæ removeat objecta & rationes, quæ illos infalsitatem deducere possent, relictis scriptoribus uti suis speciebus & industria modo in Decretis præscribendis usitato.

Neque calumnientur Gentiles & despiciant Scripturam sacram, quod nullo verborum flore & ornatu sit insignis; De industria namque voluit Divina Sapientia res admirandas, cœlestes ac divinas sub sermone inornato ac simplici tanquam ignobili tegumento occultare.

nec

nec eas verborum lenociniis & pigmentis exornare, quasi sine his veritas divina fidem & auctoritatem apud homines non esset repertura : *Sermo meus*, inquit Apostolus 1. ad Corinth. 2. v. 4. *non in persuasibilibus humana sapientia verbis, sed in ostensione Spiritus & veritatis.* Pretiosi uniones despicabili etiam concha operiuntur.

4. Ex his patet dignitas & auctoritas sacrae Scripturae, quod nimirum sit Regula fidei, morum & rerum à nobis agendarum infallibilis ; Cum enim sit verbum DEI necesse est, ut optima sit Regula veritatis, quam in credendo sequi oporteat, nulla namque est certior Regula, quam DEI auctoritas, quæ in verbo ejus & sacra Scriptura continetur. Quare quemadmodum fieri nequit, ut DEUS mentiatur : *Non enim est DEUS ut homo, ut mentiatur, nec ut filius hominis, ut mutetur.* Num. 23. Et ut per duas res immobiles, quibus impossibile est mentiri DEUM firmissimum solatium habeamus, ad Hebr. 6. Ita nec fieri poterit, ut mendacium aliquod in Scriptura reperiat, prout pluribus ostendit S. Augustinus Epist. 19. ad Hieron. & l. 11. contra Faustum c. 2. alioquin si vel  
in

n minimo veritas Scripturæ deficeret, tota ejus auctoritas laberetur; *Admissio enim*, inquit August. Epist. 8. ad Hier. *in tantum auctoritatis fastigium aliquo mendacio, nulla particula horum librorum manebit, quæ non possit in dubium vocari, & ideo si in illis* (pergit ibidem) *aliquid offendero, quod videatur veritati contrarium, nihil aliud, quam mendosum esse codicem, vel interpretem non esse assecutum, quod dictum est, vel me minimè intellexisse non ambigam.*

Deinde cum Scriptura sit *Canon*, est Regula qua nostra infirmitas gubernatur ut docet S. Augustinus l. 2. contra Crescon. c. 32. & l. 11. contra Faustum c. 5. dictatque quid nos agere, quid cavere oporteat. An vero hæ Regulæ Jus constituent universale & perpetuum, quod omnes omni tempore obliget, nunc videndum erit.

5. Præcepta quæ in sacris literis hominibus præscribuntur, vel sunt veteris vel novæ Legis seu Testamenti, id est vel sunt Mosaica vel Evangelica. Veteris legis præcepta sunt triplicia, ut capite quoque præcedente attigimus:  
Mo.

Moralia, cæremonialia, judicialia. Moralia docent DEUM esse colendum, & non inferendam proximo injuriam, quod cum ratio quoque naturalis dicat, sunt juris etiam naturalis *S. Thom. 1. 2. q. 100. a. 1.* Cæremonialia determinant speciatim quibus ritibus sit DEUS colendus. Judicialia præscribunt quibus modis sit servanda Justitia inter homines; quæ cum pendeant ex arbitrio & potestate Legislatoris, ideo Cæremonialia & Judicialia eo tempore, quo visum fuerit Legislatori, & ab iis, quos ipse obligaverit, observanda erunt. Præcepta veteris legis data sunt soli populo Judæorum, ut constat *ex cap. 19. & seqq. Exodi*, ac illo *Deuter. 4. v. 8.* *Quæ est alia Gens sic incluta, ut habeat cæremonias justaque judicia.* Docetque *S. Thom. 1. 2. q. 98. a. 4.* Quapropter solum illum populum obligabant tanquam Jus civile Hebræorum, ut illud appellat Philo Judæus in libro de Joseph. Hinc est quod Gentiles, licet tunc obligarentur præcepto naturali, & hodiedum obligentur, non tamen fuerint obstricti præceptis Mosaicis *S. Thom. 1. c. 45.* cum hæc non fuerit illis imposita & promulgata, & sine observantia illorum multi consecuti sint salutem & gratiam. *S. Dionys. c. 9. cælest.*

*Iest. Hierar.* Si quivero ex Gentilibus volebant se aggregare populo Judæorum prout multi fecerunt. *Esth.* 8 v. 17. admittendi erant, & exinde obligabantur. *Exod.* 12. v. 48. *S. Tb.* 1. c. 4. §. ad 3.

6. Sed nunc Lex vetus quo ad præcepta cæremonialia & judicialia abrogata est: *Lex & Prophetæ usque ad Joannem.* *Luc.* 16. v. 16. quia *translato Sacerdotio necesse est ut & legis translatio fiat.* *ad Hebr.* 7. v. 12. *Et supervacaneus est lychnus, si Sol apparuerit: supervacaneus Pedagogus iis, qui perfectam acceperunt Sapientiam.* *Theodoretus ad Philip.* 3. Quo ad cæremonialia certum est, ut tradit *Innocentius III. in c. unic. de purif. post part.* *S. Augustinus l. 6. contra Faustum.* *S. Thomas l. 6. q. 103. a. 3.* quia erant figura & umbra *ad Coloss.* 2. quæ cessare debent adveniente veritate. Attamen quia Cæremoniæ aliæ erant tantum Religiosæ, ut purificatio post partum, aliæ Religiosæ simul & typicæ, ut Sacrificia & holocausta, ideo prioris generis cæremoniæ suscitari ab Ecclesia potuerunt, ut dicitur in Titulo de purificatione post partum; At cæremoniæ quæ Religiosæ simul sunt & typicæ nulla possunt lege Ecclesiastica aut

ſæculari ad uſum reduci, mortuæ enim ſunt & mortiferæ, nec Sol umbræ, aut Synagogæ Eccleſia conjungi poteſt. S. Thom. 1. c. 9. 104.

Quo ad Judicialia Lex vetus quoque abrogata fuit. S. Tho. 9. 104. 4. 3. Nam Chriſtus *legem mandatorum evacuans* ad Eph. 2. Rempublicani illam Judaicam evertit, cum populus ille poſt Chriſti adventum deſierit eſſe populus peculiaris DEI, adeoq; & leges ſuſtulit, quæ ad Politicum illius ſtatum & regimen pertinebant, cujuſmodi erant præcepta Judicialia. Probabilius quoque eſt, præcepta Moralia non quidem abſolutè & ſecundum ſe ſpectata, ſed prout à Moyſe tradita & promulgata erant, & ex ejus promulgatione vim habebant, abrogata eſſe. *Suaz. l. 9. c. 11. de Leg.* tum quia Scriptura loquens de lege Moſaica paſſim indicat totam legem veterem per legem Evangelicam generatim abrogatam eſſe; Tum quia omnis Lex à Moyſe tradita ſolum directa fuit ad populum Iſraeliticum, adeoque ipſa per ſe conſtitutâ novâ lege obligare vi illius promulgationis deſiit; At vero cum præcepta denuo à Chriſto tradita, & accuratius perfectiusque obſervanda in nova lege propoſita ſint, *Matth. 5.* Hinc eſt

t, quod nunc quoque iis omnes ob-  
ringantur non tantum ex lege naturæ,  
d etiam ex confirmatione facta per  
hristum.

7. Nec obstat 1. Quod lex Moyſis  
ſſim vocetur pactum, præceptum,  
edus ſeu legitimum ſempiternum. *Exod.*  
*ſ. 30. & 31. Levit. 10. 16. 17. Baruch. 4.*  
1. Lex enim illa ſempiterna dicitur,  
ſo ad rem ſignificatam; licet quo ad  
gnificationem tanquam umbra adve-  
ente veritate interierit. Quo ad rem  
im ſignificatam Chriſtus legem imple-  
ſſe non ſolviſſe dicitur. *Matt. 5.* pro-  
iſſa exequendo, præcepta Moralia ple-  
as interpretando, cæremonias ſigni-  
ntius exhibendo, per judicialia de-  
que præmia & ſupplicia corporea ſeu  
nporalia in ſpiritualia & æterna com-  
atando *Maldonatus in eit. c. 5. Matt.*

Nec obſtat. 2. Quod præceptum ſol-  
ndi decimas, quod cæremoniale erat,  
huc ſervetur, imo abrogari non poſ-  
, cum Juris ſit divini. Nam licet De-  
næ materialiter ſpectatæ, quatenus  
ut ſtipendium neceſſarium ad ſuſten-  
ionem miniſtrorum Eccleſiæ jure na-  
ali & divino ſint debitæ, dignus enim  
operarius cibo ſuo. *Matt. 10. 7. 10.*  
*1. ad Cor. 9. 7. 11. & 17.* atque ſic  
abro-

abrogari non possint, formaliter tamen spectatæ secundum certam quôtam debebantur solum in lege Mosaica Levitis jure positivo. *Levit. c. 27.* adeoque præceptum qua parte positivum erat cessavit quo ad obligationem suam, ut jam in lege nova debeantur Decimæ jure solum positivo Ecclesiastico. *S. Thom. 2. 2. q. 87. a. 1.*

8. Lex nova seu Evangelica omnes omnino homines obligat, nam Christus Legislator inquit *Matt. 28. v. 19. Data est mihi omnes potestas in cælo & in terra. Euntes ergo docete omnes gentes baptizantes eos &c. Docentes eos servare omnia quacunque mandavi vobis.* Directe ergo necessitate præcepti illi subijciuntur omnes adulti, quamvis multi eorum per ignorantiam excusentur à culpabili transgressione hujus legis, sic tamen ut absque iis, quæ simpliciter necessaria sunt necessitate mediæ salvari non possint. Infantes vero non obligat hæc Lex directe per modum præcepti, sed indirecte solum, quatenus in ea præscribitur certum aliquod salutis remedium, nempe Baptismus, sine quo salutem nemo consequitur.

Porro Lex nova secundum se & quo ad



ei ejus obligationem spectata immutabilis est in hac vita, & duratura usque ad nem mundi : *Nam prædicabitur hoc evangelium regni in universo Orbe in testimonium omnibus gentibus & tunc fiet consummatio.* Matt. 24. v. 14. eadem est ratio cur mutetur aut abrogetur, nam ideo constituitur à DEO lex, homines perducatur ad cœlestem beatitudinem, quod hæc perfectissimè præc. *S. Th. q. 106. a. 4.* In altera vero vita stabit lex & ejus obligatio quo ad maiorem aliquorum præceptorum contractam cum imperfectione, puta fidei, sacramentorum & Cæremoniarum, quæ sunt bona æternæ vitæ præsignificant; *nam cum venerit quod perfectum est : evacuabitur quod ex parte est.* 1. ad Cor. v. 10.

*Inter omnes vero divinas auctoritates, quæ sacris Literis continentur, angelum merito excellit ; Quod in Lex & Propheta futurum prænuntiant hoc redditum & completum in angelo demonstratur.* ait S. Augustinus l. 1. de consensu Evang. c. 1. & S. Basilii Homil. 16. Omnis, ait, Evangelion vox reliquis omnibus sancti Spiritus

*tus præceptis eminentior esse dignoscitur.* Idque multis ex causis: I. quia legis promulgator fuit Moyses merus homo, Evangelii Christus verus DEUS & homo; Nam *Lex ordinata est per Angelos in manu mediatoris* scilicet Moysis ad Galat. 3. 19. *Evangelium vero Dominus noster JESUS Christus DEI filius proprio ore primum promulgavit.* Trident. Sess. 4. II. *Lex erat umbra, umbram enim habens lex futurorum bonorum non ipsam imaginem rerum* inquit Apostolus ad Hebr. 10. 1. *At Evangelium est ipsa veritas per legem adumbrata, ideo Apostolus 2. Cor. 3. 10. Nos vero omnes revelata facie gloriam Domini speculantes in eandem imaginem transformamur tanquam à Domini Spiritu.* III. *Lex erat onus grave, quod neq. Patres nostri, neque nos portare potuimus,* inquit S. Petrus Act. 15. v. 10. *Evangelium vero leve; Jugum enim meum suave est, & onus meum leve,* inquit Christus Matt. 11. v. 30. IV. *Lex data fuit solis Judæis eratque temporanea, Evangelium vero prædicabitur per universum mundum omnibus gentibus, & permanebit semper, eritque æternum*  
ut

t dictum est. Quæ omnia aliaque in  
anc rem fufius profequitur, Cornelius  
Lapide in Procem. in Evangelia.

9. Et hæc de verbo DEI scripto;  
unc de non scripto seu Traditionibus  
deamus, an jus aliquod constituent,  
o homines obligentur. Traditio licet  
men fit generale, hic tamen sumitur  
o doctrina non scripta, non quod nul-  
i unquam literis consignata fit, sed  
od non fit scripta à primo auctore so-  
ue voce prodita ad nos veluti per  
nus pervenerit, etfi posteri eam scri-  
o subinde complexi sint. c. 5. dist. 11.

Sunt vero non tantum in nova lege  
aditiones, sed etiam Judæi in veteri  
stamento suas habebant, easque du-  
es: Nam aliæ erant Pharisæorum,  
is Christus sæpius in Evangelio repre-  
dit; Aliæ Mosaicæ quæ laudabiles  
nt. Pharisaicæ quædam erant ex suo  
ere bonæ: Ut frequenter jejunare  
rare: *Quare nos & Pharisei jeju-*  
*mus frequenter, Discipuli autem tui*  
*jejunant? Matt. 9. v. 14. Quare*  
*discipuli Joannis jejunant frequenter &*  
*orationes faciunt, tui autem edunt*  
*bibunt? Luc. 5. 33.* Reprehendit ta-  
nob illas Christus Phariseos, quia ex

earum observatione quærebant inanem gloriam ; *Omnia vero opera sua faciunt, ut videantur ab hominibus* Matt. 23. v. 15. hinc *Hypocritæ* passim in Evangelio vocantur, & *sepulchra dealbata* ; Quædam erant indifferentes & inutiles, ut frequenter inter comedendum lavare manus. *Pharisæi & omnes Judæi, nisi crebro laverint manus non manducant, tenentes Traditiones Seniorum* Matt. 7. 3. & ob has reprehenduntur Pharisei, quia superstitiose minutiora quædam servabant, & majora negligebant. Aliæ demum erant impiæ & malæ : Ut jurare per templum aut altare non esse malum, de his Christus : *Va vobis Duces cæci, qui dicitis : Quicumque juraverit per templum nihil est. Et quicumque juraverit in altari nihil est.* Matt. 23. Item non honorare parentes, nec illis benefacere. Matt. 15. v. 4.

Jam vero hæ Traditiones quæ hominum appellantur Matt. 15. & vanæ à S. Petro Epist. 1. c. 1. v. 18. nullum jus Christianis nunc constituunt ; Nam si bonæ fuerint Traditiones vel indifferentes evacuata est virtus illarum, & tanquam umbræ dissipatæ sunt per legem

&amp;

Traditiones novæ legis, prout dictum est de abrogatione præceptorum veteris Testamenti. Si vero malæ fuerint, factum moralem legis non habuerunt, cum legem divinam, quæ prohibet facere malum, abrogare illicitum est. *Ab- cum Glos. & aliis in c. ult. de consuet.* Et et materia talis Traditionis mala esset, tum quia prohibita, adeoque non regnaret ex ea parte per consuetudinem produci, si tamen prohibitio divina sit, non possunt eam homines infringere, nec non possint mutare DEI voluntatem, aut contra eam præscribere. Nec censendus est DEUS connivere aut tolerare in eo casu legem suam, cum nullum suppetat fundamentum id præsumendi, deceatque divinam auctoritatem leges tulisse immortales. Traditiones Mosaicæ erant tres præcipuè; Prima, quod libri in Canone Judæorum assignati sint divini. Secunda quod scellæ habuerint remedium contra pec- catum originale. Tertia quod cruenta- rum Sacrificia significaverint mor- tem Christi.

10. Traditiones novi Testamenti re- tendæ sunt, nam ut inquit Apostolos *hebr. 2. 14. Tenete traditiones, quas epistis, sive per Sermonem, sive per*  
I 3
Epi-

*Epistolam.* Et in hunc locum S. Chrys. hom. 4. *Perspicuum est non omnia Apostolos tradidisse per Epistolam, sed multa etiam sine scriptis, & ea quoque esse fide digna: Quamobrem Ecclesiæ quoque Traditionem censeamus esse fide dignam.*

Distinguuntur Traditiones à principiis, ex quibus proveniunt, & à materia, quam tradunt. A principiis, aliæ sunt Traditiones Divinæ, aliæ Apostolicæ, aliæ Ecclesiasticæ; Divinæ acceptæ sunt à Christo Apostolos docente, suntque ea, quæ ad materiam & formam Sacramentorum pertinent, quia Sacramentorum essentia non nisi à Christo institui & determinari potuit; Atque illæ constituunt jus divinum, licet per consuetudinem, quæ novam Juris obligationem illis non addidit, conservatæ sint, adeoque jus illud universale est & immutabile, & eandem habet vim, quam divina præcepta in Evangeliiis tradita.

Traditiones Apostolicæ dicuntur illæ, quæ ex Apostolorum præceptis manasse creduntur; nec tamen in eorum scriptis exaratae sunt: quales sunt: Trina immersio eorum qui baptizantur, Jejunium Quadragesimale & quatuor tem-  
porum

porum, aliaque quam plurima, quæ patrem vim habent & auctoritatem, quam quæ scripta nobis Apostoli reliquerunt.  
 . 5. Dist. 11. ideoque Traditiones Apostolorum relinqui non possunt ab iis, qui volunt dici Christiani. c. 2. de Const. c. R. liculum est Dist. 12.

Ecclesiasticæ Traditiones sunt consuetudines antiquæ à primis Ecclesiæ Pastoribus, & fidelibus ad nos deductæ, quæ tacito populorum consensu vim legis obtinuerunt, de quibus Augustinus epist. 118. *Illa autem quæ non scripta, sed tradita custodimus, quæ quidem toto terrarum orbe observantur, dantur intelligi vel ab ipsis Apostolis, vel plenariis Conciliis, quorum est in Ecclesia saluberrima auctoritas, comendata atque statuta retineri; Sicut quod Domini passio & Resurrectio & Ascensio in cælum anniversaria sollemnitate celebrantur. Et siquid aliud tale occurreret, quod servatur ab universa quacunque se diffundit Ecclesia. Hic per verba: ab ipsis Apostolis intelligit Traditiones Apostolicas; Per ista vero: Vel plenariis Conciliis intelligit Ecclesiasticas. Hæ Traditiones Ecclesiasticæ eandem ha-*

habent vim, quam Ecclesiæ consuetudines scriptæ; Quemadmodum in Republica civili eadem est vis consuetudinum approbatarum, quæ legum scriptarum. *c. Consuetudo dist. 1. & l. diuturna ff. de leg.* Ideo Traditiones Sanctorum tenendæ & observandæ sunt. *Conc. Constant. 4. c. 1. Senonense c. 5.* Nam Traditione & auctoritate regitur Ecclesia *c. Catholica dist. 11. & insolentissima insania est disputare an faciendum sit, quod tota per orbem frequentat Ecclesia*, inquit Augustinus *cit. Epist. 118.* Quare anathema dicitur violanti Traditiones Ecclesiasticas. *c. Si quis omnem. 1. q. 7.* easque non tenens est hæreticus. *Conc. Trevir. c. 4. Trid. Sess. 4. c. 1.*

Porro penes materiam partitur Traditiones Bellarminus de verbo DEI non scripto, *l. 4. c. 2.* in Traditiones de fide, ut est, quod Sanctissima Mater DEI semper fuerit Virgo, & Traditiones de moribus, v. g. quod certis diebus jejunia & festa sint celebranda. Hæ iterum vel sunt perpetuæ, ut in exemplis positæ, & jus constituunt immutabile, vel temporales, ut observatio legalium quarundam cæremonialium quæ servandæ solum erant, usque ad plenam Evangelii promulgationem, ut facilius Ecclesia  
ex



et Judæis & Gentibus coalesceret, adeoque jus faciebant temporaneum servandum ad certum tempus ; Vel sunt universales, ut est observatio Paschatis, Pentecostes & similium festorum, quæ eis constituunt toti Ecclesiæ observandum, vel particulares, uti erat jejunium Sabbatinum, quod Petrus Ecclesiæ Romanæ tradiderat, & ab ea aliisque quibusdam servabatur teste Augu-  
 stino *Epist.* 86. *ad Casulanum* & hæc jus faciunt solum uni vel certis quibusdam Ecclesiis, quibus eæ traditæ sunt. Demum aliæ sunt Traditiones necessariae, & traduntur in forma præcepti, atque ut tæ-  
 re obligant, ut est celebratio Paschæ die Dominico post decimam quartam Juniam Martii. Aliæ sunt liberae, & ad modum consilii traduntur, ut asperio quæ lustralis. *Clemens l.* 7. *c.* 29.

Jam vero qui desiderat auctoritates sacræ Scripturæ relatas in corpus Juris Canonici secundum ordinem librorum sacræ Scripturæ digestas, adeat Concordantias Joannis Nivicellensis Abbatis, & auctoritates collectas à P. Guéroy Bituricensi quæ habentur in calce corporis Juris Canonici Parisiis impressi Anno 1618.

CA-

## CAPUT XIII.

## De Conciliis ac in primis Generalibus.

*Quid Concilium. Ejus institutio est Juris divini. Necessitas & causa Conciliorum. Generalia solus Papa convocat, eisque præest. Qui ad illa vocandi sint. Quis in iis ordo, & quomodo negotia tractanda ac terminanda sint.*

## I.

**S**ECUNDUS fons Juris Canonici sunt Concilia à summo Pontifice approbata, ex quorum decretis magna parte Jus illud conflatum est. Nomen Concilii deducit S. Isidorus l. 7. Etymol. c. 16. à *Cilio*; *Concilii nomen*, inquit, *tractum ex communi intentione, eo quod in unum dirigant omnes* (nimirum congregati) *mentis obtutum*; *Cilia enim oculorum sunt, unde & qui sibi met dissentiant, non agunt Concilium, quia non sentiunt unum.* c. *Canones dist. 15.*

Quamvis vero Concilium generaliter sumptum, dicatur quivis Convectus multorum hominum, non tantum proborum Psal. 110. v. 1. sed etiam impiorum Psal. 25. v. 4. Pressius tamen sumit Cice-

Dicero, cum ait, esse Congregationem  
 d aliquid cum deliberatione agendum  
 leputata. *Orat. pro Roscio*; Eoque in sen-  
 u sæpius accipitur non solum in veteri  
 Testamento 1. *Paralip.* 26. v. 15. *Esth.* 1. v. 13.  
 ed etiam novo. *Luc.* 22. v. 66. *Act.* 5.  
 v. 21. & alibi. Verum nunc usus obti-  
 nuit, ut Concilia strictè dicantur: Con-  
 ventus personarum Ecclesiasticarum  
 maxime Episcoporum à Superiore legi-  
 timo indicti & convocati, ut de rebus  
 ideæ & Religione deliberent ac decer-  
 nant; Atque in hoc sensu agitur in præ-  
 senti de Conciliis, quæ in Canonibus  
 Apostolorum *can.* 36. & postmodum sæ-  
 pissimè à Conciliis, & à SS. PP. *Synodi*  
 ppellantur. Quod tamen nomen post-  
 nodum à plerisque ad cœtus Metropo-  
 litanos & Diœcesanos contractum est.

2. Veri similis est institutionem Con-  
 ciliarum juris esse divini & naturalis.  
*Bellarmin.* l. 1. de *Cone.* c. 3. Primò quia de-  
 monstrata est à Christo per hæc verba:  
*ibi fuerint duo vel tres congregati in*  
*nomine meo illic ego in medio illorum*  
*sum.* *Matt.* 18. prout docent Concilia &  
 SS. PP. Concilium Chalcedonense in  
*Epist.* ad Leonem. Sexta Synodus *Act.* 17.  
*Cælestinus Papa in Epist.* ad Conc. Ephes.  
 Con-

Concilium Toletanum III. Alexander *Epist. ad Anastasium Alexandrinum* aliq; quam plurimi. Quis neget Apostolos, in quibus Spiritus sancti gratia abundabat, ut inquit Synodus Constantinop. II. *coll. 8.* nonnisi Spiritus sancti ductu & impulsu primum Concilium convocasse, cum dicant: *Visum est Spiritui sancto & nobis Act. 15?* Si enim inventio solum esset humana convocare Concilia, ut censuit Albertus Pighius *lib. 6. de Cæl. Hierarch. c. 1.* falso tribuissent Apostoli Spiritui sancto id cuius ipse nec auctor esset, nec actor. II. Quamvis ratio naturalis dicat, ut Princeps in rebus dubiis & controversis consulat peritos, non tamen videtur ab humana solum ratione exco- gitatum esse, ut soli convocentur Episcopi, iique non ut Consiliarii solum, sed ut Iudices sententiam ferant. IV. Si ex jure solum humano Concilia instituta essent, quibus Episcopi tanquam Iudices interessent, mutatio sæpius circa ea contigisset; Jam vero ubique omnium gentium consensu Sacerdotes, qui divinis præerant, judicandi de rebus maximis auctoritatem habebant. Sic in lege Mosaica constitutum erat Concilium 70 virorum, quod ab Hebræis *Sanhedrim*, à Græ-

Græcis *συνέδριον* dictum est, in quo Summo Pontifice præsidente graviores causæ decidebantur, *Deut. c. 21. v. 5. & c. 17. v. 9. & Sigonius l. 6. de Rep. Hebr.* Apud Romanos Augures *Religionibus Deorum & Summa Reip.* à majoribus præfectos fuisse testatur Cicero pro domo sua. Apud Gallos Druides de omnibus ferè controversiis publicis privatisque constituebant. *Cæsar l. 6. belli Gallici.* Idem faciebant Sacerdotes apud Ægyptios *Strabo l. 17. de Meroitarum moribus l. 14. ver 4. Persas Euseb. in Chronico Athenienses Joseph. l. 14. antiq. c. 10. aliosque Regal. Sacerd. 2. §. 1.* Convincit ergo omnium fere gentium consensus auctoritatem Sacerdotum in judicando, non esse juris solum humani, sed naturalis, & in Ecclesia etiam divini.

3. Quamvis vero Summus Pontifex iudex sit omnium controversiarum, & tanquam Christi Vicario omnes fideles obtemperare teneantur, hic tamen non debet in Controversiis fidei decidendis temerè quicquam agere, suoque soli iudicio fidere, sed multorum in rebus sacris peritorum sententiam exquirere, eaque media assumere ad investigandam veritatem, quæ humana  
in-

industria in rebus arduis adhibere solet; Hoc recta docet ratio, ut in re dubia magnique momenti aliorum petantur Consilia, idque in Ecclesia omnium sæculorum praxis obtinuit; *Illa fuit antiqua Apostolica Sedis provisio*, inquit Cœlestinus III. *ut hujusmodi causarum recognitiones duobus quam unius, tribus quam duobus libentius delegaret, cum sicut Canones attestantur integrum sit judicium, quod plurimorum sententiis confirmatur.* c. 21. de offic. & pot. jud. del. Hinc cum in Ecclesia oporteat esse & scandala & hæreses. Matt. 18. 1. ad Cor. 1. eæque diversis temporibus sæpissimè extortæ fuerint, necesse quoque fuit frequenter Concilia convocare S. Aug. l. 4. contra duas Epist. Pelag. c. 11. & l. 1. de Bapt. contra Donat. c. 18. S. Cyprianus l. 1. Epist. 2. ad Steph. Est ergo medium ordinarium, quo Pontifex utitur in rebus arduis circa fidem & mores, convocare Concilium ejusque sententiam audire. Non tamen tenetur semper illius judicio stare, sed si ipse cum Concilio Cardinalium, quod Judicium est Sedis Apostolicæ, & tribunal Ecclesiæ dissentiat à sententia Concilii, poterit res controversas determinare. S. Tb. 2. 2. q. 1. 4. 10. Card. Alexander c.

Ana.

*nasius*, atque tunc sententia Papæ & Cardinalium præferenda est definitioni Concilii generalis, quia est Judicium Sedis Apostolicæ, & Ecclesiæ Catholicæ, uæ in fide & moribus errare non potest. *c. Hac est fides 24. q. 1. c. à recta & c. uoties c. 21. 24. q. 1. c. omnes dist. 22.* Non ergo necessaria sunt Concilia absolute, ut putavit Vigorius apud Boyvin. *p. 4. theol. disp. 3. de Conc. q. 2.* cum à Pontificibus Romanis hæreses damnari possint, & sæpius damnatæ sint, sed solum secundum quid tanquam media valde utilia ad extirpandas hæreses & Schismata tollenda.

4. Causæ ob quas Concilia celebrari solent sunt variæ. Prima est nova hæresis non antea ab Ecclesia judicata; Ob hanc congregata sunt septem prima Concilia generalia. Nam in Nicæna I. damnatus est Arius negans Filii consubstantialitatem cum Patre. In Constantin. I. Macedonius, adversus quem confirmata est Spiritus sancti divinitas. In Ephesino Nestorius duas asserens in Christo personas, contra quem asserta una Christi persona & duæ naturæ. In Chalcedonensi profligati sunt Dioscorus & Eutyches, qui unam tantum in Christo naturam admitterebant. In Constantia

tin. II. Originis errores damnati sunt. In Constantin. III. Monothelitarum hæresis rejecta est, dum una tantum in Christo voluntas agnoscitur. In Nicæno, II. Iconoclastæ profligati sunt.

Secunda causa celebrandi Concilii est, ut schisma inter Romanos Pontifices exortum supprimatur; Sic factum tempore Cornelii Symachi, Innocentii II. Alexandri III; Et in Concilio Constantiensi, cum tres essent, qui se Pontifices appellarent.

Tertia ut Turcis aliisque Ecclesiæ hostibus communi subsidio resistatur; Ob eam causam coëgit Concilium Urbanus II. Calixtus II. Eugenius III.

Quarta suspicio hæresis vel infidelitatis, aut Tyrannis incorrigibilis in Romano Pontifice. Ob hanc congregatum fuit Sinuessanum in causa Marcellini; Romanum in causa Damasi, Sixti III. Leonis III. Quorum tamen nullum dixit sententiam damnationis in Papam.

Quinta Reformatio abusuum, & extirpatio vitiorum, quæ in Ecclesiam irrepunt. Pro quibus tollendis Concilia hucusque omnia etiam particularia celebrata sunt.

Sexta



*Concil. general, convocat Papa. 145*

Sexta causa excogitari posset, si Cardinales aut nollent, aut non possent eligere Pontificem per morbos, mortem, aliumvè casum inevitabilem impediti, utique ad Generale Concilium spectaret determinare de electione Pontificis. *Coriolanus in præl. 1. summæ Concil.*

5. Porro Concilia alia sunt Generalia, græcè Oecumenica, alia particularia. Oecumenica dicuntur, quod ea constituent convocati ex toto mundo, nam *οἰκουμένη* idem est, quod terra habitabilis deductum à nomine *οἶκος* & verbo *μένειν*, quasi domus permanens, ut est mundus universus. Generalia, quæ S. Aug. l. 2. de Bapt. c. 3. plenaria vocat universalem repræsentant Ecclesiam, & ut legitima sint has requirunt conditiones:

Prima ut Summi Pontificis mandato vel approbatione congregentur *Pelagius II. Epist. 8. Alexander III. Const. Quoniam 9. Innocentius III. Constit. Vineam* prout in primis quatuor Conciliis, quæ S. Gregorius eadem veneratione, qua Evangelia promovebatur. c. *Sicut dist. 15.* observatum fuisse ostendit *Bellarminus de Conc. l. 1. c. 15.* deoque si sine S. Pontificis auctoritate Concilia convocentur invalide celebrantur

K

tur

tur c. 1. 2. 3. & 5. *Dist.* 17. & non Concilia, sed Conventicula erunt & Conciliabula *cit.* c. 5. *dist.* 17. imo Synagogæ, Satanæ. S. Thom. 2. 2. q. 1. 10. & quod in iis actum fuerit irritum erit & vacuum. *cit.* c. 5.

Non ergo Imperatorum est convocare Concilia, ut contendunt Novatores hujus temporis ad elevandam Pontificum & Conciliorum, in quibus illi condemnati sunt, auctoritatem. Fuerunt quidem ex Imperatoribus nonnulli, qui pro Religione sua, cum Ecclesiam ab hæreticis infestari cernerent, vel sponte Concilia à Romanis Pontificibus petierunt, vel postulante aut annuente Pontifice ea cogenda curarunt, seseque Conciliorum Protectores exhibuerunt, prout pluribus exponetur infra. c. 15. §. 7. sed auctoritate propria non convocarunt.

Secunda Conditió est, ut Pontifex Concilio præsit perse vel per Legatos suos. c. 2. & 6. *dist.* 17. Caput enim quale est Pontifex ut dicetur c. 15. §. 3. præsidere debet corpori, idque semper in legitimis Conciliis Oecumenicis observatum fuit, ut infra ex descriptione singulorum Conciliorum patebit.

Neque dicas Imperatores in sexta & octava Synodo præsedisse, in Sexta namque

que ſic habetur: *Præſidente piſſimo Imperatore*; Atque etiam hi veleorum Legati digniorem ſæpe locum, nimirum in medio occupabant, ut patet ex iſdem Synodis, & hiſtoria Concilii Chalcedonenſis apud Nicephorum l. 15. c. 4. Nam quod interdum Imperatores aliivè ſæculares digniorem in Conciliis locum occuparint, id non jure ſed potentiâ factum. Neque id omnes fecerunt, Conſtantine Imperator humiliorem ſibi locum in Nicæno l. delegit. *Euseb. l. 3. de vita Conſt.* alique hoc pientiffimi Imperatoris exemplum imitati ſunt. c. Nos ad fidem. c. ſatis diſt. 96. Ideo inter cæteros Martiane Imperator in Act. 6. Conc. Chalced. Nos inquit, *ad fidem roborandam ſive exercendam, non ad potentiam aliquam oſtendendam ſive exercendam exemplo Religioſiſſimi Principis Conſtantini Synodo intereſſe volumus: ut veritate inventa, non ultro multitudo pravis doctrinis attracta diſcordet: Vel ne ulterius pravis perſuaſionibus à recta ſeparentur fide.* Quare licet interfuerint ſæpe Imperatores Conciliis ad majorem eorum celebritatem, & ut tumultus in tanta Congregatorum frequen-

quentia averterentur, eamque ob causam nonnunquam præsedisse dicti sint, nunquam tamen in iis Judicium partes sustinuerunt, ut constat ex cit. Synodo sexta, In qua Constantinus Pogonatus suffragium suum non dedit, & ultimo loco Actis subscripsit; Sed de his pluribus infra erit agendi locus.

Tertia Conditio est, ut evocatio eorum qui jus habent sit generalis, quantum moraliter fieri poterit, nec ullus eorum à Concilio excludatur, cum id Concilium repræsentet totam Ecclesiam. *conc. Const. Sess. 5.* idque approbatum à Martino V. Et *quod omnes tangit ab omnibus approbandum est.* Reg. Jur. in 6. Non tamen necesse est, ut convocatio ad singulorum perveniat aures, sufficit enim ut ex intentione vocantis per se ad omnes referatur. Neque oportebit omnes in particulari vocari, sed satis erit Patriarchas, Primate & Archi-Episcopos invitare cum illorum Suffraganeis & Prælati subditis, ut vel omnes veniant; vel nomine omnium illos mittant, qui sufficere illis videbuntur. *Turrec. l. 8. c. 14. Suaz. disp. 9. de Conc. sect. 1.* Vocandi ergo sunt ad Concilia generalia, excepto Summo Pontifice, qui vocari nequit, omnes qui Jus habent, *Leo I. Const. omnem. 2. Hormisdas*

*das Epist. 5. ad Anast. Imp. Gregorius VII. lib. 2. post Epist. 55.* Atque in primis Episcopi, idque ex jure proprio. *Bellarmin. l. 1. de Conc. cap. 5.* quia hi sunt Pastores Ecclesiæ ex officio *ad Ephes. 4.* quam tanquam Primates regere debent *Act. 20.* cum in ea propriè habeant jurisdictionem. *Sexta Syn. act. 11. & sept. Syn. c. 19.* Ita ut nullus eorum positivè excludi possit nisi excommunicatus.

Deinde vocari debent Cardinales non tantum ex privilegio & consuetudine, sed etiam ut propabilius putat *Suaz. l. c. n. 17.* ex jure ordinario, quia actus jurisdictionis, qui ad externum regimen Ecclesiæ ordinantur, & intrinsecè non pendent à consecratione Episcopali communicari possunt quibusvis personis Ecclesiasticis capacibus, ideoque Cardinales etiam non Episcopi suffragium habent in Conciliis decisivum ante ipsos Episcopos, quia ex usu & privilegio Pontificum illis præferuntur in iis, quæ non dependent à Characterè Episcopali, habentque in suis titulis Jurisdictionem Episcopalem *c. His quæ. de Major. & Obed. Turren. l. 8. c. 14.*

6. Præterea ex usu & privilegio, non ex jure communi vocantur Generales Ordinum Regularium, & Abbates con-

secrati habentes jurisdictionem. Episcopi annulares, seu Titulares vocari possunt & habere suffragia, sed non est necesse, quia actu carent jurisdictione Episcopali, sicque habere usum testatur *Suaz. l. c. n. 18.* adeoque perversè *Marcus Antonius de Dominis Apostata lib. 2. de Repub. c. 7.* Episcopos illos Titulares, quos per ludibrium vocat Nullatenenses, habere jus suffragii, si vocentur, in Conciliis generalibus negat.

Nullus vero Laicus, etiamsi Rex sit vel Imperator vocandus est ad Concilium, tanquam Judex, & ut suffragium ferat decisivum, quemadmodum constat ex omnibus Conciliis à tempore Apostolorum, quando *Act. 15.* Apostoli ipsi cum Presbyteris conveniunt & definiunt, reliqua multitudo audit & obedit, usque ad Tridentinum observatum esse. Octava Synodus *Can. 17.* execratur dicentes invalidas esse Synodos, quibus non intersit Princeps. Idem constat ex *Clemente I. Epist. 5.* & habetur *c. Relatum dist. 37.* *Nicolao I. Epist. ad Michaël Imp.* *Gelasio Epist. ad Athanas. Augustum.* Ideoque *Basilii Imp. negat in Octava Synodo act. 10.* & ad se & ad ullum Laicum pertinere negotia Ecclesiastica tractare. *Evag. l. 3. c. 4.* Laici ergo interesse solum possunt, & non.

nonnunquam interfuerunt Conciliis, ut Defensores, Testes, Consilarii, Suggestores vel Executores. Nec potest illis ex probabiliore sententia Pontifex concedere, ut suffragium in illis decisivum ferant, hic enim actus est jurisdictionis Ecclesiasticæ, cujus jure ordinario Laici sunt incapaces. *Jacobarius lib. 2. c. 2.*

Admittuntur etiam nonnulli Theologi doctrina prudentiaque conspicui, non Ecclesiastici tantum, sed nonnunquam etiam Laici, qui ut Consilarii in rebus solum discutiendis adjuvent. Præterea Notarii, Cursores, alique qui Patribus Congregatis in necessariis famulentur. Accedere quoque ad Concilium possunt, quotquot se læsos existimant. *c. 4. dist. 18.* & hi, si beneficiati sint, possunt percipere fructus beneficiorum exceptis distributionibus quotidianis, non secus, ac si præsentesset. *Conc. Constant. Sess. 10.*

7. Episcopi ad Concilium generale vocati tenentur omnes ire ad locum, in quo indictum est. *Conc. Laodic. Can. 4.* aut si qui infirmi sint, vel impediti, alios pro se mittere sub pœna excommunicationis, & suspensionis à Missa per sex menses. *Conc. Carth. 1. c. 10. Affric. c. 42. Aurelian. V. c. 28. & c. 10. dist. 18.* Si qui ve-

ro emanferint, non ideo definit eſſe Concilium generale; Nam ut tale fit, non eſt neceſſe, ut omnes Eccleſiæ univerſalis Episcopī, imo nec major eorum pars reiſa congregetur, alias pauca, vel etiam nullum ex hætenus congregatis dicendum eſſet generale, nec iplum primum Conſtantin. quod fuit ſecundum Generale, & unum eorum, quæ quatuor Evangeliiſ comparantur. *c. 1. & 2. diſt. 15.* Cum in eo convenerint ſolum 150 Episcopī ex 500 & pluribus, quos tunc in Eccleſia fuiſſe teſtantur hiſtoriæ. Neque Concilium Chalcedonenſe, quod ultimum eſt ex quatuor primis, cum ad illud ex toto Occidente ſoli Pontificis Legati acceſſerint. *Leo Papa Epiſt. 42. & 50.* Et ratio eſt, quia ut generale ſit Concilium, non tam re, quam repræſentatione & auctoritate continere debet univerſalem Eccleſiam, hanc autem continebit, ſi duo habuerit: Primò præſentem Papam, vel in ſe, vel in Legatis ſuis, ſine quo Concilium eſt acephalum; Secundò eam multitudinem Episcoporum, quæ vel omnes comprehendat, vel certè repræſentet vicemque abſentium ſubeat; Sic enim obtinet uſus in omnibus Congregationibus, ut quando omnia membra convenire non poſſunt,



possunt, alia aliis suas vices tribuant & absentiam suppleant, idque secundum rectam rationem, & naturalem rerum humanarum conditionem; Vel enim absentes nec possunt, licet vellent, ipsi venire, nec alios suo loco mittere, vel utrumque ob malitiam nolunt; Si primum tenentur cedere suo juri, ac consentire ut præsentes eorum vices suppleant, atque ita eos velle præsumendum est; Si secundum privandi sunt jure suffragii, atque qui convenerunt, declarare possunt se vices omnium subire *Suaz. de Conc. disp. 11. sect. 2. n. 7.* Jam vero qui impediunt proficiscentes ad Concilium vel damnum illis inferunt excommunicandi sunt. *c. 7. dist. 18. Conc. Sabln. c. 2.* Demum Concilium convocandum est in civitate ampla, salubris aëris, & facilis accessus, ubi ædificia sint accommodata. *Conc. Later. V. Sess. 11. Const. 3.*

8. Priusquam inchoetur Concilium vacare debent Patres conscripti per tri-duum jejunio, orationibus & eleemosynis plus solito *Conc. Raven. III. post Clem. V. c. 26.* & fit diei publicatio, quo Concilium inchoandum erit. Die condicto conveniunt Patres hora constituta in loco destinato, atque ibidem quisque ornatur à famulis propriæ dignitatis insigni-

signibus, quæ sunt: Mitræ, pluvialia, Casulæ, dalmaticæ. Inde pro sui gradus & consecrationis ordine bini & bini in destinatam Basilicam silentio cruce præcedente procedunt: Præeunt Regularium Ordines, succedunt Canonici ac reliqui Ecclesiastici, post illos Episcopi, ac demum Legati, & si qui adsunt Regum Oratores. Chorum ingressi flexis genibus orant, tum ad opem S. Spiritus implorandam ab omnibus alta voce decantatur Hymnus (quod in Concilio Tridentino factum est in loco, ubi sacris vestibus amicti sunt, priusquam ad locum Concilii accederent. *Pallav. in hist. Conc. l. 5. c. 17. n. 8.*) aliæque preces ex rituum libello recitantur; Quibus persolutis Missam ex præparatis sedibus & subselliis reverenter audiunt, & Concioni, quæ ab aliquo insigni oratore de suggestu habetur, intersunt, qua finita plebs e templo emittitur ejusque fores obferantur.

His peractis præsidet, ut dictum supra, universo Concilio Summus Pontifex, quia Pastor est universalis Ecclesiæ. *Jo. 21. v. 18.* per se vel per unum aut plures Legatos. *c. 2. dist. 17.* Quod enim quis per alium facit, per se ipsum censetur facere. *Reg. Jur. 72. in 6.* Et licet Legatus

gatus solum sit Diaconus vel Clericus præcedit tamen omnes Congregatos. *Eug. IV. Const. 15. Non mediocri §. 13.* Cæteri Patres secundum ordinationis suæ tempus prærogativam sibi in confesso vendicant *c. ult. dist. 17.* non secundum præminentiam Ecclesiarum quibus præfunt. *S. Cong. Conc. in c. 2. Sess. 14. de resor.* ideoque qui prius dignitatem receperunt præferendi sunt aliis. *Glos ibid. V. Episcopus.* Hinc est quod Pius Papa IV. in Concilio Tridentino edixerit Anno 1562. de Primatibus, ut promiscuè inter Metropolitanos juxta Consecrationum suarum tempora sederent. In media Concilii corona secundum antiquam consuetudinem collocatur super pulvinari Evangeliorum Codex, & nonnunquam, ut factum est in Synodo Chalcedonensi, Nicæna 2. & ultima Constantinopolitana, sacra Sanctorum Lipsana.

9. Postquam confedere Patres, legitur ante omnia Diploma seu literæ Pontificiæ, quibus Concilium indicitur. *Nic. 1. Epist. 9.* Deinde eliguntur Officiales Concilii, inter quos præcipui sunt Consultores, qui Legatis Præsidibus in rebus agendis, proponendis, vel dirigendis assistunt; Notarii, qui, quæ dicuntur, proponuntur, postulantur & constituuntur

untur in scripturam redigunt; Promotores, qui culpas & transgressiones Decretorum observant & postulant emendari; Scrutatores, qui singulorum suffragia excipiunt, in scripta referunt, & ad mensam Consultorum deferunt numeranda; Custos Concilii, quod munus alicui Principum Synodo adstantium, si adsint, vel alteri Illustri personæ committitur; Judex qui lites dirimat eorum, qui Concilio intersunt.

His aliisque Officialibus electis promulgantur leges in Concilio servandæ; Tum admittuntur Oratores Principum lectis eorum literis commonitoriis. Priusquam vero res in Concilio definienda proponatur, instituuntur selectorum Doctorum Congregationes, in quibus seorsim à Coetu Concilii accuratè discutuntur per rationes & suffragia non decisiva, sed consultiva quæstiones in Concilio postmodum dijudicandæ ac definiendæ. Quo facto Patres in Concilio priusquam sententiam definitivam de rebus à minoribus Doctoribus expensis ferant, rationes quæ ex utraque parte occurrunt sedulo expendunt, ac tum collectis votis, quod major vel sanior pars decernit numeratis suffragiis per capita, non

non per nationes conclusum habetur.  
*Conc. Lateran. III. c. 16. Tolet. VIII. c. 11.*

Olim Procuratores quoque Episcoporum absentium votum ferebant decisivum, non secus ac Episcopi à quibus mittebantur, & quorum vices gerebant, ut patet ex Actis Synodi Nicænæ, I. & II. Constantinopolitanarum, Ephesi-  
næ & Chalcedonensis, Romanæ I. Agathensis, Aurelianensium II. III. IV. & V. Cabilonensis, Africanarum quarundam, Eliberitanæ, Ilerdensis, Valentiniæ, Egar-  
ensis, & quarundam Toletanarum. Aliqua tamen differentia inveniebatur in Ecclesia Græca & Latina quo ad ordinem Sessionis, suffragii & subscriptionis. In Synodis Orientalibus admittebantur ad eundem ordinem in omnibus, qui Episcopis eos delegantibus, si præ-  
sentes fuissent, debebatur. At in Conciliis Occidentalibus votum quidem ferebant decisivum, non tamen inter Episcopos considebant, & seorsim ab ipsis Acta Concilii subscribebant. Novissimè verò in Concilio Tridentino nemo ad suffragium decisivum admissus est, qui ab alio subrogatus fuisset, sive is Procurator esset cujusdam Antistitis, sive generalis alicujus Præsidis Ordinis Religiosi.  
*Pallav. in hist. Conc. l. 6, c. 2.* Reliqui Presbyteri

Presbyteri qui interfunt sapientia & eruditione præcellentes ad suffragia solum consultiva admittuntur.

10. Legati Apostolici qui præsent, possunt durante Concilio literas privatas ad se scriptas etiam nomine Regum & Rerumpublicarum recipere, privatim referare & legere; Si quid in iis contineatur, de quo monendum sit Concilium re cum Collegis & Consultoribus collata proponendum illi erit. Litteræ vero ad universum Concilium directæ non nisi auditis Patribus referendæ sunt & legendæ, nisi per adjunctas literas ab auctore earum Legati arbitrio & prudentiæ permittatur, eas quæ ad universum Concilium scriptæ sunt, vel proferre vel suppressere. Porro ad officium Legatorum atque etiam Consultorum, re tamen cum Legatis prius collatâ, spectat decernere ea quæ Concilio sunt proponenda. Cæteris Patribus conscriptis liberum est ea, quæ sibi proponenda occurrunt scripto Legatis aut Consultoribus exhibere, & ut ita fiat expedit ad vitandam confusionem, superfluitatem & altercationes, quæ oriri possent, si quisque quæ sibi occurrunt, per se viva voce Concilio ad deliberandum proponere vellet.

Si

Si contingat Papam è vivis excedere, dum generale Concilium celebratur electio Successoris non ad Concilium, sed ad Collegium Cardinalium, ut vitetur Schismatis periculum, spectat, ideoque Cardinales, qui Concilio interfunt, Romam se conferre debent, ut Ecclesiæ cum cæteris de communi capite provideant. *Pauli III. Constit. Pallav. hist. Conc. l. 3. c. 19. n. 10.* Et quamvis Pontifex alibi quam Romæ moreretur, electio tamen Romæ, utpote in urbe ab exteriorum violentia supra cæteras secunda, habenda erit. *Pallav. l. c. l. 5. c. 1. n. 8.*

11. Porro quæ definita sunt à Patribus in scripta rediguntur, & in fine Concilii relecta ab iisdem subscribuntur eo ordine quo confident *c. ult. dist. 18.* eorumque confirmatio à S. Pontifice rogitur. Acta enim Concilii confirmari debent à Pontifice, ut robur obtineant. *Nican. l. in Epist. ad Sylv. c. 2. dist. 17.* *Nec ullum ratum est, aut erit unquam Concilium, quod non fultum fuerit ejus auctoritate.* *Jul. Papa in c. Regula dist. 17.* Quamvis in Concilio præfederint Legati Pontificis. *Damas. Ep. 4. Cone. Chalced.* Ideoque Romam ut semper factum est ab eo confirmanda mittuntur. *cit. Nicanum l. Ep. ad Sylv. Chalced. Epist. ad Leon. Papam.*  
Nam

Nam Pontifex est supra Concilia, non vero Concilia supra Pontificem, ut infra pluribus probabitur. Decreta vero Concilii generalis, cui Pontifex non per se, sed per Legatos præsidet, eduntur nomine Concilii, ut patet ex octo Conciliis generalibus, atque etiam Tridentino, in quibus sæpius legitur : *Synodus definit, mandat, prohibet.* Demum tenentur Episcopi decreta secum conferre, & intra sex menses in Ecclesia sua publicare. *Conc. Tolet. XVI. c. 8. can. ult. dist. 18.*

Dubitandum vero non est Decreta Conciliorum universalium jus constitutive generale & commune, quod omnes obliget, cum confirmata sint à supremo Principe, Christi in terris Vicario. Si quæ verò, quæ fidem non concernunt, alicubi non recipiantur, id quidem *de facto* fit, an etiam *de jure* examinatur in Titulis de Constit. & Consuetudine.

## C A P U T XIV.

### Series Conciliorum Generalium Legitimorum.

*Compendiosa descriptio Conciliorum gener. eorumque Canonum Nicani I. Sardicen-*



*dicensis, Constantinopolitani I. Ephesini I. Chalcedonensis. Constap. II. Constant. III. Nicani II. Constant. IV. Lateranensis. I. II. III. & IV. Lugdunensis I. & II. Viennensis, Florentini Lateran. V. Tridentini.*

I.

**P**Ræmissis iis quæ spectant ad Convocationem & celebrationem Conciliorum Generalium modumque in iis procedendi, subiiciemus nunc brevem eorundem, quæ hætenus in Ecclesia celebrata sunt, descriptionem, & qui Canones ex iis tanquam ex fontibus in Jus Canonicum deducti sint. Concilia generalia quæ legitima sunt, numerantur octodecim. Primum est

## NICÆNUM.

Convocatum illud fuit Nicææ, quæ Metropolis est Bithyniæ in Asia à Sylvestro Papa & Constantino Imperatore. Inchoatum est in aula Palatii Constantini *Euseb. l. 3. vitæ Constan. c. 12.* anno Christi 325. 13. Kal. Julii. Paulino & Juliano Coss. ut tradit Concilium Chalcedonense *Act. 2.* tenuitque usque in diem octavam Kalend. Sept. ejusdem anni, ut habet eadem Synodus Chalced. & vetustissima Cresconiana collectio.

L

Inter-

Interfuerunt huic Concilio Patres supra trecentos octodecim; quos inter multi sanctitate conspicui, & in sanctorum Catalogum ab Ecclesia relati, ut Nicolaus Myræ in Lycia, Paphnutius Thebarum Ægypti, Potamon Heraclææ Ægypti, Spiridion Threnituntis Cypri, Paulus Neo-Cæsarææ, Jacobus Nisibis in Melopotamia, Alexander Constantinopolis, Arostanes in Armenia superiori Episcopi & magnus Athanasius tunc Ecclesiæ Alexandrinæ Diaconus. Præsiderunt Summi Pontificis Legati Osius Cordubensis Episcopus, Victor & Vincentius Romanæ Ecclesiæ Presbyteri, qui etiam ante omnes Ecclesiarum Antistites & Patriarchas confederunt, suaque nomina Actis subscripserunt, ut testis est Dalmatius seu Gelasius Cynizenus Episcopus in historia hujus Concilii. Hos sequebantur Alexander Alexandriæ, Eustathius Antiochiæ Patriarchæ, Macarius Hierosolymorum Episcopus. Constantinus Imp. Concilium ingressus non nisi annuentibus Episcopis sedere voluit, dein habita Oratione latina contestatus est non esse deinceps suum sed Episcoporum judicare, proindeque post omnes Episcopos subscripsit.

Co-

Coactum fuit hoc Concilium præcipuè contra Arium Presbyterum Alexandrinum sacrarum literarum interpretationi Præpositum, qui assererat DEI filium esse diversæ à Patre inferiorisque naturæ, atque à Patre in tempore ex nihilo creatum ; Quæ hæresis in hoc Concilio damnata est. Deinde contra Quarta decimanorum Sectam jam antè sæpius oppressam, nunc iterum reviviscentem, quæ Judaico ritu non die Dominico Pascha, sed Luna decimaquarta in quamcunque diem incidisset agitabat. Constitutum ergo est, ut post decimam quartam Lunam primi mensis in ipsum æquinoctium vernalis incidentem, vel ipsum proximè sequentem prima Dominica Pascha celebretur. Decreta hujus Concilii Romam perlata à Sylvestro Papa approbata fuere.

2. De numero Sessionum & Canonum hujus Concilii valde controversatur. Alii namque contendunt viginti solum formatos esse Canones, qui hodie dum exstant, alii vero plures fuisse affirmant. Isti pro se allegant I. quod Atticus Episcopus Constantinopolitanus, & Cyrillus Alexandrinus Antistes miserint solum vulgatos viginti Canones ad Conc. Carthaginensè VI, cum id omnes

sibi transmitti petiisset. II. Rufinum viginti duos exhibere in historia sua, sed duos nihil addendo partiri, adeoque re ipsa viginti esse. III. Theodoretum l. 1. *Hist. Eccl.* c. 8. viginti solum fuisse attestari. IV. Cæcilianum Episcopum Cathaginensem, qui ipse Concilio Nicæno interfuerat, non plures quam viginti Canones Nicæa Carthaginem retulisse, ut refert Concilium Carthaginense VI.

Qui vero plures fuisse efferunt producunt: *primo* Epistolas sub nomine Athanasii & Marci Pontificis Romani latine scriptas, in quibus Athanasius rogat Marcum, ut ad se transmittat octuaginta Nicænos canones, quos Alexandrinum ex Synodo transportarat; Cui respondet Marcus se canones illos octuoginta primum, sed à Nicæna Synodo in septuaginta redactos ad ipsum transmittere. Sed hæ Epistolæ ab eruditis profectitiis, & nullius auctoritatis habentur. *Secundo* Julius Pontifex Romanus meminit in Epistola scripta ad Orientales, quam refert Athanasius Apologia 2. cujusdam Decreti Nicænæ de prioris Synodi Actis in posteriore Synodo examinandis. Deinde recenset hoc Decretum Nicænum: *Non debere præter sententiam Romani*

Pon-

*Pontificiis Concilia celebrari. Et aliud: Ne Conprovinciales quicquam statuunt adversus ullum Provinciae Episcopum inconsulto Romano Pontifice. Tertio Leo Papa Epist. 24. ad Theodosium junio-rem Aug. postulat ab eo retractatorium concilium in causis Flaviani ab Ephesi-  
no latrocinio appellantis, & subjungit: Quam autem post appellationem inter-positam hoc necessario expostuletur Ca-  
nonum Nicæa habitorum decreta testen-  
tur, quæ à totius mundi sunt Sacerdo-  
tibus constituta. Item Zosimus, Inno-  
centius, & Cœlestinus Summi Pontifi-  
ces petunt à Concilio Carthaginensi VI.  
ut observetur ab eisdem Canon Nicæ-  
nus circa appellationes ad Romanam  
sedem à judiciis Episcoporum; Nihil ho-  
rum vero in vulgatis XX. Canonibus  
reperitur. Quarto, Gelasius Cyzice-  
nus l. 2. c. 30. præmittit vulgaribus XX.  
Canonibus statutum Nicææ Synodi no-  
vem continens capita. S. Ambrosius in  
Epistola ad Vercellensem Ecclesiam in-  
quit: Patres in Concilio Nicæno tracta-  
tus addiderunt, neque Clericum quen-  
quam esse debere, qui secunda conju-  
gia sortitus est. Innocentius I. Epist. 23.*

ad Synodum Tolosanam refert ex regulis Nicænis de ordinationibus: *Ne quispiam, qui post Baptismum militaverit ad Ordinem debeat Clericatus admitti: neque qui causas post Baptismum acceptum egerint &c.* S. Hieronymus *Præf. in lib. Judith* refert hunc librum à Nycæna Synodo fuisse inter canonicas scripturas connumeratum. S. Augustinus *Epist. 110.* agnovit decretum Nicænum, ne quis succedat Episcopo viventi: *Adhuc, inquit, in corpore posito... Valerio, Episcopus ordinatus sum & sed cum illo, quod Concilio Nicæno prohibitum fuisse nesciebam, nec ipse sciebat, quod ergo reprehensum est in me, nolo reprehendi in filio meo.* Quinto Concilium Antiochenum *Can. 1.* & Constantius Augustus, qui Nicæno interfuit in Epistola sua quam refert Eusebius Cæsariensis. *l. 3. vitæ illius* & S. Athanasius, qui pariter in Concilio præsens fuit *lib. de Conciliis Arimin. & Seleuc.* Et Epiphanius *hæres. 96.* tradunt Nicæni Concilii decretum de non celebrando Paschali festo, nisi in Dominica occurrente primum post decimam quartam mensis Martii lunam; At nihil prædictorum reperitur

peritur sive in Canonibus, sive in actis Synodi Nicænæ. Præterea in Epistola Episcoporum Ægypti ad Felicem Papam II. leguntur sequentia. *Sciamus in magna Nicæna Synodo trecentorum decem & octo Episcoporum, ab omnibus concorditer esse roboratum: Non debere absque Romani Episcopi sententia Concilia celebrari, nec Episcopos damnari; Licet hæc & complura alia necessaria Synodi Capitula fuerint ab hæreticis quotidie nos infestantibus exusta nobisque prærepta.* Sed hanc Epistolam Baronius aliique eruditi suppositiciam dicunt. Porro Canones Arabicos falso adscribi à quibusdam Nicænæ Synodo ostendit Cabassutius in Notitia Ecclesiastica de numero Canonum Nicænorum. Verum ni dicere velimus errasse supra citatos Patres & Concilia, fatendum erit præter Canones viginti decreta esse à Concilio illo Nicæno alia non pauca, seu Canones illa appelles, seu alterius nominis statuta.

3. In viginti vero Canonibus hujus Concilii, qui exstant, hæc statuuntur. Can. I. Irregulares esse, qui se ipsos, non vero quos Medici morbi causa, vel alii per-

per vim mutilant vel mutilare permittunt. Refertur *c. Si quis à Medicis dist. 55.*

Can. 2. Ne Neophyti ordinentur Episcopi aut Presbyteri. Item qualiter clerici ordinari & promoveri de ordine inferiori ad superiorem debeant servatis interstitiis. Et de his qui rei convicti essent ψυχικὸν ἀμαρτήματος, peccati animalis, hoc est qui post Baptismum grave aliquod crimen præsertim luxuriæ admiserint arcendis à Clericatu.

Can. 3. Ut nulli Clericorum liceat subintroducere mulierem, exceptis Matre, Sorore vel aliis non suspectis. citatur *c. interdicat 1. dist. 32.*

Can. 4. Statuitur qualiter Episcopi ordinari seu consecrari debeant. Refertur. *c. Episcopi ab omnibus dist. 64.*

Can. 5. Præcipitur ne excommunicati Clerici vel Laici à clero repulsi ab aliis admittantur. Citatur *c. Servetur ista sententia 11. q. 2.* Et ut Synodus Episcopalis bis in anno nimirum ante quadagesimam, & in Autumno convocetur. Habetur *dist. 18.*

Can. 6. Statuitur potestas Episcopi Alexandrini, & specialiter Ecclesiæ Romanæ. Deinde quod definitur à maiore parte collegii Ecclesiastici, id ratum esse debere.

can.



Can. 7. Approbatur honor Episcopo Hierosolymitano ex consuetudine delatus, Metropoli propria dignitate servata.

Can. 8. Permittuntur Novatiani, qui Cathari dicuntur, ad Ecclesiæ unitatem revertentes pristinae Sedi vel Ordini seu gradui restitui.

Can. 9. Examen Ordinandorum instituendum esse.

Can. 10. Clericos lapsos ordinatos deponendos esse.

Can. 11. Præscribitur quomodo sponte lapsi poenitere debeant.

Can. 12. Contra eos, qui ut se inchoatæ poenitentia molestis eriperent, militias affectabant, vel redimebant.

Can. 13. Nemini poenitenti in extremis vitæ communionem sacri viatici denegandam.

Can. 14. Catechumenos lapsos poenitentia triennali subijciendos.

Can. 15. Episcopos, Presbyteros & Diaconos proprias, quibus adscripti sunt, Ecclesias deferentes ad eas revocandos esse. Citatur *in c. Non oportet Episcopum* 7. q. 1.

Can. 16. Clericos non debere deferre Ecclesias suas, & ab alio Antistite non esse ordinandos sine consensu proprii Episcopi.

can.

Can. 17. Clericos usurarios deponendos esse.

Can. 18. Ne Diaconi Eucharistiam præbeant vel attingant nisi eis præbente Episcopo vel Presbytero, nec in medio Presbyterorum sedeant.

Can. 19. Paulianistas seu Photinianos denuo rebaptizandos esse, quia ut ait Innocentius I. *Epist. 12. c. 5. In Nomine Patris & Filii & Spiritus sancti minime baptizabant.*

Can. 20. Ut fideles Paschali tempore stantes orent. Citatur *c. Quoniam sunt de Consecrat. dist. 3.*

## SARDICENSE.

4. Quamvis hoc Concilium fuerit Synodus Oecumenica, non tamen inter universalia approbata Concilia numeratur, quandoquidem cum Nicæno unum idemque censetur, cum utrique iidem ferè interfuerint Patres, & nil aliud constituerint, quam quod Nicænum confirmarint, Canonesque illius explicatos corroborarint.

Convocatum est hoc Concilium Sandicæ anno Christi 347. auctoritate Julii Romani Pontificis sub imperio Constantis. Præfedit Concilio Osius Cordubæ Præsul in Hispania qui missus erat à Pa-

pa Legatus una cum Protégene Sardicæ Episcopo & Archidamo ac Philoxeno Presbyteris; Intertuère Episcopi orthodoxi trecenti quadraginta quatuor, ut testatur Athanasius, qui Synodo adfuit; Vel, ut Socrates tradit *l. 2. c. 16.* trecenti septuaginta sex. Præter hos convenere Orientales ex Arii & Eusebianorum colluvie septuaginta sex Episcopi, qui causæ suæ diffisi clam recesserunt Philippopolim Thraciæ & citati juridicè detrectantes redire, ibidem Pseudo-Synodum habuerunt sub Præside Stephano Episcopo Antiocheno.

In hoc Concilio absolutus est Athanasius ab Eusebianis damnatus. Similiter Marcellus Ancyrae, Asclepas Gazæ, alique ab Arianis abdicati Antistites, & ut ad proprias Ecclesias, expulsis inde invasoribus, remearent, constitutum est. Subscripsit primus Concilio Osius Episcopus Cordubæ, deinde Protogenes Sardicæ Episcopus, tum, quos Athanasius dicit Julii Romæ Episcopi Legatos, Archidamus & Philoxenus Presbyteri. Petierunt deinde per literas Patres à Julio Pontifice, ut Concilium confirmaret. *Sozom. l. 3. c. 11. Nicep. l. 9. c. 12.* idque eum fecisse patet ex eo, quod ipse Julius in Epistola ad Alexandrinos suam de Atha-

Athanasio restituendo sententiam à Synodo approbatam esse gratuletur. *Athanas. Apol. 2.*

5. Canones Concilii Sardicensis numerantur viginti & unus.

Primo statuitur poena in Episcopos transilientes de Episcopatu ad alium Episcopatum propria auctoritate.

Can. 2. Episcopus qui fraudulenter alterum ambivit Episcopatum, ne quidem Laica communione in fine vitae dignus habeatur.

Can. 3. Episcopus ab alio Advocatus in provinciam vocantis transire potest. Ut appellationes Episcoporum ad Apostolicam Sedem emittantur.

Can. 4. Episcopo deposito non prius alius in ejus cathedram substituatur, quam Romanus Pontifex causa cognita sententiam tulerit.

Can. 5. De Episcopis accusatis à Pontifice Romano judicandis, si ad illum provocaverint, vel ad Comprovinciales Episcopos remittendis.

Can. 6. De non ordinandis Episcopis perversos & modicas civitates.

Can. 7. De Episcopis accusatis.

Can. 8. Ne Episcopi passim ad comitatum pergant nisi à Principe fuerint accersiti

certi obtentis à Metropolitano literis.  
Et de officio Episcopi.

Can. 9. De Diaconis ad comitatum dirigendis.

Can. 10. Quod ad comitatum propupillis & Viduis ac necessitatem patientibus sit eundum.

Can. 11. Ut qui in canali (id est via, qua equi publicè per stationes singulas ad iter dispositi sunt) Episcopi euntes ad comitatum sollicitè discutiant.

Can. 12. De his qui ignorant, quid sit in Synodo constitutum.

Can. 13. Ne quis ad Episcopatum promoveatur nisi prius Lectoris, Diaconi & Presbyteri ministerio functus fuerit.

Can. 14. Ne Episcopus in aliena Provincia diutius sine necessitate immoretur.

Can. 15. Ne Episcopus à sua Ecclesia plus tribus hebdomadibus absit.

Can. 16. Ne Clericus à suo Episcopo excommunicatus ab alio suscipiatur.

Can. 17. Licere Clericis, si injustè fuerint excommunicati, vicinos adire Episcopos.

Can. 18. Non licere Episcopo alterius Clericum in sua Ecclesia ordinare.

Can.

Can. 19. Ne Episcopus sibi non subditum ordinare præsumat sine consensu proprii Episcopi.

Can. 20. Ut extranei Clerici apud Theſſalonicam non immorentur.

Can. 21. De ſuſcipiendis his, qui perſecutionem patiuntur.

## CONSTANTINOP. I.

6. Secundum generale Concilium fuit Constantinopolitanum primum Constantinopoli A. Chriſti 381. ſecundum Baronium, vel ut tradit Bellarminus anno 383. indictum auctoritate Damasi Papæ, & conſenſu Theodoſii Senioris Imp. ut conſtat ex geſtis Damasi apud Baronium ad hunc annum, ejusdem Damasi Epistoſa apud Theodoretum *l. 2. c. 22.* & Epistoſa Concilii ad Damasum apud eundem Theodoretum *l. 5. hist. Eccl. c. 9.* Interfuerunt Episcopi Orientales Catholici 150. & Macedonianæ ſex, ſemi-Ariani 36. *Niceph. inſtit. Eccleſ.* Præſedit primusque Actis ſubſcripſit Neſtorius Regiæ urbis Episcopus, non vero Damasus Pontifex per ſe, vel per Legatos ſuos; Confirmavit tamen illud in his, quæ fidem Catholicam concernunt. *Photius in lib. de 7. Synodis.* Tres potissimum ob  
ob

causas convocatum est hoc Concilium: I. Ut fides Concilii Nicæni confirmaretur. II. Ut Ecclesiæ Constantinopolitanæ Præsul orthodoxus præficeretur. III. Ut Macedoniana hæresis asserens Spiritum sanctum esse creaturam, profligaretur. Tria vero sub Damaso non interrupta serie celebrata sunt Concilia; Primum Aquilejense, cui præsedit Valerianus Aquilejæ Antistes; Secundum dimisso Aquilejæ Concilio Romanum, cui ipse Damasus præsedit; ad utrumque invitati quoque sunt Episcopi Orientales. Tertium Constantinopolitanum quæ tres pari auctoritate edita in unum coäluerunt generale Concilium consentientibus occidentalibus, qui in Aquilejensi & Romano convenerant cum Orientalibus, qui Constantinopoli congregati erant. Septem tantum hujus Concilii afferuntur Canones.

7. Can. 1. Instauratur & roboratur fides de Filio DEI æternitate & consubstantialitate cum æterno Patre. Damnantur etiam impia Macedonii & Eunomii dogmata, & omnes Arianorum & Sabellianorum: Nec non Marcelli Ancyрани, Photii Sirmiensis, & Apollinaris Laodicensi Sectæ.

can.

Can. 2. Ut Episcopi proprias gubernent Ecclesias. Habetur c. *Episcopi qui extra.* 9. q. 2.

Can. 3. Ne Episcopi ultra Diocesin propriam ad alias accedant, nisi invitati fuerint.

Can. 4. Quomodo Ecclesiæ inter barbaras gentes existentes regendæ sint. Maximus Philosophus Cynicus damnatur, ejusque ordinatio declaratur irrita.

Can. 5. Episcopus Constantinop. habeat priores honoris partes post Romanum. Hic Canon occasionem dedit schismati Ecclesiæ Orientalis.

Can. 6. Statuitur Episcopos aliosque Clericos non esse accusandos ab excommunicatis, hæreticis aliisque reis, & rejiciendas eorum accusationes, usque dum accusatores se purgaverint. Item quod in accusatione Episcopi possit à Synodo Provinciali ad Majorem recurri.

Can. 7. Recipiendos esse hæreticos errorem suum abjurantes & rectæ fidei adscribi volentes.

## EPHESINUM I.

8. Tertium est Ephesinum primum indictum auctoritate Cœlestini Papæ Theodosio juniore Imp. anno 431. juxta Baronium 430. juxta Bellarminum 434. Basso



Basso & Antiocho Loss. ad condemnandam hæresin Nestorii duas distinctas in Christo comminiscens personas, divinam & humanam, & negantis Sanctissimam Virginem MARIAM Theotocōn, hoc est Delparam appellandam esse. Concilium celebrarunt Ephesi quæ est minoris Asiæ Metropolis Episcopi orthodoxi plus quam ducenti in æde B. V. MARIÆ pro cujus asserenda dignitate convenerant decimo Kal. Julii. Ter citatus Nestorius, & nil nisi convicia reponens hæresis præfractæ obstinationis, convictus à sacra hac Synodo juxta sententiam à Pontifice anno præcedenti in Concilio Romano latam damnatus & omni gradu dignitatis spoliatus fuit. Præsedit nomine Pontificis præter alios Legatos Cyrillus Episcopus Alexandrinus, qui & primus mitram Pontificiam, & titulum Judicis universi Orbis à Cœlestino Papa, cujus personam sustinebat, accepit *Niceph. l. 15. c. 34.* Misit quoque Theodosius Imp. Irenæum & Candidianum Comites ad Synodi defensionem ea conditione, ut non immiscerent se negotiis fidei & Ecclesiasticis, quam tamen conditionem Comites, utpote Nestorio conjunctissimi non observarunt. Concilium confirmavit Pontifex, ut

M con-

constat ex Epistola Cœlestini II. ad Synodum scripta, & ex actis Concilii in causa Nestorii Romæ celebrati.

## CHALCEDONENSE.

9. Quartum Concilium generale est Chalcedonense, quod apertum Chalcedone anno 451. 3. idus mensis Octobris auctoritate Leonis Pontificis & jussu Marciani Theodosii Successoris ut constat ex ejusdem Martiani Epistola ad Leonem I. Pontif. actis Concilii præfixa, Martiano & Adolpho Coss. in templo S. Virginis & Martyris Euphemie contra hæresin Dioscori & Eutychetis Archimandritæ, qui unam tantum in Christo naturam asserebant. Convenerunt Episcopi 630. ut habet Marcellinus in Chronico, Liberatus Diaconus in breviario c. 13. & Photius in septem Synodis c. 40. Leo Pontifex vero *Epist.* 77. *alias* 52. 600. ferè Episcopos interfuisse tradit. Præfederunt Concilio Legati Leonis Pontificis Paschasinus Lilybetanus, Lucentius Aſculanus, Julianus Coënsis Episcopi & Bonifacius Presbyter. Post Legatos secundus sedit Anatolius Constantino-  
polis, tertius Dioscorus Alexandriæ, quartus Maximus Antiochiæ, quintus Juvenalis Jerosolymæ Episcopi, alique  
dein-

deinceps suo ordine. Principes à Marciano missi cum amplissimo Senatu confederunt in medio ante cancellos altaris, ut patet ex acti. 1. Leo Papa confirmavit Synodum id petentem, ejusque gesta quæ fidem concernunt, ut habet Epistola ejus 59 ad Synodum.

10. Canones hujus Concilii referuntur viginti septem. In primo constituitur; Canones uniuscujusque Concilii conservandos.

Can. 2. Damnantur Episcopi, qui propter pecunias ordinationem fecerint. Habetur. *c. Si quis Episcopus.* 1. q. 1.

Can. 3. Ne Episcopi, Clerici & Monachi neglecto sacro ministerio rebus secularibus ob lucrum se implicant. Citatur *c. Pervenit ad sanctam dist.* 76. Huc respicit Titulus Decretalium: *Ne Cler. vel Monach. sac. negot. se implicant.*

Can. 4. Monachi subijciantur Episcopis, neque nova Monasteria vel Ecclesias ædificent absque eorum consensu. *c. Qui verè pureque* 16. q. 1. & *c. Quidam Monachorum* 18. q. 2.

Can. 5. Quod non liceat Episcopo aut cuilibet ex Clero de alia ad aliam transire civitatem.

Can. 6. Ut ordinandi certis Ecclesiis

adscribantur, neque absolute ordinentur. Refertur *c. Neminem absolute dist* 70.

Can. 7. Militiæ cœlesti adscripti ad sæcularem non redeant. Refertur, *c. Eos qui semel* 20. q. 3.

Can. 8. Rectores hospitaliorum, & qui ordinantur in Monasteriis Episcopis sint subiecti. Habetur *c. Quidem Monachorum* 18. q. 2.

Can. 9. Si Clerici inter se litigent coram Episcopo causam agant. Refertur *c. Si Clericus* 11. q. 1.

Can. 10. Non licet Clerico duabus eodem tempore Ecclesiis adscribi, neque per ambitionem, de una in aliam se transferre.

Can. 11. Quibus literæ pacificæ vel commendatitiæ concedi debeant.

Can. 12. Ne una Provincia inter duos Metropolitanos dividatur.

Can. 13. Ut sine commendatitiis literis Clericus extra suam Ecclesiam non ministret. Refertur *c. Extraneo Clerico dist.* 71.

Can. 14. Quod non liceat Clericis alterius sectæ uxores ducere. Refertur, *c. Non oportet* 28. q. 1. & *c. Cave* 28. q. 1.

Can. 15. Diaconissa non ordinetur ante 40 ætatis annum, neque post ordinationem nubat. Habetur *c. Diaconissam* 27. q. 1.

can. 16.

Can. 16. Monachus vel Monialis DEO dicata à Connubio arcentur. Citatur *c. Si qua Virgo* 27. q. 1.

Can. 17. Parochiæ rusticanae quibus Episcopis subijciantur. Habetur. *c. Per singulas* 16. q. 3.

Can. 18. Conjuraciones adversus Episcopos prohibentur. Allegantur. *c. Conjurationum* 11. q. 1. & *c. Si qui Clerici* *ibid.*

Can. 19. In Provinciis bis in anno Concilia fiant, & corripiantur Episcopi qui ad Concilium vocati sine justa causa venire recusant. Habetur *c. Pervenit ad nostras* *dist.* 18.

Can. 20. Quod non liceat Clericis in aliam civitatem transmigrare, nisi eis qui in persecutione proprias amiserint civitates. Refertur *c. Clericos in singulis* *dist.* 71.

Can. 21. Clerici aut Laici absque examinatione ad Episcoporum accusationem non admittantur. Allegatur *c. Clericos* 2. q. 7.

Can. 22. Quod non liceat Clericis post mortem sui Episcopi res ad eum pertinentes diripere.

Can. 23. De Clericis & Monachis, qui præter voluntatem sui Episcopi ad Regiam Constantinopolim veniunt.

Can. 24. Quod non liceat Monasteria, quæ consecrata sunt, diversoria secularia fieri.

M ;

can.

Can. 25. Ut intra tres menses Episcopi electi ordinentur.

Can. 26. Ut Episcopi dispensatores habeant. Citatur *c. Quia in quibusdam dist. 89.*

Can. 27. Contra illos, qui specie conjugii mulieres rapiunt. Habetur *c. Eos qui rapiunt 36. q. 2.*

## CONSTANTINOP. II.

II. Quintum generale & legitimum (ut constat ex Act. 1. Nicæni secundi) Concilium fuit Constantinop. secundum ad instantiam Justiniani à Theodoro Cæsariensi seducti auctoritate Vigili Rom. Pontificiis quamvis inviti convocatum anno Christi 553. Convenerunt Calendis, vel ut habet tom. Concil. quarto Maij in Secretario centum sexaginta secundum Cabassutium in notitia Eccles. quibus Pontifex licet Constantinopoli præsens esset, nec per se, nec per Legatos suos præsidere voluit; Sed præsedit & primus subscriptione sua hanc Synodum firmavit Eutychius Constantinopolitanus.

Statutum est de tribus Capitulis propositis, nimirum de libris Theodori Mopsuesteni, de Theodoreti Anathematismis adversus Cyrillum & de Idæ Epistola, omniaque ut impia rejecta sunt. Ad-

Adhæc errores quoque Originis hæc eadem Synodus condemnavit. Finitum est Concilium eodem, quo cæptum est anno quarto Non. Jun. habitis collationibus octo. Acta Synodi latinè tantummodo supersunt exceptis quibusdam græcis Epistolis & fragmentis, in quibus tamen non pauca viri eruditi agnoscunt supposititia. Synodum hanc ab initio Vigilius S. Pontifex approbare renuit, ideoque in tetrum carcerem detrusus est, inde tamen liberatus post medium annum eam probavit epistola ad Eutychium data, quæ nunc extat opera Petri de Marca in 12. tom. Concil. impressionis Parisiensis p. 262. & posterioris editionis Tom. 5. p. 595. Hæc Synodus nullos conscripsit Canones.

### CONSTANTINOP. III.

12. Sextum generale Concilium fuit Constantinopolitanum tertium A. 680. cum consensu Agathonis Papæ ab Imperatore Constantino Pogonato convocatum & cæptum indictone nona 17. Novembris Constantinopoli intra Palatii Imperialis Secretarium, quod cognominatum est Trullus; Est autem Trullus seu trulla sublimis fornix in altum porrectus, & in rotundum concameratus;  
Itali

Itali vocant Cuppulam Baron. A. 680. n. 4 Interfuere Episcopi 289. & præfuderunt Theodorus & Georgius Presbyteri, & Joannes Dianonus Agathonis S. Pontificis Legati. Præfens quoque adfuit Imperator omnibus fere actionibus in eminentiore loco confidens, sed non ut Judex, verum ut Propugnator, ideoque sententiam non tulit, & ultimus subscripsit.

In hoc Concilio approbatur primum, quæ in quinque præcedentibus Synodis Oecumenicis stabilita fuerunt. Deinde decrevit contra Monothelitas, duas in Christo Domino esse voluntates totidemque actiones, divinam & humanam, atque hanc divinæ per omnia subditam & consentientum, & contrarium sentientes tanquam hæreticos damnat. Terminata est Synodus anno 690. 17. Sept. & Patres cum Imperatore mittunt ad Agathonem rogantes, ut quæ sancita erant Apostolica auctoritate firmaret. Cum vero priusquam Synodica hæc litteræ Romam perlatae essent, Agatho obierit, Leo secundus ejus Successor Synodum comprobavit secundum communio-rem sententiam, licet Baronius & Binius Leonis epistolam confirmatoriam suppositam velint. Neque hæc Synodus Canones confecit. NI.



## NICÆNUM II.

13. Septimum Concilium generale fuit Nicænum secundum convocatum ab Impetatore Constantino & Irene ejus matre consensu Adriani I. S. Pontificis A. 787. Convenère Nicææ quæ Metro-  
 polis est Bithyniæ Episcopi 356. multi-  
 que cum delectis Monachis Archiman-  
 dritæ & prima ab eis Actio est habita 8.  
 Cal. Octobris. Præfederunt Legati Apo-  
 stolici Petrus Archi. Presbyter Basilicæ  
 S. Petri, & Petrus Abbas S. Sabbæ, qui  
 & primi nominantur & subscripserunt.  
 In hoc Concilio decretum sancitur de  
 SS. Imaginum & Reliquiarum venera-  
 tione, Contradicentes vero hæretici  
 declarantur & anathemate feriuntur.  
 Plures quoque Episcopi Iconoclastæ ab-  
 jurata hæresi reconciliati sunt, & pristi-  
 næ dignitati restituti. Finitum est Con-  
 cilium 4 Idus Octobris eodem anno quo  
 cæptum, qui dies tanta in veneratione est  
 apud Orientales ut eum festive celebrent  
 ac notarint in menologio suo hoc modo:  
*Die 12. Octobris sanctæ septimæ Synodi  
 trecentorum sexaginta septem Patrum  
 commemoratio* Boyvin. Theol. p. 4. de Concil.  
 Confirmatum est ab Hadriano Pontifi-  
 ce, qui illud etiam apud Carolum Ma-  
 gnum

gnum Occidentis Imp. ab aliorum criminationibus defendit.

14. Canones hujus Concilii referuntur viginti & unus:

Can. 1. Sex Oecumenicæ Synodi, quæ præcesserunt earumque Canones firmantur.

Can. 2. Decernitur ut Episcopi ordinandi promittant se sacros Canones servaturos: ubi etiam traditur boni Pastoris officium.

Can. 3. Prælatorum electiones vi & potestate Principum sæcularium factæ declarantur nullæ: Habetur 16. q. 7. *Si quis Episc.*

Can. 4. Pœna talionis puniendus Antistes, qui injustè suos Clericos arcet à divino ministerio, & templum claudit.

Can. 5. Qui per Simoniam promoven-  
tur ad dignitates Ecclesiæ, & ipsi & Ordinatores deponantur, & pœnis Canonum subijciantur.

Can. 6. Synodi Provinciales celebrentur saltem semel singulis annis.

Can. 7. Tempa sine reliquiis Sanctorum ne consecrentur.

Can. 8. Judæi fingentes se esse Christianos, & Christum occulte subsannantes, ab Ecclesia extrudantur, sed verè conversi recipiantur.

Can.

Can. 9. Scripta & dicta contra Sanctas Imagines cum reliquis libris hæreticis reponantur & publicè comburantur.

Can. 10. Ne Clerici paræcia propria relicta in alias excurrant: neque curas seculares & mundanas suscipiant.

Can. 11. De Oeconomis in Ecclesia instituendis.

Can. 12. Ne Prælatus secularis res suæ Ecclesiæ alienet, sed eas administret tanquam DEO intuente.

Can. 13. Condemnantur, qui monasteria communia faciunt habitacula.

Can. 14. Tonsurati in Ecclesia officio Lectoris fungantur ante manuum impositionem. *c. Quoniam dist. 69.* Permittitur Abbatibus, si Sacerdotes sint & ab Episcopo benedicti, Lectores ordinare proprios Monachos.

Can. 15. Ne quis deinceps duabus Ecclesiis præficiatur, sed una sit contentus, eique debita officia persolvat. *c. Clericus 21. q. 1.*

Can. 17. Prohibetur Clericis luxur & ornatus corporis. *c. Omnis jactantia 21. q. 4.*

Can. 17. Monachis prohibetur Oratoria ædificare, si non habeant quæ ad perfectionem pertinent.

can.

Can. 18. Ne ulla mulier in domo Episcopali vel Monasteriis admittatur.

Can. 19. Ne quis ad Sacerdotalem Ordinem aut vitam Monasticam mediante pecunia admittantur.

Can. 20. Monasteria Monachorum & Monialium sibi cohærentia prohibentur, imo etiam confabulationes. 18. q. 2. c. *Definimus.*

Can. 21. Non oportet Monachum aut Monialem proprium relinquere Monasterium, & ad aliud se conferre sine obedientia Superioris.

## CONSTANTINOP. IV.

15. Octavum Oecumenicum Concilium est Constantinopolitanum quartum coactum à Basilio Imp. assentiente Adriano Papa secundo, cujus prima Actio habita est Constantinopoli A. 869. 3. Non. Octob. à centum duobus Episcopis, ut scribit Nicetas; Concilio profederunt Legati Apostolici Stephanus & Donatus Episcopi & Marinus Diaconus. Interfuit quoque Basilius Imp. sed in fine protestatus est non esse suum, nec ullius Laici negotiis Ecclesiasticis se immiscere ideoque licet ante Episcopos jussu Legatorum, post Patriarchas tamen omnes subscripsit Synodum solum acceptans, protestan-

testansque se post Episcopos subscribere debuisse. Revocatus est in hac Synodo Ignatius ab exilio Sedique Constantino-  
politanae restitutus; Photius vero cum  
sequacibus damnatus est & Patres ana-  
themati subscripsere atramento sangui-  
ne Christi diluto, ut perhibet Nicetas in vi-  
ta Ignatii. Ultima actio est habita ultima  
Februarii A. 870. & confirmatio petita  
à Pontifice, quam impetratam esse testa-  
tur Baronius alique.

16. Constituti sunt à Patribus Cano-  
nes 27. in Anastasii versione extantes.  
In primo edicitur servandas esse traditio-  
nes Apostolicas non scriptas, perinde  
ac divinas scripturas.

Can. 2. Firmantur Nicolai & Adriani  
definitiones pro Ignatio contra Pho-  
tium.

Can. 3. Venerandas esse sacras ima-  
gines.

Can. 4. Photius declaratur nunquam  
fuisse Episcopus, & quod Ordinationes ab  
eo factae irritae sint.

Can. 5. Neophytos ad Episcopatum  
non esse assumendos; In collatione or-  
dinum interstitia servanda esse.

Can. 6. Res gestas per Photium nul-  
lius esse roboris.

Can. 7. Ne sacras imagines anathe-  
matizati depingant.

can.

Can. 8. Ne chirographa ab Episcopis exigantur, nisi ex more, tempore consecrationis.

Can. 9. Ut extorta per Photium hujusmodi chirographa nullius sint roboris.

Can. 10. Ne quis ante sententiam separetur à communione proprii Patriarchæ.

Can. 11. Anathematizati omnes cum Photio credentes duas in uno corpore esse animas.

Can. 12. Ne favore Principum eligantur Episcopi.

Can. 13. Ut nonnisi, qui in eadem Ecclesia militarunt, ad majores gradus promoveantur, & non aliunde petiti. Damnantur etiam, qui dissidium excitant inter Summum Pontificem & Concilia Oecumenica.

Can. 14. Ne promoti ad Episcopatum indecentia obsequia exhibeant Magistratibus.

Can. 15. Ne alienentur cimelia Ecclesiæ, possessiones vendantur vel dentur in Emphyteusim.

Can. 16. Ne Laici lusus causa sacra indumenta gestent Sacerdotum.

Can. 17. Patriarcharum jura in convocandis Metropolitanis illibata serventur, execraturque S. Synodus dicentes  
inva.

invalidas esse Synodos, quibus non inter sit Princeps.

Can. 18. Privilegia Ecclesiarum conservanda.

Can. 19. Visitationes Ecclesiarum sine omni avaritiæ suspicione peragantur.

Can. 20. Ne sibi jus dicat Episcopus in rebus Ecclesiasticis.

Can. 21. Exhibendus honor & reverentia omnibus Patriarchis, præcipue vero Romanæ Ecclesiæ Summo Pontifici.

Can. 22. De Summorum Sacerdotum electione.

Can. 23. A rebus, personis, & sacris actionibus alienæ Diœcesis abstinendum.

Can. 24. Ne Archi-Episcopi per alios suas Ecclesias curent Suffraganeos.

Can. 25. Ne qui hætenus adhærentes Photio Episcopi consecrati à Methodio sive Ignatio, etiam si resipiscant, spem ullam habeant restitutionis Episcopatus.

Can. 27. Ut beneficium appellationis ad majores Sedes sit cuique Clerico liberum.

Can. 27. Ne Episcopi pallio utantur nisi loco & tempore congruo, & ne Monachi ad Episcopatum assumpti Monasticum habitum deponant.

can,

## LATERANENSE I.

17. Novum generale Concilium & primum in Occidente celebratum est Lateranense A. 1123. ut habet Gabriel Cossardus *in annot.* convocatum à Callisto II. Pontifice ad sedandum schisma sub Henrico IV. Imp. exortum & terram Sanctam à Saracenis recuperandam, in Ecclesia S. Salvatoris, quod olim fuit Palatium Constantini Imp. exstructum in fundo cujusdam civis Romani, qui dictus est Lateranus à quo & nomen retinuit Ecclesia. Interfuerunt Concilio plures quam trecenti Episcopi, ut tradit Abbas S. Dionysii, qui præsens adfuit, secundum Abbatem Urspergensensem, quadringenti viginti sex. Præsedit ipse Pontifex Henrico V. Imp. non procul absente, & confirmavit.

18. Canones editi sunt sequentes pro pristina disciplina Ecclesiæ restituenda.  
Can. 1. Prohibentur ordinationes & promotiones Simoniacæ.

Can. 2. Nullus in Præpositum, Archiepiscopus vel Decanum nisi Presbyter, nullus in Archiepiscopum nisi Diaconus ordinetur.

Can. 3. Presbyteris, Diaconibus & Subdiaconibus mulierum, nisi quas ob necessi-



necessitatem Nicæna Synodus permittit, cohabitatio interdicitur.

Can. 4. Laici nullam habeant de rebus Ecclesiasticis disponendi facultatem.

Can. 5. Conjugia consanguineorum prohibentur.

Can. 6. Ordinationes à Burdino hæresiaracha factæ irritæ decernuntur.

Can. 7. Animarum curæ nemini sine consensu Episcopi commitenda est.

Can. 8. Nequis possessiones S. Romanæ Ecclesiæ invadat.

Can. 9. Excommunicati à propriis Episcopis ab aliis in communionem non recipiantur.

Can. 10. Nullus consecratur Episcopus nisi canonicè electus.

Can. 11. Indulgentiæ conceduntur iis qui contra infideles auxilium præbuerint, eorumque bona in protectione Romanæ Ecclesiæ suscipiuntur.

Can. 12. Porticanorum sine hæredibus morientium bona contra morientium deliberationem non pervadantur.

Can. 13. Treguam diffringentium poena statuitur.

Can. 14. Interdicitur ne à Laicis oblationes in templis factæ auferantur, nec Ecclesiæ incastellentur, aut in servitutum redigantur.

N

can.

Can. 15. Falsam monetam cudens & pendens tanquam pauperum oppressor excommunicatur.

Can. 16. Excommunicationis pœna infligitur illis, qui spoliant peregrinos visitantes limina Apostolorum & Sanctorum atheniorum.

Can. 17. Ne Abbates & Monachi publicas dent pœnitentias, infirmos visitent, unctiones faciant & Missas publicas cantent. Chrisma, Oleum, Consecrationes altarium & Ordinationes Clericorum ab Episcopis accipiant.

Can. 18. Parochi ab Episcopis constituentur, nec accipiant decimas & Ecclesias sine consensu Episcoporum.

Can. 19. Servitia Monasteriorum Episcopis facta conceduntur. Possessiones Ecclesiarum & Episcoporum tricennales non habeant Abbates & Monachi.

Can. 20. Immunitas bonorum & personarum Ecclesiæ stabilitur.

Can. 21. Continentia Clericorum & Monachorum præcipitur.

Can. 22. Alienationes bonorum Ecclesiæ & beneficiorum prohibentur.

## LATERANENSE II.

19. Decimum generale Concilium fuit Lateranense secundum celebratum A.

1139. à mille fere Episcopis sub Innocentio II. contra Anacletum & Victorem Antipapas, & Arnaldum de Brixia, nec non pro reformatione morum. Præfedit ipse Pontifex & Concilium confirmavit.

20. Canones hujus Concilii extant sequentes. Can. 1. Prohibentur Ordinationes & promotiones Simoniacæ.

Can. 2. Videntes & ementes Præbendas, dignitates Ecclesiasticas & res sacras deponuntur honore male quæsito, & fiunt infames. Allegatur 1. q. 3. c. *Si quis Præbendas.*

Can. 3. Excommunicati à suis Episcopis ab aliis non suscipiantur. Et Excommunicato scienter communicans pari sententiæ tenetur obnoxius.

Can. 4. Episcopi & Clerici in statu mentis & habitu corporis DEO & hominibus placere studeant; Nec sint offendentulo in superfluitate, scissura aut colore vestium. 21. q. 4. c. *Præcipimus.*

Can. 5. Ne bona Episcoporum & Clericorum decedentium diripiantur. 12. q. 2. c. *Illud.*

Can. 6. Matrimonium Subdiaconis, & in altiore Ordine constitutis interdicitur. *Dist. 28. c. Decernimus.*

Can. 7. Præcipitur continentia Clericis & Monachis, & quod nemo Missas

concubinariū audiāt. 27. q. 1. c. *ut Lex.*

Can. 8. Et Monialibus continentia præcipitur. 27. q. 1. c. *ut Lex.*

Can. 9. Ne Monachi & Canonici Regulares leges sæculares & medicinam addiscant.

Can. 10. Decimæ Ecclesiarum ne à Laicis possideantur. 16. q. 7. c. *Decimas.* Nullus in Archidiaconum vel Decanum, nisi Diaconus vel Presbyter ordinetur. *Dist. 60. c. Innovamus.* Unaquæque Ecclesia proprium habeat Sacerdotem 21. q. 2. c. *Præcipimus.*

Can. 11. Ut Clerici, peregrini & rustici cum suis animalibus sint securi.

Can. 12. Tregua quando observanda. *Dist. 90. c. Præcipimus. Item Extrav. c. 1. de tregua & pace.*

Can. 13. Usurarii non recipiantur, sed infames habeantur.

Can. 14. Ludi periculosi interduntur.

Can. 15. In Clericos & Monachos violentas manus injicientes excommunicantur. c. *Si quis suadente* 17. q. 4.

Can. 16. Ne Ecclesiastica beneficia vel officia hæreditario jure possideantur. c. *Apostolica* 8. q. 4.

Can. 17. Incestus prohibetur. c. *Conjunctiones Consanguineorum* 35. q. 2. & 3.

can.

Can. 18. Incendiarii excommunicantur. *c. Pessimam. 23. q. 8.*

Can. 19. Episcopi statuta contra Incendarios relaxantes damnum restituant. *c. Pessimam. 23. q. 8.*

Can. 20. Principibus facultas faciendæ justitiæ contra eos non negatur.

Can. 21. Filii Presbyterorum illegitimi à ministeriis Altaris remonentur, nisi in cœnobiis Religiosè converſentur. *c. Presbyterorum dist. 56.*

Can. 22. De falsa pœnitentia. *Dist. 5. c. 8.*

Can. 23. Hæresis Petri de Bruis damnatur.

Can. 24. Pro chrismate, Oleo sacro & sepultura nil detur.

Can. 25. Beneficia Ecclesiastica de manu Laici ne accipiantur.

Can. 26. De clausura Monialium. *c. Perniciosam 18. q. 2.*

Can. 27. Ne Moniales simul cum Canonicis vel Monachis in uno choro Ecclesiæ psallent. *c. Perniciosum 18. q. 2.*

Can. 28. Canonici de sede Episcopali non excludant Religiosos. *c. Obstantibus dist. 63.*

Can. 29. Prohibentur artes Balli, stadiorum & sagittariorum adversus Christianos exerceri.

Can. 30. Ordinationes ab Antipapa & hæreticis factæ irritantur.

### L A T E R A N E N S E III.

21. Undecimum generale fuit Lateranense tertium convocatum ab Alexandro Papa III. A. 1179. in Constantiana Basilica, cui interfuerunt 300 Episcopi teste Guillelmo Archi-Episcopo Tyrio *l. bell. Sac. 21. c. 2.* Præsedit ipse Pontifex & Concilium confirmavit; Coactum vero fuit contra Catharos (quos Waldenses & Albigenes alii appellant) Schismaticosque ab Antipapis ordinatos, & pro reformanda in moribus Ecclesia.

22. Agitur vero Can. 1. De electione Summi Pontificis. *c. Licet de Elect.*

Can. 2. Gesta per Antipapam irritantur.

Can. 3. De electione & confirmatione Episcoporum. *c. cum in cunctis de Elect.*

Can. 4. De impensis Præcuratorum seu visitationum moderandis. *c. cum Apostolus de censibus.*

Can. 5. De titulo clericali: & quod Episcopos Clericum sine patrimonio seu titulo ordinatum alere teneatur. Refertur *c. Episcopus si aliquem & c. Non liceat de Præb.*

Can. 6. Ne suspensionis vel excommunicationis.

municationis sententia absque præmissa commonitione proferatur. *c. Reprehensibilis de appellat.*

Can. 7. Ne pro installatione Prælatorum, pro exequiis defunctorum, benedictione nubentium, omniumque administratione Sacramentorum aliquid exigatur, sed detur gratis, quod gratis receptum est. *c. cum in Ecclesiæ corpore de Simon.*

Can. 8. Beneficia vel officia Ecclesiastica non conferantur neque promittantur antequam vacent. *c. Nulla de concess. præb.*

Can. 9. De interdicta Ecclesia, & sepultura interdictorum.

Can. 10. Monachi non recipiantur pretio: non præficiantur Ecclesiis Parochialibus; peculium habere non permittantur, & alia quædam de disciplina regularium.

Can. 11. De continentia Clericorum: *c. Monast. de vita & honest. cler.*

Can. 12. Clerici in sacris Ordinibus constituti Advocati vel Procuratoris munere non fungantur coram Iudice sæculari, nisi pro Ecclesia vel miserabilibus personis. *c. Sed nec procurationes: Ne Cler. vel Monachi sæc. negot.*

Can. 13. De prohibita pluralitate beneficiorum. can.

Can. 14. Iterum pluralitas beneficiorum prohibetur. Ne Clericos in Ecclesiis instituunt aut destituant Laici, vel Ecclesias exactionibus grauent. Ne ad suum forum pertrahant & iudicio suo stare compellant. Ne decimas Ecclesiæ debitas cum animæ suæ periculo detineant. *c. Præterea de jur. patr.*

Can. 15. Clerici de bonis Ecclesiæ vel illius intuitu quæsitis disponere non possunt, sed penes Ecclesiam remanere debent. *c. Cum in officiis, de test.*

Can. 16. Quod fit à maiore parte Capituli ratum habeatur. Habetur *c. 1. de his quæ fiunt à mayo. par. capit.*

Can. 17. De jure patronatus. *c. Quoniam in quibusdam de jure patron.*

Can. 18. De præbenda præceptoriali. *c. 1. de Magist.*

Can. 19. De immunitate Ecclesiarum. *c. Non minus, de immunit. Eccl.*

Can. 20. De Torneamentis & aliis ludis periculosis inhibendis. *c. 1. de Torneamentis.*

Can. 21. De Treguis servandis.

Can. 22. De pace servanda.

Can. 23. De leprosis à communi cœtu separandis.

Can. 24. Ne arma & alia id genus ad hostes Christiani nominis deferantur.

Ne



Ne quid molestiæ inferatur Christianis negotiationibus.

Can. 25. Ulurarii manifesti excommunicantur.

Can. 26. Christiani non habitent cum Judæis aut Saracenis.

Can. 27. Varii damnantur hæretici, & nominatim Albigenſes, & Cathari, pluribus concessis indulgentiis & privilegiis Principibus, qui contra ipsos sacram expeditionem moverint.

## L A T E R A N E N S E I V.

23. Duodecimum generale Concilium fuit Lateranense quartum convocatum ab Innocentio III. A. 1215. in Ecclesia Constantiana mense Novembri; Cui ipse Pontifex præſedit, & convenère Episcopi duodecim supra quadringentos inter quos Patriarchæ Constantinopolitanus & Jerosolymitanus, sed Alexandrinus & Antiochenus absentes hic ob morbum, iste ob nimiam distantiam suos misere Apocrisarios. Abbates præterea & Priores Conventuales 800. Interfuere quoque Imperatorum Orientis & Occidentis, multorumque Regum ac Principum Legati. In eo actum contra hæreses Albigenſium, & errores Joachim Abbat

batis Florentis Monasterii, & de recuperatione terræ sanctæ.

24. Canones hujus Concilii septuaginta hæc continent. Can. 1. Proponitur fidei Symbolum.

Can. 2. Dānatur Abbatis Joachim error & petulantia adversus Petrum Lombardum, cujus sententia de Trinitate & Unitate divinæ substantiæ asseritur. *c. 1. & 2. de Summ. Trinit.*

Can. 3. De pœnīs hæreticorum pervicacium. *c. Excommunicamus de hæret.*

Can. 4. De superbia Græcorum contra Latinos. Habetur *Tit. de Baptismo & ejus effectu.*

Can. 5. De sedium Patriarchalium ordine & præcedentia ac prærogativis. *c. Antiqua de privilegiis.*

Can. 6. Ut singulis annis Concilia Provincialia celebrentur. *c. Sicut olim de accus. inquis. & denunt.*

Can. 7. Ut Prælati ad corrigendos subditorum excessus maximè Clericorum diligenter intendant, & qualem in Canonicos Ecclesiæ Cathedralis jurisdictionem exercere possint. *c. Irrefragabili de offic. Jud. ordin.*

Can. 8. Qualiter debeat Prælatus procedere ad inquirendum & puniendum subditorum excessus, Quomodo procedendum

dendum adversus Prælatorum ipsorum excessus. *c. Qualiter de accusat.*

Can. 9. De diversis ritibus in eadem fide per Episcopum tolerandis. Habetur *c. Quoniam de offic. Jud. ordin.*

Can. 10. Ut Prælati per se, vel per viros idoneos verbum DEI populo sibi commisso ministrent, cæteraque ad salutem animarum necessaria. *c. Inter cætera de offic. Jud. ordin.*

Can. 11. De Magistris Scholarum in Cathedralibus Ecclesiis aliisque instituendis, & de Præbenda præceptorali illis assignanda. De Theologo in Ecclesia Metropolitana & Præbenda Theologali. *c. Quia nonnullis. De Magistris.*

Can. 12. De reformatione Regularium per frequentes visitationes & Capitula Provincialia.

Can. 13. Prohibentur novæ Cœnobiatarum Religiones, cui tamen postea derogatum fuit.

Can. 14. De disciplina Ecclesiastica & reformatione morum, & de continentia Clericorum. *c. ut Clericorum. De vita & honest. cleric.*

Can. 15. A crapula & ebrietate, venatione & aucupio Clerici abstineant. *c. A crapula de vita & hon. cleric.*

Can. 16. Ut Clerici officia & commercia

cia sæcularia non exerçant. *Clerici officia. De vita & honest. Cler.*

Can. 17. De divino officio nocturno diurnoque piè & diligenter celebrando. *c. Dolentes. De celebr. Miss.*

Can. 18. A iudicio sanguinis Clerici abstineant; Et à Chirurgiæ exercitio, seu parte quæ uisionem vel incisionem inducit. *c. Sententiam. Ne cleric. vel Monach.*

Can. 19. Ut vasa sacra, corporalia & vestimenta ministrorum munda & nitida conserventur. *c. 2. de custod. Euchar.*

Can. 20. Chrisma & Eucharistia sub fidei custodia conservanda. *c. 1. de cust. Euch.*

Can. 21. Ut fideles omnes saltem semel in anno peccata proprio Sacerdoti confiteantur, & Eucharistiæ Sacramentum ab eo reverenter suscipiant in Pascha. *c. Omnis utriusque sexus. De pœnit. & remiss.*

Can. 22. Ut Medici moneant & inducant ægrotos quos curant, quod prius de salute animæ quam corporis cogitent, & Confessarios Sacerdotes advocent. *c. cum infirmitas, De pœnit. & remiss.*

Can. 23. Ut Ecclesiæ Cathedrali vel regulari viduatæ Pastore intra tres menses provideatur. *c. Ne pro defectu, De Elect.*

can.

Can. 24. De forma eligendi Prælatos Ecclesiasticos. *c. Quia propter, de Elect.*

Can. 25. Ne quis patiat se elegi per Potestates sæculares contra Canonicam libertatem. *c. Quisquis electioni, De Elect.*

Can. 27. Ne indigni promoveantur ad Ordines sacros, & regimen animarum. *c. cum sit ars, de etat. & qual. ordin.*

Can. 28. De resignatione Beneficiorum. *c. Quidam de Renunt.*

Can. 29. Ne quis plures dignitates Ecclesiasticas, vel Parochiales Ecclesias recipiat : & de incompatibilitate Beneficiorum. *c. De multa, de Præb.*

Can. 30. Idonei præficiantur Ecclesiis & reiiciantur indigni. *c. Grave nimis, de Præb.*

Can. 31. Ne filii Canonici in sæcularibus Ecclesiis, in quibus instituti sunt eorum Patres, admittantur. *c. Ad abolendam, de filiis Præb.*

Can. 32. De congrua portione Parochis assignanda. *c. Extripande, de Præb.*

Can. 33. De visitatione Ecclesiarum.

Can. 34. Procuraciones Legatorum æqualiter colligendæ.

Can. 35. De appellatione ante Sententiam. *c. Ut debitus honor, de Appell.*

Can. 36. Iudex revocans gravamen, à quo est appellatum, potest procedere in causa

causa principali, nisi aliunde sit suspectus. *c. cum cessante, de appell.*

Can. 37. Ne quis ultra duas diœtas extra Diœcesin in jus vocetur. *c. Nonnulli de Rescript.*

Can. 38. De Notario seu Graphario ad scribenda acta judicialia, ne fides veri pereat. *c. Quoniam contra, de probat.*

Can. 39. De restitutione spoliatorum. *c. Sape contingit, de restit. spoliat.*

Can. 40. Adversus contumaces in judicio. *c. Contingit, de dolo & contum.*

Can. 41. Præscriptio sine bona fide non procedit. *c. Quoniam omne, de præscript.*

Can. 42. Ne jurisdictionem Ecclesiasticam Laici usurpent, neque Clerici jura Laicorum.

Can. 43. Clericus fidelitatem Laico non faciat.

Can. 44. Constitutiones Principum non præjudicent Ecclesiis.

Can. 45. Patronus occidens vel mutilans Clericum amittit jus Patronatus.

Can. 46. Clerici etiam propter communes utilitates gravari non possunt. *c. Adversus Consules, de immunit. Eccl.*

Can. 47. De monitoriis præmittendis ante fulminationem censurarum Ecclesiasticarum.

Can. 48. De exceptione recusatoria, & appellationis beneficio. *c. cum speciali, de appell.*

Can. 49. Ne quis ferat sententiam excommunicationis vel absolutionis per avaritiam.

Can. 50. Impedimentum matrimonii inter consanguineos, vel affines non excedat quartum gradum. *c. Non debet, de consang. & affin.*

Can. 51. Clandestina conjugia inhibentur. *c. Cum inhibitio de clandest. despons.*

Can. 52. Testes de auditu non recipiantur ad probandum impedimentum matrimonii ex causa consanguinitatis, vel affinitatis. *c. Licet 47. de test. & attest.*

Can. 53. De decimis prædiorum.

Can. 54. Ut prius solvantur decimæ quam tributa. *c. cum non sit, de Decimis.*

Can. 55. Decimæ quomodo solvendæ à Religiosis Cisterciensibus & aliis. *c. Nuper Abbates, de Decimis.*

Can. 56. Decimæ non negandæ propter pactum aliquorum.

Can. 58. Privilegiorum verba interpretanda.

Can. 58. Tempore interdicti Ecclesiastici generalis possunt Episcopi & Monachi januis clausis divina officia celebrare. *c. Quod nonnullis, de Privilegiis.*

can.

Can. 59. Religiosus non fidejubeat sine licentia.

Can. 60. Ne Abbates jura Episcopalia usurpent. *c. Accedentibus, de Excessu Præl.*

Can. 61. Presbyteri regulares vel sæculares Ecclesiis Parochialibus præficiendi, debent institui ab Episcopo. *c. In Lateran. de Præb.*

Can. 62. Reliquiæ Sanctorum extra capsam non ostendendæ. *c. ult. de reliq. & ven. De quæstoribus Eleemosynarum, c. cum ex eo de pænit. & remiss.*

Can. 63. Ne pro consecratione Episcoporum, Benedictione Abbatum, & collatione Ordinum quidquam exigatur. *c. Sicut de Simonia.*

Can. 64. Ne Moniales dato pretio recipiantur in Monasteria.

Can. 64. De Simonia.

Can. 66. Pravæ exactiones pro exequiis mortuorum & benedictionibus nubentium prohibentur: Sed & piæ consuetudines aliquid erogandi servandæ sunt. *c. Ad Apostolicam de Simonia.*

Can. 67. Ne Judæi graves usuras à Christianis extorqueant.

Can. 68. Præcipitur Judæis gestare aliquod indumenti genus, quo à Christianis distinguantur.

can.



Can. 69. Ne Judæi & Pagani publicis officiis præficientur.

Can. 70. Ne Judæi conversi quidquam de superstitionibus Judaicis retineant.

## LUGDUNENSE I.

25. Decimum tertium generale fuit Lugdunense primum Lugduni in Gallia indictum ab Innocentio IV. A. 1245. cui ipse Pontifex præsedit confidente ad dexteram ejus Imperatore Constantinopolitano, & ad sinistram aliis Principibus Laicis. Interfuere Episcopi 140, quos inter Patriarchæ Constantinopolitanus, Antiochenſis, & Aquilejenſis. Depositus in eo est Fridericus II. Imp. illique subrogatus Henricus Thuringiæ & Hassiæ Landgravius, & actum de expeditione in terram sanctam suscipienda. Acta ejus approbata sunt à Pontifice eodem.

26. Canones hoc Concilio conditi sunt sequentes, & relati à Bonifacio VIII. in lib. 6. Decretalium.

De clausula: *Quidam alii*, in rescriptis Apostolicis ultra quatuor non extendenda. c. Cum in multis de rescriptis in 6.

De Postulatione & Electione Prælatorum, & de propria formula utriusque servanda c. 1. de Postulatione Prælati in 6.

Continentia causæ non dividenda, & de mutuis petitionibus ac reconventionibus coram eodem Iudice. *c. Disspendia de rescript. in 6.*

De oppositionibus adversus electionem vel postulationem intra certum tempus prosequendis. *c. 1. de elect. in 6.*

In Electionibus & Postulationibus vota conditionalia & incerta reprobantur. *c. in Electionibus, de elect. in 6.*

De Conservatoribus Apostolicis. *c. 1. de offic. & potest. jud. deleg.*

De Legatorum Apostolicorum potestate circa beneficiorum collationem. *c. 1. de offic. Leg. in 6.*

Metropolitanus Remensis & alii in Dioccesibus Suffraganeorum foraneos Officiales constituere non possunt. *c. 1. de offic. ordin. in 6.*

Judex delegatus à Papa non potest absque speciali mandato compellere partes, ut coram se personaliter compareant, nisi &c. *c. 1. de judiciis.*

Exceptio peremptoria litis contestationem non impedit, nisi agatur de re finita: *c. 1. de litis contest. in 6.*

De Actore intra terminum non comparente. *c. 1. de dolo & cont. in 6.*

Missio in possessionem non fit ob contumaciam partis in causis beneficialibus.

*c. 1. de eo qui mittit in posses caus. rei serv. in 6.*

De positione negativa admittenda ex æquitate. *c. 1. de confessis in 6.*

Advocatus vel Procurator in priori iudicio an possit esse testis in causa appellationis. *c. Romana de test. in 6.*

De Exceptione excommunicationis. *c. 1. de except. in 6.*

De Exceptione spoliationis. *c. 1. de restit. spoliat. in 6.*

De pœna Judicis male judicantis per sordes corrupti. *c. 1. de sent. & re judic. in 6.*

Summus Pontifex Imperatorem deponere potest ex justis causis. *c. Ad Apostolicæ de sent. & re judic. in 6.*

De Appellationibus ad Sedem Apostolicam certa forma interponendis. *c. 1. de appell. in 6.*

De exceptione recusatoria Judicis suspecti. *c. Legitima de appellat. in 6.*

Decretum contra Assassinos & homicidas. *c. 1. de homic. in 6.*

De Exemptis qua ratione coram Judicibus ordinariis conveniri debeant. *c. 1. de privil. in 6.*

De Studiis Juris Canonici & Civilis in Curia Romana, & studentium privilegiis. *c. Cum de diversis de privil. in 6.*

De sententia Excommunicationis, suspensionis & interdicti in scriptis proferenda,

renda, adjecta etiam causa. *c. 1. de sent. excomm. in 6.*

De absolutione à censuris Ecclesiasticis ad cautelam. *c. 2. de sent. excomm. in 6.*

De participantibus cum excommunicatis, quod ante monitionem præmissam non sint excommunicandi. *c. statumus de sent. excomm. in 6.*

Episcopi poenam sive sententiam interdicti vel suspensionis non incurrunt nisi in sententia sint expressi. *c. Quia periculum de sent. excomm. in 6.*

Archi-Episcopus sententias latas ab Officialibus Suffraganeorum regulariter non relaxat. *c. Romana de sentent. excomm. in 6.*

Archi-Episcopi sententia generalis ligat tantum subditos. *c. Romana Eccles. de sent. excomm. in 6.*

Sententia excommunicationis sine competenti præmonitione est injusta. *c. Romana, de sent. excomm. in 6.*

Pro futuris delictis non est ferenda sent. Excommunicationis nisi justa causa subsit. *Eodem in 6.*

In Universitatem proferri non debet sententia Excommunicat. *Eodem in 6.*

Prælatus contra potestatem sæcularem gladio spirituali sive censura Ecclesiastica se tueri potest. *c. Dilecta de sent. excomm. in 6.*

LU-

LUGDUNENSE II.

27. Decimum quartum Concilium generale fuit Lugdunense secundum Lugduni in Gallia convocatum à Gregorio X. A. 1274. cui ipse Pontifex præfedit, & interfuerunt Episcopi circiter 500, quos inter Patriarchæ Constantinopolitanus & Antiochenus & S. Bonaventura Episcopus Abbanensis (qui nondum soluto Concilio mortuus est) præter Abbates & Magistros Ordinum Hospitalis Jerusalemiani & militum Templi, & Principum Oratores, inter quos fuere missi ab Imp. Palæologo cum literis unionem & obedientiam profitentibus. Non vero interfuit ipse Imperator ut patet ex actis Concilii, quæ inscribuntur: *Brevis nota* & literis ab eo missis, responsisque à Pontifice datis. Interfuit vero Jacobus Aragoniæ Rex qui juxta summum Pontificem seorsim ab aliis omnibus consedit. In eo Concilio, quod confirmatum est à Pontifice, præcipue actum de Ecclesia Orientali reducenda ad unitatem cum Romana; De electione Summi Pontificis à solis Cardinalibus in Conclavi faciendâ; & de processione Spiritus sancti à Patre Filioque.

28. Canones in hoc Concilio editi

statuunt 1. De processione Spiritus sancti æternaliter ex Patre & Filio tanquam ex uno principio.

Can. 2. De Electione Summi Pontificis. *c. ubi periculum de Elect. in 6.*

Can. 3. De Electione & Postulatione Prælatorum, & de oppositionibus adversus eas factis juridicè dirimendis. *Ibid.*

Can. 4. Ne Electus ad Prælaturam ante confirmationem administret. *c. Avaritia de elect. in 6.*

Can. 5. De consensu Electi intra mensem præstando. *c. Quam sit Ecclesiis, de Elect. in 6.*

Can. 6. Eligentes indignum non privandi eligendi potestate, licet contra conscientias agant.

Can. 7. Ne quis propriam electionem impugnet nisi propter vitium vel defectum tempore electionis ignoratum. *c. Nulli licere, de Elect. in 6.*

Can. 8. Si pars una eligentium sit duplo major numero ei se pars altera opponere non debet nisi votum alicujus nullum sit ipso jure.

Can. 9. De appellatione ad Sedem Apostolicam in causis Electionum Episcopaliū.

Can. 11. Qui impediunt electiones Clericorum excommunicantur.

can.

Can. 12. Volentes de novo Regalia, custodiam advocacionis vel defensionis titulum in Ecclesiis, Monasteriis aliisque piis locis usurpare excommunicantur.

Can. 13. Nullus ad regimen Ecclesiæ Parochialis assumatur nisi idoneus scientia, moribus & ætate. *c. cum in cunctis de Elect.*

Can. 14. Ne commendetur Ecclesia Parochialis ultra semestre. *c. Nemo deinceps, de Elect. in 6.*

Can. 15. De Ordinatione.

Can. 16. De Bigamis.

Can. 17. De Officio Judicis ordinarii.

Can. 18. De incompatibilitate beneficiorum. *c. Ordinarii locorum de Offic. Ord. in 6.*

Can. 19. De Advocacionis officio in foro Ecclesiastico, & Procuracionis fideliter gerendo præstito juramento.

Can. 20. De iis, quæ vi metusvè causa fiunt.

Can. 21. De dignitatibus & Beneficiis in curia Romana vacantibus à solo Rom. Pontifice conferendis. *c. Statutum de Præb. in 6.*

Can. 22. De rebus Ecclesiæ non alienandis nisi servatis solennitatibus à jure requisitis. *c. Hoc consultissimo, de reb. Eccl. non alien. in 6.*

can.

Can. 23. Ne quis novum Ordinem aut Religionem inveniat, vel habitum novæ Religionis assumat. *c. Religiosum, de relig. dom. in 6.*

Can. 24. De Procuracione seu visitatione Ecclesiarum & quomodo Prælati in ea se gerere debeant. *c. Exigit. De Cens. in 6.*

Can. 25. Qua devotione & reverentia fideles sacris interesse debeant mysteriis in Ecclesia, *c. Decet domum Domini de immunit. Eccles. in 6.*

Can. 26. Contra usurarios manifestos statuitur poena. *c. 1. De usurar. in 6.*

Can. 27. Usurarii manifesti sepultura Ecclesiastica priventur, nec ullus eorum testamentis inter sit, nisi de usuris satisfecerint.

Can. 28. De injuriis & damno dato.

Can. 29. Qualem censuram incurrant participantes cum excommunicatis ante vel post monitionem Canonice. *c. Constitutionem de sent. Excomm. in 6.*

Can. 30. De relaxatione ad cautelam interdicti Ecclesiastici in civitates, aliasve Universitates. *c. Prasenti de sent. Excomm. in 6.*

## VIENNENSE.

29. Decimum quintum Concilium generale fuit convocatum à Clemente V. anno



anno 1311. Viennæ Allobrogum ad flumen Rhodanum in Gallia. Interfuere Episcopi trecenti & amplius Præsidente ipso Summo Pontifice. In eo Templariorum Ordo suppressus & extinctus ob hæresin, apostasiam aliaque atrocissima flagitia ab ipsis patrata. Similiter impiæ Begardorum & Beguinarum Sectæ, nec non Fraticellorum seu Dulcinistarum (sic dictorum à Dulcino quodam Novariensi, quem sex millia hominum secuta sunt) damnatæ fuerunt; Et expeditio pro recuperanda Terra sancta suspicienda est decreta. Ab hac Synodo Constitutiones Clementinæ dictæ juri Canonico inferre ortum habent.

1. 30. Definita sunt in hoc Concilio. 1. Quod resignatio facta per Procuratorem valeat non obstante revocatione mandati non significata. *Clem. unic. de renunciat.*

2. In impetratione novi Beneficii aliorum mentio fieri debet, quæ impetrans possidet. *Clem. Et si, de Offic. Ordin.*

3. Ut Episcopi Prælatorum Regularium negligentiam in conferendis beneficiis ab ipsis dependentibus suppleant. *Clem. 1. de suppel. negl. Præl.*

4. Ut Episcopi Clericos subditos delinquentes diligenter corrigant.

5. Ut Episcopi à suis sedibus expulsi possint.

possint procedere contra expulsores in aliena Diœcesi, petita à Diœcesano licentia, licet non obtenta. *Clem. cap. uni. de foro cdmpt.*

6. De provisione beneficii à Pontifice facta motu proprio ei, qui jam alia possidet beneficia. *Clem. c. Si Romanus de Præbend.*

7. De Sepultura in Ecclesiis Prædicatorum vel Minorum, & de quarta funerali. *Clem. c. Dudum à Bonifacio, de Sepultura.*

8. De Patronis & jure Patronatus, & quomodo in eo succedatur. *Clem. c. Plures, de jure Patron.*

9. De Matrimonio in gradu prohibito, vel cum Moniali contracto. *Clem. c. 1. de consang. & affin.*

10. De Scholis Romanæ curiæ & aliis *Clem. c. 1. de Magistris.*

11. Ne Religiosi Sacramentum extreme Unctionis vel Eucharistiæ administrent sine Parochi licentia, vel Benedictionem nuptialem impertiant, vel excommunicatos à Canone absolvant, præterquam in casibus à jure, vel per privilegia Sedis Apostolicæ concessis eisdem. *Clem. c. 1. de privil. & excessibus.*

12. Ut Archi-Episcopus Provinciam suam peragrans crucem ante se portari faciat &c. *Clem. c. 2. Eod.*

13. Re-

14. Religiosi etiam exempti violantes interdictum Ecclesiasticum sententiam excommunicationis ipso facto incurrunt.

*Clem. c. 1. & 2. de sent. Excomm.*

15. Ne Episcopi aliive Prælati subditos vel exemptos injuriis & gravaminibus laceessant. *Clem. de excess. Præl.*

16. De privilegiis Regularium. *Clem. Dudum, de Sepult. & Clem. 1. de Privil. & excess.*

17. S. Francisci Regulæ variæ difficultates & ambiguitates explicantur ac definiuntur. *Clem. c. Exivi de Paradiso De verb. signif.*

## FLORENTINUM.

31. Decimum sextum generale Concilium fuit Florentinum A. 1438. rogatu Palæologi Græcorum Imp. convocatum ab Eugenio IV. & Ferrariæ inchoatum, primaque ejus Sessio fuit habita quarta Idus Januarii Præsidente Legato à Latere Eugenii Nicolao Albergato ex Ordine Carthusiano Cardinali Presbytero, & primo decreto declarata sunt irrita omnia acta Basileensia post Eugenii revocationem. Secundæ Sessioni, quæ celebrata est decimo quinto Februarii, præsedit ipse Pontifex præsentibus septuaginta duobus Episcopis.

Ordo

Ordo in Sessionibus post adventum Græcorum Imperatoris Joannis Palæologi cum fratre suo Demetrio Principe Peloponesi, hic servatus est: Super erecto solio ante Altare collocatus est liber Evangeliorum intra sacra capita Beatorum Apostolorum Petri & Pauli accensis hincinde cereis. Pontifex cum Episcopis Latinis dexteram partem, alteram Imperator cum suis Græcis tenebat. Infra solium Pontificium uno fere passu locata est Imperatoris Latini Alberti secundi Sedes, sed ob absentiam semper vacua remansit. E regione Pontificis & Sedis Imperatoris Latini Sedes Imperatoris Græcorum, & paulo inferius Josephi Patriarchæ Constantinopolitani ejusdem eminentiæ & ornatus cum Pontifice fuit. Demetrio Imperatoris fratri à dextris ejus Sedes collocata est, sed humilior, & quatuor fere palmos remota. Interfuere Concilio octo, vel ut alii novem Cardinales, & præter Abbates, centum circiter quinquaginta Episcopi Latini. Græci quoque in magno numero adfuere, inter quos Bassarion Episcopus Nicænus, Isidorus Thessalonicensis Archi-Episcopus; Ac præterea Isidorus Kiovensis totiusque Russiæ Metropolitæ. Metropolitæ quoque Iberiæ, ac nonnul-

li Prælati Russiæ & Moscoviæ. In Sessione tertia 14. Octob. celebrata & quatuor subsequentibus Sessionibus disputatum est de additione ad Symbolum Constantinopolitanum hujusvocis: *Filioque* circa Spiritus sancti processionem. In sexta decima Sessione fit Decretum de Synodo ob pestem Ferrariæ ingravescentem Florentiam transferenda.

23. Igitur Ferrara, habitis ibi Sessionibus sedecim, transfertur Concilium Florentiam primariam Thuscis Civitatem A. 1439. ad quam cum mense Januario devenissent, celebrata est ibidem Sessio decima septima 26. Februarii, ac subinde octo circiter Sessiones habitæ; In quibus primò in sex Sessionibus disputatum est de Processione Spiritus sancti, num sit à solo Patre, an etiam à Filio. Tandem hortatu Patriarchæ Josephi Constantinopolitani, qui tunc decumbebat extrema ægritudine, qua sanctissimè decessit, Imperator cæterique Prælati Græci, excepto solo Marco Episcopo Ephesino, veritatem agnoverunt & professi sunt. Deinde actum est de pœnis Purgatorii, de quibus omnes convenerunt actaque Concilii obsignarunt. Sed paulo post reversi in Patriam Græci, supranominato Ephesino omnia turbante

bante ad vomitum redierunt. Demum accesserunt quoque Armeni ad Catholicam fidem, & unitatem Ecclesiæ Romanæ, ac decretum hac super re formatum, antequam Florentia discederent, promulgatum est. Tum verò translatum est Concilium Romam, ubi duravit saltem usque ad annum 1445. ut patet ex actis Florentinæ Synodi editis per Horatium Justinianum Oratoristam postea Cardinalem, ut refert Pallavicinus in historia Concilii Tridentini. l. 6. c. 11.

## L A T E R A N E N S E V.

33. Decimum septimum Generale & Lateranense quintum indictum fuit A. 1512. à Julio II. Maximiliano Imp. ad convellendum Conciliabulum Pisanum, & Schisma impediendum. Præsedit ipse Pontifex Concilio, quod auspicatus est quarto nonas Maij festo Inventionis S. Crucis præsentibus Cardinalibus quindecim, Patriarchis Alexandrino & Antiocheno Archi-Episcopis & Episcopis septuaginta septem. Sed superveniente febris post quartam Sessionem (ex qua etiam nono Calendas Martii A. 1513 obiit) deinceps Julius interesse non potuit, ejusque loco præsedit Cardinalis Raphaël Riarius Episcopus Ostiensis. Sessio veto sex-

ta habita Præsides Leone V. Pontifice Successore Julii 1513. 27. Aprilis, sub quo post habitas sex Sessiones finita est A. 1517. mense Martio, & Synodus à Leone confirmata.

34. In Concilio hoc duodecim celebratæ sunt Sessiones. In prima ordinantur præliminaria, & creantur Officiales.

Sess. 2. Damnantur acta Conciliabuli Pisani.

Sess. 3. Poenæ decernuntur & infliguntur Cardinalibus aliisque fautoribus Conciliabuli Pisani.

Sess. 4. Pragmatica Sanctio, quæque ejusdem causa Conciliabulum egerat, abrogantur.

Sess. 5. Julii per ægritudinem absentis Constitutio de Creatione Romani Pontificis legitur prohibens omnem in ea Simoniam sub poena nullitatis.

Sess. 6. Diversi designantur Prælati, quibus varia munera demandantur.

Sess. 7. Duo Cardinales Schismatici auctores Conciliabuli pisani veniam petentes, & Schisma adjurantes reconciliantur.

Sect. 8. Definitum est unicam esse hominis animam eamque immortalem. Dum hæc Sessio celebraretur, adfuerunt à Ludovico Galliarum Rege Legati ejusque nomine

nomine Pisani Concilium execrati  
Lateranensi tanquam vero, indubitato  
& Oecumenico Concilio adhæserunt.

Sess. 9. Bullæ reformationis Romanæ  
Curie leguntur, & renovantur Cano-  
nis Concilii tertii Lateranensis. De Car-  
dinalibus specialis sanctio Concilii tra-  
ditur.

Sess. 10. Edita est Constitutio decla-  
rans Montes pietatis erectos ad sublevan-  
dos inopes non esse usurarios, sed justos  
& licitos.

Sess. 11. Præscribitur Lex Conciona-  
toribus servanda in prædicatione verbi  
DEI. Item Concordata inter Leonem  
Pontificem & Franciscum I. Gallie Re-  
gem leguntur & approbantur.

Sess. 12. Excommunicantur, qui ædes  
Cardinalium invadunt tempore electio-  
nis novi Pontificis. Et absolutum est  
Concilium confirmatumque à Leone X.

## TRIDENTINUM.

35. Decimum octavum Concilium ge-  
nerale fuit Tridentinum indictum à Pau-  
lo III. die undecimo Calendas Junii An-  
no Christi 1542. Pontificatus sui octavo,  
& sub tribus Summis Pontificibus Paulo  
eodem III. Julio III. & Pio IV. contra  
emergentes Lutheri aliorumque hæreses,  
& pro



& pro morum reformatione Summo Ecclesiæ bono legitime congregatum fuit. Complectitur namque plurimas easque saluberrimas Constitutiones tum fidem tum mores concernentes; Quæ cum approbatæ sint à supremo Principe Christi Vicario in terris, atque etiam factæ sint in præsentia, & cum consensu Principum sæcularium, quorum Oratores cum speciali mandato missi Concilio interfuerunt, dubitari nequit, quin constituent Jus generale & commune, quod omnes obliget, cumque omnia exemplaria Concilii ubilibet impressa concordent, non est fides illis deroganda. Licet vero decreta hujus Concilii fidem non concernentia ubique non sint recepta (quam bene inquiritur in Titulis de Constit. & consuet.) Regulares tamen habitantes in illis locis in quibus prætenditur non receptum esse hoc Concilium adstringuntur ad leges illius observandas, quia omnium Regularium Ordines sacrosanctum hoc Concilium receperunt. Ita Passerinus *de stat. & off. hom. q. 187. a. 1. n. 213.* contra Virginium Alviset *in tract. de privilegiis sect. 3. c. 5. §. 1. n. 118*

Concilium hoc in viginti quinque Sessiones distributum est, in quibus tres ordines. Primò ponitur doctrina per sua

P

capita

capita distributa; Deinde Canones seu Decreta pro illa doctrina ordine digesta; Demum stabilicur reformatio disciplinæ Ecclesiasticæ. In Sessione 24 post Canones doctrinales subjungitur duplex ordo Reformationis, primò Reformatio Matrimonii, deinde Reformatio Ecclesiastica. In allegationibus citatur hæc nomine Reformationis absolutè, ista cum addito *Matrimonii*. Similiter in Sess. 25. decreta sub nomine illius citantur; Reformatio vero cum duplex sit, nimirum Reformatio Regularium & Reformatio absoluta, sic quoque alligari solent.

Prima Sessio biennio post indictionem celebrata die decima tertia Decembris A. 1545. indictione tertia Præsidentibus Joanne Maria de Monte, Marcello Cervino, & Reginaldo Polo S. R. E. Cardinalibus. In hac nomina Prælatorum, qui adfuerunt, censita sunt, lectaque ad eos admonitio Legatorum Apostolicorum; Ac subinde decretum est sacrum & generale Concilium incipere & inceptum esse.

Sess. 2. A. 1546. 7. Januarii edita sunt Concilii præliminaria.

Sess. 3. Die 4. Febr. propositum confirmatumque est fidei symbolum.

Sess. 4. Octavo Aprilis promulgatum est decre-

decretum de Canonicis scripturis, & aliud de descriptione & usu sacrorum librorum.

Sess. 5. Decima septima Junii editum est Decretum de peccato originali, & duo capita de Reformatione; Primum de Lectoribus sacrae Scripturae, secundum de Concionatoribus & Quæstoribus Eleemosynariis.

Sess. 6. Die decima tertia Januarii A. 1547. Decreta & Canones de Justificatione formati. Item Decreta de reformatione; *Cap. 1.* De Residentia Episcoporum. *Cap. 2.* De residentia obtinentium beneficia, quæ requirunt Residentiam. *Cap. 3.* Ut excessus Clericorum & Regularium agentium extra Monasteria corrigantur ab Ordinario. *Cap. 4.* Capitula Cathedralium visitet Episcopus quoties voluerit. *Cap. 5.* Pontificalia aut Ordinatio in aliena Diœcesi non fiant.

Sess. 7. Die tertia Martii edita sunt Decreta de Sacramentis in genere, & specialiter de Baptismo & Confirmatione. In Decretis de Reformatione statuitur *Cap. 1.* Quis capax regiminis Ecclesiarum Cathedralium. *Cap. 2.* Prohibetur pluralitas beneficiorum in Cathedralibus Ecclesiis. *Cap. 3.* Habilibus conferantur beneficia. *Cap. 4.* Plurium beneficiorum

rum incompatibilium Retentor iis careat. *Cap. 5.* Qui plura obtinent Beneficia exhibeant dispensationes. *Cap. 6.* Quæ beneficiorum uniones validæ, quæ irritæ. *Cap. 7.* Beneficia unita visitentur. Per Vicarios etiam perpetuos cura exerceatur. *Cap. 8.* Ecclesiæ reparentur. *Cap. 9.* Episcopi infra tempus statutum consecrentur. *Cap. 10.* Capitula Sede vacante non dent dimissorias. *Cap. 11.* Facultates de promovendo à quocunque continere debent causas. *Cap. 12.* Facultates de non promovendo concessæ ad annum tantum suffragentur. *Cap. 13.* Præsentati non instituantur nisi prævio examine. *Cap. 14.* Causæ civiles exemptorum Clericorum sæcularium & regularium degentium extra Monasterium videantur ab Episcopis. *Cap. 15.* Curent Ordinarii, ut hospitalia fideliter gubernentur.

Sess. 8. Die undecima Martii de transferendo propter ingruentem pestem Concilio actum.

36. Concilium translatum fuit Bononiam, ubi duæ Sessiones factæ sunt; Nonâ die 21. April. & Decima die 2. Jun. de prorogatione Concilii.

Sess.

Sess. 11. Decimo octavo Cal. Decemb. A. 1550, quæ fuit prima sub Julio III. promulgatur edictum resurrectionis Concilii in civitate Tridentina præsidentibus Legatis Marcello Cardinali, Sebastiano Pichio Archi-Episcopo Sepontino, & Aloysio Lipomano Episcopo Veronensi,

Sess. 12. Die 1. Sept. A. 1551. decreta est prorogatio.

Sess. 13. Die 11. Octob. actum est de Sanctissimo Eucharistiæ Sacramento, & Canones de eo confecti. In decreto de Reformatione. *Cap. 1.* Datur forma, qua Episcopi debent relidere. Ab eorum Visitatione nemo appellet. *Cap. 2.* Si appelletur ab Episcopo, cui causa committenda sit. *Cap. 3.* Acta primæ instantiæ intra triginta dies dentur gratis appellanti. *Cap. 4.* Abbates assistere possunt Episcopo deponenti, & degradanti Clericum, si Episcopi desint. *Cap. 5.* Gratiæ ob fictas causas concessæ revocentur. *Cap. 6.* Episcopus non citetur personaliter nisi ob causam depositionis. *Cap. 7.* Qualitates testium contra Episcopum. *Cap. 8.* Causæ Episcoporum, cum comparere debent, terminentur per Pontificem.

Sess. 14. Die 25. Novemb. actum est de Sacramentis Pœnitentiæ & extremæ Unctionis. *Cap. 1.* de Reformatione Clericos male se gerentes puniendos esse. *Cap. 2.* Ne Episcopus alienum subditum ordinet. *Cap. 3.* Episcopus male ab aliis promotos sine examine non admittat ad Officia celebranda. *Cap. 4.* Clericus non est exemptus à correctione Episcopi. *Cap. 5.* Conservatorum potestas restringitur. *Cap. 6.* De decenti habitu Clericorum. *Cap. 7.* Voluntarius homicida ordine ac beneficio careat, cum casuali, aut vim vi repellente dispensetur. *Cap. 8.* Ne Episcopus puniat Clericos alienos. *Cap. 9.* Ne beneficia unius Diœcesis uniantur Beneficiis alterius Diœcesis. *Cap. 10.* Beneficia regularia conferantur Regularibus. *Cap. 11.* Professi maneant sub Obedientia, & sint incapaces beneficiorum sæcularium. *Cap. 12.* Jus patronatus obtineat, qui dotat ex suis, aut Capellam de novo fundat. *Cap. 13.* Beneficiandus præsentetur Ordinario.

Sess. 15. Vigesima quinta Jan. A. 1552. decreta est prorogatio Synodi.

Sess. 16. Die 28. April. decreta est ejusdem suspensio bellorum insurgentium occasione.

36. Concilium interruptit mors Julii III. Cujus loco electus est Marcellus II, qui etiam vigesimo secundo die Pontificatus obiit. Ei successit Paulus IV, quo sedente nihil actum est in Concilio, & exacto in Pontificatu quadriennio vita functus est. Huic surrogatur Pius IV. sub quo Concilium suspensum & dilatum resumitur hortante S. Carolo Boromæo.

Sub Pio IV. ergo celebrata Sessio decima septima 18. Jan. A. 1562. in qua emanavit Decretum de celebrando Concilio, & indictio futuræ Sessionis.

Sess. 18. Die 26. Februar. in qua decretum de librorum delectu, & de omnibus ad Concilium publica fide invitandis cum salvo conductu concessio Germanicæ Nationi, & ejus extensione ad alias Nationes.

In Sess. 19. Die 14. Maij decreta est Synodi sacre prorogatio.

Sess. 20. Die 4. Junii decreta iterum prorogatio.

Sess. 21. Die 16. Julii Decreta & Canones de Communionē sub utraque specie & parvulorum. De Reformatione. *Cap. 1.* Ut Ordines gratis conferantur. *Cap. 2.* De Titulo Clericali initiandorum sacris Ordinibus. *Cap. 3.* Tertia pars pro-

copi plenissimè videant. omnes pias dispositiones. *Cap. 9.* Administratores cuiusvis fabricæ & quorumcunque piorum locorum dent rationem ordinariis. *Cap. 10.* Notariorum sufficientiam scrutentur Ordinarii. *Cap. 11.* Excommunicantur occupatores obventionum piis locis applicandorum. Demum subiungitur Decretum super petitione concessionis Calicis.

38. Sess. 23. Die 16. Julii A. 1563. celebrata, tradita est doctrina Catholica & Canones publicati de Sacramento Ordinis. Circa reformationem decreta sunt. *Cap. 1.* Residentia Episcoporum. *Cap. 2.* Consecratio Episcoporum ultra tres menses non differenda. *Cap. 3.* Ut Episcopi per semetipsos Ordines conferant. *Cap. 4.* Ne quis ad Clerum promoveatur nisi Confirmationis Sacramentum prius susceperit. *Can. 5.* Ut de Ordinandorum natalibus, ætate, moribus & vita diligenter inquiretur. *Cap. 6.* Ante decimum quartum annum nullum esse Beneficii capacem. *Cap. 7.* Ut examen instituatur de ordinandorum natalibus, ætate, institutione, moribus, doctrina & fide. *Cap. 8.* Ordinatio à proprio Episcopo



copo facienda, nisi ordinandus literas habeat dimissorias. *Cap. 9.* Episcopus familiarem ordinans conferat ei beneficium. *Cap. 10.* Abbates & Capitula Ecclesiarum Cathedralium non dent nec Sede vacante literas dimissorias. *Cap. 11.* Minoribus ordinandi servant interstitia. *Cap. 12.* Aetas ordinandorum servanda etiam Regularibus. *Cap. 13.* Quid Subdiaconis & Diaconis observandum. Duo sacri Ordines eidem non conferantur eodem die, nec Regularibus. *Cap. 14.* Ordinandi Presbyteri annum egerint in exercitio diaconali; Sint castis moribus, & ordinati frequenter Missam celebrent. *Cap. 15.* Episcopi approbatio necessaria est Presbyteris, ut possint absolvere a peccatis. *Cap. 16.* Ut non omnes promiscue ordinentur. Nec peregrinus sine literis commendatiis celebret. *Cap. 17.* Exercitia minorum Ordinum restituantur. *Cap. 18.* Datur forma erigendi Seminarium Clericorum.

39. Sess. 24. Celebrata Die 11. Nov. A. 1563. Tradita est doctrina & Canones de Sacramento Matrimonii. *Cap. 1.* Habetur decretum de reformatione Matrimonii. *Cap. 2.* Inter quas personas contra-

tra.

trahatur cognatio Spiritualis orta ex Baptismo & Confirmatione. *Cap. 3.* De impedimento publicæ honestatis. *Cap. 4.* De impedimento affinitatis ex illicito congressu. *Cap. 5.* De pœnis contrahentium inter gradus prohibitos, & de dispensatione Pontificis circa impedimenta Matrimonii. *Cap. 6.* De impedimento Raptus. *Cap. 7.* De matrimonio vagorum hominum. *Cap. 8.* Concubinarii si ter moniti non resipiscant, excommunicantur. Concubinæ exilio & aliis pœnis puniuntur. *Cap. 9.* Domini & Magistratus cogentes subditos ad Matrimonium cum certis personis contrahendum, excommunicantur. *Cap. 10.* Quibus temporibus celebrare nuptias prohibeatur.

Ejusdem Sess. 24. *Cap. 1. De Reformatione sacre discipline.* Norma in creatione Episcoporum, & electione Cardinalium servanda. *Cap. 2.* Ut singulis trienniis Concilia provincialia, & quotannis Diœcesana celebrentur. *Cap. 3.* Ut singulis annis Episcopus Diœcesin visitet. *Cap. 4.* Ecclesia Parochialis à Parochianis adeunda. Nullus contradicente Episcopo prædicet. *Cap. 5.* Causæ cri-

criminales majores contra Episcopos cognoscuntur à Summo Pontifice; Minores criminales à Concilio Provinciali. *Cap. 6.* De facultate Episcopis concessa dispensandi in irregularitatibus & suspensionibus certis. *Cap. 7.* Vis Sacramentorum, & Missæ mysterium explicetur populo. *Cap. 8.* De publicè & scandalose peccantibus. *Cap. 9.* Episcopus potest visitare Ecclesias exemptas & nullius Diocesis. *Cap. 10.* Subditi non possunt suspendere executionem visitationis. *Cap. 11.* Episcopi jure suo uti possunt honorariis titulis & privilegiis particularibus non obstantibus. *Cap. 12.* Qualitas prestantium dignitates cum cura animarum. De Residentia & distributionibus, & ut Canonici Episcopo celebranti inserviant. *Cap. 13.* Cathedralis tenues vel uniendæ vel augendæ, uti & augendæ tenues Parochiales. Parochiani frequentet parochias suas. *Cap. 14.* Ut omnes exactiones Simoniacæ aboleantur. *Cap. 15.* De unionem tenuium præbendarum. *Cap. 16.* Capitulum Sede vacante constituat Oeconomum, Officiale seu Vicarium aliosque necessarios Administratores. *Cap. 17.* Pluralitas beneficiorum incompati-

patibulum prohibetur. *Cap.* 18. Ut beneficiis animarum curam habentibus per concursum provideatur, & digniores præferantur. *Cap.* 19. Gratia expectativa revocantur. *Cap.* 20. Causæ ad forum Ecclesiasticum pertinentes coram Ordinariis cognoscantur. Causas matrimoniales & criminales solus Episcopus cognoscat. De expensis Actorum & mercede Notarii.

40. Sess. 25. Cœpta Die 3. absoluta die 4. Decemb. A. 1563. Die tertia, decreta facta sunt de Purgatorio, de invocatione, veneratione & reliquiis Sanctorum, & de sacris imaginibus.

Circa reformationem Regularium & Monialium præcipitur. *Cap.* 1. Ut secundum rigorem Regulæ indispensabiliter vivant Regulares. *Cap.* 2. Proprietatis vitium è Monasteriis eliminetur. *Cap.* 3. Paupertas rigidior relaxatur, præterquam Minorum de observantia & Capucinatorum. *Cap.* 4. Ne quis regularis sine sui Superioris licentia obsequio alicujus Prælati vel Principis se subiciat, aut à Conventu recedat. *Cap.* 5. Ut Clausuræ Monialium Episcopi curam gerant. *Cap.* 6. Superiores sæculares eligantur  
suffra-

suffragiis secretis ; Absentium vota non suppleantur. *Cap. 7.* Quadragenaria, aut saltem trigenaria eligatur in Abbatissam aut Priorissam, quæ unitantum præsit Monasterio. *Cap. 8.* Monasteria non habentia ordinarios Visitatores, nec subdita Episcopis singulis trienniis in Congregatione conveniant. *Cap. 9.* Monasteria Monialium immediate subiecta Pontifici, visitentur ab Episcopis, cætera à Deputatis à Capitulis generalibus. *Cap. 10.* Moniales singulis saltem mensibus confiteantur & communicent. Bis vel ter in anno dari illis potest ab Episcopo Confessarius extraordinarius. *Cap. 11.* Parochi regulares in his quæ pertinent ad curam & Sacramentorum Administrationem sæcularibus, subjacent jurisdictioni, visitationi & correctioni Episcopi. *Cap. 12.* Censuræ Episcopales, & dies festi servantur à Regularibus. *Cap. 13.* Controversiæ de præcedentia ab Episcopo omni appellatione remota componantur. Exempti accedant ad supplicationes publicas. *Cap. 14.* Regularis non subditus Episcopo scandalosè vivens puniatur à Superiore, vel eo negligente ab Episcopo. *Cap. 15.* Ne fiat Professio ante annum

num decimum sextum expletum. *Cap. 16.* Omnis donatio inter vivos, vel renuntiatio Novitiorum ante duos ultimos menses Novitiatus exacti nulla est & invalida. *Cap. 17.* Ne Virgines suscipiant habitum regularem ante annum duodecimum. *Cap. 18.* Ne puellæ cogantur ad profitendum Religionem. *Cap. 19.* De reclamatione invalida Professi intra quinquennium. *Cap. 20.* Abbates alique Ordinum Superiores exempti Monasteria sua visitent, & jurisdictionem exerçant. *Cap. 21.* Monasteria collapsa restituantur, quibus non nisi Regulares præficiantur. *Cap. 22.* Superiora decreta omnino observentur.

41. In eadem Sess. 25. subjiciuntur Decreta 21. *de Reformatione.* *Cap. 1.* De officio Prælatorum. *Cap. 2.* Professio fidei à quibus emittenda. *Cap. 3.* Excommunicationis gladius non temere stringendus. *Cap. 4.* Qua ratione magnus Missarum celebrandarum numerus reduci possit à Prælatis. *Cap. 6.* Quæ observanda Episcopo in visitatione Capitulorum exemptorum. *Cap. 7.* Accessus vel regressus ad Beneficia prohibitus. *Coadjutor quando concedendus. Cap. 8.*  
Bene-

Beneficiati sint hospitales. hospitalia quomodo regenda. *Cap. 9.* De jure Patronatus probando & deferendo. *Cap. 10.* Causæ Ecclesiasticæ spirituales coram quibus tractandæ ; Breviter terminandæ sunt. *Cap. 11.* Ne ultra quinquennium locationes rerum Ecclesiæ, & solutiones anticipatæ fiant. *Cap. 12.* Decimæ solvendæ. *Cap. 13.* Quarta funeralium solvenda, ubi usus. *Cap. 14.* Ne Clerici concubinas habeant. *Cap. 15.* Ne filii Clericorum illegitimi beneficium habeant aut ministrent in Ecclesiis, ubi Patres beneficium obtinent. *Cap. 16.* De congrua portione Vicario perpetuo beneficii curati assignanda. *Cap. 17.* Episcopi sint Patres & Pastores, nec indignè se demittant. *Cap. 18.* Canones exactè ab omnibus servandi. *Cap. 19.* Duella sub gravissimis pœnis prohibentur. *Cap. 20.* Ut omnes sanctiones in favorem personarum Ecclesiasticarum, immunitatum & libertatis Ecclesiæ servantur. *Cap. 21.* In his omnibus decretis de reformatione & Ecclesiastica disciplina reservata censetur auctoritas Sedis Apostolicæ.

In prosecutione Sessionis die sequenti 4. Dec. decretum fuit de Indulgentiis, de cibo-

ciborum delectu, jejniis & diebus festis; De indice librorum, Catechismo, Breviario & Missali. De loco Oratorum. De recipiendis & observandis decretis Concilii, deque recitandis iisdem decretis in Concilio. Demum de petenda sacra universalis Synodi à Pontifice confirmatione, quam concessit Pius IV. Anno 1564. 26. Januar. In fine Concilii subscripsere decretis Patres numero 255, videlicet Legati 4, Cardinales 2, Patriarchæ 3, Arch-episcopi 25, Episcopi 168, Abbates 7. Procuratores absentium cum legitimo mandato 39. Generales Ordinum 7. qui præsentés fuerunt cum Concilium concluderetur. Cæterum longe plures diversis temporibus illi interfuerunt; Nam præter Cardinales nimirum Joannem Mariam de Monte, Marcelum Gervinum, Reginaldum Polum, Herculem Gonzagam, Hieronymum Seripandum, Joannem Moronum, Stanislaum Hosium, Ludovicum Simonetam, Marcum Syricum de Altaemps Bernardum Navagerium, Marcellum Crescentium Sebastianum Pighinum Archi-Epis. Sipontinum & Aloysium Lipomanum Veronensem Episcopum, qui diversis vicibus nomine Pontificum Concilio præfederunt, duosque alios Car-

Q

dina-



1.

**Q**uæstio est de Concilio Oecumenico, Concilia enim particularia, ut sunt: Nationalia, Provincialia & Diœcesana subesse S. Pontifici extra controversiam est, & fatentur omnes etiam illi hæreci, qui concedunt Pontificem esse Patriarcham Occidentis. De Concilio universali vero exorta est hæc quæstio in Concilio Pisano, cum in eo deliberaretur de duobus Pontificibus Gregorio XII. & Benedicto XIII, qui simul in Schismate sedebant, deponendis. Deinde suscitata est denuo in Concilio Constantiensi, cum Joannes XXIII. clam à Concilio decessisset; Et maximè agitata fuit in Basileensi, quando Eugenius Papa IV. Concilium illud dissolvit. Quamvis vero postea hæc quæstio decisa videatur in Concilio Florentino Decreto 4, in quo definitur: *Romanum Pontificem in universum Orbem tenere primatum*, & expressè in Lateranensi V. sub Julio II. & Leone X. attamen quia hoc nonnullis videtur non fuisse verè generale, & istud non definiat rem in ipsis terminis, ideo usque ad hæc tempora, quæstio hæc etiam à Catholicis, & præcipuè à Doctoribus quibusdam Galliæ movetur. Nec defuerunt qui asserere præfidenter ausi

Q 2

sunt,

sunt, certam & indubitatam esse Ecclesie Gallicanæ doctrinam: Concilium esse supra Pontificem, eamque Sententiam DD. Parisienses se propugnatu-  
 juramento confirmare. Verum id falsum asserit Andreas Duvallius Doctor in Sorbona celeberrimus *Tract. de Rom. Pont. potestate* p. 4. q. 8. & q. 7. *Totus inquit, Orbis exceptis pauculis Doctoribus eam* (sententiam) *amplectitur, & rationibus validissimis, cum ex Scriptura, Conciliis & Patribus, tum ex principiis Theologiae petitis confirmatur.*  
 Et quamvis hæc ita se haberent, cum scriberet ista Duvallius, nihilominus postea anno 1682. Clerus Gallicanus in Comitibus quatuor edidit propositiones inter quas hæc est secunda: *Papa subjicitur Concilio, & id patet ex Concilio habito Constantia Sess. 4. & 5. in Seculo decimo quarto.* Sed Alexander Papa Octavus literis in forma Brevis A. 1690 die 4. mensis Augusti signatis, quæ paucis ante obitum ejusdem Pontificis diebus emanarunt, illas propositiones aliaque quædam in dictis literis contenta improbavit, cassavit, viribusque & effectu penitus & omnino vacuavit. Cum igitur

igitur hæc quæstio nunc denuo, maximè in Gallia agitari cœperit, eam hoc loco examinare ad dignoscendam auctoritatem Papæ in Decretis suis, & majorem Conciliorum notitiam, opportunum duxi.

2. Quoniam vero diversimode inter se comparari possunt Papa & Concilium, hic præcipuè quæritur : An verus Papa sit supra Concilium legitimè quidem convocatum, sed sine auctoritate Papæ in Actis procedens, an vero tale Concilium sit supra Papam.

Dicendum omnino est Papam esse supra Concilium. Ita Catholici Doctores & Theologi communiter, quorum plures doctrinam hanc fidei proximam, & contrariam erroneam appellant. Nos veritatem hanc demonstrabimus ex 13. motivis. 1. Quia Papa est Christi Vicarius. 2. Est Successor Petri. 3. Est Caput Ecclesiæ. 4. Est Pastor ovilis Christi. 5. Est Episcopus Ecclesiæ universalis. 6. Est Pater omnium Christianorum. 7. Convocat Concilia. 8. Est Judex Conciliorum eisque præscribit leges. 9. Corrigit & improbat errores Conciliorum. 10. Confirmat Concilia. 11. Datur appellatio à Concilio ad Papam. 12. Non datur Appellatio à Papa ad Concilium.

13. Hunc primatum Papæ ipsamet Concilia agnoscunt.

## §. I.

## Papa est Christi Vicarius.

3. Sic Canon 39. Arab. Conc. Nicæni his verbis: *Ut qui tenet sedem Romæ sit Vicarius Christi super cunctos populos & cunctam Ecclesiam Christianam. Et quicumque contra dixerit à Synodo excommunicatur.* Sic Concilium Constantiense Sess. 8. c. 37. & Sess. 45 in Bulla Martini. Sic definit Florentinum decreto 4 *Definimus sanctam Apostolicam Sedem & Romanum Pontificem &c. esse verum Christi Vicarium.* Habeturque c. ubi periculum de Electione in 6. ex Lugdunensi. Et confirmant sancti Patres: Ambrosius l. 10. in Lucam c. 24. Bernardus l. 2. de Confid. c. 8. alique, atque etiam S. Brigitta l. 7. Revel. c. 19. vocat Summum Pontificem: *Vicarium generalem Christi solum in mundo.* Addit solum & S. Bernardus l. c. *Unicum*, quia nemo alius Vicarius generalis in mundo præter illum; Sunt quidem & omnes Antistites Christi Vicarii, sed subordinati & particulares, non generales nec supremi, qui solus & unicus est

est Papa. *Papa* inquit Baldus l. *Barbarius Philippus ff. de offic. Prat. est supremus DEI Vicarius, & qui contrarium dicit, mentitur.*

Cum ergo Papa sit Vicarius Christi, isque unicus & supremus, habet utique Jurisdictionem adeoque Superioritatem in tota Ecclesia non solum dispersa, sed etiam in Conciliis conjuncta, cum habeat Jurisdictionem eandem cum jurisdictione Constituentis, nimirum Christi arg. c. 3. de appell. in 6. Hinc ex communi jurisperitorum sententia, Christi & Pontificis Romani unum est Tribunal Ricc. l. 9. de jur. person. extra Eccles. c. 2. n. 1. Hier. Gigas de resid. Episc. c. 5. Troilus Malvetius de Canoniz. Sanct. dub. 2. n. 10.

4. Nec obstat. 1. Quod Papa dicatur Vicarius B. Petri. c. Ego Ludovicus dist. 63. & c. Constantinus dist. 96. Nam Vicarius hic non est aliud, quam Successor secundum antiquam vocis notionem, ut tradit Suidas Βικάριος ὁ διάδοχος παρὰ Ρωμαίοις Vicarius apud Romanos Successor. Est ergo Papa Petro substitutus independenter, & pari cum potestate post eum gerit munus suum. Glos. Clem. 1. de Jurejur. V. Vicarium. Navar. Comment. de jubileo. adeoque in Jurisdictione est Petri Successor. Nec

Nec obstat 2. Quod Papa sæpe contestetur se aliquid statuere aut vetare *auctoritate SS. Apostolorum Petri & Pauli*; Per hoc enim non indicat se dependere ab illis Apostolis in usu suæ potestatis, sed solum edictum vel interdictum tale promanare ab auctoritate Pontificia suprema, qualem habuit ordinariam S. Petrus, & extraordinariam S. Paulus, ut ita revocetur in memoriam suprema in Ecclesiam potestas concedita S. Petro & Successoribus ejus. *Raynaud. Cor. anr. Onomast. Pont. V. Vicarius.*

Nec obstat 3. Quod Apostoli ab Ambrosio 1. *ad Cor. 3.* & in c. 1. *ad Rom.* & Diaconi à S. Ignatio *Epist. ad Trallianos* dicantur Vicarii Christi licet supremam non habeant in Ecclesiam auctoritatem; Nam Apostoli sic dicuntur cum proportionem aliqua, quia post Christi abscessum jussu & vice ejus prædicarunt Evangelium, & docuerunt homines veram fidem. Diaconi autem sic appellati sunt, quia divinum Calicem populo ministrarunt, sicut Christus illum bibendum dedit Apostolis. S. Petrus vero & ejus Successores alio eminentiore sensu Vicarii sunt Christi, & vices ejus principaliter & antonomastice agunt.

§. 2.

Papa est S. Petri Successor.

1. Quemadmodum Summus Pontifex est Christi Vicarius, ita est quoque S. Petri Successor, non modo in Episcopatu Romano particulari: Sed etiam in Vicaria Christi Præfectura per totam Ecclesiam cum pari potestate Apostolicæ plenitudinis, ita ut non aliam aut pleniorē acceperit à Christo Pontificiam potestatem Petrus, quam quilibet in Romana Sede Successorum. Quæ veritas certa est ex fide, & definita tum in aliis Conciliis, tum in Lugdunensi sub Innocentio IV. & habetur c. 1. de homicidio in 6. Viennensi sub Clemente V. Constantiensi Sess. 8. & 25. & in Bull. Mart. V. Suffragantur magno numero SS. Patres. Chrysostomus l. 2. de Sacerd. Bernardus l. 2. de Consil. c. 8. alique apud Bosium l. 18. de Sign. c. 3. Valentiam 2. 2. Disp. 1. q. 1. punct. 7. à §. 36. Cenedopart. 1. Collect. Jur. Can. Tit. 11. n. 1. Nobis hic sufficiat S. Leo qui Serm. 2. de anniversario assumptionis suæ inquit: *Manet dispositio veritatis & B. Petrus in accepta fortitudine Petri perseverans suscepta Ecclesie gubernacula non relinquit, perseverat videlicet*

*licet Petrus, & vivit in Successoribus suis. Et Philippus Cœlestini Papæ Legatus. Tom. 2. Conc. c. 26. Nulli dubium imo sæculis omnibus notum est sanctum Beatissimumque Petrum Apostolorum Principem & Caput fideique columnam Ecclesia Catholica fundamentum à Domino JESU Christo Salvatore nostro humanique generis Redemptore cœlestis regni claves accepisse, solvendi atque ligandi potestate, quam acceperat, usum fuisse; Necnon per Successores suos hucusque semper vivere, causasque decernere, semperque victurum esse. Hujus itaque ordinarius Successor & Vicarius sanctus Beatissimusque Papa & Episcopus noster Cœlestinus, nos huc pro se quasi Vicarios ad hanc S. Synodum misit. Atque ratio evincit: Cum enim potestas Pontificia collata sit S. Petro in bonum Ecclesiæ, quæ permanebit usque ad finem sæculi, necesse fuit eandem tribui potestatem Successoribus Ecclesiæ suo tempore moderantibus, quæ concessa est S. Petro pro eo tempore, quo Ecclesiæ gubernavit. Imo cum nunc sublatis è terra Christo & Aposto-*

*lis,*



lis, ac crescente numero & malitia Christianorum, major sit paris potestatis necessitas, in qua Christi providentia non deficit, nullatenus illa Successoribus Petri deneganda est, ne ut S. Cyprianus inquit l. 1. Epist. 3. *Gubernatore sublato atrocius atque violentius circa naufragia Ecclesiae hostis grassetur.* Atque ob hanc rationem dixit S. Augustinus: *Claves tributas esse S. Petro in persona Ecclesiae.* Et iterum: *Claves non Petro, sed Ecclesiae fuisse traditas,* quia traditæ sunt Petro non ut homini singulari resumendæ post obitum ejus, sed ut personæ publicæ, adeoque omnibus, qui ei successu temporis suffiendi essent in Ecclesiae gubernatione. Hi ergo in gubernaculo isto exhibent personam Petri, & sunt repræsentativè idem quod Petrus, pro ut eos post multa etiam sæcula in Cathedra Petri sedentes frequentissimè compellarunt. S. Innocentius I. Epist. ad Concilium Milevit, Agatho Papa Epist. ad Constant. IV. literas dedit ad Francorum Principes nomine S. Petri, quæ extant apud Baronium ad A. 755, & Grezerum. Atq; etiam in literis formatis & Decreto magni Nicæni Concilii post literas initiales nominum Græcorum: Patris & Filii & Spiritus sancti

## 254 *Papa est supra Concilium.*

Et ponebatur litera P. initialis nominis B. Petri, quo significabatur, eum cui literæ tradebantur, esse Catholicæ communionis.

2. Jam vero S. Petrus constitutus est à Christo non tantum supra particularem aliquam, sed etiam supra universalem Ecclesiam conjunctim, quam repræsentat Concilium generale. Patet id Primò *Matth. 16.* ex his verbis: *Tu es Petrus & supra hanc petram edificabo Ecclesiam meam,* quibus verbis ex communi Patrum consensu promittitur Petro Principatus Ecclesiæ Christi, & ut sit fundamentum illius & basis. Princeps vero major est regno suo etiam conjunctim collecto, & fundamentum tribuit firmitatem structuræ, eamque sustentat & portat, non vero ab eo stabilitur & sustentatur. Ergo & Petrus major fuit Ecclesiæ & Concilio, eique firmitatem tribuit in rebus fidei & morum, non vero accepit. Confirmant id verba sequentia. *Et tibi dabo claves regni cælorum, & quodcunque ligaveris super terram, erit ligatum & in cælis, & quodcunque solveris super terram erit solutum & in cælis.* Per claves significabatur suprema potestas tum Ordinis tum jurisdictionis.

Etionis. *Isai. c. 22. Apoc. 3. l. Clavibus 74. de contrah. empt. & §. 45. Instit. de rer. dom.* Quæ ibi promittitur in Ecclesiam non dispersam solum per orbem, sed etiam in Concilio congregatam. Hoc denotat *quodcumque ligaveris & solveris*, nimirum ubicunque & quandocunque id conveniens Petrus judicaverit in Ecclesia (quam familiari phrasi *regnum cælorum* Christus appellat, ut docet S. Greg. Hom. 12. in Evang.) aut Concilio, quod Ecclesiam repræsentat, adeoque quod hoc clausit ligavitque poterat Petrus & Successores ejus aperire & solvere, quod ubiq; signum est Superioritatis supra Concilium, præsertim cum huic nullibi facta sit promissio aut traditio Clavium aut potestatis in Papam.

3. Deinde Luc. 22. Christus sic alloquitur Petrum: *Simon, Simon, ecce Sathanas expetivit, ut cribaret vos sicut triticum; Ego autem rogavi pro te, ut non deficiat fides tua, & tu aliquando conversus confirma fratres tuos.* Hic duæ exprimuntur prærogativæ Petro præ cæteris concessæ. Prima quod Christus tanta cura & sollicitudine oraverit specialiter pro Petro, ne fides ejus potius quam cæterorum deficeret, utique quod

## 256 *Papa est supra Concilium.*

quod ab illotantum fundamento, Pastore capiteque Ecclesiae potius, quam à reliquis Apostolis Ecclesia & Religio dependeret. Secunda. Ut Petrus confirmaret Fratres suos; Confirmare vero illius est, qui majorem habet auctoritatem & potestatem; Adeoque per hæc verba concessum est Petro privilegium infallibilis veritatis in definiendis rebus fidei, quæ in eo non deficiet, & potestas confirmandi Fratres, hoc est fideles, adeoque & Concilia dirigendi, corrigendi, approbandi, aut etiam, si necesse fuerit, dissolvendi; quæ nullibi concessa leguntur Conciliis. Concessa sunt ergo hæc præminentiae privilegia soli Petro & Successoribus ejus; nam cum Ecclesiam impugnare Sathanas non cesset, necesse fuit, ut ea in Successoribus Petri confirmentur, ut perpetuo hosti perpetuus opponatur Dux & Defensor. Valide hæc confirmant verba Christi Joann. ult. *Pasce oves meas*; Sed de his agetur infra §. 4.

### §. 3.

## *Papa est Caput Ecclesiae.*

Pontificem rectè appellat Petrus Damianus in Odilone: *Caput omnium Christianorum.* Joannes Constantinop. ad Con-

Constanti. Papam : *Caput Sacerdotiæ quod in Christo est Canonice.* Episcopi Moësiæ Epist. ad Leonem Aug. in fine Conc. Chalced. *Caput omnium Episcoporum.* Concilium Nicænum c. 39. apud Pisanum l. 3. *Caput & Principem omnium Patriarcharum.* S. Theodorus Studita Epist. 33. ad Leonem III. *Caput divinißimum omnium capitum.* Concilium Calced. epist. ad Leonem, Chrysostomus Hom. 55. in Matt. aliique *Caput Ecclesiæ.* Atque esse Ecclesiæ universalis caput definitum est in Conciliis Constantianensi Sess. 15. & ult in Bulla Martini V. Florentino Sess. ult. Lateranensi ult. Sess. 11. Lugdunensi habetur cap. ubi periculum de Elect. in 6. Idem confirmat S. Leo in epist. ad Episcopos Viennenses 78. quæ habetur in cap. ita Dominus dist. 19. Nicolaus III: in c. Fundamenta 17. de Elect. in 6. Patres Concilii Ephesini in actis Sess. 4. S. Thomas l. 4. Contragentes c. 76. & cont. errores Græc. c. 65. & 3. p. 4. 8. 4. 6. Deducunt SS. Patres hunc titulum ex illis verbis Christi Matt. 16. *Tu es Petrus & super hanc petram &c.* apud Suaz. l. 3. defens. c. 10. Covarruviam lib. 4. Variar. c. 14. n. 11. & ex illo Joan. 21. Pa-

*Pasce agnos meos &c.* apud Bellarm. l. 1. de Pontif. c. 14. & seqq. Ita verò Papa caput est Ecclesiæ universalis, ut sit caput omnium collectivè Ecclesiarum etiam in uno loco congregatarum, cum quicquid Christi membris annumeratur, cui certè annumeratur etiam Ecclesia in Concilio collecta, sublit Romano Pontifici ut capiti. Ideo Philippus Cœlestini Papæ Legatus in Ephes Conc. cap. 15. apertè edixit: *Gratias agimus sanctæ venerandaque huic Synodo, quod literis Cœlestini Sanctissimi Beatissimiq; Papæ vobis recitatis sanctæ Ecclesiæ membra, sanctis vestris viribus piisq; praconiis sancto vestro Capiti vos exhibueritis. Non enim ignara est vestra Beatitudo, totius fidei caterorumq; omnium Apostolorum Caput Beatum Apostolorum Petrum extitisse.* Jam vero perspicuum est Caput non humeri tantum & brachii, sed universi corporis esse caput idque cæteris membris non tantum separatis, sed etiam unitis præstare, à quo hæc motum & imperium accipiunt, ideoque etiam Papa Ecclesiæ caput est non dispersæ tantum & singulorum membrorum, sed collectæ, quoque & universorum, præstatque omnibus simul in Concilio

cilio congregatis. Est ergo Papa supra Concilium præsertim cum hæc dignitas Capitis nullibi in sacris literis Concilio attribuat.

Neque hinc inferas monstruosam & bicipitem esse Ecclesiam, cum certum sit ejusdem Caput esse Christum; Nam Christus caput est in terris nunc invisibile & principale, quia est caput pro omni tempore quo influxit & influet gratiam; Pro omni statu tam invia quam Patria, & secundum omne genus gratiæ distributum hominibus. Pontifex vero Caput est Ecclesiæ visibile subordinatum & Vicarium per comparisonem ad Christum, adeoque non est monstruosa Ecclesia cum non habeat duo capita ex æquo in eodem genere.

S. 4.

*Papa est Pastor Ovis Christi.*

Christus per hæc verba: *Pasce Oves meas* Joan. ult. soli Petro tribuit supremam potestatem omnemque curam pascendi oves suas; Soli namque illi loquitur, solum examinat, & à solo responsum accipit, adeoque quod *Matth. 18.* promiserat Christus, hic actu Petro confert, Sunt quidem & alii Pastores, qui

R

bus

bus dictum est : *Pasce, qui in vobis est gregem DEI* ; Sed longe excellentiore modo Pastor est Petrus & quilibet Romanus Pontifex ; Ipse enim absolutè & antonomastice unus dicitur Pastor unius ovilis juxta æternæ Veritatis edictum : *Fiet unum Ovile & unus Pastor. Sunt quidem*, scribit S. Bernardus ad Eugenium Papam l. 3. de Consid. c. 7. *& alii cæli Janitores & gregum Pastores, sed tu tanto gloriosius, quanto & differentius utrumque præ cæteris nomen hereditasti. Habent illi sibi assignatos greges, singuli singulos, tibi universi crediti, uni unus, nec modo ovium, sed & Pastorum tu unus omnium Pastor. Quam veritatem pariter Emissenus eruit ex verbis illis Joan. 21. Respondente Petro, inquit, Domine tu scis quia amo te, ait Christus: Pasce oves meas. Prius agnos, deinde oves ei commisit, quia non solum Pastorem ovium, sed Pastorum Pastorem eum constituit. Pascit igitur Petrus agnos, pascit & oves, pascit filios, pascit & matres, regit & subditos & Prælatos. Omnium igitur Pastor est, quia præter Agnos & oves in Ecclesia nihil est. Nihil,*



*hil, inquam, quod non suis pastoribus Christus commiserit. Pascit igitur Petrus ejusque in cura pastoralis Successor & subditos & Prælatos, eosque non tantum dispersos per Ecclesias suas particulares, sed etiam in Concilio congregatos, quia & sic ad ovile Christi pertinent, & incumbit Pastoribus in bonum Ovium tam collectarum quam separatim pascuntium invigilare exhibendo illis doctrinæ sanæ pabulum, ducendo illas, tuendo, medendo, & si exerrent, adhibendo virgam percutientem, ut deviantes reducat, id namque verbum ποιμαίνω, quo S. Joannes usus est significat. Jam vero hæc cura Ovium non Petro solum, sed omnibus legitimis ejus Successoribus commissa est; Cum enim Ovile sit perpetuum, perpetuus quoque esse debuit Pastor, quandoquidem oves jam non minus Pastore indigent, quam olim, periculis æque gravibus ac majoribus etiam à Lupis aliisque adversis imminentibus. Ideo Innocentius III. Nobis autem, inquit, in B. Petro sunt Oves Christi commissa dicente Domino: Pasce oves meas: Non distinguens inter has oves, & alias, ut alienum à suo demonstraret Ovili, qui Petrum & Successores ipsius*

*Magistros non recognosceret.* Cum itaque Pastor sit supra Ovile, non Ovile supra Pastorem, indubie tenendum est Papam quoque esse supra Ecclesiam etiam in Concilio congregatam. Et cum nullus reperiatur locus in sacra Scriptura, qui Ecclesiæ vel Concilio tribuat in Petrum aut Papam auctoritatem, id quoque non est asserendum, cum non sit recedendum à regula donec contrarium probetur. *c. 2. de Conj. lepros. c. ad decimas de restit. spoliat. in 6.* Idque vel maximè in sacra Scriptura & illis quæ à sola pendent DEI voluntate & institutione. *S. Th. 3. p. 2. q. 1. a. 3.*

§. 5.

## Papa est Episcopus Ecclesiæ universalis.

1. Sic eum appellat Sixtus I. *A. 141* martyrio affectus *Epist. 2.* Victor primus *Ep. 1.* Pontianus *Epist. 2.* Stephanus I. *Epist. 2.* S. Leo *Epist. 54. 57. 62. 69. 75. 97.* Pompeius & Anastasia ad Hormisdam. S. Cyprianus vero *Epist. 46.* ac sæpe Pontifices vocant *Episcopum Ecclesiæ Catholicæ.* Acta S. Tiburtii, Tertullianus de pudicitia, Arnobius in *Psal. 138.* & Gervasius Rhemenfis *Epist. ad Paschalem Papam; Episcopum Episcoporum.* *Cal-*

sido.

Iodorus Epist. 15. l. 9. *Episcopum Patriarcharum.* Petrus Bleffenfis Epist. 27. *Episcopum unice summum & singulariter generalem* S. Bernardus Epist. 239. *Episcopum Orbis* Chalcedon. Concilium Act. 3. in tribus Epistolis *Episcopum universalem.*

Omnes vero hi tituli præminentiam Papæ supra Episcopos, Patriarchas, & universalem Ecclesiam totumque orbem denotant; Non secus ac titulus Episcopi significat Superioritatem supra Parochos & Parochianos illi subiectos; Hi namque apud Christianos Episcopi dicuntur, qui Ecclesiam superinspiciunt, ut ait Sidonius l. 6. Epist. 1. & regunt. *Gracum est enim*, differit S. Aug. l. 19. Civit. c. 19. *atq; inde deductum vocabulum, quod ille qui præficitur, eis quibus præficitur, superintendit; Curam eorum scilicet gerens, ἐπὶ quippe super σκοπὸς vero intentio; Est ergo ἐπισκοπεῖν, si velimus, Latine superintendere, possumus dicere.* Episcopi vero non solum sunt super Parochos suos, eosque superinspiciunt & regunt, cum dispersi sunt per Parœcias, quas administrant, sed etiam cum congregati sunt in Concilio

ci io Diœcesano. Pari ergo ratione Papa tanquam Episcopus Ecclesiæ universalis non solum est supra Episcopos, Patriarchas cæterosque Prælatos, quando dispersi per orbem terrarum excubant in certis districtibus gregi sibi concredito, sed etiam quando conjuncti sunt in Concilio generali, quia sicuti Episcopi, Metropolitæ & Patriarchæ non desinunt esse tales in Conciliis Diœcesanis, provincialibus & nationalibus, ita nec Papa desinit esse Episcopus Episcoporum & universalis Ecclesiæ in Conciliis generalibus, cum hanc dignitatem acceperint immediatè à DEO, & non à communitatè, nec communitati ullum jus novum conferat collectio.

2. Nec obstat. 1. Quod vocet S. Clemens *Epist.* 1. S. Jacobum, & Sidonius Appollinaris *l.* 6. *Epist.* 1. S. Lupum Episcopos Episcoporum, qui tamen Romani Pontifices non fuerunt; Dicti namque sunt ita hi Præsules ob exemplum vitæ, quo cæteris præluxerunt, ut omnium Præsulum velut exemplar & idæa dici potuerint, non vero per proprietatem & vi muneris, ratione cujus soli Romano Pontifici hic titulus competit.

Nec obstat 2. Quod S. Cyprianus in  
Con-

Concilio Affricano neget quemquam debere se Episcopum Episcoporum appellare, nam loquitur de Collegis suis in Concilio illo congregatis, non de Romano Pontifice, ut observarunt S. Hieronymus *Dial. contra Lucif.* & S. Augustinus *l. 2. de Baptis. contra Donat. c. 2.*

Nec obstat 3. Concilium Cathaginense III, *cap. 26.* & habetur in *cap. 1. dist. 99.* improbens titulum Episcopi universalis, cum loquatur non de Papa, sed de Patriarcha istius Provinciæ.

Nec obstat 4. Quod S. Gregorius *l. 7. Epist. 30.* & habetur in *cap. Eccl. dist. 99. Et l. 4. Epist. 38. 39. 30. 32. 34. 36. & l. 6. Epist. 30. ad Mauris.* refugiat Episcopi universalis titulum tanquam fastuosum, arrogantem & in aliorum Episcoporum contemptum cedens; Nam infectatus est hunc titulum ob superbiam Joannis jejunatoris Patriarchæ Constantinopolitani, qui eum sibi arrogavit. Ipse vero Pontifex, uti & alii quidam noluerunt eum in usum inducere ob sensum aliquem perversum, quem hic titulus præferre posset, quasi nemo alius esset in Ecclesia Episcopus præter Papam, & cæteri Episcopi essent solum Vicarii Papæ, quod est contra Hierarchiam Ecclesiasticam, quæ plures complectitur Episcopos & Pastores,

266 *Papa est supra Concilium.*

res, quamvis cum subordinatione ad Romanum Pontificem; In alio autem & genuino sensu hujus tituli, qui non excludit particulares Episcopos, solamque universalem totius Ecclesiæ, & omnium in ea Antistitum curam denotat, non denegat S. Gregorius Romano Pontifici, sed eum strenue & calamo & ipso facto asseruit. l. 7. *Epist.* 63. & 64. & alibi sæpius.

§. 6.

*Papa est Pater omnium Christianorum.*

Hic titulus vendicatur Romano Pontifici in Concilio Florentino *Sess. ult.* his verbis: *Definimus Sanctam & Apostolicam sedem & Romanum Pontificem omnium Christianorum Patrem & Doctorem existere.* Et jam ante dixerat Petrus Damiani *Opusc.* 23. c. 1. Pontificem esse *Patrem orbis*, & Episcopi nostræ Germaniæ ad Joannem octavum *Patrem summum*, Petrus Cluniacensis. l. 8. *Epist.* 43. *Patrem universalem*, & *Epist.* 27. *Patrem Ecclesiæ* S. Bernardus *Epist.* 130. *Patrem universitatis*. Hinc plures non improbabiliter putant nomen *Papa*, idem esse,

esse, ac Pater Patrum, sic Remigius Altissiod. *de celebrat. Missæ*. Et Thomas Illyricus. *Tract. de potest. Papæ* §. Non igitur, certe *Papa* idem esse quod *Pater* ex Græcorum & Latinorum usu, quo parvuli Balbutes adhuc abblandiendo Patri Papam vocant, constare videtur, sic Athenæus l. 8. *χᾶρι πάπα φίλτατε*. Et *Odis.* 3. *Πάπα φίλε*. Et cum plures Episcopi & minores etiam Sacerdotes olim quandoque Papæ sint appellati, ex decreto Gregorii VII anno 1073. in Synodo contra Schismaticos stabilitum, ut solus Romanus Pontifex Papa diceretur. *Raynaud. l. 6. V. Papæ*.

Jam vero quis negabit primas tenere Patrem domi suæ, & imperium habere jure naturali in filios & domesticos, non solum extra domum ad varia ministeria emissos, sed etiam domi conjunctos. Ideoque & Pontifex primas ubique habebit in Christianos, Ecclesiam, & Præsules etiam in Conciliis generalibus congregatos. Nec dicas Papam esse Filium Ecclesiæ, adeoque illi subiectum; Est namque Filius & Pater respectu diverso; Filius ut est Baptizatus, & sic præcepta Ecclesiæ observat; Pater vero ut Papa est, & sic supremam habet auctoritatem, cui omnes obedire tenentur. §. 7.

## §. 7.

Papa convocat Concilia  
generalia.

1. Id jam supra ostendimus c. 6. n. 2. Sed cum ex eo veritas proposita de auctoritate Papæ supra Concilium plurimum confirmetur, distinctius & paulo explicatius hic declarandum illud erit.

Convocari Concilia possunt tripliciter: Per modum præcepti, exhortationis & executionis. Præceptivè, cum vocanti obedire debent Episcopi, nisi legitime sint excusati, solus Pontifex convocare potest, non Rex aut Imperator, quia in causa Religionis & circa personas Ecclesiasticas nullam potestatem aut jurisdictionem habent Principes sæculares, sed solus Pontifex. Hic tamen Regibus & Principibus interdum relinquit convocationem, quia & sumptus præstare necessarios, & ea quæ facti sunt melius, præsertim in territoriis ipsis subjectis, procurare poterant. Cæterum sine auctoritate Papæ Concilia ab Imperatoribus convocata nec vim nec robor habuerunt. Patet id in Ephesino II. à Theodosio juniore, Antiocheno & Ariminen- si à Constantio; Constantinopolitano secundo à Leone Imper. Synodo in Trullo à



lo à Justiniano Imp. aliisque Constanti-  
nopoli à Constantino Copronymo con-  
vocatis. E contrario Concilia à Pon-  
tificibus absque Imperatorum consensu  
congregata robur suum obtinuerunt;  
Ostendit id Concilium Sardicense relu-  
ctante Constantio Imp. à Julio congre-  
gatum, *Anast. in apolo. 2.*

2. Per modum vero Exhortationis &  
Executionis convocare possunt Conci-  
lia Imperatores, & id ipsum sæpè ex pio  
Zelo & amore pacis Ecclesiasticæ fece-  
runt, sed nullam per hoc auctoritatem  
præceptivam sibi arrogarunt. Testan-  
tur id luculenter Valentinianus & Mar-  
tianus Imperatores ad Leonem Papam  
his verbis : *Tuam sanctitatem princi-  
patum in Episcopatu fidei possidentem in-  
vitamus, atque rogamus ad celebra-  
dam Synodum te Auctore.* Epist. præamb.  
Syn. Chalced. Et Constantinus VI. Imp.  
sic in Epist. ad Agathonem Papam :  
*Invitare & rogare possumus ad omnem  
commendationem, & unitatem omnium  
Christianorum, necessitatem vero in-  
ferre nullatenus volumus,* Martianus  
ut se paratum ostendat exequi Pontificis  
voluntatem sic scribit ad Leonem Papam :

*Si one-*

bus dictum est : *Pasce, qui in vobis est gregem DEI* ; Sed longe excellentiore modo Pastor est Petrus & quilibet Romanus Pontifex ; Ipse enim absolutè & anonomasticè unus dicitur Pastor unius ovilis juxta æternæ Veritatis edictum : *Fiet unum Ovile & unus Pastor. Sunt quidem*, scribit S. Bernardus ad Eugenium Papam l. 3. de Consid. c. 7. *& alii cæli Janitores & gregum Pastores, sed tu tanto gloriosius, quanto & differentius utrumque præ cæteris nomen hereditasti. Habent illi sibi assignatos greges, singuli singulos, tibi universi crediti, uni unus, nec modo ovium, sed & Pastorum tu unus omnium Pastor. Quam veritatem pariter Emissenus eruit ex verbis illis Joan. 21. Respondente Petro, inquit, Domine tu scis quia amo te, ait Christus: Pasce oves meas. Prius agnos, deinde oves ei commisit, quia non solum Pastorem ovium, sed & Pastorem Pastorem eum constituit. Pascit igitur Petrus agnos, pascit & oves, pascit filios, pascit & matres, regit & subditos & Prælatos. Omnium igitur Pastor est, quia præter Agnos & oves in Ecclesia nihil est. Nihil,*

*hil, inquam, quod non suis Pastoribus  
Christus commiserit. Pascit igitur Pe-  
trus ejusque in cura pastoralis Successor  
& subditos & Prælatos, eosque non tan-  
tum dispersos per Ecclesias suas particu-  
lares, sed etiam in Concilio congrega-  
tos, quia & sic ad ovile Christi pertinent,  
& incumbit Pastoribus in bonum Ovium  
tam collectarum quam separatim pa-  
lantium invigilare exhibendo illis do-  
ctinæ sanæ pabulum, ducendo illas,  
tuendo, medendo, & si exerrent, adhi-  
bendo virgam percutientem, ut de-  
viantes reducat, id namque verbum  
*παιδεύω*, quo S. Joannes usus est signi-  
ficat. Jam vero hæc cura Ovium non Pe-  
tro solum, sed omnibus legitimis ejus Suc-  
cessoribus commissa est; Cum enim Ovile  
sit perpetuum, perpetuus quoque esse de-  
buit Pastor, quandoquidem oves jam non  
minus Pastore indigent, quam olim, pe-  
riculis æque gravibus ac majoribus etiam  
à Lupis aliisque adversis imminentibus.  
Ideo Innocentius III. *Nobis autem*, in-  
quit, *in B. Petro sunt Oves Christi com-  
missæ dicente Domino: Pasce oves  
meas: Non distinguens inter has oves,  
& alias, ut alienum à suo demonstraret.  
Ovili, qui Petrum & Successores ipsius**

*Magistros non recognosceret.* Cum itaque Pastor sit supra Ovile, non Ovile supra Pastorem, indubie tenendum est Papam quoque esse supra Ecclesiam etiam in Concilio congregatam. Et cum nullus reperiat locus in sacra Scriptura, qui Ecclesiæ vel Concilio tribuat in Petrum aut Papam auctoritatem, id quoque non est asserendum, cum non sit recedendum à regula donec contrarium probetur. *c. 2. de Conj. lepros. c. ad decimas de restit. spoliat. in 6.* Idque vel maximè in sacra Scriptura & illis quæ à sola pendent DEI voluntate & institutione. *S. Th. 3. p. 2. q. 1. a. 3.*

§. 5.

## *Papa est Episcopus Ecclesiæ universalis.*

1. Sic eum appellat Sixtus I. A. 141 martyrio affectus *Epist. 2.* Victor primus *Ep. 1.* Pontianus *Epist. 2.* Stephanus I. *Epist. 2.* S. Leo *Epist. 54. 57. 62. 69. 75. 97.* Pompeius & Anastasia ad Hormisdam. S. Cyprianus vero *Epist. 46.* ac sæpe Pontifices vocant *Episcopum Ecclesiæ Catholicæ.* Acta S. Tiburtii, Tertullianus de pudicitia, Arnobius in *Psal. 138.* & Gervasius Rhemensis *Epist. ad Paschalem Papam: Episcopum Episcoporum.* Cal-

sido-

Iodorus Epist. 15. l. 9. *Episcopum Patriarcharum.* Petrus Blesensis Epist. 27. *Episcopum unicè summum & singulartiter generalem* S. Bernardus Epist. 239. *Episcopum Orbis Chalcedon. Concilium Act. 3. in tribus Epistolis Episcopum universalem.*

Omnes vero hi tituli præminentiam Papæ supra Episcopos, Patriarchas, & universalem Ecclesiam totumque orbem denotant; Non secus ac titulus Episcopi significat Superioritatem supra Parochos & Parochianos illi subiectos; Hi namque apud Christianos Episcopi dicuntur, qui Ecclesiam superinspiciunt, ut ait Sidonius l. 6. Epist. 1. & regunt. *Gracum est enim*, differit S. Aug. l. 19. Civit. c. 19. *atq; inde deductum vocabulum*, quod ille qui præficitur, eis quibus præficitur, *superintendit*; Curam eorum scilicet gerens, ἐπὶ quippe super σκοπὸς vero intentio; Est ergo ἐπισκοπεῖν, si velimus, Latine *superintendere*, possumus dicere. Episcopi vero non solum sunt super Parochos suos, eosque superinspiciunt & regunt, cum dispersi sunt per Parœcias, quas administrant, sed etiam cum congregati sunt in Concilio

ci io Diœcesano. Pari ergo ratione Papa tanquam Episcopus Ecclesiæ universalis non solum est supra Episcopos, Patriarchas cæterosque Prælatos, quando dispersi per orbem terrarum excubant in certis districtibus gregi sibi concredito, sed etiam quando conjuncti sunt in Concilio generali, quia sicuti Episcopi, Metropolitæ & Patriarchæ non desinunt esse tales in Conciliis Diœcesanis, provincialibus & nationalibus, ita nec Papa desinit esse Episcopus Episcoporum & universalis Ecclesiæ in Conciliis generalibus, cum hanc dignitatem acceperint immediatè à DEO, & non à communitatè, nec communitati ullum jus novum conferat collectio.

2. Nec obstat. 1. Quod vocet S. Clemens *Epist.* 1. S. Jacobum, & Sidonius Appollinaris *l.* 6. *Epist.* 1. S. Lupum Episcopos Episcoporum, qui tamen Romani Pontifices non fuerunt; Dicti namque sunt ita hi Præsules ob exemplum vitæ, quo cæteris præluxerunt, ut omnium Præsulum velut exemplar & idæa dici potuerint, non vero per proprietatem & vi muneris, ratione cujus soli Romano Pontifici hic titulus competit.

Nec obstat 2. Quod S. Cyprianus in  
Con-

Concilio Affricano neget quemquam debere se Episcopum Episcoporum appellare, nam loquitur de Collegis suis in Concilio illo congregatis, non de Romano Pontifice, ut observarunt S. Hieronymus *Dial. contra Lucif.* & S. Augustinus *l. 2. de Baptis. contra Donat. c. 2.*

Nec obstat 3. Concilium Cathaginense III, *cap. 26.* & habetur in *cap. 1. dist. 99.* improbens titulum Episcopi universalis, cum loquatur non de Papa, sed de Patriarcha istius Provinciæ.

Nec obstat 4. Quod S. Gregorius *l. 7. Epist. 30.* & habetur in *cap. Eccl. dist. 99.* Et *l. 4. Epist. 38. 39. 30. 32. 34. 36. & l. 6. Epist. 30. ad Maurit.* refugiat Episcopi universalis titulum tanquam fastuosum, arrogantem & in aliorum Episcoporum contemptum cedens; Nam insectatus est hunc titulum ob superbiam Joannis jejunatoris Patriarchæ Constantinopolitani, qui eum sibi arrogavit. Ipse vero Pontifex, uti & alii quidam noluerunt eum in usum inducere ob sensum aliquem perversum, quem hic titulus præferre posset, quasi nemo alius esset in Ecclesia Episcopus præter Papam, & cæteri Episcopi essent solum Vicarii Papæ, quod est contra Hierarchiam Ecclesiasticam, quæ plures complectitur Episcopos & Pastores,

266 *Papa est supra Concilium.*

res, quamvis cum subordinatione ad Romanum Pontificem; In alio autem & genuino sensu hujus tituli, qui non excludit particulares Episcopos, solamque universalem totius Ecclesiæ, & omnium in ea Antistitum curam denotat, non denegat S. Gregorius Romano Pontifici, sed eum strenue & calamo & ipso facto asseruit. l. 7. Epist. 63. & 64. & alibi sæpius.

§. 6.

*Papa est Pater omnium Christianorum.*

Hic titulus vendicatur Romano Pontifici in Concilio Florentino *Sess. ult.* his verbis; *Definimus Sanctam & Apostolicam sedem & Romanum Pontificem omnium Christianorum Patrem & Doctorem existere.* Et jam ante dixerat Petrus Damiani *Opusc. 23. c. 1.* Pontificem esse *Patrem orbis*, & Episcopi nostræ Germaniæ ad Joannem octavum *Patrem summum*, Petrus Cluniacensis. l. 8. Epist. 43 *Patrem universalem*, & Epist. 27. *Patrem Ecclesiæ* S. Bernardus Epist. 130. *Patrem universitatis*. Hinc plures non improbabiler putant nomen *Papa*, idem esse.



esse, ac Pater Patrum, sic Remigius Altissiod. *de celebrat. Missæ.* Et Thomas Illyricus. *Tract. de potest. Papa* §. Non igitur, certe *Papa* idem esse quod *Pater* ex Græcorum & Latinorum usu, quo parvuli Balbutes adhuc ablandiendo Patri Papam vocant, constare videtur, sic Athenæus l. 8. χαῖρε πάππα φίλτατε. Et Odiss. 3. Πάππα φίλε. Et cum plures Episcopi & minores etiam Sacerdotes olim quandoque Papæ sint appellati, ex decreto Gregorii VII anno 1073. in Synodo contra Schismaticos stabilitum, ut solus Romanus Pontifex *Papa* diceretur. Raynaud. l. 6. V. *Papa*.

Jam vero quis negabit primas tenere Patrem domi suæ, & imperium habere jure naturali in filios & domesticos, non solum extra domum ad varia ministeria emissos, sed etiam domi conjunctos. Ideoque & Pontifex primas ubique habebit in Christianos, Ecclesiam, & Præsules etiam in Conciliis generalibus congregatos. Nec dicas Papam esse Filium Ecclesiæ, adeoque illi subiectum; Est namque Filius & Pater respectu diverso, Filius ut est Baptizatus, & sic præcepta Ecclesiæ observat; Pater vero ut *Papa* est, & sic supremam habet auctoritatem, cui omnes obedire tenentur, §. 7.

## §. 7.

Papa convocat Concilia  
generalia.

1. Id jam supra ostendimus c. 6. n. 2. Sed cum ex eo veritas proposita de auctoritate Papæ supra Concilium plurimum confirmetur, distinctius & paulo explicatius hic declarandum illud erit.

Convocari Concilia possunt tripliciter: Per modum præcepti, exhortationis & executionis. Præceptivè, cum vocanti obedire debent Episcopi, nisi legitimè sint excusati, solus Pontifex convocare potest, non Rex aut Imperator, quia in causa Religionis & circa personas Ecclesiasticas nullam potestatem aut jurisdictionem habent Principes sæculares, sed solus Pontifex. Hic tamen Regibus & Principibus interdum reliquit convocationem, quia & sumptus præstare necessarios, & ea quæ facti sunt melius, præsertim in territoriis ipsis subjectis, procurare poterant. Cæterum sine auctoritate Papæ Concilia ab Imperatoribus convocata nec vim nec robor habuerunt. Patet id in Ephesino II. à Theodosio juniore, Antiocheno & Ariminensi à Constantio; Constantinopolitano secundo à Leone Imper. Synodo in Trullo à

lo à Justiniano Imp. aliisque Constanti-  
nopoli à Constantino Copronymo con-  
vocatis. E contrario Concilia à Pon-  
tificibus absque Imperatorum consensu  
congregata robur suum obtinuerunt;  
Ostendit id Concilium Sardicense relu-  
ctante Constantio Imp. à Julio congre-  
gatum, *Anast. in apolo. 2.*

2. Per modum vero Exhortationis &  
Executionis convocare possunt Conci-  
lia Imperatores, & id ipsum sæpè ex pio  
Zelo & amore pacis Ecclesiasticæ fece-  
runt, sed nullam per hoc auctoritatem  
præceptivam sibi arrogarunt. Testan-  
tur id luculenter Valentinianus & Mar-  
tianus Imperatores ad Leonem Papam  
his verbis : *Tuam sanctitatem princi-  
patum in Episcopatu fidei possidentem in-  
vitamus, atque rogamus ad celebra-  
dam Synodum te Auctore.* Epist. præamb.  
Syn. Chalced. Et Constantinus VI. Imp.  
sic in Epist. ad Agathonem Papam :  
*Invitare & rogare possumus ad omnem  
commendationem, & unitatem omniū  
Christianorum, necessitatem vero in-  
ferre nullatenus volumus,* Martianus  
ut se paratum ostendat exequi Pontificis  
voluntatem sic scribit ad Leonem Papam:

*Si one-*

*Si onerosum est, ut tu ad has partes advenias, hoc ipsum nobis propriis literis tua sanctitas manifestet, quatenus in omnem Orientem, & in ipsam Thraciam & Illyricum sacra nostra littera dirigantur, ut ad aliquem definitum locum, qui nobis placuerit omnes Episcopi conveniant.* In Epist. præamb. Conc. Chalced. Sic quoque Constantinus & Irene profitentur *Se Romani Pontificis hortatu & veluti jussu Episcopos congregasse ad Nicænum II. Aët. 1. dicti Concil.* Et ad Concilium Tridentinum jussit edicto publico Carolus IX. Galliarum Rex Episcopos proficisci sollicitante Pio IV. Pont. Si ergo auctoritate præceptiva Pontifex congregare possit Concilia, ab ejusque voluntate dependeat, ut legitimè convocentur, quis inficiabitur eum supra Concilium esse?

3. Nec obstat quod Leo Papa impetrare non potuerit à Theodosio juniore, ut convocaret Concilium in Italia, quod supplex petierat Pontifex ab Imperatore his verbis: *Pietas vestra suggestioni & supplicationi nostra dignetur annuere, ut intra Italiam habere jubeatis Episcopale Concilium.* Sed congregavit id Ephesi

phœli citiusque quam Papa postulaverat ; Nam Pontifex rogavit solum Imperatorem , ut executionem faceret sui desiderii ; Quod autem illi non obtemperarit Theodosius circa locum & tempus pessimè id quidem actum, ideoq; dicta est illa *Synodus prædatoria*, & non *Judicium sed latrocinium* ibi exercitum fuisse scribit Leo *Epist. 5.*

Neque etiam obstat quod idem Papa Leo nec à Martino Imp. obtinere potuerit, ut Synodum differret, sed debuerit Papa Imperatoris voluntati acquiescere. *Epist. 44. & 49.* Nam id factum est : *Beatissimi Petri Apostoli Sedis jure atque honore servato* , ut scribit Leo *Epist. 47.* ad Synod. Chalced. & Pontifice etiam consentiente , ut idem Leo profidetur in *Epist. 43.* ad Imperatorem his verbis : *Proposueram quidem ut Synodum aliquantisper differre juberetis, sed quia pro studio humanis negotiis divina preponitis &c. Ego etiam vestris dispositionibus non renitor optans &c.*

§. 7.

Papa est Judex Concilii eique præscribit leges.

1. Diximus supra cap. 13. n. 5. Concilium

lium generale ut legitimum sit inter cæteras condiciones requirere, ut illi præsideat per se vel per Legatos Pontifex, id vero intelligendum non est de quacunque præsentia quo ad externas solum actiones ordinandas, uti quandoque Imperatores præfederunt, neque de præsentia honoraria, ut præsidet Scabinus in Senatu civium, qui Primus sedet, & loquitur, in definiendo tamen par est cæteris. Verum intelligendum est de præsentia conjuncta cum auctoritate agendi & definiendi, quam cæteri in sententiis suis sequi tenentur; Proindeque præest Concilio Papa tanquam Judex, qui præscribit leges & formam modumque procedendi. Sic Synodo Ephesinæ præscripsit Cœlestinus Papa formam & regulam juxta quam, nec aliter judicarent. *Act. Conc. Ephes. c. 15.* Leo Papa præscripsit formam modumque Synodo Chalcedonensi, quem secuta est actio 2. *Evagrius l. 2. c. 4.* eamque coëgit *Act. 5.* doctrina sua & auctoritate Judicis in aliam flectere sententiam, & suæ Epistolæ subscribere. Damasus tanquam Judex acta Synodi Constantinopolitanæ in Concilio Romano à se coacto examinavit & confirmavit. Jam vero quis non agnoscit in Judice majorem

rem esse auctoritatem & præeminentiam, quam in Concilio vel Senatu, cui ipse præest & leges præscribit, quibus omnes se conformare tenentur?

2. Nec dicas 1. Imperatores per se vel Deputatos Conciliis præfuisse: Constantinum M. Nicæno I. & libellos supplices accepisse. *Sozomenus l. 11. c. 16.* In Constantinopolitano I. Theodosium Seniore omnem actionem moderatum esse *Sozom. l. 7. c. 8.* Ephesino I. Theodosium juniorem per Candidianum Comitem præfuisse, & in eo comparere noluisse Joannem Antiochenum cum suis Episcopis, licet à Concilio & Legatis Pontificiis evocatum, nisi mandato ab Imperatore accepto *Liberatus in Breviar. c. 6.* In Chalcedonenli Martianum Imp. per suos Concilii actiones moderatum esse. *Act. Concil.* Respondetur, Imperatores per se vel per missos Patricios, quos *Judices* vocabant præfuisse, solum quo ad actiones externas Concilia defendendo, litigantes à tumultu compescendo, & mandando executioni, quæ Concilia decreverant; Nil vero, quod ad fidem spectabat, definiabant, aut confirmabant. Constantinus enim, ut testatur Ambrosius *Epist. 32. Nullas leges, ante præ-*

*premisit, sed liberum dedit iudicium Sacerdotibus.* De libellis vero supplicibus iudicare noluit ex *reverentia impensa*, ut ait Gregorius M. in *Regist. l. 4. Epist. 3.* In Concilio non nisi annuentibus Episcopis confidere voluit. *Euseb. l. 3. c. 10. de Vita Constant.* & in humiliori sede *Theodoretus Hist. Eccles. l. 1. c. 7.* contestatusque non suum sed Episcoporum esse iudicare. Constantini exemplum secutus Martianus: *Nos, inquit, non ad ostendendam potentiam, sed ad confirmandam fidem exemplo Constantini Religiosi Principis Concilio interesse volumus.* *Act. 6. Conc. Calced.* De Theodosio Seniore scribit Ambrosius: *Noluit is injuriam facere Sacerdotibus; Ipsos Interpretes constituit Sacerdotes.* *Act. Conc. Aquile.* Theodosius junior Candidiano Comiti in commissis dedit: *In nullo quidem qua facienda sunt de piis dogmatibus quaestiones communicare &c.* *Epist. 17. Cyrilli.* Quæ vero contra Concilium in favorem Joannis Antiocheni fecit, deceptus fuit; Videantur acta. De Martino paulo ante dictum; Iudices ab eo deputati decreta Concilii executioni solum mandarunt, ut patet ex *actione 2. 4. & alibi.* Nec



Nec dicas 2. Si Papa in Concilio Episcopis præsidet cum auctoritate definiendi, Episcopi non habebunt suffragia, nec Judices erunt in causa fidei, sed vel ministri vel Consiliarii tantum Pontificis, sicque nulla esset Synodi auctoritas. Nam respondetur Episcopos habere sua suffragia, & Judices esse in Conciliis, sed sequi debere sententiam Successoris Petri, qui primus judicat & primus definit pro ut in Concilio Apostolico *Act. 15.* Petrus primum suffragium dedit, & *in ejus sententiam ceteri Apostoli transierunt*; Cum enim singuli Episcopi errare possint, & major aliquando pars erraverit, ut patet in Calcedonensi *Act. 5. & ult.* & Ariminensi toto, Petrus vero ejusque Successor fidei acceperit indefectibilitatem à Christo, ut nimirum fluctuantes *Fratres & Coepiscopos confirmaret in fide Luc. 22.* merito, ne in fidei definitione errent Episcopi, sequi debent suffragiis suis sententiam illius, qui errare non potest, hoc est Papæ.

§. 9.

Corrigit & improbat Concilia, quæ sine auctoritate Papæ errare possunt.

Anno 340. Concilium Antiochenum

S

ideo

## 276 Papa est suprà Concilium.

Concilia hæcenus omnia & singula à Romanis Pontificibus confirmata esse patet inductione.

Primum Concilium Nicænum confirmatum est à Sylvestro, prout Patres his verbis petierant : *Quidquid constitui-  
mus in Nicano Concilio precamur vestri  
oris consortio confirmetur.*

Secundum generale Concilium Constant. I. confirmavit Damasus Phot. l. de 7. Synod. ad quem sic Patres : *His rebus  
omnibus tanquam legitime secundum  
Ecclesiæ Canones constitutis obsecra-  
mus vestram Sanctitatem ut consentiat.*  
Theodor. histor. Eccles. l. 5. c. 9.

Ephesinum primum, quod tertium est generale confirmavit Cœlestinus, sic Cyrillus Epist. 29. quod *Cælestinus Papa  
scripserit consona S. Synodo, & omnia  
illius gesta confirmaverit.*

Concilium Chalcedonense, quod est generale quartum, ut confirmet Leo Pontifex, his Patres efflagitant : *Roga-  
mus & tuis decretis nostrum honora  
judicium, & firmitas tua filiis, quod  
debet adimpleat Act. 3. in Epist. ad Leonem*  
Sicque de quatuor primis Conciliis manifestum est confirmata esse à Pontifice;

De

De cæteris idem relucet supra ex serie Conciliorum generalium.

Nec obstat 1. Imperatores quoque confirmasse Concilia, ut Theodosius senior Concilium Constantinop. I. *in Act. Conc.* Et Theodosius junior, ac Martianus Concilium Chalcedonense confirmarunt *Act. 1. & 3.* Nam confirmarunt illa, ut per modum executionis conserventur, non ut per modum Jurisdictionis ab iis robur accipiant.

Nec obstat 2. Episcopos quoque Decreta Conciliorum subscriptione sua confirmare; Nam confirmant ea consensu solum ex Obedientia debito, non ex auctoritate necessario requisita.

§. II.

Datur appellatio à Concilio  
ad Papam.

A Concilio universali ad Papam appellandi morem antiquissimum esse testatur S. Leo *in Epist. 87.* ad Episcopos Galliæ, & fundatur in vetustissimo Canone Ecclesiæ, qui præscribit causas omnes graviore, & quæstiones difficiliore ad Sedem Romanam, tanquam primam referendas esse, quod statuisse Apostolos testatur Anacletus *Epist. 1.* Si omnes causæ eo deferendæ sunt, ergo

etiam quæ in Conciliis generalibus exoriantur, quibus se aliqui gravari sentiunt. Huc respexit Felix II. in Epist. ad Concilium Ægyptiorum; Damasus in Epist. ad tria Affricana Concilia; Innocentius I. Epist. 26. ad Concilium Milevitanum, aliique Pontifices, quando *ex antiquis Patrum decretis ad Sedem Romanam in omnibus gravioribus causis appellandum esse* tradiderunt. Et Legati Michaëlis Palæologi in secundo Lugdunensi edicunt: *Omnes & in omnibus causis Ecclesiasticis ad Pontificem appellare posse*; Quæ verba à nullo in Concilio improbata sunt, sed omnium plausu excepta. Galasius I. Epist. 13. ad Episcopos Dardaniæ inquit: *Ad Sedem Apostolicam de qualibet mundi parte appellandum est*. Et ut intelligatur loqui se de appellatione à Concilio subdit: *Sæpe Romanos Pontifices solvisse eos, quos iniquè Concilia ligaverant*, pro ut docent quam plurima exempla; Athanasius Episcopus Alexandrinus, & Paulus Episcopus Constantinop. à Concilio depositi ad Julium Papam appellarunt, & ab eo restituti sunt. Sozom. l. 3. Hist. c. 7. Flavianus Episcopus Constantin. appellavit

lavit ab Ephesino secundo generali ad Leonem Papam *Leo Epist. 25. ad Theodos.* alique à Conciliis confugerunt iure appellationis ad Sedem Apostolicam apud Bellar. *l. 2. de Conc. c. 17.* Porro notissimum est juris illum ad quem appellatur, Superiorem esse eo, à quo appellatur, & appellationis finem & effectum esse, ut sententia Judicis inferioris corrigatur, quod sæpius à Romanis Pontificibus factum esse, quando mutarunt, quæ à Conciliis generalibus statuta fuerant, ostendimus supra, & habetur *cap. de Consang. & affinit.*

Nec obstat Patres Concilii VI. Carthaginenses sub Bonifacio primo graviter conquestos esse de appellationibus ad Papam interpositis ; Non enim de jure Pontificem appellandi conquesti sunt, neque id negare intenderunt, quod scirent in primatu fundatum usuque totius orbis receptum esse, sed de asperitate Legatorum, qui non tam Judices se, quam Executores ostenderunt æquiori sæpe causæ damnata. *S. Augustin. Epist. 261. Conc. Afric. Epist. ad Bonifacium Cap. 101. & Cælestinum cap. 102.*

## Non datur appellatio à Papa ad Concilium.

1. Sic Concilium Lateranense A. 1179. ab Alexandro III. convocatum c. 1. de modo eligendi S. Pontificem: *In Romana vero Ecclesia aliquid speciale constituitur, quia non potest recursus ad Superiorem haberi*, ideoque majorem diligentiam in eo deligendo adhibendam esse. Et S. Gelasius Epist. 13. ad Episcopos Dardaniæ: *Ab illa (Sede Apostolica) nemo est appellare permissus*. Et Epist. 4. seu communitorio ad Faustum: *Ipsi sunt Canones, qui appellationes totius Ecclesia ad hujus Sedis examen voluere deferri, ab ipsa vero nusquam prorsus appellari debere sanxerunt*. Idem statuitur cap. cuncta. 9. q. 3. c. Ipsi. q. 3. c. Si Papa Dist. 40. Et docet B. Augustinus Triumphus l. de potest. Eccles. q. 6. a. 1. S. Bernardus Epist. 213. Hinc vehemens illa Constitutio Pii II. adversus eos, qui à Rom. Pontifice ad Concilium provocare erant ausi, cujus exordium est: *Execrabilis & pristinis temporibus inauditus tempestate nostra inolevit abusus, ut à Rom. Pontifice*

*JESU Christi Vicario (cui dictum est in Persona Petri, Pasce oves meas &c.) ad futurum Concilium provocare præsumant.* Tum vero provocaciones ejusmodi veluti *Execrabiles, & pristinis temporibus inauditas, materiam scandalii in Ovili Salvatoris detestabiles, pestiferas &c.* damnat & proscribit. Nihilominus iisdem mitius Constitutio illa cui à Cœna Domini nomen inditum.

Causas hic obiter assigno duas, cur à Papa ad Concilium appellari non possit. Prima, quia Papa est Vicarius Christi in terris generalis, ut diximus supra §. 1. Sed Vicarii generalis, & ejusdem Principalis eadem est Jurisdictio, idemque judicium. Ergo sicuti non datur Appellatio à Christo ad Concilium, ita nec à Papa ejus Vicario.

Secunda est, si appellari posset à Papa ad Concilium, ergo Papa judicari quoque à Concilio, ejusque Acta & sententia corrigi & rescindi possent, nam hic scopus est Appellationis, ut supra innui; Sed Papa à nemine in terris judicari potest, ergo nec ab eo appellari. Quod judicari non possit definitum est in Concilio à Sylvestro præsentente Constantino Imp. celebrato cap. ultimo his verbis:

*Nemo*

*Nemo dijudicet primam sedem, quoniam omnes sedes à prima Sede justitiam desiderant temperari: Neque ab Augusto, neque ab omni Clero, neq. à Regibus, neque à populo judicabitur. Dicitur ab omni Clero, hoc est à Concilio, in quo omnis Clerus in Præsulibus suis congregatus est. Sed nec in Concilio generali judicari posse Pontificem expressè definivit octava Oecumenica Synodus auctoritate Adriani secundi Constantino-  
 poli habita Act. 10. Et habetur cap. Definimus Dist. 22. Licet ipse Pontifex reus esset, non potest ob crimina ab eo commissà à Concilio judicari. Ideo Synodus Sinuessana 300. Patrum in Crypta Cleopatrensi non est ausa in Marcellinum Pontificem, qui qua minis qua blanditiis Imperatorum victus, ut Thus adoleret Vestæ, sententiam proferre, sed ut habent acta: Synodus universa dixit: Cuncto-  
 rum judicio tu eris Judex ex te damna-  
 beris & justificaberis: Tu enim Judex, tu reus. Et rationem subdit Melchiades Episcopus: Nemo enim unquam judica-  
 vit Pontificem; Quoniam prima Se-  
 des non judicabitur à quoquam. Simili-  
 ter in Concilio Romano A. 432. cum Pa-  
 tres*



tres in causa Sexti III. Pontificis dicerent: *Non licere adversus Pontificem dare sententiam. Surrexit protinus Imperator Valentinianus, & in arbitrio præfati Pontificis tribuit judicium suum.*

Ennodius in libello jussu Synodi Romanæ V. 115. Episcoporum, quæ Palmaria dicta conscripto, ab eoque summe probato pro defensione Symmachi Papæ sic inter cætera habet: *Aliorum forte hominum causas DEUS voluit homines terminare: Sed sedis istius Præsulis suo sine questione reservavit arbitrio, voluit Petri Apostoli Successores cælo tantum debere innocentiam.*

In Synodo Romana A. 800. sub Leone III. & Carolo M. Congregata exclamant Episcopi: Nos Sedem Apostolicam, quæ est caput omnium DEI Ecclesiarum judicare non audemus: *Nam ab ipsa nos omnes, & Vicario suo judicamur, ipsa autem à nemine judicatur, quemadmodum antiquitus mos fuit: Sed sicut ipse Summus Pontifex consuevit Canonice obediemus. Et iterum: Rem inauditam esse, Romanum Pontificem Concilio reum sisti, qui nunquam alium quam*

*quam se ipsum Judicem habuerit. Anast. in vita Leontis, Æmilii Ingestis Franc. in Carolo M.*

In altera Synodo Romana sub Hadriano II. A. 818. sic Papa præloquitur : *Romanum Pontificem de omnium Ecclesiarum Præsulibus judicasse legimus, de eo vero quenquam non legimus.* Referuntur hæc verba quoque in octava Synodo Act. 7. Suffragantur Canones ex Sanctorum Summorumque Pontificum sententia desumpti. c. Nemo 9. q. 3. S. Bonifacii M. c. Facta. 9. q. 3. S. Anteri M. c. Nemo. c. Cuncta. 9. q. 3. S. Gelasii Papæ. c. Patet 9. q. 3. S. Nicolai Papæ. c. Significasti 4. de Elect. Paschalis II. c. Innotuit de Elect. Innocentii III.

2. Nec dicas 1. Allegatos Pontifices in propria causa testari, adeoque de fide suspectos esse; Non enim in propria sed Ecclesiæ causa loquuntur, & Concilia, ut vidimus, illis astipulantur. Et si his non credendum, quibus ergo? An Conciliis? At & ipsa in propria causa testabuntur.

Nec dicas 2. S. Augustinum Epist. 162. scribere: *Causam Cæciliani primo judicatam à Pontifice, & deinde ab Episcopis;* Nam non necessitatis id fuit, sed coniventia, ut hæreticis præseinderetur tergiversandi causa. S. Greg. in Can. Petrus 2. q. 7. Gratianus ad Can. Testes eod. Nec

Nec dicas 3. Quam plurima exempla docere; quæ in libro de Ecclesiæ Gallicanæ immunitatibus c. 13. congesta sunt à Papa ad futurum Concilium appellatum esse. Nam primò provocatio non est facta, ut ad superius tribunal, & Judicem Papæ, sed ad melius informandum Papam per Concilium; Patet id ex ipsa appellandi forma; Et si appellassent ad Concilium auctoritate Papæ destitutum, provocassent ad Concilium illegitimum. Secundò Appellatio est à minore ad majorem Judicem c. Anteriores 4. q. 6. c. Cum inferior De majorib. l. 4. ff. de recept. Concilium vero quod nondum est, non est majus Papa. Atque eadem facilitate qua à Papa ad futurum Concilium provocatur, provocari poterit ab uno Concilio ad aliud, prout factum in generali Lugdunensi primo à Thadæo Jurium Doctore & Legato Friderici II. Imp. Tertio Appellatio illicita & prohibita, nulla est c. Pastoralis. c. Consulit. 29. de Appell. l. Si res 7. §. 1. ff. de appell. recip. Sed appellatio ad futurum Concilium gravissimè prohibita est à Callisto III. A. 1457. à Pio II. A. 1460. in Conventu Mantuano sub pœna anathematis, & Sixto IV. anno 1483, & demum quot annis in Bulla cœnæ solenniter excommunican-

cantur, qui ad futurum Concilium appellunt. Neque obstat, quod hæc ipsimet Pontifices in propria causa prohibuerint, quia hi, ut Patres Concilii Sinuessani dixerunt, & supra quoque attigimus, sibi vel potius Ecclesiæ & Iudices sunt & rei; Et si jure humano Iudex cognoscere possit, an sua sit jurisdictio *l. si quis ex aliena ff. de judic. l. 2. ff. Si quis in jus vocatus, c. Super literis de rescript.* Quid ni id possit, qui jure divino Iudex est supremus & Vicarius Christi?

Nec dicas 4. Juxta *c. Confidimus 25. q. 1. c. Contra. c. Prima salus. c. Ideo eadem causa.* Canones & Decreta Synodorum universalium *nullam magis exequi sedem, quam primam oportere.* Nam Decreta quæ ad jus divinum & naturale pertinent, servare utique debent Romani Pontifices, & de his loquuntur citati Canones, ut patet ex *c. Sunt quidam 25. q. 1. c. Omne & c. Satagendum eadem.* Quæ vero sunt juris humani ex honestate tantum obligant Papam non necessitate *l. digna vox, C. de leg. aut quoad vim directivam non coactivam. S. Thom. 1. 2. q. 96. c. 5. ad 3. Bellarm. de Conc. l. 2. c. 18.*

Nec dicas 5. Ex Gregorio M. & refertur *c. Sicut sancti dist. 15. Nequidem à Sum-*

*mo Pontifice solvi posse, quos quinque Concilia Oecumenica ligarunt, aut ligare quos illa solverunt.* Nam sermo est de hæreticis damnatis; Non enim efficere potest Pontifex, ut vera sit fides, quæ hæresis est. Neque etiam jus humanum sine gravi & publica causa immutare possunt Pontifices.

Nec dicas 6. S. Petrum palam in Concilio objurgatum esse à S. Paulo. Ergo & Papa à Concilio judicari poterit; nam consequentia non tenet; Poterat quidem Paulus objurgare Petrum, sicuti quivis malè operans redargui potest; Sed non judicare, hoc enim jurisdictionis est, quam nec Paulus habuit in Petrum, nec Concilium in Papam.

Nec dicas 7. Synodum Quinisextam *Can. 13. & 55.* præcipere Romano Pontifici, ut usum Matrimonii permittat Sacerdotibus, abrogetque jejunium Sabbatum; Nam illegitima fuit & damnata à Sergio Pontifice. *Beda in sexta ætate in Justino. min. & Anastas. in Sergio.* Canones itaque ibi conditi ex hac Synodo auctoritatem non habent, admissi tamen sunt aliqui, quia per se sanæ erant doctrinæ, & nonnulli vitandi Schismatis causa tolerati, qualis est Canon de Matrimoniis Clericorum apud Græcos.

Nec

Nec dicas 8. c. *Si quis* 42. caus. q. 7. Gregorium Papam Judicem aliquem agnoscere, seque illius judicio submittere, & c. *Petrus* 6. c. *Nos si in competenter* 2. q. 7. tateri Pontifices Principes sæculares posse jus dicere Pontificibus; Nam hi Canones solum asserunt posse Pontifices vel innocentiae suæ certos, vel ex perfectione virtutis factū ipsum submittere examini conciliorum vel etiam Principum sæculariū, non vero se suamq; dignitatem. Sic S. Gregorius in hanc rem. cit. c. *Petrus*. *Petrus potestatem regni acceperat, & tamen idem Apostolorum primus queriminiā contra eum à fidelibus factā, cur ad gentes intrasset, non ex potestate officii (quæ posset dicere, Oves Pastorem suum non accusent nec reprehendant) sed ex ratione divina virtutis, qua gentiles acceperant Spiritum S. respondit.*

Nec dicas 9. c. *Legimus* 24. dist. 93. ex Epist. Hieron. ad Evagrium hæc haberi: *Sed dicis: Quomodo Roma ad testimonium Diaconi Presbyter ordinatur? Quid mihi praefers unius Urbis consuetudinem? quid paucitatem de qua ortum est supercilium in leges Ecclesiae ven-*

*Benedicat ? Si auctoritas queritur Orbis major est Urbe. Ubi glossa : Est hic argumentum, quod statuta Concilii præjudicant statutis Papæ. Et in c. Nemo 9. q. 3. Cum Papa peccat potest ejus peccatum etiam Ecclesiæ denuntiari. Et in c. Si Papa. dist. 40. Certè credo quod si notorium est crimen Papæ, & inde scandalizatur Ecclesiæ, & incorrigibilis est, quod inde possit accusari; Nam contumacia dicitur hæresis c. Si qui Presbyteri dist. 81. & contumax dicitur infidelis. c. Nullus dist. 38.*

Nam imprimis S. Hieronymus hic non agit de potestate Pontificia, sed perstringit superbiam Diaconorum, qui se Presbyteris æquabant imò præferebant; quod illis commissæ esset administratio bonorum Ecclesiæ, & Romæ causis etiam præessent. S. August. in quæst. ex utraque mixt. q. 101. Docet ergo S. Hieronymus non esse propterea Romanos Diaconos Presbyteris majores, quod arrogantiam in consuetudinem, vel potius abusum vertissent; totius enim Orbis consuetudinem paucorum in Urbe abusui præferendam. Deinde Glossa more Jurisconsultorum textus in utramque partem explicat & confert; Nam in c. Ne-

## 290 *Papa est supra Concilium.*

mo 9. q. 3. dicit: *Etiam si totus mundus sententiaret in aliquo negotio erga Papam, videtur quod sententia Papa standum esset.* Præterquam quod in iis quæ ad fidem & doctrinam Theologicam spectant glossæ exiguam habeant auctoritatem. Demum aliud est Papam Concilio aut Collegio Cardinalium denuntiari, aliud judicari posse; Primum admittimus cum Synodo octava Oecumenica, idque solum dicit Glossa *inc.* *Si Papa non secundum.*

Nec dicas 10. Octavam Synodum Oecumenicam docere, posse Concilium ferre sententiam contra Pontificem cum ait: *Universalis Synodus cum convenienti reverentia quamlibet questionem de Romana Sede exortam audire tenetur, & in ea proficere, non tamen audacter sententiam in Romanum Pontificem dicere.* Nam permittitur hic solum Concilio, ut objecta Pontifici cognoscat, examinetque, ut moneat & reprehendat, non judicet & damnet. Si sententiam in eum ferre præsumeret, audacia foret transgrediens terminos potestatis suæ.

Nec dicas 11. Dioscorum Papam fuisse, qui se ab



se ab Ecclesia damnatum. c. *Sane profer-*  
*tur* 24. q. 2. ex quinta Synodo; Nam Dio-  
scorus fuit Antipapa oppositus à Schif-  
maticis Bonifacio II. damnatusque à Bo-  
nifacio Simonia.

Nec dicas 12. Honorium Papam à  
sexta Synodo damnatum esse; Nam si  
damnatus sit, ob hæresin damnatus  
est, qui casus est exceptus ut infra  
§. 14. dicetur. Cum enim hæreticus  
non sit amplius membrum Ecclesiæ, nec  
caput esse poterit. Et licet Sedes Apo-  
stolica errare in rebus fidei non possit,  
Papa tamen ut persona privata errori est  
obnoxius, nec enim quicquid agit aut  
dicit Papa, agit dicitvè ex Cathedra ut  
persona publica.

Nec dicas 13. Pontifices aliquos ab  
Imperatoribus in exilium actos, ut Libe-  
rius à Constantio, Sylverius & Vigilius  
à Justiniano; Alios esse depositos ut Jo-  
annes XII. ab Ottone I. Gregorius VI.  
ab Henrico III. *Nam non exemplis sed*  
*legibus judicandum est.* l. Sed licet ff. de  
offic. Praef. l. Nemo C. de sent. & interlo. C. Sa-  
na. dist. 9. Nihil enim tam absurdum,  
quod suum non habeat Patronum. Ut  
ergo exempla factaque aliorum probent,  
ostendendum est prius non aberrare illa  
à præscriptis legum.

## Ipsa Concilia agnoscunt Papæ primatum.

Efficacissimum argumentum esse reor pro Superioritate Papæ supra Concilia, quod eam ipsamet Concilia agnoscant. Præterquam enim quod confessi in iure pro judicatis habeantur, *l. 1. ff. de confessis.* formo tale dilemma: Vel Concilia infallibilis sunt veritatis, vel non sunt: Si non sint, ergo Papa est illis major & Superior in definiendo, cujus fides ex promissione Christi non deficiet; Si sint infallibilis veritatis, ergo illis credendum erit, si dicant & agnoscant Papam esse se Superiorem. Et si Concilia & Pontifices inter se conveniant in re, de qua disceptatur, nimirum de potestate Pontificum & Conciliorum, quis se constituet Judicem, ut utriusque partis sententiam aut rescindere, aut in dubium vocare præsumat? An auctoritatem sibi majorem arrogabit, quam habeat Vicarius Christi, & Concilia, quæ totam Ecclesiam repræsentant?

Jam vero videamus quomodo Concilia Primatum & Superioritatem supra se Pontifici adjudicent. Agnoscunt supra §. 1. Concilia Nicænum, Constantinense

tienſe & Florentinum Papam eſſe *Vicarium Chriſti*. §. 2. Lugdunenſe, Vienneſe, Conſtantieneſe aliaque *Succeſſorem Petri*, & eſt de fide. §. 3. Chalcedonenſe, Conſtantieneſe, Florentinum, Lateranenſe, Lugdunenſe eſſe *Caput Eccleſiæ univerſalis*. §. 5. Chalcedonenſe eſſe *Episcopum univerſalem*. §. 6. Florentinum eſſe *Patrem omnium Chriſtianorum*. §. 10. Quatuor prima Concilia atque etiam cætera omnia generalia *Solius Pontificis eſſe confirmare Concilia*. §. 11. Lugdunenſe ſecundum à Concilio ad Papam appellari poſſe. §. 12. Lateranenſe ſub Alexandro III. *non dari appellationem à Papa ad Concilium*: Quia Papa à nemine judicatur, Concilium Romanum ſub Sylveſtro, Sinueſſanum, Romanum V, Romanum ſub Leone III. & alterum Romanum ſub Hadriano II. Quæ omnia, ut oſtendimus iſdem in locis convincunt Pontifices eſſe ſupra Concilii auctoritatem.

Sed clariffimis verbis id docuit ex proſeſſo Lateranenſe ultimum ſub Leone X. ſeſſ. 2. reprobans Decretum contrarium Concilii Baſileenſis: *Solum*, inquit, Ro-

294 *Papa est supra Concilium.*

*manum Pontificem tanquam supra omnia Concilia auctoritatem habentem, Conciliorum judicandorum, transferendorum ac dissolvendorum plenum jus ac potestatem habere, ne dum ex sacre scripturæ testimonio, dictis SS. Patrum, ac aliorum Romanorum Pontificum, sed propria etiam eorundem Conciliorum confessione manifeste constat. Quamvis vero dubium sit, an veritas de potestate Papæ supra Concilia hic proprie definiatur, ut Decretum fide Catholica sit tenendum, & contrarium sentientes sint propriè hæretici, à magna tamen temeritate id negantes excusari non possunt ex sententia Bellarmini l. 2. de Concil. c. 17.*

*Nec objicias I. Synodum Constantiensem, quæ sess 4. & 5. tale formavit decretum: Declarat quod ipsa potestatem à Christo immediate habet, cui quilibet cujuscunque status vel dignitatis, etiamsi Papalis existat, obedire tenetur in his, quæ pertinent ad fidem, & extirpationem dicti Schismatis, & reformationem dictæ Ecclesiæ in Capite & in membris. Duplicem enim suggerit responsum Eugenius Papa IV. qui Concilio Constantiensi interfuit Cardinalis,*

nalis, in Constitutione, qua Basiliensis Synodi decretum contra se editum reprobatur. Prima est, decretum non esse sumendum in sensu universalis, sed restringi ad ea, *qua pertinent ad fidem, & extirpationem Schismatis*; Schisma autem illud erat ejusmodi, ut nullus esset certus & indubitatus Pontifex, dubium vero Pontificem Concilio subijci non inficiamus, & dicemus infra §. seguente.

Altera est: Robur decreto illi deesse utpote non à Synodo generali, sed à tertia solum parte quæ Joanni XXIII. obediebat formato; Imo nec omnes qui Joanni adhæsere decretum approbarunt, ut testis est Turrecremata *Sum. de Eccles. lib. 2. c. 99.* qui Concilio interfuit.

Sed inquit Basileenses *Sess. 38. & in respons. Synod.* iidem soli, qui Joannem secuti sunt, errores Wicleffi damnarunt, iidemque soli deposuerunt Joannem, si hæc valuerunt, valebit etiam decretum ab illis formatum. Respondetur: Condemnationem errorum Wicleffi robur accepisse à Constitutione Martini V. edita cum approbatione Concilii jam pleni & legitimi.

Instant Basilienses: Generale fuisse Concilium Constantinense cum errores Wicleffi damnavit, testatur ipsemet Mar-

Martinus Constitutione, qua errores illos proscribit, sic enim de hæresi suspectos interrogari jubet: *Utrum credat, quod condemnationes Joannis Wicleffi, Joannis Hufs, & Hieronymi de Praga, facta . . . per sacrum generale Constantiense Concilium fuerint rite & juste facta.* Ergo generale quoque fuit Concilium, cum declaravit majorem esse Pontifice Concilii auctoritatem quia non pauciores Patres id decreverunt. Respondetur; Concilium erat generale, cum *sacro approbante Concilio* suam edidit Constitutionem Martinus & ad hoc tempus respiciebatur, cum suspecti compellebantur fateri, *justè factas esse condemnationes per sacrum Generale Concilium.*

Urgent iidem Basileenses: Martinum Papam ratam habuisse censoriam notam articuli 41. Wicleffiani; Articulus sic habet: *Non est de necessitate salutis, credere, Romanam Ecclesiam esse supremam inter alias Ecclesias.* Qui articulus sic notatur: *Error est si per Rom. Ecclesiam, aut Concilium Generale, aut pro quanto negaret Primatum Summi Pontificis super alias Ecclesias particulares.*

*lares.* Respondetur sumi hic Ecclesiam & Concilium non seorsum à Papâ, sed conjunctim cum eo perspicuum est, cum sit sermo de Romana & universali Ecclesia. deinde sic adstruitur Primatus Pontificis super Ecclesias particulares, ut non negetur super Ecclesiâ universam. Patet id, cum & sic interrogari jubeatur suspecti: *Utrum credat, quod Papa Canonice electus, qui pro tempore fuerit, ejus nomine proprio expresso, sit Successor B. Petri, habens supremam potestatem in Ecclesia DEI.*

Nec objicias 2. Synodum Basileensem Sess. 33. tres illas propositiones decreto suo stabilivisse:

*Veritas de potestate Concilii Generalis supra Papam .... est veritas fidei Catholica.*

*Veritas hæc, Papa Concilium Generale .... sine ejus consensu nullatenus auctoritative potest dissolvere .... est veritas fidei Catholica.*

*Veritatibus duabus prædictis pertinaciter repugnans, est censendus hæreticus.*

Respondetur enim, auctoritatem Synodi Basileensis penitus concidisse, postquam

quam Rom. Pontificis auctoritate destituta fuit, cumque hæc Decreta tulit; Sed fuisse solum imbellem conventiculum nullo capite & auctore, sed solis clamoribus, vi ac fraude gubernatum, ut constat ex *Aenea Sylvio lib. 1. de gest. Basil. Conc.* qui coram adfuit, & constabit ex infra dicendis *cap. 17. de Concilio Basileensi*; Proindeque explodendæ sunt hæc fidei veritates populo impositæ: *De potestate Concilii Generalis supra Papam &c.*

## §. 14.

## Casus excepti, in quibus Concilium est supra Papam.

Demonstravimus hucusque Papam esse supra Concilium, ut contrarium sine periculo erroris in fide asseri aut doceri non possit; Sunt tamen nonnulli casus, in quibus Pontifex Concilii auctoritati subjicitur. Primus est, si Papa ut privata persona hæreticus fiat. Definitum est in octava Synodo generali *act. 7. c. Audivimus 24. q. 1. c. Si Papa dist. 40. c. Novatianus 7. q. 1. c. Didicimus. c. Achatius 24. q. 1. Oves. 2. q. 7.*

Secundus cum Papa est dubius, quia in Schismate electus *Concil. Constant. Sess.*



4. & 5. Nec tunc Concilium exercet auctoritatem in Papam, sed in eum, quem credit non esse Papam, nam dubius Papa de quo non constat, pro nullo habetur, cum in jure sint paria: Non esse, & non apparere. l. Duo Titli 30. ff. de Test. tut. l. In lege 77. ff. de contrab. empt. l. omnia 32. §. Species ff. de Legat. 2.

Tertius: Si Pontifex invalidè sit electus, & intrusus, tunc enim sicuti non est verus Papa, ita nec privilegium gaudet Papalibus subjacetque Concilio. Conc. Constantien. Sess. 39. Ex his vero concluditur, verum Pontificem semper esse supra Concilium nec dari casum, in quo verus Papa subdatur Concilio.

## C A P U T XVI.

An legitimum Concilium generale errare possit.

*Concilium cui Pontifex praesidet, vel quod ab eo confirmatur, errare non potest; Secus si nec praesideat nec approbet. Quid si Legati in Concilio procedant sine instructione, vel definiatur aliquid contra instructionem Papae? Conciliorum auctoritas minor est, quam sacra Scriptura.*

## I.

**C**oncilium generale cui præsidet Pontifex per se vel Legatos suos sequentes instructionem Pontificis, vel quod Pontifex confirmavit errare non potest, nec in fide nec moribus. Primo quia regitur in definiendo à Spiritu S. ut patet ex Concilio Apostolorum Act. 15. *Visum est Spiritui S. & nobis*, quod norma est cæterorum Conciliorum, quæ ob exorientes plures & novas hæreses, non minus quam primum Concilium indigent assistentia Spiritus sancti. Secundo Joan. 16. dicit Christus Apostolis: *Spiritus veritatis docebit vos omnem veritatem*, qui mansurus sit cum eis & Successoribus in æternum c. 14. Non docet vero Episcopos seorsim existentes omnem veritatem, ergo in Concilio cum capite suo Congregatos. Tertio Concilia generalia sic congregata repræsentant totam Ecclesiam, & in iis reperitur consensus totius Ecclesiæ, nimirum capitis & membrorum; Tota verò Ecclesia errare nequit in credendo vel docendo, quia *porta inferi, non prevalebunt adversus eam*. Matt. 16. Et Ecclesia DEI vivi est columna & firmamentum veritatis. 1. Tim. 3. Quarto, quia regitur vel confirmatur

matur à Papa, qui errare non potest.

*Rogavi pro te, ut non deficiat fides tua.*

*Luc. 22.* Quinto sic statuunt Concilia

Ephesinum circa finem & Chalcedonen-

se *Act. 5. Cant. ult.* præter quamplurimos

SS. Patres apud Bellarm. *de Conc. l. 2. c. 3.*

& lege sanxit Martianus, ne semel defi-

nita in Conciliis generalibus retracten-

tur: *l. Nemo c. de Sum. Trin. & fide Catb.*

Nec dicas 1. Instructionem Pontifi-

cis quam sequuntur Legati non esse sen-

tentiam definitivam Sedis Apostolicæ;

Nam quando Patres consentiunt senten-

tiæ Pontificis, & formatur nomine Pon-

tificis à Legatis Decretum, tunc incipit

esse sententia definitiva & ultima, quam

Papa amplius retractare non potest, cum

sic certo intelligat sententiam suam esse

à DEO, ut testatur S. Leo *in Epist. 63.*

*ad Theodoret, Bellarm. de Conc. l. 2. c. 11.*

Nec dicas 2. Si Pontifex ipse non in-

terfuit Concilio, petitur confirmatio ab

eo. Ergo sine illâ Decreta non fuerunt

planè certa & firma; Nam aliquando

præter Decreta de fide, de quibus data

fuit instructio, statuuntur quædam sine

expressa Pontificis sententia, & illorum

confirmatio petitur, ut in Concilio Chal-

cedonensi. Deinde petitur & datur con-

firmitas, ut omnibus certius constet

acta

acta à Legatis verè ex mandato Pontificis facta esse, quia aliqui de hoc dubitare possent, quemadmodum nonnulli dubitarunt in dicto Conc. Chalced. alias non fuisset opus confirmatione, prout ipse Leo Pontifex indicat in *Epist. 61. ad Cont. Chalced.* ideoque ante confirmationem Papæ statim fit executio, deponuntur, damnantur &c. refractarii & hæretici ut patet in Conciliis Nicæno, Ephesino & Chalcedonensi.

2. Concilium generale, cui nec Pontifex per se vel Legatos suos præsidet, nec confirmationem impertitur, vel quod repugnantibus Legatis Apostolicis quipiam definit, errare potest, & plura de facto errarunt, ut Antiochenum A. 340. damnando Athanasium & proclamando hæresin Arianam; Mediolanense plusquam. 300. Episcoporum tempore Constantis declinando ad Arianismum; Ariminense. 600. Episcoporum oppugnando Filii consubstantialitatem; Ephesium secundum, quod repugnantibus Legatis confirmavit hæresin Eutychetis. Aliud sub Constantino Copronymo abolendo Christi & Sanctorum imagines. Pisenum contra Julium II. Constantiense quo ad aliquam ejus partem, & Basileense deponendo Eugenium IV. & sta-

tuendo Concilium esse supra Papam, Nec mirum, quia Concilia robur suum acquirere debent à Pontificis auctoritate; *Omnia Concilia per Ecclesiæ Romanæ auctoritatem, & facta sunt & robur acceperunt*, inquit Paschalis de Elect. c. Significasti, & Conciliorum auctoritas dependet ab auctoritate Papæ tanquam à capite.

3. Concilium generale cui Legati Pontificii interfunt, vel definit aliud cum Legatis contra instructionem Pontificis agentibus, vel cum Legatis qui particularem instructionem non habent; Si primum errare utique potest, quemadmodum erravit Constantinopolitanum tempore Nicolai I. cum Legati contra instructionem Papæ egerunt. *Epist. Nicol. ad Patriarch. & Epist. Orient. Zacharias in vita Michael. Imp.* Ratio est, quia sic pugnant cum suo capite, dum decernunt aliquid cum Legatis contra voluntatem Pontificis agentibus; Nequē tunc agunt ut Legati, sed ut privatæ personæ; Et contestatur disertè S. Leo in *Epist. 4. ad Pulcheriam*, & Agathō in *Epist. ad Imp.* se non dare auctoritatem Legatis, nisi agant secundum sibi traditas regulas.

Si autem Concilium definiat aliquid  
cum

cum Legatis certam instructionem non habentibus, probabilius est errare quoque posse, nec ejus definitionem fidem facere ante confirmationem Pontificis, adeoque nec esse regulam fidei, quia Concilium tale repræsentat solum imperfecte Ecclesiam, cum non repræsentet absolute auctoritatem Capituli; Legati enim in eo casu sunt tanquam Vicarii & Internuntii Pontificis, qui ad ipsum referant, & sententiam expectent eamque exequantur, adeoque non ita repræsentant ipsum Papam, ut quod ipsi faciunt absolute censeatur fecisse Papa, alias nulla postea requireretur Confirmatio *Bellar. l. 2. de Conc. c. 11.* Hinc est quod talis Concilii auctoritas non sit infallibilis & certa, sed sub opinione solum contrarium sentientium, neque habeat jurisdictionem ad obligandam Ecclesiam ante confirmationem Pontificis. Probabilissimum tamen censet *Suaz. dist. 5. de fid. Sect. 7. n. 11.* non permissurum DEUM ut tale legitime procedendo erret.

Nec obstat quod Concilia dicant anathema contrarium sentientibus antequam confirmentur; Nam intelligunt solum anathema vim habiturum prius post confirmationem Papæ.

4. Licet vero tanta sit auctoritas Conciliorum in Ecclesia, ut vidimus, major tamen est sacrae Scripturae, de qua actum est cap. praecedente; *Primò* quia sacra Scriptura, est verbum DEI immediate revelatum, & dictante Spiritu S. exaratum 2. *Pet.* 1. 2. *Timot.* 3. Concilia vero declarant tantum quod sit verbum DEI, & quomodo intelligendum, atque ex eo per discursum deducunt Conclusiones. *Secundo* Scriptura etiam in particularibus, & unum tantum hominem spectantibus errare nequit; At Concilia in judiciis particularibus obnoxia sunt errori. *Tertiò* in Scriptura non tantum sententiae, sed etiam singula verba ad fidem pertinent; At non in Conciliis. *Quarto* Scriptura non eget approbatione Papae, ut sit authentica, sed solum ut innotescat ejus auctoritas; Concilia vero etiam generalia hac egent, ut rata sint & obligare possint.

Nec obstat. 1. Quod S. Gregorius dicat *l.* 1. *Epist.* 24. Se venerari quatuor prima Concilia ut quatuor libros Evangeliorum. Nam *to Sicat* non significat ibi aequalitatem, sed similitudinem. Deinde non comparantur Concilia cum Scriptura in omnibus, sed in eorum certitu-

U

dine

dine tantum, quæ in Scripturis dicuntur & in Conciliis definiuntur, quæ æque sunt certa, quia utraque infallibilis sunt veritatis.

Nec obstat. 2. Quod Gratianus refert. *Can. in Canonicis dist. 19.* Epistolas Decretales numerari ab Augustino inter Scripturas sacras, & *Can. Decretales dist. 20.* dicit Conciliorum Canones ejusdem esse auctoritatis cum Epistolis Decretalibus, ergo numerandi etiam erunt inter Scripturas Canonicas. Nam in primis S. Augustinus non dicit Epistolas decretales esse Scripturam Canonicam, sed judicium de Scripturis sacris pertinere ad Ecclesias Apostolicas. Deinde Gratianus solum dicere intendit, Decreta Pontificum esse Scripturas sacras, ut distinguantur à prophanis, & Canonicas, ut distinguantur à scriptis SS. Patrum, quæ non sunt regulæ, nec ex se habent auctoritatem obligandi, prout infra dicetur. *Cap. 20. Vid. Bellarm. l. 2. de Conc. c. 12.*

## C A P U T XVII.

Series & gesta Conciliorum generalium, quæ partim approbata, partim reprobata sunt.

*Duo fuere Concilia Sirmiensa, alterum Catholicorum, alterum Arianorum.*

*Quini.*



*Quini-Sextum & Piſanum. Conſtan-  
tiſe & Baſileenſe, quidque in  
iis actum.*

## SIRMIENſE.

## I.

**N**umeratur hoc inter Concilia, quæ  
partim approbata ſunt, partim im-  
probata. Verum ſciendum duo fuiſſe  
Concilia Sirmienſia: Primum Catholi-  
corum, alterum Arianorum Concilia-  
bulum. Concilium Catholicum Sirmii  
ab Episcopis orthodoxis 300. celebratum  
fuit A. 349. ſuperſtite Conſtante Princi-  
pe orthodoxo teſte Dionyſio Petavio à  
Leone IV, ut habetur *diſt. 20. c. de libellis*,  
& dicitur Catholicum ab Hilario *lib. de  
Synodo*. Vide hiftoriam tripartitam l. 4.  
c. 27. & Apologiam ſecundam Athanaſii.  
At Conciliabulum Arianorum, in quo  
Bafilius Ancyranus præcipuas partes egit,  
congregatum eſt anno Chriſti 351, aut  
ut Baronius habet A. 357. Conſtantio  
rerum potiente; Reprobatum hoc eſt &  
hæreticum dicitur ab Auguſtino l. 3. in  
*Crefcon*, c. 34.

In prima Synodo Catholicorum habi-  
ta à ſolis Occidentalibus damnatus eſt  
Photinus, & Decretum tranſmiſſum ad  
Orientales. In altera deinde Synodo

Arianorum Orientalium, qui videri Catholici & Religiosi erga Christum effectabant, Photinus pariter exemplo Catholicorum condemnatus est, & compulsus Episcopatu cedere Constantio vim militum suppeditante, quod lato priorum Catholicorum decreto ob resistantiam plebis fieri non potuit. Novam quoque ediderunt fidei formulam Orientales, qua profitebantur Christum Patri secundum substantiam similem, quatenus DEI filius est, sed consubstantialem fitebant. Huic formulæ simulque Athanasii damnationi subscripsit Liberius Papa, qui Sirmii tunc pro fide exulabat succumbens illecebris primæ recuperandæ Sedis, quam Felix à Constantio intrusus occupabat. Postea tamen mortuo Felice resipiscens, & ab Arianorum consuetudine resiliens admissus iterum fuit à Clero Romano in legitimum Pontificem.

## QUINI-SEXTUM.

2. Concilium Quini-Sextum 284. Episcoporum reputatur etiam inter illa Concilia, quæ partim probata partim reprobata sunt. Convocatum est Constantinopoli in Trullo A. 692, vel ut Petavius 707. Unde Canones illius, quinumeran-

merantur 102, Trullani dicti, sed ex Synodo nullam habent auctoritatem, cum eam nec convocaverit Sergius Papa, qui tum sedebat, nec eidem per se vel per Legatos præfederit, quinimo tanquam erraticam Synodum reprobaverit *Beda l. de sex stat.* Admittuntur tamen aliqui Canones hujus Concilii à Catholicis, quia per se sanæ sunt doctrinæ, prout receptus fuit Canon 82. de pingendis imaginibus ab Adriano Papa, & septima Synodo.

## PISANUM.

3. Numeratur quoque hoc Concilium inter illa, quæ partim probantur, partim improbantur, an benè patebit ex dicendis. Congregatum est Pisis à Cardinalibus Gregorii XII. & Benedicti XIII. pro Pontifice se gerentium ad tollendum schisma A. 1409. Interfuerunt huic Concilio Cardinales 23, Patriarchæ 3, Archi-Episcopi & Episcopi 300, Monasteriorum Præfecti 280. alique Theologi & Legati Principum Europæ. Ibi uterque Pontifex publico omnium decreto nonis Junii A. 1409. è Pontificatu dejectus, & in ejus locum vigesimo post die electus Petrus Philaretus Cretenfis Card. Basilicæ SS. Apostolorum ex Ordine Fratrum minorum, & Alexander

V. appellatus. Dubitatum fuit, an esset Concilium hoc legitimum, quod absque Romani Pontificis auctoritate fuerit Congregatum, ideoque appellatum sit à S. Antonino *part. 3. lib. 22. c. 5. §. 2. & 3.* Conciliabulum. Verum cum Alexander in eo electus inter veros Pontifices computetur, & subinde Alexander VI. se non quintum, sed sextum appellarit, possitque etiam à Cardinalibus tempore Schismatis, quo plures vel duo Pontifices dubii & incerti, etiam ipsis invitis convocari Concilium ad schisma abscondendum, quamvis id præter intentionem non tollatur, videtur omnino legitimum fuisse Concilium.

## CONSTANTIENSE.

4. Concilium Constantiense convocatum est pro extinguendo trium Pontificum Joannis XXIII. Gregorii XII. & Benedicti XIII. Schismate hæresibusque Joannis Hufs & Wicleffi proferendis. Auspicatum est anno Christi 1414. mense Novembri à Joanne XXIII. Successore Alexandri, procurante & promovente maximè Sigismundo Romanorum & Ungariæ Rege, qui ipse etiam nocte Christi natali ad Concilium accessit, cum plerisque Germaniæ Principibus. Festo SS. omnium, quod in diem

diem dominicum incidebat, solenniter Joannes Pontifex Missam celebravit, lectoque diplomate de Concilii indictione primam Sessionem in diem 16. ejusdem mensis indixit.

In prima Sessione Pontifex sermonem habuit ad Synodum, & præscriptæ sunt leges in Concilio servandæ.

In 2. Sess. Joannes XXIII. professus est se pacem dare Ecclesiæ paratum per viam simplicis cessionis Papatus, si & quando Petrus de Luna Benedictus XII. & Angelus de Coriario Gregorius XII. idem facerent.

In 3. Sess. habita sunt consueta Oecumenicarum Synodorum præliminaria.

In Sess. 4. Decretum est Concilium potestatem habere supra Pontificem, cui ipse obedire teneatur, & cogi per pœnas ad hoc posse.

In Sess. 5. Sexto Aprilis declaratum est Joannem illicite Constantia discessisse, & si recuset redire, posse ac debere yniculis innodari, tenerique eum adimplere promissum de resignando Pontificatu. Confirmata est sententia Concilii Romani in Joannem Wicleffum. In causa Joannis Hus constituti sunt quatuor Judices Commissarii.

In Sess. 6. Decretum procuratorium super

super renuntiatione Papatus faciendum esse bonum pro unione Ecclesiæ, tenerique; id Joannem Papam dare, & nominantur Legati, qui id ab eo requirant. Prohibentur famosi libelli & literæ informatoriæ rerum in Concilio gestarum. Decreta est citatio contra Hieronymum Pragensem.

In Sess. 7. A. 1415. 2. Maij contra Hieronymum Pragensem contumacem ulteriora decernuntur. Accusatur iterum fuga Joannis Papæ, & alleganti metum salvus conductus conceditur.

In .8. Sess. 4. Maij damnatæ sunt excerptæ ex Joannis Wicleffi Hæresiarchæ Anglicani libris 45. propositiones. Interea Joannes Papa metuens, ne pro sua pollicitatione compelleretur ad abdican- dum se Pontificatu inopinatè re occultè communicata cum Friderico Austriæ Duce Concilio se de nocte subripit, & Schaffusiam aufugit oppidum Friderico subiectum.

In Sess. 9. Accusata est contumacia Joannis Papæ. Mandatum duobus Cardinalibus, & quinque Prælatibus, ut eum viva voce extra portam urbis citarent.

In Sess. 10. 14. Maij Joannes Papa declaratus est contumax, & ab omni administratione & functione Ecclesiastica suspensus fuit.

In

In 11. Sess. 15. Maij præfidente Joanne Cardinali Episcopo Ostiensi, qui etiam post discessum Pontificis antea præfederat, ad petitionem Procuratoris Concilii consentientibus quatuor Nationum Italicæ, Germanicæ, Gallicæ & Anglicanæ Syndicis ac Procuratoribus institui cœpit criminalis processus, & inquisitio juridica in acta & vitam Joannis.

In 12. Sess. 29. Maij anno 1415. Joannes XXIII. declaratur contra fidem jurejurando commissam fugæ criminalis convictus; Sacri Concilii Prævaricator & Delusor aliorumque scelerum convictus, reus & confessus, ideoque Summo Pontificatu deponitur nunquam deinceps eligendus, sed sub custodia Sigismundi Regis detinendus. Idemque adversus Gregorium XII. & Benedictum XIII. edicto decernitur sub pœna excommunicationis, ne quis horum aliquem pro Pontifice habeat, aut ut tali obediat. Hanc sui depositionem Joannes ipse comprobabat edicto hac de re scripto, Concilio humiliter acquiescens.

In Sess. 13. Præfidente Joanne Ostiensi Cardinali decernitur, communionem sub una specie panis & à jejunis Laicis sumendam esse.

In

In 14. Sess. 4. Julii recipitur abdicatio Gregorii XII. In eadem Sess. decernitur, ut Petrus de Luna qualicumque cedat sub pœna privationis & excommunicationis.

In 15. Sess. 6. Julii damnatur hæresis Wicleffiana, & ejus Assertor Joannes Hufs brachio sæculari traditur puniendus, & cum resipiscere noller per rogam è vivis est sublatus. Prodiit etiam decretum damnans propositum de tyrannicidio.

In 16. Sess. 11. Julii constituti Procuratores, qui Benedictum Antipapam requirant ad cedendum.

In 17. Sess. 15. Julii Rex Sigismundus ad Regem Aragoniæ pro inducendo ad resignandum Benedicto XIII. Antipapa profecturus, dimissus est. Angelus de Coriario, quondam Gregorius XII. non solum in numerum Cardinalium est relatus, verum etiam perpetuus Legatus à Latere in Provincia Marchiæ Anconitanæ est constitutus.

In Sess. 18. 17. Aug. delegata est quatuor Judicibus potestas judicandi exclusivè usque ad sententiam definitivam omnes causas quæ ad Concilium devolvebantur.

In Sess. 19. 23. Sept. Hieronymus de Praga



Praga hæresin suam voce & scripto ejuravit ; Et definitum eos , qui Concilio interessent , omnes beneficiorum fructus justè acquirere.

In Sess. 20. Die 21. Nov. decretum & executum est monitorium contra Fridericum Austriæ Ducem propter occupata bona Ecclesiæ Tridentinæ , approbataque duodecim Capitula Narbonensia , quæ ad extirpationem Schismatis Sigismundus Legatiquæ Constantiensis Concilii & Legati Benedicti XIII. Narbonæ constituerant.

In Sess. 21. Anno 1416. die 30. Maij Hieronymus de Praga iterum audiri in Concilio postulavit , & protestatus est publicè fuisse à se injustè reprobata Wicleffi & Husli doctrinam , igitur relapsus traditus est judicio sæculari , à quo vivens flammis est combustus.

In Sess. 22. 15. Octob. admissi Legati Regis Arragoniæ , & impleta sunt ea , quæ in Capitulis Narbonensibus concordata fuerant.

In Sess. 23. 5. Nov. Constituti Judices , qui decernant , qua ratione contra Petrum de Luna procedatur.

In Sess. 24. 20. Nov. lecta & approbata citatio contra Petrum de Luna.

In Sess. 25. 14. Decemb. Administratio

316 *Acta Concilii Constantiensis.*

tio vocantis Ecclesiæ Olomenfis commendata est Joanni Episcopo Lutomuslensi usq; ad novi Pontificis electionem.

In Sess. 26. Die 24. Decemb. admissus ad Concilium per Legatos Rex Navarræ.

In Sess. 27. anno 1417. die 20. Februar. facta est relatio executi monitorii contra Fridericum Austriæ Ducem, & ob contumaciam ejus ad ulteriora processum.

In Sess. 28. 3. Martii excommunicatus est Fridericus Dux Austriæ.

In Sess. 29. 8. Mart. declaratus est contumax Petrus de Luna & posteriores contra eum citationes decretæ sunt.

In Sess. 30. 10. Mart. approbatum est factum Regis Aragoniæ, qui se ab Obedientia Petri de Luna subtraxerat.

In Sess. 31. Decretum est monitorium contra Philippum Comitem Virtutum, quod Episcopum Astensem incarcerarit.

In Sess. 32. 1. April. proceditur ad sententiam definitivam adversus Petrum de Luna contumacem.

In Sess. 33. Terminus contradicendi Petro de Luna præfixus est.

In Sess. 34. 5. Junii relictum est usque ad sequentem Sessionem singulorum consultationi, quæ sententia in Petrum de Luna ferenda sit.

In Sess. 35. Joannes Rex Castellæ concordiam

cordiam cum Concilio inivit, hoc Legatos Regis Castellæ à censuris absolvit, quibus eos Petrus de Luna innodaverat.

In Sess. 36. Die 22. Julii lecta est citatio Petri de Luna ad audiendam sententiam privationis & depositionis.

In Sess. 37. 26. Julii deponitur Pontificatu Petrus de Luna omnesque fideles ab ejusdem obedientia absolvuntur.

In Sess. 38. Absolutus Henricus Infans alique nonnulli à Censuris, quibus eos innodaverat Petrus de Luna.

In Sess. 39. Editum est Synodale decretum de celebrandis Conciliis singulis decenniis. Item decretum de Spoliis & Procuratoribus. Habetur *Tit. de Offic. Ordin. in 6.*

In Sess. 40. 30. Oct. Decretum est ut non obstante absentia Cardinalium Petri Lunensis procedatur ad novi Pontificis electionem; Et quod deinceps electus à duabus partibus Cardinalium verus sit Pontifex. Item statutum est, ut futurus Romanus Pontifex proximè eligendus, ejusque Successores studeant Ecclesiam reformare tam in capite quam in membris, & Romanæ Curiae defectus emendare.

In Sess. 41. 5. Nov. cui præfuit Joannes Ostiensis Episcopus Cardinalium  
Deca-

Decanus, & interfuit Sigismundus Augustus & Cardinales viginti, post sacra solennia & perlectam Clementis VI. Constitutionem de modo & forma Conclavis, nominati sunt Nationum Electores Cardinalibus ista vice duntaxat adjungendi, qui simul omnes Conclave in communibus civitatis ædibus præparatum ingressi sunt die 8. Nov. anno 1417, & tertio post ingressum die S. Martino Turonensi sacro electus in S. Pontificem Odo Columnensis, qui & ipse Martinus V. cognominari voluit.

In Sess. 42. 8. Dec. & sequentibus Martinus Pontifex ipse per se præsedit.

In Sess. 43. Anno 1418. die 21. Mart. Martinus Pontifex sacro approbante Concilio exemptiones Ecclesiarum, Monasteriorum &c. quas indulserant Romani Pontifices post obitum Gregorii XI. rescidit, & Ordinariorum potestati subjecit. Actum quoque est de revocatione unionum & incorporationum tempore obitus Gregorii XI. factarum, Statuta etiam est pœna adversus Simoniacas Ordinationes, Electiones & Provisiones quascunque &c. Et editur Constitutio circa dispensationes. Item de decimis & aliis oneribus Ecclesiasticis provisum est. Demum Sessio terminatur

tur editis Constitutionibus de vitæ & honestate Clericorum circa tonsuram, vestes & cultum exteriorem.

In Sess. 44. Martinus de consensu generalis Concilii designat futurum Concilium celebrandum post quinquennium in civitate Papiensi.

In Sess. 45. Die 22. April dimissum est Concilium, & Pontifex Martinus confirmavit Acta Concilii in materia fidei; Non tamen Decretum Sess. 4. de potestate Concilii supra Pontificem.

Concilium hoc generale fuit, quia licet nemo ex Orientalibus Episcopis interfuerit, vocati tamen sunt, & nemo ex iis exclusus est, atque ipse Pontifex, & quidem per se præfedit. Interfuere Cardinales 29, Patriarchæ 4, Archi-Episcopi 47, Episcopi 270. Est vero Concilium partim legitimum, partim illegitimum. Illegitimum quo ad priores Sessiones; in quibus definitur Concilium esse supra Papam, licet Constantiense restringat hanc Concilii potestatem ad Schismatis tunc grassantis extirpationem pro ut ostendimus supra cap. 15. §. 13. & in Regali Sacerd. asseritur l. 2. §. 5. n. 13. quia tamen in iis non legitimè processit, cum una solum tertia pars Ecclesiæ, nimirum Prælati, qui Joanni obediebant, contradi-

tradicentibus cæteris Decreta ista priorum Sessionum formarint, præterquam quod Decretum de Concilii auctoritate supra Papam factum sit nullo prævio examine contra morem aliorum Conciliorum, ideo primæ Sessiones à Papa Martino V. approbatæ non sunt; Cum autem posteriores Sessiones approbarit, quo ad illas Concilium censetur legitimum & approbatum.

## BASILEENSE.

5. Indixerat ex præscripto Constantiensis Sess. 59. & postea Senensis Conciliorum Basileæ Concilium universale Martinus V. sed è vivis exempto Successor illius Eugenius Papæ IV, itud ipsum convocavit anno 1431, & Præsides Juliano Cæsarino Cardinali Diacono adultera jam ætate celebrari cæptum, sed ob bella & impeditas vias pauci Patres in Sessionibus comparuere. Cum vero vicina certaue esset spes Græcam cum Latina Ecclesia conjugendi, Eugenius Concilium in Italiam transtulit, nam Græci Basileam & Galliam aversabantur, jussitque Juliano Cardinali Basileensem Conventum dimittere. *Bulla Eugen. Postquam divina Clementia* Hinc ortæ discordiæ; Negabant enim Patres Concilium jam semel

mel legitimè coactum dissolvi posse aliò-  
vè transferri; Ac cum Pontifex postea  
avocationi insisteret Decretum Con-  
stantiense de auctoritate Concilii supra  
Papam instaurant, illudque de casu Pon-  
tificis dubii ad casum Pontificis certi ex-  
tendunt. Quare Eugenius Decreta Ses-  
sionum post avocationem Concilii &  
discessum Legati Apostolici celebrata-  
rum, sæpe ac graviter rescidit damna-  
vitque, ac proinde hoc Concilium mæxi-  
ma ex parte reprobaturum est.

Sess. 1. Habita A. 1431. 14. Dec. in Ec-  
clesia primaria Præsidente Juliano Cardi-  
nali Pontificio Legato; In qua lectum  
Decretum Concilii Constantiensis de ce-  
lebrandis Conciliis; Item Bullæ Marti-  
ni V. & Eugenii, factæque sunt Patribus  
admonitiones. Verum Eugenius 18. De-  
cemb. edito Romæ decreto Concilium  
illud dissolvit, cui tamen Patres Basileæ  
congregati non paruerunt.

Sess. 2. 15. Cal. Mart. 1432. præsidente  
eodem Juliano statuerunt Concilium  
esse supra Pontificem.

Sess. 3. 29. April. judicatum fuit Eu-  
genii præsentiam necessariam esse, ideo-  
que mittunt ad eum Oratores.

Sess. 4. 14. Cal. Julii inhibetur ne Se-  
de vacante alibi quam in loco Concilii

X

Pon-

Pontifex creetur. Ne Pontifex extra locum Concilii Cardinales creet, vel eos advocet.

Sess. 5. In Vigilia S. Laurentii constituti sunt varii Officiales.

Sess. 6. die 6. Sept. accusatur contumacia Eugenii IV. quod Concilii dissolutionem non revocasset.

Sess. 7. die 6. Nov. Terminus intrandi Conclave ad eligendum novum Pontificem prorogatus.

Sess. 8. Iterum cum minis monetur Eugenius, ut dissolutionem Concilii revocet.

Sess. 9. Anno 1433. 2. Jan. rescinduntur acta Eugenii contra Sigismundum, & Wilhelmum Ducem Bavarie Concilio adhærentes.

Sess. 10. 19. Febr. Accusatur contumacia Eugenii, petiturque, ut tanquam contumax damnetur.

Sess. 11. 27. Febr. Decretum quod Romanus Pontifex per se vel Legatos Conciliis generalibus interesse debeat. Quod Concilium congregare, congregatum dissolvere, aut de loco in locum sine Concilii consensu transferre non possit &c.

Sess. 12. 14. Martii iterum Eugenii con-



contumacia accusatur; quem citant & orant, ut dissolutionem revocet.

Sess. 13. 11. Sept. Post accusatam denovo Eugenii contumaciam quod intra 60 dies Concilio non adhæserit, Promotores Concilii urserunt, in statutas poenas Pontifex damnetur. Imperator aliique instant pro dilatione 30. dierum. Adsunt Legati Sedis Apostolicæ; Prorogata est dilatio 30. dierum, & Legati dimissi.

Sess. 14. 7. Id. Nov. terminus 60. dierum Eugenio jam pridem concessus prorogatur, eique formula certa adhæisionis à Concilio præscribitur.

Sess. 15. 6. Cal. Decemb. Decretum de Synodis Dicecesanis quot annis celebrandis, & Provincialibus singulis trienniis.

Sess. 16. Recitantur literæ Eugenii, in quibus pacis studio declarat Concilium à prima inchoatione legitimum fuisse, & irritas esse jussit priores literas Concilii dissolutivas. Non tamen approbat omnia gesta legitima esse, imo positivè reprobabat ea omnia, quæ contra se & Cardinales &c. decreta erant. Vigesima quarta April. continuata Sessio 16, in qua Decretum, quod Oratores Papæ recenter Roma missi nimirum Nicolaus Card. S. Crucis, Joannes Archi-Episcopus Ta-

rentinus, Petrus Episcopus Paduanus & Ludovicus Abbas, ac ad Concilium admissi, sed non ut Præsides, Constitutionem Concilii Constantiensis, qua Pontifex Concilii potestati coactivè subijcitur, confirmare teneantur.

Sess. 17. 6. Cal. Maij Sigismundus Imp. coronatus cum pluribus Ducibus centumque Prælati mitras albas in capite gestantibus interfuit. Præsides Concilii admissi quinque Legati Pontificis nimirum quatuor supranominati una cum Juliano Cardinali veteri Legato ademptæ illis omni jurisdictione coactiva.

Sess. 18. Cui nullus præsedit Apostolicæ Sedis Legatus, id quod in actis Synodi adnotatur, revocatum est ad incudem Constantiense decretum de auctoritate Concilii in Pontificem. Nusquam deinde præponitur Sessionibus solenne illud: *Præsidentibus Sedis Apost. Legatis.*

Sess. 19. Id. Sept. Actum de modis unionis inter Græcos & Latinos ineundæ. Decretum deinde contra & circa Judæos convertendos & convertos.

Sess. 20. Anno 1435. 11. Cal. Febr. Decretum contra Clericos & Laicos concubinos.

Sess. 21. 9. Jun. Annatæ ut Simoniacæ reprehenduntur, Triennalis Beneficii pos-

possessor non turbandus. De horis Canonis, Distributionibus quotidianis, Decentia in choro; De actibus Capitalibus diebus festis non habendis, nec permittendis jocos Theatralibus festo Innocentium.

Sess. 22. Id. Octob. damnantur hæreses F. Augustini de Roma.

Sess. 23. 8. Cal. April. anno 1436. Sanctiones de Romani Pontificis Electione innovantur. Statutum ne Pontifices Consanguineos usque ad tertium gradum promoveant. De numero Cardinalium.

Sess. 24. 8. Cal. Maij Salvus conductus Græcorum Imperatori, Patriarchæ aliisque septingentis personis offertur. Decreto de Indulgentiis reclamant Legati Apostolici, sed non auditi; Interfuerunt solum decem Episcopi, quibus Legati Sedis Apost. cedere debuerunt. *Acta apud Spondan. ad An. 1436.*

Sess. 25. nonis Maij 1437. de loco futuri Oecumenici Concilii statutum, ut vel Basileæ, vel Avenione, vel in Sabaudia Græci conveniant; Pro illis alendis, Ecclesiasticis exemptis, & non exemptis, decimæ sunt impositæ. Sanior pars Episcoporum adhæsit Legatis Apost. & Synodus redacta est ad *Factionem ex*

*vili plebe constantem, quamvis ducem haberet Card. Arelatensem, & quosdam alios Prælatos. Spond. ad An. 1437. ex Actis Patritianis.*

Sess. 26. Pridie Cal. Aug. Eugenius Papa, ob varia quibus insimulabatur una cum Cardinalibus iterum citatur.

Sess. 27. 6. Cal. Oct. Creationem Cardinalium factam irritam declarant, & porro aliam facere interdiciunt. Bullam Eugenii, qua Florentiam vel Utinam pro loco Concilii designaverat, nullam decernunt.

Sess. 28. 1. Oct. Eugenius ter alta voce citatus ex ambone declaratus est absens, ideoque contra eum ulterioribus procedendum esse.

Sess. 29. 4. Id. Octob. Præcipitur Eugenio, ut infra quatuor menses sub poena suspensionis & depositionis conatibus transferendi Concilium desistat.

Sess. 30. Cal. Januar. 1438. Decernitur Laicos & Clericos non Sacerdotes non adstringi ad communionem sub utraque specie.

Sess. 31. 9. Cal. Febr. Cassantur appellationes ad Sedem Apostolicam. Expectativæ & reservationes particulares annullantur, aliaque circa Beneficia statuun-

tuntur. Pontifex velut contumax ab omni administratione suspenditur.

Sess. 32. Cal. April. Concilium Ferrariæ à Pontifice indictum cum Eugenio excommunicatur.

Sess. 33. Anno 1439. 17. Cal. Jun. tres assertiones ponuntur. 1. Concilium esse supra Papam. 2. Papam non posse Concilium dissolvere, prorogare aut transferre. 3. Hæreticos esse, qui has Assertiones pertinaciter impugnant.

Sess. 34. Cal. Julii Eugenium Pontificem deponunt.

Sess. 35. 6. Id. Julii Decernitur, quod post Sexagesimum depositionis diem ad novi Pontificis Electionem procedi debeat.

Sess. 36. 11. Cal. Octob. declaratur, sententiam, quæ tuetur quod B. Virgo Originali peccato obnoxia non fuerit, piam, sanctam, cultu Ecclesiastico, fidei Catholicæ, rectæ rationi & sanctis literis consonam, ideoque tenendam esse. Ut festum Conceptionis B. Virginis 6. Id. Decemb. celebretur; Indulgentiæ in eum finem promulgantur.

Sess. 37. Cal. Nov. Statutum ne Sede vacante aliter quam per Concilium Pontifex eligatur, habeaturque ille Pontifex, quem duæ partes Suffragantium eleger-

elegerint, aliaque circa Electores Electumque decernuntur.

Sess. 38. 3. Cal. Nov. Carpuntur & improbantur acta Eugenii. Ad futuram novi Pontificis Electionem constitutæ sunt 32. diversarum nationum Personæ.

Sess. 39. 15. Cal. Decemb. Eligunt septimo die quintoque scrutinio Amadeum Ducem Sabaudia in Antipapam.

Sess. 40. Anno 1440. 4. Cal. Martii mittitur Ludovicus Cardinalis S. Cæcilie alique Episcopi & Abbates cum Joanne Comite in Thirstein ad electum Amadeum, insignia Pontificatus illi offerunt, cui nomen Felicis V. imponitur, eique soli Obedientiam præstandam esse decernitur.

Sess. 41. 10. Cal. Aug. Libelli famosi contra Felicem V. cæterosque hujus Concilii Patres prohibentur & damnantur.

Sess. 42. Nonis Aug. decernitur, ut decimæ omnium Ecclesiasticorum proveniuntum Felici Papæ ejusque Collectoribus persolvantur.

Sess. 43. Anno 1441. Cal. Julii constituitur, ut festum Visitationis B. Virginis celebretur 6. Nonas Julii, & conceduntur eo die Indulgentiæ.

Sess. 44. 5. Id. Aug. mandatum ut spoliati ab Eugenio Beneficiis, in possessionem restituantur.

Sess.

Sess. 45. & ult. Anno 1442. 17. Cal. Jun. nominatur pro loco futuri Concilii generalis post triennium celebrandi Lugdunum Urbs Galliæ. Pro continuatione Concilii nominatur civitas Lausanna Provinciæ Bisuntinæ. Sed ibi nil aliud factum, quam quod intercessione Frederici Imperatoris Felix V. Antipapa resignaverit. Quo facto Nicolaus V. Eugenij IV. Successor Concordiæ causa confirmavit acta quædam Basileensia ad Beneficia Ecclesiastica & Censuras pertinentia, non vero cætera. Et non tantum Eugenius, sed & Leo X. deinde in Concilio Lateran. Sess. 11. Decreta Basileensia damnarunt, ut nullum ex auctoritate hujus Concilii robur habeant.

## C A P U T XVIII.

### De Conciliis Particularibus.

*Nationalia convocat Primas seu Patriarcha, etiam Legatus Apostolicus. Provincialia Metropolitanus, vel Episcopus antiquior. Quoties sint celebranda, & qui ad ea venire teneantur. Quis Sessionis Ordo. Qui votum in iis habeant, & quid in iisdem tractetur. Decreta quando publicanda, & quos obligent.*

*ligent. Synodus Diœcesana quando & à quo convocanda ; Qui ad eam vocandi sint, & quæ in ea tractentur. Decreta Synodalia an obligent. Concilia particularia licet errare possint in fide, magnam tamen habent in Ecclesia auctoritatem.*

## I.

**C**oncilia particularia convocantur non ad definienda dogmata fidei, sed ad morum correctionem. *Can. 4. dist. 18. & si quid definiant roborari debet à sede Apostolica. Can. 6. dist. 17.* Alia sunt Nationalia, alia Provincialia, alia Diœcesana.

Nationalia dicta sunt olim quandoque Diœcesana *l. 21. C. de Episc. & Cler.* quia apud antiquos Diœcesis continebat plures Provincias. In Concilio Antiocheno appellata sunt Synodi majores, quia sunt illa, quæ Primas seu Patriarcha convocat celebratque cum Archi-Episcopis & Episcopis unius alicujus regni, nationis aut plurium Provinciarum. Cujusmodi sunt multa Romana à Papa cum solis Episcopis Italiæ celebrata. *Turrerrec. 3. de Sum. Eccles. c. 3.* quamvis hæc nonnulli revocent ad Provincialia *Canis. Sum. Jur. Can. l. 1. tit. 2. in notis.* Legatus quoque



que Apostolicus Synodum in Provincia sua convocare potest, cum necessarium esse judicaverit. Cogenda olim fuit Synodus Nationalis semel in anno *Can. 41. Arab. Conc. Nicen.* Si quis Metropolitanus ad Synodum Patriarchæ vocatus ire neglexerit, primo tempore segregetur, & durante contumacia deponatur. *Synodus 8. c. 17.*

2. Provincialia convocat Metropolitanus *c. 13. & seqq. dist. 18.* Etiam sine auctoritate Primatis seu Patriarchæ *inc. 2. dist. 18. Præpos. n. 2.* non autem sine auctoritate ipsius Metropolitanæ cogenda est. *Can. 35. Arab. Conc. Niceni.* Metropolitanò vero legitimè impedito Concilium ab alio antiquiore Provinciæ Episcopo convocari debet *Trid. Sess. 24. c. 2. de reform.* non exempto, licet talis antiquior sit Comprovincialibus. *Fagn. in c. 25. de accus. n. 18.* Idem observandum est Sede Metropolitana vacante. *Præpos. in c. 2. dist. 18. not. 3.* Convocandum autem est Concilium ad locum opportunum, nec valde remotum, ne vocati subeant gravia discrimina itinerum, & nimirum defatigentur. *c. 7. dist. 18. & ibi Præp. n. 1.* Electio loci spectat ad Archi-Episcopum, cessantibus tamen justis impedimentis & accedentibus commoditatibus necessariis

riis Ecclesia Metropolitana non est relinquenda. *S. Cong. in Sess. 24. de reform. c. 2. §. Synodum.*

Determinandus quoque est certus dies, quo Synodus inchoanda sit; ut pridie adesse possint vocati *Conc. Tolet. IV.* Olim convocari debebant hæc Concilia bis in anno. *cap. 2. 6. aliisque dist. 8.* Primum quarta septimana Pentecostes vel appetente Quadragesima. Secundum 12. die mensis Hyperboretæi id est Octobris *Can. 36. apost. Can. 20. Syn. Antioch. & Can. 5. Nicæn. primæ. c. 3. dist. 8.* Idibus Octobris *Can. 4. ejusdem dist.* Sed postmodum ob itinerum molestias aliasque ob causas decretum est, ut semel in anno habeantur. *c. 7. dist. 18.* Demum in Concilio quinto Lateranensi generali statutum, ut quolibet saltem triennio celebrentur. *Sess. 10. Const. 2.* Quod confirmat Tridentinum ordinatque ut fiant post octavam Paschæ, seu alio commodiore tempore *Sess. 24. c. 2. de reform.* Ex decreto tamen S. Congregationis Concilii annuente Pontifice concessum Archi-Episcopo de Lima, ut in Indiis ob nimiam Suffraganeorum distantiam singulis sexenniis Concilium convocetur. *In Sess. 24. de reform. c. 2. Fagn. inc. de accus. n. 23.*

3. Concilio Provinciali interesse tenen-

nentur Metropolitanus & Episcopi Suffraganei seu Comprovinciales omnes. *c. 25. de accus. & c. 7. 10. & 13. dist. 18.* Exceptis iis quibus cum imminente periculo transfretandum esset. *30. Franc. Leo c. 8.* & exemptis cum Abbatibus eorum; Atque iis etiam qui de jure vel consuetudine interesse non debent. *S. Cong. Conc.* Cæteri vero impediti excusare se & mittere debent Procuratores. *c. 10. dist. 18.* qui Doctores esse debent habiles & discreti. *Nicoli in Flos. V. Concilium n. 5.* & si vocati, qui interesse debent, venire negligant, variis pœnis subjiciuntur; Suspenduntur à Communione *c. 1. Caus. 5. q. 3.* Privantur communionem fratrum usque ad futurum Concilium. *c. 14. dist. 18.* atque etiam charitate eorundem & Ecclesiæ communionem. *c. 13. dist. 18.* & propriæ tantum Ecclesiæ communionem contenti esse debent *c. 10. dist. 18.* proindeque non sunt excommunicati, sed tantum non veniunt ad negotia cæterorum Episcoporum v. g. ad Consecrandum Episcopum & similia. Episcopus vero qui nulli immediate subditur, eligere debet vicinum Metropolitanum, in cujus Synodo cum aliis intersit. *Trid. Sess. 24. de refor. c. 2.* hoc tamen locum non habet in Episcopis, qui sunt Provincia Roma-

Romana inter Capuanam Provinciam & Pisanam *c. 5. de offic. Vicar. S. Congreg. Conc.*

4. Capitula Cathedralium Ecclesiarum invitanda sunt. *Declar. Conc.* nimirum de honestate, non necessitate, præterquam in duobus casibus, si nimirum eorum consilium sit necessarium, vel si de factis eorum agatur, sed tunc solum consultivum habent votum, non decisivum. *Fagn. in c. fin. de his quæ fiunt à Præl.* Capitula quoque Collegiatarum quasi Episcopalem jurisdictionem habentia vocanda sunt. *Declar. Card. Cong. S. Conc.* Non autem cætera, neque alii Clerici inferiores, cum de his disponat Episcopus & Capitulum. *c. 4. de his quæ fiunt à Præl.* Laici vero hujusmodi Conciliis interesse non debent. *Glos. V. contingere in c. fin. de his quæ fiunt à Præl.* nisi specialiter invitentur & non sint excommunicati. *c. 22. dist. 63. Nicolins l. c.* Vel tractetur de fide, quæ omnibus communis est. *c. 2. & 4. dist. 96.* de qua tamen in generalibus solum Conciliis tractari solet. *Abb. in cit. c. fin. n. 5.* Vel agatur de matrimonio. *c. 2. caus. 35. q. 5.* Sed tunc admittuntur non ad judicandum vel docendum. *c. 2. dist. 62.* quia Laici Ecclesiastica negotia tractare non debent. *c. 2. de judiciis.* Sed tantum ad audiendum vel consulendum, si sint juris  
Civ-

Civilis vel Canonici periti, *c. Ad Apostolicæ de re judic. in 6. S. Congr.* Admitti vero debent ad justitiam petendam vel defendendam. *c. 13. de judic. & c. 1. de Spons.* Sed cum tractatur de Ecclesiasticis negotiis & Clericorum correctionibus excludendi sunt, *arg. c. 36. de Elect. & Extrav. Non debet Pontif. VIII.*

Legati regii sub nullo titulo admittendi sunt ad Concilia provincialia, ut libertas maneat Ecclesiasticis decernendi de rebus ad ipsos pertinentibus. *arg. c. 43. de Elect.* Reges vero eorumvè Officiales non nisi in certis Jure expressis casibus iis interesse possunt. *c. 4. dist. 96. & c. 2. dist. 63.* prout nonnunquam interfuerunt, vel ut reciperent Patres, vel ut eos tuerentur.

5. In Sessionibus primatum obtinet Metropolitanus. *c. 1. dist. 18.* *Secundò* Episcopi, qui secundum tempus Ordinationis suæ sedere, subscribere aliasque prærogativas habere debent. *c. fin. dist. 17.* Non secundum dignitatem & præeminentiam Ecclesiarum, *S. Cong. Conc. in c. 2. Sess. 14. de reform.* *Tertio* Capitulum Cathedralæ Collegialiter comparens, tum enim Canonici illi præferendi sunt Abbatibus, cum eo casu repræsentent Ecclesiam

clesiam post Episcopum. *Quarto* Abbates habentes privilegium mitræ & baculi, hi vero, si exempti sint uti possunt mitris auriphrisiatis, aut gemmas habentibus, si non sint exempti, simplicibus tantummodo aliisque ac planis. *c. ut Apostolica 6. de priv. in 6.* *Quinto* Procuratores Episcoporum absentium. *Sexto* Procuratores Abbatum absentium. *Septimo* Collegiata. *Octavo* Plebani seu Archi-Presbyteri. *Nono* Parochi, *30. Franc. Leo.* quando vero Dignitates & Canonici Cathedralium non Collegialiter comparent præcedunt illos: *Primo* Abbates habentes usum mitræ & baculi *Navar. Con. 2. de major. & obed.* qui etiam præcedunt Abbates hoc privilegium non habentes. *Secundo* Abbates Commendatarii, omnesque Abbates tam seculares quam Regulares, qui jurisdictionem habent in foro contentioso in subditos, quia hi Prælati Ecclesiæ dicuntur *Glossa & Abbas in c. Cum Ecclesiarum n. 10. de Offic. Ordin. c. Statutum de Elect. in 6.* *Tertio* Protonotarii Apostolici qui sunt Prælati & Rochetum deferre possunt. *Cassander in Catal. glor. mund part. 4. 4. consid. 29* Si tamen in habitu incedant, aut alias sint personæ notæ.

notæ. *Quarto* si occasio ferat præcedunt quoque Generales Ordinum. *Carem. Episc. l. 1. c. 23.*

6. Votum in Concilio Provinciali decisivum habent tantum Metropolitanus & Episcopi secundum communem, & Episcoporum Procuratorus si Concilio placuerit. *S. Cong. Conc.* Abbates vero, Commendatarii, Capitulares & Capitulum deputati; Laici item, qui admittuntur, vocem habent duntaxat Consultativam, ita communiter DD. in *c. 29. de Præb. & S. Cong. Card.* Nec potest Metropolitanus Episcopis invitis dare votum decisivum Abbati etiam habenti usum Mitræ & Baculi, *S. Cong. Conc. 15. Aug. 1597. apud Nicolium in Flosc. V. Concilium.* Votum verò dant primo loco, qui inferioris sunt ordinis *Fagn. in c. Sicut olim de accus. & majora vota concludunt. Conc. Tolet. 8. c. 12.* Si Episcopi convenire non non possint, dijudicet Metropolitanus; Si non acquiescant judicatis, Primas decidat. *c. 2. caus. 6. q. 4.* Si vero Metropolitanus solus dissentiat ab omnibus Co-Episcopis, standum potius esse sententiæ Episcoporum quam Metropolitanæ censuit S. Congregatio apud *Fagn. c. Sicut olim de accus. n. 34.*

Y

7. Tra-

7. Tractanda sunt in Synodo 1. Decreta Concilii Tridentini recipienda sunt & perlegenda ; Hæreses Anathematizandæ & fidei professio facienda. *Trid. Sess. 25. c. 2.*  
 2. Excessus corrigendi & controversiæ componendæ. *c. 2. dist. 18.* Querelæ etiam contra Metropolitanum recipiendæ & terminandæ , sed si graviores sint ad Papam deferendæ. *Ibid. Nicolius l. c.* Si causæ expediri non possint Judicibus deputatis committendæ. *Trid. Sess. 24. c. 5. in fin.*  
 Contra Episcopos etiam ex officio inquirendum. *Trid. Sess. 24. c. 1.* De gravioribus tamen causis eorum non cognoscendum , sed summariæ informationes ad Papam transmittendæ sunt. *cit. Sess. 24. c. 5.*  
 Concilium etiam Provinciale statuere nil potest in Regulares exemptos. *Nicolius. l. c.* Negotia indefinita non sunt committenda extra Synodum nisi in casibus in jure & Tridentino expressis. Nul-  
 lus è Concilio discedere potest , nisi eo completo sub pœna excommunicationis. *c. 12. dist. 18.* Neque Archi-Episcopus Concilium dissolvere potest nisi de Consilio & consensu Coëpiscoporum. *S. cong. Conc. apud Fagn. l. c. n. 98.* Finito Concilio Decreta publicari non debent inconsulto Romano Pontifice *s. Cong. Conc.*  
 ad quem cum literis Metropolitanus vel  
 totius



totius Synodi mittenda sunt. *Fagn. in c. Sicut olim de accus. n. 95.* à quo si confirmata sint, tenentur ea Episcopi in Ecclesiis suis publicare intra sex menses. *c. ult. dist. 18.*

Subditi vero Episcoporum obligantur omnes ad observationem Decretorum Concilii Provincialis etiam exempti, in casibus in quibus à jure communi & Concilio Tridentino aut Concilio Provinciali in ipsos potestas concessa est. *S. Congr. Conc. in cit. c. 2. Sess. 14. de reform.* Ad observantiam Decretorum illius Concilii Provincialis ad quod eorum Episcopus accessit, tenentur quoque Capitula Cathedralia, licet sint exempta; Et Episcopi obligantur ad eorundem observantiam, licet intra decennium non fuerint observata. *70 Franc. Leo c. 11.*

8. Diocesana seu Episcopalia, quæ nonnunquam Concilia. *c. 2. dist. 38.* magis propriè & frequentius Synodi, id est, cœtus *c. 1. dist. 15.* appellantur. *c. 25. de accus. c. 16. dist. 18.* & alibi, sunt illa quæ Episcopus, vel illo impedito Vicarius ejus, aut Procurator cum sufficiente mandato *c. 9. dist. 18. S. Cong. conc.* vel Sede vacante Capitulum Honor. ab Axel. *de const. n. 7.* cum ejusdem Diœcesis Abbatibus, aliisque Prælatiis, Parochis & Clericis

ricis celebrat. *c. 2. dist. 38. can. 16. canf. 18. q. 2.* Potest vero Episcopus congregare Synodum sine Consilio Capituli 26. Febr. 1639. Fulginaten. ad 2. apud Nicolium. *in Flosc. V. synodus.* Si Vicarius Apostolicus velit celebrare Synodum, debet id facere sine interventu Episcopi; Secus si Vicarius sit Generalis, licet Roma missus. *Nicolius ibid.*

Hæ Synodi quot annis convocari debent. *Trident. Sess. 24. c. 2.* à quovis Episcopo separatim, non conjunctim à Suffraganeis Archi-Episcoporum. *S. Cong. cont.* quamvis aliqui ob formidinem Dominorum A catholicorum nec venturi essent, nec missuri excusationes neque ullum ante celebratum esset Concilium Provinciale. *S. Cong. apud Fagn. in c. 28. de accus.* Si Episcopi in convocanda Synodo negligentes fuerint, pœnas à sacris Canonibus institutas incurrant. *Trident. Sess. 24. de reform. c. 2.* Cum vero dubitaretur an Episcopus negligens in congreganda Synodo incurrat pœnam suspensionis duorum mensium juxta *c. fin. dist. 8.* respondit S. Congregatio ad tollendum scrupulum à tali Episcopo petendam esse absolutionem à Papa, & monendum ut deinceps observanda servet. *cit. c. fin.* Incurrit vero talis Episcopus pœnam suspensionis  
ab

ab officio, de qua *c. 25. de accus. ex sententia* Judicis, ut declaravit eadem S. Congregatio apud Fagn. *in cit. c. 28. n. 109.* Si vero Episcopus non adeat Synodum Diœcesanam excommunicetur, & in sequenti Synodo absolvatur, *conc. Aurelian. 2. c. 19.* nisi gravi necessitate venire prohibeatur, quo casu pro se Legatum mittat. *c. 9. dist. 18.*

9. Ad Synodum vocandi sunt, qui venire tenentur, Abbates, Parochi, Presbyteri omnisque Clerus totius Diœcesis. *c. fin. dist. 18.* Etiam exempti, qui alias cessante exemptione interesse deberent, nec Capitulis generalibus subduntur. *Frid. Sess. 24. de reform. c. 2.* Simples tamen Sacerdotes & Clerici Beneficiati non admittuntur ad vota pro confirmatione Judicum, & Examinatorum Synodaliū. *Nicoline 1. c.* Reliqui ergo Regulares subditi Capitulis generalibus, & non habentes curam animarum convenire ad Synodum Diœcesanam non tenentur *Barb. ad cit. c. 2. Sess. 27. n. 23. Fagn. ad c. quod super his. n. 8. de major. & obed.* Nunc tamen Abbates, Priores, Guardiani & alij Superiores locales parvorum Conventuum, qui ex vi Decreti Innocentii X. ut in parvis dati die 10. Febr. 1654. subsunt jurisdictioni Ordinarii ex Decre-

to Alexandri VII. dato 30. Mart. 1661. quod recitat Fagnanus *ad c. Quando n. 64. de Offic. Ord.* tenentur vocari ab Episcopo convenire ad Synodum Diœcesanam; Atque etiam illi qui Capitulis generalibus subduntur, si Parochias vel alias Ecclesias sæculares licet solum annexas administrent. *Trid. l. c.* Vel sub alio quocunque nomine curam animarum exercent. *Barb. ad dict. c. 2. Sess. 24. n. 26. Fran. ad c. Quod super de major. & obed.* etiam si in alia Diœcesi habitent *Cong. Conc.* Si tamen Abbas, aut Monachus cujus Monasterio vel Ecclesiæ incumbit cura animarum eam exercent per Vicarium sæcularem ab Episcopo approbatum, non tenetur ipse accedere, sed sufficit si mittat Vicarium, *S. Cong. Conc. apud Fagn. l. c. n. 7.*

Rectores qui nullius sunt Diœcesis venire etiam tenentur ad Synodum viciniore Episcopi, qui ex Decreto *Trid. Sess. 24. de reform.* potest illos visitare. *S. Cong. Conc.* Venire quoque debent Laici si ex causa per Episcopum vocentur. Fratres quoque Cappellanos S. Joannis Hierosol. curam habentes animarum ad Synodum accedere debere decisum esse à S. Congr. tradit Fagnanus *l. c. n. 9.* Non vero tenentur venire, qui habent speciale

ciale privilegium exemptionis, neque exempti actu exercentes utramque jurisdictionem spirituales & temporalem in Parochos juxta *c. 11. Sess. 25. de Regularibus*. prout declaravit sacra Congregatio.

Jam vero si vocati ad Synodum etiam unica solum vocatione *Glos. V. Præceptione regia in c. 13. dist. 18.* venire neglexerint, Fratrum communione privatur, nec recipiuntur nisi in sequenti Synodo fuerint absoluti. *c. 12. dist. 18.* Imo Abbates & Religiosi, qui Capitulis generalibus non subduntur. *S. Cong. conc.* compelli possunt ut Synodo adsint. *c. 9. de major. & obed.* nisi Episcopus in citatione expresseit causam illicitam, aut constet statuendum esse aliquid, quod Canonicis obviat institutis. Presbyteri ad Synodum venientes non tenentur deferre Elogias. *c. 8. dist. 18.* id est munera, quæ deferunt subditi suis Prælati. *Glos. ibid. V. Elogiis*, sed ex officio accedentes sustentari debent à suis Ecclesiis, quæ ad hoc compelli possunt. *conc. colon. 3. tit. de Synod. c. 1.* Canonici tamen euntes ad Synodum propriis vivere sumptibus debent, non gravare Capitulum. *Nicolius in Flos. V. Synodus ex variis Decret. congreg.* Præsentes eodem, quo supra in Concilio Provinciali ordinæsedent. 10. In

10. In Synodo Diœcesana hæc agenda sunt. 1. Notificant Episcopi suis Ecclesiis statuta Conciliorum Provincialium sub pœna suspensionis ab officio duobus mensibus. *c. fin. dist. 18.* 2. Possunt condere Canones & constitutiones de negotiis minoris momenti. *Hon. ab Axel. de const. n. 7.* etiam absque consensu Capituli & Cleri, licet requirendum sit ejus Concilium, præterquam in casibus à jure expressis. *30. Franc. Leop. l. c. 9. n. 15.* 3. Proponuntur ab Episcopo minimum sex Examinatores approbandi à Synodo pro Parochiis vacantibus, ex quibus tres eligit Episcopus, qui cum eo examen perficiant. *Trid. Sess. 24. c. 18.* Approbari vero possunt à Synodo tam per vota secreta, quam per aperta. Examinatorum Synodaliū officium annecti non potest alicui Dignitati, puta Archi-Diaconi, Primicerii, ita ut electio transeat ad Successores: quia censetur electa industria personæ. *Nicoliſ in Floſc. V. Synodus.* Horum officium non expirat per mortem Episcopi, sed durat donec alii in Synodo deputati fuerint *S. Cong. Conc.* Ideoque nec Episcopus nec Capitulum alios creare potest. *Garc. de Benef. p. 9. c. n. 81.* Si tamen elapso anno aliqui ex eis mortui fuerint, omnium officium expirat. *S. Cong. Conc.*

*Conc.* Quod si non extet congruus Examinatorum numerus, concessit Pontifex 12. Aug. 1606. Congregationi Concilii facultatem, ut possit Episcopis dare potestatem deligendi alios extra Synodum, donec Synodus habeatur. *Nicoliſ in Eſſe. V. Synodus. 4.* Designantur quædam personæ qualificatæ coram quibus, ac eorum substitutis causæ Ecclesiasticæ spirituales terminentur; Si ex designatis aliquem mori contigerit, aut ob diuturnam absentiam, quæ æquiparatur morti *S. Cong. Conc.* adesse non possit, substituat Ordinarius loci cum Consilio Capituli alium in ejus locum usque ad futuram Synodum. *Trid. Sess. 25. c. 10.* Si quis Canonicus Cathedralis Ecclesiæ designatus sit Judex, isque resignet Canonicatum manet tamen in officio Judicis Synodalis quo ad causas cœptas eique commissas. *Nicoliſ. l. c. 5.* Promoti ad Beneficia in prima Synodo, quæ celebrabitur cæterique in Synodo Diœcesana convenientes professionem fidei emitant. *Trid. l. c. Cap. 2.*

11. Statuta Synodalia priusquam usu recipiantur, ostendi debent Capitulo aliisque quorum interest; & præfigi eis terminus duorum mensium, ut gravati recurrere possint ad Episcopum vel ad Sedem

Sedem Apostolicam. Non tamen tene-  
tur Episcopus ostendere Decreta Civi-  
tati aut Laicis antequam promulgentur  
vel imprimantur. *Nicolius l. c.* Hæc vero  
non obligant supina ignorantia laboran-  
tes, quare publicari ab Episcopo debent.  
*Piassec. in prax. Episc. p. 2. c. 2. a. 1.* per Deca-  
nos & Archi-Diaconos. *Conc. Colon. 2.*  
*p. 14. c. 18.* etiam absque prævia recogni-  
tione & approbatione S. Pontificis, dum-  
modo nihil contineant contra univerſa-  
les Canones, aut Ecclesiæ consuetudi-  
nem; Si tamen ea approbat Papa ob  
majorem solum securitatem, poterit ni-  
hilominus Synodus Diœcesana vel Epif-  
copus in iis dispensare, vel etiam plane  
abrogare, nisi sit approbatio substantia-  
lis, ita ut Papa velit ea in tota Eccle-  
sia observari. *Laym. l. 1. t. 2. c. 7. §. 1.*  
Dum autem Romæ revidentur Decreta  
Synodalia, Episcopus non procedat ad  
eorum executionem. *Nicolius. l. c.* Non  
obligant etiam decreta Diœcesana ultra  
Diœcesin, quia qui illa formarunt, non  
habuerunt jurisdictionem extra Diœce-  
sin, sicuti non obligant Provincialia ul-  
tra terminos Provinciæ, adeoque licet  
ex his quædam à Gratiano in Decreto al-  
legentur, hæc tamen non sunt univer-  
ſaliter obligatoria, nisi auctoritate Pa-  
pæ



pæ ad omnes extendantur ex communi DD. sententia, tunc enim sicuti illa quæ in Decretales relata sunt, omnes Christi fideles obligant, non secus ac si desumpta essent ex Conciliis Oecumenicis, quibus ipse Pontifex præsidet, juxta illud Justiniani Imp. *Omnia nostra facimus quibus auctoritatem nostram impertimus.* l. 1. C. de jur. vet. enucl. Cum impressa sunt Decreta non licet Episcopis Clericos multis cogere ad ea comparanda. *Nicolinus l. c.*

12. Cæterum Concilia particularia, seu nationalia illa sint, seu Provincialia & Diocesana à Papa non confirmata non sunt certa regula fidei, sed errare in ea possunt, atque de facto errarunt, ut Carthaginense sub Cypriano Nationale 85. Episcoporum, idque traditur generaliter in quinta Synodo Romana sub Symmacho: *Concilia Provincialia, quia præsentiam Papæ non habent, valetudinem perdidisse.* Nam ejusmodi Concilia non repræsentant universalem Ecclesiam cum suo capite, pro quo Christus oravit, ut non deficeret fides ejus; Nec obligare possunt ad credendum ea quæ docent, cum non habeant jurisdictionem in universam Ecclesiam.

Nec

### 348 *Conc. particular. errare possunt.*

Nec obstat. 1. *Quod e. ad abolendam de Hereticis*, excommunicantur, qui hæretici judicantur ab Ecclesia Romana, vel à Concilio Provinciali aut Diocesano. Nam licet Concilium particulare non possit dogmata fidei constituere, potest tamen examinare & judicare, sicuti judicant Inquisitores, an aliquis in hæresin manifestam inciderit; Quod quidem judicium non est infallibile, sufficit tamen ad ferendam excommunicationem, & ad cogendos subditos ut acquiescant, donec aliud non statuerit Sedes Apostolica vel Concilium universale. Habent tamen magnam auctoritatem Concilia particularia, licet non expresse confirmata, & argumentum faciunt adeo probabile, ut ordinarie temerarium foret illis contradicere; Si enim aliqui SS. Patres idem sentientes argumentum efficiunt probabile, efficient id certe 50. aut 60. Episcopi in eo, quod invocato Spiritu sancto communi sententia statuerint.

Nec dicas. 2. Promissam quoque esse assistentiam Conciliis particularibus, ut non errent *Matt. 18. Ubi sunt duo vel tres congregati in nomine meo, ibi sum in medio eorum.* Nam promittitur ibi assis-

sten.

stentia & auxilium unicuique Congregationi juxta capacitatem ejus & exigentiam negotii, cum promittatur Congregatis in nomine suo, hoc est per potestatem ab ipso datam. Jam vero non permittit capacitas uniuscujusque Congregationis, nec quævis res postulat, ut cum decernitur sit de fide, ideoque nec potestas ab ipso data est, ut quæ in particularibus Conciliis aut Congregationibus statuuntur de fide sint, & haberi debeant.

## C A P U T XIX.

De Constitutionibus Summorum Pontificum, Bullario, & Responsis particularibus Sedis Apostolicæ.

*An Constitutiones Pontificia non inserta Corpori Juris jus faciant universale?*

*Quam auctoritatem habeat Bullarium.*

*An Pontifex condere possit Leges universales sine consensu Cardinalium? An*

*responsa particularia Pontificum faciant jus?*

I.

**T**ertium fontem Juris Canonici diximus esse Constitutiones Pontificias.

De

De his quæritur : An constituent jus universale , quo omnes in orbe terrarum fideles obligentur. Constitutiones Apostolicæ vel insertæ sunt Corpori Juris à Pontificibus approbato , vel in eo non comprehenduntur. Si insertæ sint , agemus de illis infra. *cap. 23.* Cum exponeamus , quam liber Decretalium auctoritatem habeat ; Si in Jure Canonico non comprehendantur , vel producantur in forma authentica , prout immediate promanarunt à Summo Pontifice , vel earum copiarum , quarum plurimæ collectæ sunt in libro septimo Decretalium , de quo infra *cap. ult.* & in Bullario continentur , de cujus auctoritate nunc aliquid subjiciemus.

Bullarium Romanum complectitur Bullas (sic dictas secundum aliquos , quia instar bullarum , quæ sunt ex aqua brevissimæ sunt vitæ , vel quia dependent ex literis , ut bullæ aureæ olim ex pectore prætextatorum , sed verius teste Macrobius *παράτης βελῆς* id est à Concilio & voluntate , quod prævio Consilio & matura deliberatione , proprio motu & voluntate concessæ sint hinc *βυλλεύειν* Bullare seu signare , *ἀβύλλωτον* quod sine Bulla vel sigillo est. *Meurs. Lexic. Græco-Barbar.*) & Constitutiones Summorum Pon-

Pontificum secundum ordinem, quo vixerunt. Primum collectæ sunt & in lucem editæ à Laërtio Cherubino Jurisconsulto Romano. Deinde auctiore numero ab Angelo Maria Cherubino ejus filio Monacho-Cassinenſi congestæ & typis vulgatæ primum tempore Urbani VIII; Deinde sub Innocentio X, cujus Bullas quoq; complectitur usque ad annum 1654. Lugduni quatuor Tomis impressæ sunt. Demum additus est Tomus quintus Lugduni anno 1673. impressus continens Pontificum Urbani VIII, Innocentii X, Alexandri VII, Clementis IX & X, Constitutiones in unum opus à RR. PP. Angelo à Lantusca, & Joanne Paulo à Roma Ordinis Minorum S. Francisci strictioris Observantiæ collectas.

Verum cum Bullarium istud à nullo Pontifice reperiatur expresse approbatum, nec ullum extet Decretum de eo recipiendo, neque constet an omnes Bullæ in eo contentæ rite sint promulgatæ, aut cum suis Originalibus exactè convenient, ideo nisi in authentica forma producantur auctoritatem legis non obtinebunt, & sententia contra illas lata irrita non erit, neque in judicio illi fides habebitur. *Tuschus lit. E. Concl. 679. n. 1. & 2.* quia sic præsumitur probabilis igno-

ignorantia talis Bullæ extravagantis, vel saltem non fuisse usu receptam. Extravagantes vero, quæ usu receptæ non sunt, non obligant. *c. 1. de Treg. & pac.* estque communis, ideoque ut tales fidem faciant in Judicio, produci debent extra Curiam sub plumbo, in Curia vero sub sigillo Cancellarii, si descriptæ sint in libro Cancellariæ, vel sub Sigillo Camerarii Auditoris; si in Camera Apostolica asservantur. Si vero asserventur in Archivo publico præsumuntur usu receptæ *Tuscbus lit. E. Concl. 680.* Et sufficientem habent publicationem. *Auth. ad hæc C. de fide instrum.* Cum talis asservatio auctoritate publica stabilita receptionem usumque illius juris denotet, nisi contrarium probetur. Poterit tamen Judex, si Bullæ juri communi non adversentur, secundum eas sententiam ferre, quandoquidem eo Casu non tam ipsius Bullæ, quam juris communis auctoritate Judex procedere videtur.

Nullam vero auctoritatem Canonica confert Bullario, quod evulgatum sit primò ductu & auspicio Sixti V. ac deinde Urbanus VIII., cui id auctius dedicatum est, privilegium libris præfixum concesserit Bibliopolæ, ne quis id opus sine ejus licentia imprimat aut vendat, quia

quia cæteroquin omnes libri, qui aut hor-  
tatu alicujus Pontificis Romani conscri-  
buntur, aut eidem cum simili privilegio  
Typographico dedicantur, Libri Cano-  
nici dicendi forent, quod nemo admi-  
serit. Accedit quod Bullæ, quæ extra  
corpus Juris circumferuntur, & editæ  
sunt ante congestum & approbatum li-  
brum Decretalium omni vi legis gene-  
ralis destitutæ sint, quia in Procemiis  
Gregorii IX. & Bonifacii VIII. antiquæ  
Decretales extra Corpus Juris evagan-  
tes excluduntur tanquam contrariæ, du-  
biæ, obscuræ vel superfluæ.

3. Constitutiones vero Apostolicæ seu  
Decretales Extravagantes in Corpore  
Juris non insertæ, si edantur immediatè  
à Summo Pontifice, & in forma authen-  
tica exhibeantur, Jus faciunt commune  
quo ad omnes *c. 1. de Big. in 6.* quia Summus  
Pontifex potest condere leges pro uni-  
verso Orbe *c. Cuncta per mundum 9. q. 3.*  
*c. ad Apostolicæ de re judic. in 6.* Cum juris-  
dictio illius non restringatur ad limites  
alicujus territorii *Innoc. in c. 1. n. 2. de Offic.*  
*Deleg.* sed ex vi institutionis ejus potesta-  
tem habet legislativam in universam  
Ecclesiam. *Suaz. l. 4. de Leg. c. 3. n. 10.* adeo-  
que Constitutio Sedis Apostolicæ omnes  
adstringit. *c. ult. de Constit.* Etiam sine

Concilio generali, cum leges Romani Pontificis non pendeant à Conciliis, sed decreta Conciliorum ab ipso. *c. Significasti de Elect.* hæc enim nullam vim habent nisi fuerint oraculo Pontificis canonizata. At Pontifex habet plenitudinem potestatis. *c. ad honorem de auctor. & usu pall. & c. Decreto 2. q. 6.* quæ eadem est cum potestate Petri *cit. c. Significasti c. ult. 9. q. 3.* adeoque immediate à Christo collata, nam, ut inquit Anacletus Papa: *Romana Ecclesia non ab Apostolis, sed ab ipso Domino primatum obtinuit. c. 1. dist. 22.* Et Pontifex non Petri, sed Christi dicitur Vicarius, Petri vero Successor, ut *cap. 15.* pluribus ostensum est, ideoque sicuti Petrus potuit leges ferre pro universa Ecclesia, ita & Pontifex.

Eandem ob causam potest Pontifex leges etiam graves & universales condere sine consensu & Consilio Cardinalium. *Suarz l. c. n. 14.* quia talem habet potestatem, qualem habuit Petrus, ut diximus, sed Petrus habuit absolutam & independentem à Concilio Apostolorum, nedum aliorum, cum enim dictum est illi: *Pasce oves meas*, accepit potestatem etiam supra ipsos Apostolos adeoque independentem ab illis, ergo & Pontifex pote-



potestatem habet independentem à Cardinalibus, idque supponunt jura dum dicunt: *Romano Pontifici semper licuisse novas condere leges. c. Sunt quidam 25. q. 1. Et Apostolica Sedes sine ulla Synodo præcedente solvendi & damnandi habuit potestatem c. Cuncta. 9. q. 3.* Atque ideo dum ferunt leges, propria & sola sua auctoritate id faciunt, nec addunt: *Sacro approbante Concilio vel: De fratrum nostrorum Consilio*, prout in motibus propriis vel rescriptis aliis extra jus facere solent. Et sanè dignitas Cardinalium, quæ nunc est, non semper fuit, sicuti ergo ante institutionem illius condere leges potuerunt Pontifices sine Cardinalibus, sic & nunc id ipsum poterunt.

Nec jure Consuetudinis, aut quasi præscriptionis habent Cardinales, ut consuli debeant, si causæ graviores determinandæ sint, quia contra supremam Papæ potestatem non valet consuetudo aut præscriptio, cum contra jus divinum prævalere non possit consuetudo humana, ideoque consuetudo Cardinalium dependet à voluntate Pontificis, qui potest jura eorum pro libitu immutare.

Constitutiones ergo Pontifici omnes

fideles obligant, & qui eas non observat, ab Ecclesia arcendus est *Bonif. II. in Epist. Decret. Agapitus Epist. 1.* & est anathema *c. 18. 25. q. 2.* siue illæ factæ sint pro fide siue pro disciplina, siue pro correctione, siue pro interdictione futurorum *c. 4. 25. q. 1.* Nec possunt per contrariam consuetudinem convelli *Nicolaus I. in Decret. Tit. de Rom. Pont. c. 1. & 2.* quia accipienda tanquam ipsius divi Petri voce firmata. *c. 1. & 2. dist. 19.* ideoque illis cedunt omnia alia Sanctorum scripta. *c. 1. dist. 20.* Possunt tamen auctoritate Sedis Apostolicæ pro temporum necessitate & varietate temperari. *c. 6. Cau. 1. q. 7. & mutari in melius. Nicol. 1. Epist. 58. & in Decret. Tit. de Rom. Eccl. c. 10.*

4. Neque solum Decreta Apostolica pro tota Ecclesia, vel communitate aliqua jus efficiunt, sed etiam Epistolæ & Responsa Summorum Pontificum particularia ad instantiam & interrogationem unius personæ data, dummodo in Corpore Juris inveniantur, aut proferantur in forma authentica. Nam liber Decretalium plenus est hujusmodi singularibus Responsis, quæ pro generalibus Constitutionibus in eo proponuntur, ut *c. Ex literis & c. ex parte de Constit.* aliisque constat. Deinde ita declaravit Nicolaus

laus I. in c. Si Romanorum dist. 19. Gratianus Dist. 2. in princ. Innocentius III. in c. Ea multa de orat. & voti red. Gelasius Papa in c. Licet 16. q. 3. estque receptissima. Nec desunt rationes, nam lex an generalis sit, an particularis, metienda est à potestate Legislatoris, c. ult. de Constit. in 6. Legislator vero Summus Pontifex generalem habet jurisdictionem in omnes Christi fideles. c. Cuncta per mundum 9. q. 3. Ergo licet responsum datum sit ad particularem locum vel personam, jus tamen, quod efficiunt comparatione omnium casuum similium, ut generale habendum est. Deinde ubi eadem est ratio, idem jus constitui debet. l. 27. idem & l. 32. de quibus ff. de Leg. Casus enim similes in lege sub eadem ratione communi continentur. Ne ergo Pontifex acceptor sit personarum, sed omnes uniformi regula moderetur in singulari responso dat legem vel legis interpretationem generalem.

Nec dicas : Nonnulla sibi in responsis Pontificiis contrariari adeoque vim obligandi non habere. l. ubi repugnantia ff. de R. I. Non enim Pontifices sibi in definiendo jure, sed in facto judicando adversantur, ideoq; responsa illa non continent errorem juris sed facti. Covarr. 2 part. 4. c. 7. §. 3. n. 15.

## CAPUT XX.

De Sententiis Sanctorum  
Patrum.

*Quam habeant auctoritatem Sententia  
SS. Patrum. An vim legis ob-  
tineant.*

## I.

**Q**uartum Sacrorum Canonum fon-  
tem esse diximus Sententias SS. Pa-  
trum. De illis ergo hic inquirendum oc-  
currit, quam auctoritatem habeant, &  
an vim legis obtineant. Summam sem-  
per in Ecclesia DEI fuisse SS. Patrum au-  
ctoritatem nemo inficiabitur, aut in du-  
bium vocabit, nisi hæreticus, qui hoc  
nomine tanquam ex nota characteristi-  
ca ab Orthodoxo discernitur. Hetero-  
doxi enim *dum nolunt esse Discipuli ve-  
ritatis, fiunt Magistri erroris*, inquit  
Fulbertus Carnotensis in *Epist. ad Adeodatū*;  
Ideoque Aërius, ut notat Socrates *Hist.*  
*Ecll. l. 2. c. 28.* Eunomius à S. Hierony-  
mo in *Epist. ad Pammachium & Ocean.* Arius  
ab Athanasio *Serm. 2. contra Arian.* *Athei*  
*dicti sunt.* Sunt enim SS. Patres consti-  
tuti in Ecclesia *Doctores ad Eph. 4.* ut fi-  
dem explicent, confirment, quem in fi-  
nem

nem datus est illis *Sermo Sapientia & sermo scientia in uno Spiritu.* 1. Cor. 12. ut sint *scribae docti in regno cælorum* Matth. 13. Sunt Episcopi Ecclesiarum, atque ut inquit S. Augustinus contra Julianum l. 2. *Docti, graves, sancti, in quibus invenire non potes, quod spernas.* Talibus Ecclesia Plantatoribus, Rigatoribus, Ædificatoribus, Pastoribus, Nutritoribus credit. Sunt Testes integerrimi orthodoxæ fidei & sanctarum consuetudinum: *Quod enim invenerunt in Ecclesia tenuerunt, quod didicerunt docuerunt, quod à Patribus acceperunt, hoc filiis tradiderunt,* inquit idem Augustinus l. 1. Sanctorum Patrum fide & auctoritate nixa sunt Concilia generalia dum Decreta sua sanxerunt. In Concilio Nicæno I. Episcopi (ait Athanasius in Epist. ad Afros) *non sibimetipsis adinvenientes verba, sed habentes ea à Patribus testimonia conscripserunt.* In Concilio Ephesino generali III. sic loquuntur Patres: *In tali sensu SS. Patres fuisse comperimus, ideoq; in Epistola ad Nestorium fidei definitionem hac forma conscribunt: Sequentes*  
*itaque*

itaque SS. Patrum confessiones, & intentioni eorum aquis vestigiis insistentes profitemur &c. In Synodo Chalced. Generali IV. Act. 4. *Sequentes igitur SS. Patres docemus & Act. 5. acclamant: Hæc est fides Patrum.* In Conc. Generali VI. Act. 4. & 10. contra Macarium hæreticum ex SS. Patrum testimoniis definitur. In generali VII. Nicæno II. Act. 2. ex iisdem per Adrianum Papam in literis ad Synodum Iconomachi convincuntur. Demum in Concilio Florentino tota concertatio inter Latinos & Græcos ex SS. PP. Sententiis definita & composita est. Atque ita in cæteris omnibus Conciliis Episcopi Sanctorum Patrum vestigiis in rebus definiendis insisterunt.

2. Magna itaque semper fuit SS. PP. eorumque testimoniorum auctoritas in Ecclesia. Distinguenda vero est auctoritas interpretandi Scripturas & explanandi abstrusas ac sublimiores Theologiæ difficultates ab auctoritate condendi leges, quibus subditi obligari possint. Auctoritatem interpretandi, quæ profuit ex dono Sapientiæ & scientiæ, habent SS. Patres; Sed est ea duplex; Alia probabilis solum, alia certa & firma. Probabilis, cum disputant de iis in scientia

tia Theologica, de quibus salva fide in utramlibet partem disceptari potest, in his enim *salva fidei compage doctissimi & optimi Regula Catholica Defensores interdum dissentiunt*, inquit S. Augustinus l. 1. contra Julian. Et de peccato orig. l. 2. c. 23. postquam enumerasset quædam scientiæ Theologiæ problemata. *Quis, inquit, non sentiat in his atque hujusmodi questionibus, sive ad obscurissima Opera DEI, sive ad Scripturarum abditissimas latebras pertinentibus, & multa ignorari salva Christiana fide; & alicubi errari sine aliquo hæretici dogmatis crimine?* Atque in his idem S. Doctor liberos librorum suorum lectores & correctores admittit, cum in Proœmio lib. 3. de Trinit. *In omnibus literis meis non solum pium Lectorem, sed etiam liberum correctorem desidero.* Ubi ergo in similibus dissentiunt Patres & Doctores, tunc ea tenenda est opinio, quæ præstantioribus nititur fundamentis. l. 2. §. Si quis C. de vet. jur. enucl. c. Capellanus de Feri. Probabilem quoque auctoritatem solummodo habent testimonia unius vel alterius Patris aut Doctoris in eo, de quo cæteri Patres tacue-

tacuerunt (nam si quis Doctor se omnium aut plurimorum Patrum testimoniis opponeret, audiendus omnino non esset) neque ex iis firmum argumentum desumi potest, nisi ratione materiæ substratæ, de qua tractant, ut dicetur. Nam Patres ut privatæ sunt personæ fallere & falli possunt, ideoque quod à Doctore aliquo etiam magnæ auctoritatis docetur, examinandum est, an conforme sit juri prout Lex vel Canones disposuerunt.

1. 12. *Ancille. C. de Fer. & Serv. corrupt.*

3. Porro certam & firmam faciunt auctoritatem testimonia SS. PP. in materia, quæ fidem Catholicam, & notissimas Christianæ Religionis regulas concernit, in eaque omnium vel plurium unanimis consensus concurrit. Id vero non tantum est propter nudam Patrum auctoritatem secundum se sumptam, quia ipsi dixerunt, hæc enim, ut diximus, fallibilis est; sed potissimum quia eorum consensus Apostolicam traditionem scriptorumque Canonorum declarationem manifestat. Quare cum sexta Synodus generalis *Can. 19.* Lateranense sub Leone X. *art. 1.* & Tridentinum *Sess. 4.* prohibent, ne quis contra communem SS. PP. interpretationem sacras literas exponat, non volunt, quod eorum auctoritas



Auctoritas omnino certa sit & infallibilis, eorumque expositiones de fide observandæ sint, sed ut occurrerent hæresibus ex prava sacrae Scripturae interpretatione pullulantibus, ideoque permissum adhuc est Interpretibus sacrae Scripturae novos sensus inquirere, & Patrum sententias expendere, dummodo communem illorum sententiam non rejiciant; Quod si quis id attentaret, temerarius foret præponendo suum judicium communi SS. PP. Sententiæ, & peccaret mortaliter præceptis Ecclesiæ in re tam gravi non obediendo *Canus 7. de locis. c. 3. Concl. 5. Valente.*

4. Quod ad auctoritatem SS. PP. attinet condendi leges, eam illi non habent; Nam in legibus condendis & negotiis definiendis, quibus se omnes conformare tenentur non solum est necessaria scientia, sed etiam potestas. *dist. 20. §. sed aliud.* Hinc Christus dedit Petro non tantum scientiam discernendi inter lepram & lepram, sed etiam potestatem ligandi & solvendi. *Matt. 16.* Quare SS. Patres non fuerunt Canonici Scriptores, nec eorum sententiæ legem constituunt. Illæ tamen, quæ in Corpus Juris vel in Constitutionem aliquam Pontificiam relatae sunt, canonizatae sunt auctoritate Papæ,

Papæ, & vim legis obtinent. Allegati tamen possunt & cæteræ Sententiæ SS. PP. ob auctoritatem, quam habent apud fideles, ut diximus ad probandas & decidendas causas in rebus, de quibus jus non disposuit, sicque post Constitutiones Pontificum & Decreta Conciliorum juxta Canisium in causis decidendis auctoritatem asserere possunt.

## C A P U T XXI.

## De Placitis Principum sæcularium.

*An & quæ vim habeant obligandi personas Ecclesiasticas.*

**S**Tatuimus Cap. 12. quintum Juris Canonici fontem esse Placita Imperatorum & Principum sæcularium, quia quamplurimæ leges & statuta illorum Principum inserta sunt Juri Decretalium, & Constitutionibus Summorum Pontificum, ex quibus Jus Canonicum confectum est. Quamvis vero placita & statuta sæcularium, etiam quæ honesta sunt & utilia, nec libertati Ecclesiæ inimica, priusquam à S. Pontifice & Ecclesia approbata sint nullam vim habeant ex se obligandi personas Ecclesiasticas,

nec

nec eos circa aut res eorum disponere possint, cum Imperium Sacerdotio non prælit, sed sublit. *c. 6. de Maj. & Obed. c. 10. de Constit.* nihilominus in iudicio Ecclesiastico recipiuntur, cum Sacrorum statuta Canonum Principum constitutionibus adjuventur. *c. 1. de nov. oper. nuntiat. & Juris Canonici sanctiones Juris Civilis subtilitate decorentur. Bald. in Probæm. Decret.* hinc S. Augustinus *l. 2. contra lit. Petiliani c. 58.* *Si in adjutorium vestrum etiam terreni imperii leges assumendas putatis, non reprehendimus. c. 7. dist. 10.* Cum profluant ex eodem fonte Canones & justæ leges, nam divinitus per ora Principum promulgata dicuntur. *c. ult. caus. 16. q. 3.* ideoque *Sacratissima* appellantur *l. leges Sacratiss. C. de Leg. & Sanctissima l. 1. Vicar. & extraord. Cognit.*

Jam vero si Imperatorum & Principum placita inserta sint Corpori Juris Canonici, juris quoque Ecclesiastici robur & auctoritatem obtinent, nam ut Imperatores, sic & Summi Pontifices omnia sua faciunt, quibus auctoritatem suam impertiunt. *l. C. de Jur. vet. eund. atque ita pari cum Canonibus necessitate obedientiam exigunt. Barb. 10. c. Ecclesiæ de Const. in prætermis.* Nullius ergo temeri-

meritate leges Imperatorum debent corrumpi, sed ab omnibus observandæ sunt. *c. fin. Dist. 10.* dummodo sacræ Scripturæ vel Decretis Canonum vel bonis moribus non adversentur. *c. 1. 3. 4. & seqq. dist. 10.* nec quicquam de rebus aut personis Ecclesiasticis statuunt, *c. 7. de Constit.*

## C A P U T XXII.

## De Decreto Gratiani &amp; Paleis.

*Quomodo dividatur Jus Canonicum scriptum. De Gratiano auctore Decreti. An Decretum habeat auctoritatem legis, & quam habeant auctoritatem Glossa & Rubricæ ejus. Quomodo dividatur, & quid contineat Decretum. Paleæ cur ita dicantur, & quo auctore scriptæ. Quam habeant auctoritatem.*

## I.

**J**US Canonicum scriptum dividitur in Jus commune & speciale. *Tbolos. l. 1. tract. 2. c. 14.* Commune latum est pro universa Ecclesia; Speciale pro certa Provincia, Diœcesi vel loco; Hoc intra illius fines, istud omnes fideles obligat. Jus commune Canonicum constituunt

tuunt Decretales Summorum Pontificum, quorum aliquæ translatae sunt in Corpus Juris Canonici, aliæ extra id vagantur, & continentur in Bullario, & magna parte in septimo libro Decretalium. De Bullario actum est supra c. 19. De libro septimo dicitur infra cap. ult. Corpus vero Juris Canonici appellatur Volumen illud, in quo jura ad totius Ecclesiæ gubernationem spectantia continentur; Et Latine *Corpus* dicitur, sic enim Cicero de volumine scripto ad Lucium l. 5. *Epist. Videtur mihi modicum Corpus confici posse.* Et in l. *Librorum* § 2. §. 2 ff. *de legatis* 3. Dicitur Ilias corpus Homeri. Dividitur hoc Corpus Juris Canonici in sex partes: In Decretum Gratiani, Decretales Gregorii IX. Sextum Decretalium Bonifacii VIII, Decretales Clementis V, Extravagantes Joannis XXII, & Extravagantes communes. Quibus postea accessit septimus Decretalium. De singulis ordine agemus.

## De Decreto Gratiani.

2. Decreti auctor est Gratianus, de quo nemo ambigit & est notorium ait Jo. Andreas in *Merc. de reg. jur. in 6. sup. data.* Patria non Classensis, ut habet  
Tri-

Trithemius *de Vir. illust.* l. 2. c. 13. Sed Clusius, natus in civitate Thussia, quæ Clusium seu Guisa dicta est, non Classa, ut depravatè legitur in Pômœrio Ecclesiæ Ravennatis *Bar.* a. 1151. & *Possev. in appar.* V. *Gratianus*; Professione Monachus Benedictinus ut testantur citati Baronius, Possevinus aliiq; probabilius in Monasterio S. Felicis Bononiensis, prout asserunt Monachi S. Felicis, & tradit Sigonius. l. 1. *de Episc.* estque communior, quamvis Monachi S. Proculi suum esse affirmant, eique statuam marmoream in Claustro, quod hortum respicit, erexerint; Quibus accedit Maranta in praxi 3. p. n. 34. & Præpositus Alexander asserens in Procœmio Decreti compositionem illius factam esse in Monasterio S. Proculi. Arnoldus Vion utriusque Monasterii Monachos conciliare studet, dicitque Gratianum prius monasticam vitam in Monasterio S. Proculi professum esse, deinde transisse ad Monasterium SS. Felicis & Naboris, ibique Decretum compilasse. Certe in hoc Monasterio elaboratum esse opus constat ex Saxo pervetusto, quod in Sacrario ipsius Ecclesiæ reconditur, in quo hi versus leguntur:

Hanc

Hanc ædis partem, Lector reverenter  
adito:

Namq; loci Monachus Decretum hic  
condidit hujus.

Divinum Gratianus opus, quantum-  
libet arcto

Contentus septo, quod reparando ca-  
ducum,

Et vetus hoc claustrum tolli fuit inde  
neceffe.

Et confirmat Epitaphium, quod defun-  
cto positum est Bononiæ tale:

*Gratiani Clusini Cesarei Juris &  
Pontificii Enucleratoris prope Divini,  
qui Monachus in Martyrum Felicis  
& Naboris æde absolutissimum ibi-  
dem opus Decretorum Anno Gratia  
1151. compilavit, Sepulchrum quod  
illic Curiaeruderibus absorptum, hic  
magnificentius renovatum. Jo. Fran-  
ciscus Aldrorandus Bonon. IIII. Di-  
etator ære publico instauravit.*

*Anno salutis 1498. Idib. Junii Joanne  
Bentivolo II. P. P. Remp. feliciter gu-  
bernante.*

Prodiit autem in lucem hoc opus se-  
cundum verisimiliorem sententiam anno  
1151. tempore Eugenii Papæ III, ut habet

volumen vetustissimum Decreti, & chronicon quod inscribitur Pomœrium Ecclesiæ Ravennatis, asservaturque in Bibliotheca Vaticana. Quamvis non improbabile quoque sit vulgatum esse anno 1141, ut habet emendata editio jussu Gregorii XIII. facta, vel anno 1127. ut scribit Tholosanus *l. c. in Schol.* sed Bellarminus *de Script. Eccles.* conciliat hæc dicendo illo anno 1127. forte incæpisse opus Gratianum.

Dicitur *Decretum* in singulari per Synecdochen. licet multa contineat Decreta; Sicut *Digestum* dicitur, quamvis multa complectatur Digesta. Innocentius III. appellat id *Corpus Decretorum Epist. ad Episc. Compostel.* Alii *Concordiam discordantium Canonum*, quem titulum præfert editio Gregoriana supra citata.

3. Auctoritatem legis hic liber à Gratiano nullam habet, quia ipse privatus condere leges non potuit, præterquam quod lapsus sit in multis. *Salas de leg. disp. 12. n. 5.* Errores Gratiani non paucos notat & ostendit Bellarminus *de Script. Eccles.* dum aliqua ex suspectis auctoribus conguessit; Sæpe tribuat S. Chrysostomo, Hieronymo, Augustino, quæ ex aliorum etiam hæreticorū scriptis desumpta sunt; *Gratianus enim*, inquit Baronius ad annum



num 664.n. 4. & 774.n. 4. *fuit nimis credulus*. Sententias quoque SS. PP. ac Summorum Pontificum non prout sunt in fonte, sed suis verbis & glossis permixtas frequenter profert. Neque liber ille auctoritatem habet Canonicam ab aliquo Pontifice, non enim approbatus est, ut nonnulli volunt ab Eugenio III. *Epo de jure sacro n. 135*. Pius IV. & V. ac subinde Gregorius XIII. opus illud ab innumeris mendis & testimoniorum depravationibus repurgari mandarunt, non approbarunt. *Pref. ad Lect.* Quare contenta hujus libri aliam non habent auctoritatem, quam habeant fontes unde dimanarunt, nimirum Canonicam, quæ ex Decretis Pontificum vel Conciliorum Oecumenicorum, vel etiam particularium à Pontifice approbatorum; Civilem, quæ ex Constitutionibus Imperatorum desumpta sunt. *Jo. Andr. in. c. 2. n. 24. de Rescrip.* Ex sententiis SS. PP. licet juris auctoritatem acquirere non possint, quia eam ipsæmet non habent, ex usu tamen in foro externo ad causarum decisionem adminiculum præbent.

Nec Glossa majorem habet auctoritatem quam privati alicujus hominis. Compoluit eam Joannes Semeca Theutonicus. *Possev. in appan. V. Joannes Ordinis*

Prædicatorum Prior S. Stephani Halberstadii sub initium sæculi 13. *alberis in proæm.* & in multis supplevit Barthol. Brixienfis ut ipsemet testatur *ad c. tempus* 13. q. 2. est erudita, brevis & succi plena, in aliquibus tamen ab erroribus, & quidem gravibus non immunis. Neque Rubricæ Decreti, quæ sunt Gratiani ampliorem vim habent, quam cujusvis Doctoris aut Magistri privati; Secus in Decretalibus, Digestis & Codice, ubi Rubricæ & omnia in iis contenta vim obligandi à Pontifice vel Imperatoribus acceperunt.

Numeri & Summaria quæ singulis Capitulis præmittuntur non sunt Gratiani; Sed numeros adjecit Antonius Contius, post cujus editionem alligari cæperunt Capitula per numeros. *ant. August. l. 1. de emend. Grat. dial. 18.* Quando autem & à quibus Summaria sint addita, incertum est. Forte ab iis, qui additiones Glossarum scripserunt, aut qui primi editionem Decreti curarunt, & forte iidem inscriptiones Distinctionum & Quæstionum in principio cujusque paginæ addiderunt;

4. Dividitur Decretum in tres partes pro numero trium objectorum Juris, quæ sunt: Personæ, Res & Actiones. **Prima**

ma pars constat 101. Distinctionibus; Viginti primis agitur de Elementis juris Canonici; Septuaginta tribus sequentibus de Cleri origine, forma, institutione, vita, moribus, officiis; Octo ultimis de Jurisdictione Pontificis. Quælibet distinctio dividitur in Canones sive Capitula, & sic allegantur: *c. Omnes leges dist. I.* Vel: *Dist. 1. c. Omnes leges.* Secunda pars habet 37 causas, quarum singulæ dividuntur in quæstiones, & quælibet quæstio in sua Capita. Complectitur hæc materiam rerum juridicarum & judiciorum Ecclesiasticorum, atque ita citantur. *c. Si quis suadente, causa* (quod tamen vocabulum plerumque omitti & subintelligi solet) *17. q. 4. vel 17. q. 4. c. Si quis suadente.* Quæstione vero tertia causæ 33, quæ est matrimonialis, agitur septem distinctionibus de pœnitentia occasione dubii: An per confessionem soli DEO factam possint peccata deleri. Distinctiones pariter divisæ sunt in Canones seu Capitula, & sic citari solent: *c. Cogitationis dist. I. depœnit.* Tertia pars habet quinque Distinctiones de Consecratione, quarum singulæ rursus dividuntur in suos Canones seu Capitula, & citantur hoc modo:

*c. Solennitates dist. 1. de Consecrat.* Explicatur in his jurisdictio & ministerium Ecclesiasticum. In fine Decreti ponuntur Canones pœnitentiales, & sunt Regulæ quædam directivæ ad pœnitentias delinquentibus imponendas; Quibusdemum subjunguntur Canones Apostolorum:

## De Paleis.

§. Sunt quædam Capitula Decreti, quæ Paleæ inscribuntur. Cur ita & quo auctore incertum. Sunt enim, qui illas sic dictas velint, quod res inanes ac leves contineant, & adducitur in confirmationem illius responsum aliquod Gratiani, quod dedisse fertur coram Pontifice, à quo Decreti confirmationem petierat, de interjectis illis particulis: *Palea est, nec de grano meo.* Barth. Cæpol. de cognit. libr. jur. can. in princ. Alii hæc Capitula dici putant τὰ παλαιά, id est antiqua, quia ex vetustis codicibus accepta, & antea in transcriptis ommissa fuerant. Alii ab adverbio μάλιν seu depravata voce πάλιν, id est rursus nominari paleas, quasi additiones seu repetitiones. Cujatius in c. 1. de spons. duorum *Paleam* significare putat Canones antiquos. Alii

Alii sic dici existimant ab earum auctore Gratiani discipulo *Protopalea*, vel potius *Pocapalea*, quo nomine hodie oppidum est & familia in Subalpinis *Cæpol. l. c.* seu ut habet Valente in *proem. prolus. Concord.*

*Quartapalea* dicto. *Jo. Andr. in addit. ad Spec. tit. de disput. & alleg.* aliique inter quos Jason, qui addit Cardinalem fuisse, & fortè est ille, cujus meminit Barth. *Cæpol. in tract. de cogn. lib. Jur. Can. apud Fagnan. de Const. p. 2. n. 44.* Præterea an unus idemque omnium palearum sit auctor, æque incertum est, cum non desint, qui existiment non omnes eodem tempore adjunctas esse, sed aliquas ab eodem Gratiano inter relegendum, alias ab interpretibus ad marginem adscriptas esse, quas deinde librarii sub *Paleæ* nomine, vel sine ullo à cæteris discrimine textui inseruerint. *Admonit. præf. Decret. edit. Greg.*

6. Illud certum has paleas, licet non omnino contemnendæ sint, cum multæ in Decretalibus, aliisque collectionibus ante Gratianum reperiantur, & magistralis doctrinæ contineant auctoritatem, non habere tamen vim Juris & Canonis, cum eam auctores, quicunque illi fuerint, tribuere illis non potuerint, quam

quam non habebant. *c. Translato de rescript. l. fin. C. de leg.* imo minoris sunt auctoritatis, quam Decretum & dicta Gratiani, cum nec Glossas habeant, nec allegentur sub nomine Capitulorum, sed palearum. *c. Precarie 10. q. 2.* Neq; earum mentionem faciat Gregorius XII. in Bulla Decreto præfixa; Adeoque etiam Auctores qui Decreto tribuunt auctoritatem legis, eam denegant Paleis, quod Gregorius XIII. eas non comprehenderit nomine Juris Canonici, hoc enim si voluisset, manifestis verbis declarasset, cum sciret, illas in communi usu, & solita DD. interpretatione Juris vigorem non habere. *Thom. Canon. in præm. n. 625.* Quamvis Præpositus in *c. impri. mis n. 14. caus. 2. q. 1.* dicat Paleis etiam communiter credi, nisi detur jus in oppositum.

## C A P U T XXIII.

### De Decretalibus Gregorii IX.

*Cujus auctoritate, & à quo Decretales collectæ sint. In quot libros dividantur, & quomodo citentur. De materia & ordine librorum.*

I.  
**D**ecretalium Epistolarum aliæ sunt anti-

antiquæ, aliæ Novellæ. Antiquæ, quæ continentur secunda parte Juris Canonici, sunt Constitutiones seu Epistolæ variorum Pontificum in unum volumen collectæ auctoritate Gregorii IX; Fuit is Patria Anagninus ex gente Signia de Comitibus natus, ex qua Illustrissima Familia, quæ vulgo de Conti dicitur, decem Pontifices Summi numerantur. *Azor. p. 2. Inst. l. 3. c. 45. q. 5.* Ex his unus fuit Gregorius ex Consobrina Innocentii III. Nepos, & ab eo ad Cardinalatum promotus A. 1227. altero die ab obitu Honorii Pontifex salutatus est, & post septimum, juxta Valente, Pontificatus annum (alii tradunt A. 1230.) constitutiones Pontificias in unum volumen quinque libris distinctum redigere cœpit per Fratrem Raymundum à Pennafort Barcinonensem Ordinis Prædicatorum, primum Ordinis B. Mariæ de Mercede Redemptionis Generalem à Gregorio IX. creatum, ejusdemque Pontificis Cappellanum & Pœnitentiarium, ac subinde etiam tertium Ordinis Prædicatorum Magistrum generalem, quem Clemens Papa VIII. A. 1601. in numerum Sanctorum retulit. Hic Constitutiones illas ex quinque aliis antiquioribus collectionibus concinnavit, ideoque propter

propter Doctores illius temporis, & ob  
glossas antiquas plerumque principia, seu  
prima verba singulorum capitum ex an-  
tiquis collectionibus retinet, & cum sen-  
sum non perficiant, additur & *infra*. Ab-  
solvit hoc opus feliciter Raymundus  
trium annorum spatio A. 1237. *Genebr.*  
*in Chronol.* Dicuntur *Decretales*, non  
*Decretum* quia majori parte sunt Con-  
stitutiones & literæ Summorum Ponti-  
ficum; Decretum vero continet potissi-  
mum Conciliorum Decreta.

2. Dividuntur Decretales in quinque  
libros, hi in titulos, & tituli in capita.  
In citatione ponitur vel numerus vel  
initium Capituli & titulus hoc modo:  
c. 2. vel c. *Osus de Elect.* id est, in capite  
cujus initium *Osus*, sub titulo de Ele-  
ctione, qui titulus quotus in ordine sit  
requirendum in indice titulorum; A qui-  
busdam DD. in citando additur particula  
*extra* ad significandum, quod hi libri  
sint extra Decretum Gratiani, quod prius  
est editum hoc modo: c. *Nullus extra*  
(quod brevitatis causa hoc signo X no-  
tatur) *de Elect.* non ergo per hanc par-  
culam *extra* seu X significantur Extra-  
vagantes. Sicitetur initium Tituli, idque  
idem sit in pluribus Capitulis ejusdem  
Tituli



Tituli ad distinctionem ab auctoribus maxime Italici additur: I primo, secundo, il terzo, hoc modo: *Ex parte il primo de privil.* idque in Decreto quoque aliisque libris est observandum.

Materia in hoc opere sunt ipsæ Constitutiones & Decretales Epistolæ sublingulis titulis collocatæ. *Gloss. Proæm.* Quam materiam Gregorius IX. in quinque partibus seu libris ad normam ordinemque Pandectarum ac Codicis secundum rationem Judiciorum digessit. Post epistolam, quam operi præfixit, in primo libro substrato fundamento Catholicæ fidei, nimirum Titulo de Summa Trinitate & fide Catholica, exponit Juris Canonici principia, ut sunt Constitutiones, Rescripta & Consuetudines. Deinde agit de Ordinibus, gradibus, jurisdictionibus & officiis Magistratuum Ecclesiasticorum. Demum subjungit quædam circa personas & res litigantium in principio judiciorum versantia. In secundo libro tractat de Judiciis eorumque ordine ac processu. In tertio agit de vita Clericorum eorumque juribus tum propriis, ut sunt Beneficia Ecclesiastica, tum communibus cum Laicis ut sunt Contractus, testamenta &c. In IV. libro tractat de Sponsalibus, matrimoniis & im

& impedimentis eorum, In V. agit de Criminibus eorumque accusatione & pœnis. His demum subjungit ad exemplum Pandectarum duos titulos : De Verborum significatione & de Regulis Juris.

Quam verò auctoritatem habeat hic liber seu compilatio harum Decretalium, declarat satis ipse Gregorius IX. in Epistola operi præfixa, cum ait : *Volentes igitur ut hac tantum compilatione universi utantur in judiciis & in Scholis, districtius prohibemus, ne quis præsumat aliam facere absque auctoritate Sedis Apostolica speciali.* Hic præcipit Summus Pontifex universis per orbem Christianum fidelibus, ut has Decretales tanquam normam & regulam non tantum doctrinæ in Scholis tradendæ, sed etiam rerum in judiciis agendarum sequantur. Cum ergo Pontifex non solum possit, ut probatum est supra c. 14. n. 3. & 4. sed etiam hic expresse velit omnes obligare subditos per has Decretales, dubium non est quin hæc jus faciant universale.

C A P U T XXIV.

De Libro sexto Decretalium,  
Clementinis & Extravagan-  
tibus.

*Quis & ex quibus compilarit Librum  
sextum; Quomodo dividatur & cite-  
tur. Unde dicta, & ex quibus collecta  
Clementina. Quomodo dividantur &  
citantur. Extravagantes cur sic dicantur.  
Quas contineant Constitutiones Li-  
bri Extravagantium; Quomodo ci-  
tentur. An faciant fidem in  
judiciis.*

I.

**T**ertia pars Juris Canonici continet  
Librum sextum Decretalium, sic di-  
ctum, quod quinque Libris Decretalium  
sextus accesserit, iisque ratione materiae  
sit annexus. Compilarunt eum sub an-  
no 1297, alii volunt 1274, alii 1300.  
apud Gonzalez Guilielmus de Mandago-  
to Archi-Episcopus Ebredunensis, Beren-  
garius Fredellus vel Stredelius Episcopus  
Biterrensis, ac Magister Richardus de  
Senis (nonnullis Malambrus) S. R. E. Vi-  
ce-Cancellarius *Præfat.* ac postmodum  
Cardinalis Diaconus S. Eustachii *Gloss.*

*bie* mandato Bonifacii VIII, ex Illustriſſima Cajetanorum Familia nati, & in Cœleſtini locum Pontificatum renuntiantis ſucceſſi ex ejusdem Bonifacii & aliorum Pontificum, qui inter hunc & Gregorium IX. interceſſerunt, imo ex quibusdam etiam Gregorii reſcriptis, ac præcipue Decretis Conciliorum Lugdunenſium primi & ſecundi generalis ſub Innocentio IV. circa annum 1245. & Gregorio X. A. 1274. celebratorum. Diſtinctus eſt ſextus Decretalium in quinque libros, quorum ſinguli in titulos & capita dividuntur. Adjectæ ſunt ſub finem Regulæ juris 86. majori ex parte deſumptæ ex Regulis Juris Cæſarei. Cum hic liber citatur ponitur initium, vel numerus Capitis & titulus cum addito in 6. hoc modo: *c. 2. vel Licet Eccleſiarum de præbendis in 6.* Eadem eſt harum Decretalium auctoritas, quæ præcedentium, maximè cum in Concilio Lugdunenſi approbatæ ſint. Refert tamen Jo. Andreas non obligare in Gallia, quod ibi receptæ non fuerint.

2. Quarta pars comprehendit Conſtitutiones Clementinas, ſic dictas, quod eas Clemens V. colligendas curarit partim ex Canonibus Concilii Vienneniſis  
circa

circa annum 1311. celebrati, partim ex propriis Constitutionibus, quas tamen post mortem ejus Joannes XXII. primum absolvit. Fuit Joannes XXII. antea Jacobus dictus, natione gallus, Cadurci urbe Aquitaniæ à Patre Arnol'do Deusa misero veteramentarioque Sutore natus, quem eximia Virtus & doctrina ad supremum dignitatis fastigium evexit, nam primum Arelatensis Episcopus, Caroli secundi Regis Cancellarius efficitur, ubi tantum sui officii famam auxit, ut Archi-Episcopus Avinionensis mox Cardinalis, & Episcopus Portuensis à Clemente V. fuerit creatus, eoque vivis sublato totius Ecclesiæ obtinuit principatum A. 1316. & altero post anno, nimirum 1317. hanc compilationem promulgavit. *Spondanus ad hunc annum.* Dividuntur Clementinæ in quinque libros, sicuti Decretales & iisdem Titulis, sed multo paucioribus, qui etiam in Capitula distinguuntur. Citantur hoc modo *Clement. Multorum querela, de hæreticis.* Hæc Compilatio cum approbata sit ab ipso Clemente Pontifice & in Concilio Viennensi, obtinet quoque juris auctoritatem.

3. Quinta pars continet duos libros, quo-

384 *De Clementinis & Extravag.*

quorum primus est Extravagantium Constitutionum Joannis XXII. numero 20, quæ in 14 titulos dividuntur, sicque allegantur: *Extrav. Joan. XXII. Execrabilis de Preb. & dign.* Alter liber est Extravagantium communium variorum SS Pontificum, qui in quinque libros, atque hi in titulos & Capita distribuuntur; Citantur vero hoc modo: *Extrav. Cum detestabile, de Simonia inter comm.* Dicuntur Extravagantes, quia primò extra corpus juris Canonici quasi incerta sede vagabantur. *c. Pastoralis de fid. instrum.* unde hodie dum sic appellantur, licet in Corpore Juris jam locum occupent. Glossas in primum librum scripsit Zenzlinus de Cassanis; In secundum Joannes Monachus Pichardus, Guilelmus de Monte Lauduno, & Joannes Franciscus de Payinis. Hæ Extravagantes passim pro authenticis habentur, cum sint decisiones SS. Pontificum, quæ à longo jam tempore possessionem in Corpore Juris acceperint, variisque Doctorum notis ac glossis illustratæ sint, quamvis incertum, an alicujus Summi Pontificis auctoritate & jussu in hunc librum relatæ sint & publicatæ. Faciunt proinde fidem in judiciis, etiamsi non producantur

cantur, & sententia contra illas lata, est nulla, utpote contra jus notum. *Rom. Consil. 260. num. 2. Tuf. h. lit. E. Concl. 679. n. 4.* Sunt enim notoriæ Extravagantes, & post publicationem satis evulgatæ per librorum impressionem, ita ut præsumi de illis ignorantia non possit, cum ergo idem sit esse notorium, & esse in iudicio productum. *Alexand. in l. Cum prolatus n. 19. ff. de re judic.* Sententia contra Extravagantem notoriam lata omnino nulla est judicanda. *Franc. de Pavinis in præl. ad Extrav. Joannis XXII.*

## C A P U T XXV.

### De Septimo Decretalium.

*Quis librum hunc collegerit. Cujus sit auctoritatis. De alia Compilatione Libri septimi Decretalium cura Gregorii XIII. facta, sed hætenus suppressa.*

#### I.

U<sup>L</sup>timis hisce temporibus annexus est Corpori Juris Canonici in recentioribus exemplaribus liber septimus Decretalium collectarum à Petro Matthæo Jurisconsulto Lugdunensi, & ad normam Decretalium in quinque libros suosque titulos digestarum. Hic liber cum pri-

vata solum industria sit collectus & editus, nec ullam habeat approbationem Summi Pontificis Canonicus censeri non potest. Licet enim varias contineat Constitutiones Pontificias; attamen cum non constet de promulgatione earum, nec an receptæ sint, aut cum suis Originalibus in omnibus conveniant, vim obligandi non habent, nisi in forma authentica producantur. *Franc. de Pavinis in Præ-  
lud. an Extrav. fo. XXII.*

2. Ad compilandum autem Librum septimum Dècretalium authenticum adjecit animum & curam Gregorius XIII. eamque operam commisit Flavio Ursino, Franc. Alciato & Antonio Caraffæ Cardinalibus. Hoc vero Pontifice defuncto Sixtus V. ejus Successor hoc opus perficiendum commisit Pinello Aldobrandino, Matthæo Columnæ è numero quoque Purpuratorum, è quibus Aldobrandinus post obitum Sixti in thronum sublatus perfectioni ejusdem operis institit, cumque dubium incideret, an inferendi quoque essent Canones Conciliorum Florentini & Tridentini ad dogmata spectantes, judicaverunt eos compilationi isti inferendos esse, sicque Volumèn istud diversorum Pontificum Constitutiones & Conciliorum

rum



rum decreta trecentorum prope annorum in quinque libros disposita, suisque distincta titulis complectens die 25. Julii anno 1598. perfectum est. Verum cum typis jam excusum sub nomine septimi libri Decretalium Clementis VIII. vulgandum esset, movetur quaestio, an à Jurisperitis edi possint glossæ & commentarii super Decretis Concilii Trid. huic libro insertis, non secus ac super aliis compilationibus factum videmus. Quod cum sub gravissimis censuris inhibuisset Pius IV, suppressa est publicatio hujus Voluminis tantis laboribus elucubratu tantisque Jurisconsultorum votis expetiti. *Fagn. in c. Cum venissent de Jud. n. 61. & 63.*

F I N I S.

Ad DEI DEIparæque Gloriam  
& honorem.




## M E N D A

## E M E N D A

Pag.	lin.		lege.
8.	23	distribuvata.	distributiva
20.	24	Illegimos	Illegitimos
23.	16	propriæ	proprie
30.	4	scripturum	scripturam
41.	12	meræ	merè
44	15	universitate	universitates.
45	6	proponandas	proponendas
45	10	elimentur	eliminenter
66	12	contestetam	contestatam
100	7	Faustrum	Faustum
105	12	Constitutionem	Constitutionum
110	27	Pontificium	Pontificum
133	23	Apostolos	Apostolus
159	19	Confitmatio	Confirmatio
170	25	Sandicæ	Sardicæ
172	23	Filio	Filii
184	18	Consentientum	Consentientem
184	30	Suppositiam	supposititiam
186	19	Anstites	Antistes
188	21	profederunt	præfederunt
197	24	psallent	psallant
223	1	Leone V.	Leone X.
224	6	Canonis	Canones
233	2	cuivis	cujusvis
271	19	profidetur	profitetur.
279	25	causæ	causâ
288	14	querimiviæ	querimonie
303	11	aliud	aliquid
315	6	Fridecum	Fridericum
316	1	vocantis	vacantis
319	1	vita	vita
320	16	Papæ	Papa
331	26	nimirum	nimum
333	ult.	sunt Provincia	sunt in Provincia.

Cætera benignus Lector facile observabit & corriget.



# I N D E X

## RERUM ET VERBORUM.

### A.

<i>Abbates vocantur ad Concil. generalia ex Privilegio.</i>	pag. 150
<i>Actiones mixtæ.</i>	14
<i>Actio personalis.</i>	13
<i>Appellatio à Papa ad Concilium non datur.</i>	280
<i>Appellatio datur à Concilio ad Papam.</i>	277
<i>Auctoritas alia est interpretandi scripturas, alia condendi leges.</i>	360
<i>Auctoritas SS. Patrum interpretandi an infallibilis.</i>	363
<i>Authenticæ quæ.</i>	35

### B.

<i>Basileense Concilium maximâ ex parte reprobatum est.</i>	320
<i>Basileensis Concilii acta.</i>	321. & seq.
<i>Bernardi Papiensis compilatio prima.</i>	112
<i>Bulla unde sic dicta.</i>	350
<i>Burchardi Wormaciensis decreta.</i>	110

### C.

<i>Canonum Apostolorum auctoritas</i>	101
<i>Canonum codex. v. codex.</i>	
<i>B b 3</i>	Can-

# INDEX.

Canones Concilii Chalcedonensis.	179. & seqq.
Canones Concilii Lateranensis 1.	193. & seqq.
Canones Concilii Lateranensis 2.	195
Canones Concilii Lateranensis 3.	198. & seqq.
Canones Concilii Lateranensis 4.	202
Canones Concilii Lugdunensis 1.	209. & seqq.
Canones Concilii Lugdunensis 2.	214. & seqq.
Canones Concilii Nicæni qui exstent.	167
Canones Concilii Nicæni 2.	186. & seqq.
Canones Concilii Sardicensis.	172. & seqq.
Canones Constant. 1.	175. & seqq.
Canon quid.	116
Canones Trullani	308
Canonici libri.	116. & seqq.
Capitula Ecclesiarum quæ ad Concilia Provin-	
cialia vocentur.	334
Cardinales vocandi ad Concilia generalia	149
Clementinarum auctoritas	383
Clementinæ ex quibus collectæ sint.	383
Clementinæ quomodo citentur.	383
Clementinæ quomodo dividantur.	383
Clementinæ unde dictæ.	382
Clericis an prohibeatur studium juris.	42. & seq.
Codex Canonum, & quis ejus auctor.	105
Codex quid contineat.	35
Codex quomodo citetur.	35
Compilatio prima Canonum.	112
Compilatio secunda Canonum	112
Compilatio tertia Canonum seu Romana.	112
Compilatio quarta & quinta Canonum.	113
Con-	

# INDEX.

Concilia agnoscunt Papæ primatum.	292
Conciliis acta scribenda & approbanda à Papa.	159
Concilia Apostolorum	95. & seqq.
Concilia Apostolorum an authentica.	95
Concilium Apostolorum primum.	96
Concilium Apostolorum secundum.	96
Concilium Apostolorum tertium.	98
Concilium Apostolorum quartum.	101
Concilium cui non præsidet Papa, vel <i>quod de-</i> <i>finiit</i> aliquid repugnantibus legatis errare potest.	302
Concilium definiens aliquid cum Legatis in- structionem non habentibus probabiliter errare potest.	304
Concilium Constantin. 1. quando, à quo & cur convocatum.	174
Concilii Constantin. 5. acta.	188
Concilii Constantin. 4. Canones.	189
Concilii Etymologia.	138
Concilia generalia convocat solus Papa	145. & 268. & seqq.
Concilium generale, cui præsidet Papa er- rare non potest.	300
Conciliorum general: decreta constituunt ius commune.	160
Chalcedonense quomodo, & cur indictum	178
Concilium generale est ad quod omnes Epi- scopi vocati, licet omnes non compareant	152
Ad Concilia euntes non sunt impediendi.	153
	In

# INDEX.

In Concilio generali ordo Sessionis.	154. & seqq.
In Concilio generali quæ fiant.	155
Concilium in quibus casibus sit supra Pa- pam.	298
Concilii Judex est Papa.	271. & seqq.
Concilia in commodo loco convocentur.	153
Ad Concilia generalia qui vocentur.	148
Concilia <i>nationalia</i> quæ.	330
Concilia <i>nationalia</i> quis convocet.	330
Conciliorum necessitas.	141
Conciliorum institutio est juris divini.	139
Conciliis Papa præest.	146
Concilia particularia errare possunt in fide.	347
Concilia particularia magnam etiam habent auctoritatem.	348
Conciliis præmittenda.	153
Conciliorum Præsides an aperire possint liti- ras nomine Regum scriptas.	158
Ad Concilia Provincialia mittere debent im- pediti Procuratores.	333
In Conciliis Provincialibus ordo Sessionis.	335
Concilia Provincialia quis convocet	331
In Concilio Provinciali quæ tractentur.	338
Concilia Provincialia quando convocanda sint.	332
Concilio provinciali qui interesse debeant.	333
Concilia Provincialia vocanda sunt ad locum opportunitum.	331
Ad Concilia Provincialia venire recusantes variè puniantur.	333
	Con-

# INDEX.

Concilia quæ sint generalia.	145
Concilium quid sit.	138
Concilia quas ob causas convocentur.	143
Ad Concilia vocati ire tenentur.	151
Concordia Canonum Cresconii.	107
Constantiensis Concilii acta. 310. & seqq.	
Constantiense Concilium fuit generale.	319
Constantiense Concilium partim approbatum partim reprobatur.	319
Constantinopol. 2. Conc. quando indictum.	182
Constantin 2. Concilii acta.	182
Constantinopol. 2. non præsedit Pontifex.	182
Constantinopol. 3. Concilii acta. 183. & seqq.	
Constitutionum Apostolicarum auctoritas.	104
Constitutiones Apostolicæ an ius faciant commune.	353
Constitutiones Pontificiæ omnes obligant.	355
Consuetudines feudales.	36
Cresconii Nomorennon.	107

## D.

Decreta Concil. Provincialium quando publicanda.	338
Decretis Conc. Provincialis qui obligentur.	339
Decretalium auctor.	377
Decretalium auctoritas	380
Decretales cur sic dicantur.	378
Decretales Gregorii IX.	113
De	

# INDEX.

Decretum Gratiani auctoritatem legis non habet.	371
Decretum Gratiani cur sic dicatur.	370
Decretum Gratiani quando editum.	369
Decretalium liber. 6. <u>quomodo</u> dividatur.	382
Decretalium librum 6, quis & ex quibus compilavit.	381
Decretalium liber septimus jussu Pontificum compositus, suppressus est.	387
Decretalium libri 7. quis auctor.	385
Decretalium liber. 7. extat, non est Canonicus.	486
Decretalium materia, & quo ordine digesta.	379
Decreti pars prima quæ contineat.	373
Decreti pars secunda quæ contineat.	373
Decreti pars tertia quæ contineat.	373
Decretales quomodo citentur.	378
Decretales quomodo dividantur.	378
Decretales quis concinnavit.	377
Decreta Synodalia non obligant.	345
Differentiæ Juris canonici & civilis. 44. & seq.	
Digestum novum.	34
Digesta quid contineant.	34
Digesta quomodo citentur.	34
Digestum vetus.	34
Dionysius Exiguus quis, & ejus collectio. & seq.	105
Dominium aliud perfectum, aliud imperfectum.	16
Dominium directum.	17
	De.



# INDEX.

Dominium jurisdictionis quid.	17
Dominium proprietatis quid.	15
Dominium utile.	17

## E.

Electio Papæ durante Concilio spectat ad Cardinales.	159
Ephesinum I. Concil. quando & cur indictum fuerit.	176
Episcopi ad Concilia vocati ire tenentur.	151
Episcopi omnes vocandi ad Concilia generalia.	149
Episcopi titulares an vocentur ad Concil. generalia.	150
Epistolæ in <i>Collectione</i> Isidori suspectæ sunt fidei.	109
Extravagantes an faciant jus commune.	353
Extravagantes cur sic dicantur.	384
Extravagantes quas Constitutiones continent.	384
Extravagantes quomodo citentur.	384
Extravagantium auctoritas.	384

## F.

Feudales consuetudines.	36
Florentini Concilii acta.	219. & seqq.
Fulgentii Breviarium.	106
Fulgentii ferrandî collectio.	106

## G.

Generales Ordinum vocantur ad Conc. generalia ex privilegio.	149
	Glossa

# INDEX.

<i>Glossa</i> Decreti non habet auctoritatem legis.	371
<i>Glossas</i> Decreti qui fecerint.	371
Gratiani Epitaphium.	369
Gratianus qualis fuerit.	368
Gregorius IX. quis fuerit.	377

## I.

Imperium quid.	17
Imperium magnum.	19
Imperium majus.	19
Imperium maximum.	19
Imperium merum & mixtum.	18
Imperium minimum.	20
Imperium minus.	20
Imperium mixtum.	20
Imperium parvum.	20
Iofortiatum.	34
Institutionum quatuor libri.	37
Institutiones quomodo citentur.	37
Joannes XXII. qualis fuerit.	383
Isidori collectio.	107
Isidorus Canonum collector dicitur Mercator & Peccator.	108
Ivonis Carnotensis Volumen Decretorum.	111
Juris Canonici corpus dividitur in sex partes.	367
Juris Canonici & civilis differentia.	44. & seqq.
Juris Canonici definitio.	38
Juris Canonici excellentia.	40
Juris Canonici variae appellationes.	38
Juris Etymologia.	I

# INDEX.

<i>Juris humani divisio</i>	<u>26</u>
<i>Juri studere an possint Clerici &amp; Religiosi. 42. &amp; seq.</i>	
<i>Juris naturalis &amp; gentium differentia.</i>	<u>27</u>
<i>Jurisdiclio simplex.</i>	<u>18</u>
<i>Jus active sumptum.</i>	<u>4</u>
<i>Jus passive sumptum.</i>	<u>2</u>
<i>Jus jurisdictionis &amp; proprietatis quid.</i>	<u>4</u>
<i>Jus proprietatis dividitur in Re &amp; ad Rem.</i>	<u>10</u>
<i>Jus in re quid.</i>	<u>11</u>
<i>Jus ad rem quid.</i>	<u>12</u>
<i>Ad jus reale quæ requirantur.</i>	<u>11</u>
<i>Jus tres requirit conditiones.</i>	<u>3</u>
<i>Jus jurisdictionis variè sumitur.</i>	<u>4</u>
<i>Jus Canonicum quando conditum.</i>	<u>95</u>
<i>Jus canonicū dividitur in commune &amp; speciale</i>	<u>366</u>
<i>Jus commune Canonicum constituunt Decretales Pontificum.</i>	<u>367</u>
<i>Jus Cæsareum.</i>	<u>32</u>
<i>Jus Cæsareum in quatuor dividitur.</i>	<u>33</u>
<i>Jus Civile quid</i>	<u>28</u>
<i>Jus commune.</i>	<u>30</u>
<i>Jus commune constituunt decreta Concilii Generalis.</i>	<u>160</u>
<i>Jus consuetudinariam.</i>	<u>29</u>
<i>Jus mixtum.</i>	<u>14</u>
<i>Jus particulare</i>	<u>30</u>
<i>Jus personale.</i>	<u>13</u>
<i>Jus privatum.</i>	<u>32</u>
<i>Jus publicum.</i>	<u>31</u>
<i>Jus scriptum.</i>	<u>29</u>
	<u>Jus</u>

# INDEX.

<i>Jus Divinum.</i>	25
<i>Jus divinum vetus.</i>	25
<i>Jus divinum novum.</i>	26
<i>Jus gentium.</i>	27
<i>Jus naturale quid.</i>	21
<i>Jus naturale triplex.</i>	21
<i>Jus positivum quid.</i>	25
<i>Justitia varie sumitur.</i>	6
<i>Justitiæ definitio.</i>	7
<i>Justitiæ quatuor species.</i>	8
<i>Justitia legalis.</i>	8
<i>Justitia distributiva.</i>	8
<i>Justitia vindicativa.</i>	10
<i>Justum late sumptum.</i>	2
<i>Justum stricte sumptum.</i>	3

## L.

<i>Laici an admittendi ad Concilia Provin-</i> <i>cilia.</i>	334. & seqq.
<i>Laici non vocantur ad Conc. generalia.</i>	150
<i>Lateranensis Ecclesia unde sic dicta.</i>	192
<i>Lateranense 1. Concilium cur convocatum.</i>	192
<i>Lateran. 1. Concilii Canones.</i>	193
<i>Lateran. 2. Concil. quando &amp; cur convocatū.</i>	194
<i>Lateran. 2. Concilii Canones.</i>	195
<i>Lateranense 3. Concilium quando &amp; cur con-</i> <i>vocatum.</i>	198
<i>Lateranense 4. Concilium quando &amp; cur</i> <i>convocatum.</i>	201
<i>Lateranensis 4. Concilii Canones</i>	202
<i>Late-</i>	

# INDEX.

Lateranensis <u>5.</u> Concilii acta.	<u>222.</u> & seqq.
Legati in <u>Conciliis</u> an aperire possint literas nomine Regum scriptas.	<u>158</u>
Leges Principum secularium non ligant Ec- <u>clesiasticos.</u>	<u>364</u>
Leges secularium corpori Juris Canonici in- sertæ ligant Ecclesiasticos.	<u>365</u>
Lex Moysis quo sensu sit sempiterna	<u>127</u>
Lex nova est immutabilis.	<u>128</u>
Lex nova excellentior est quam vetus.	<u>129</u>
Lex nova omnes obligat.	<u>128</u>
Lex vetus abrogata est.	<u>125</u>
Liber VI. Decretalium. V. Decretalium.	
Liber VI. Decretalium cur sic dicatur.	<u>381</u>
Liber VII. Decretalium V. Decretalium.	
Lugdunense <u>1.</u> Concilium quando & cur convocatum.	<u>209</u>
Lugdunensis <u>1.</u> Concilii Canones.	<u>209.</u> & seqq.
Lugdunensis <u>2.</u> Concilii acta.	<u>213</u>
Lugdunensis <u>2.</u> Concilii Canones.	<u>124.</u> & seqq.

## M.

Martini Braccarensis collectio.	<u>106</u>
---------------------------------	------------

## N.

Nicænum Concilium coactum contra Arium & Quarta decimanos.	<u>163</u>
Nicæni <u>1.</u> Canonum numerus.	<u>163</u>
Nicæni <u>2.</u> Concilii acta.	<u>185</u>
Nicæni <u>2.</u> Concilii Canones.	<u>186.</u> & seqq.
Nomorense Cresconii.	<u>107</u>
No-	

# INDEX.

Novellæ quæ dicantur.	35
Numeros quis adjecerit Decreto.	372

## O.

Oecumenica Concilia quæ sint.	145
Officium Judicis nobile.	18
Officium mercenarium.	18

## P.

Paleæ unde dicantur.	374
Palearum auctor.	375
Palea quam habeant auctoritatem.	375
Papa est supra Concilium.	245. & seqq.
Papa est Christi Vicarius.	248. & seqq.
Papa est S. Petri Successor.	151. & seqq.
Papa est caput Ecclesiæ.	256. & seqq.
Papa est Pastor Ovis Christi.	259. & seqq.
Papa est Episcopus Ecclesiæ universalis.	262
<u>Papa est</u> Pater omnium Christianorum.	266
Papa convocat concilia generalia.	145. & 268
Papa <u>præest</u> conciliis.	146
Papa confirmat concilia.	275
Papa corrigit & improbat concilia illegi- tima.	275
Papa est Judex concilii eiꝯ præscribit leges.	271
A Papa ad Concilium non datur appellatio.	280
Ad Papam à Concilio datur appellatio.	277
Papæ primatum agnoscunt Concilia.	292
Papa in quibus casibus subjiciatur Concilio.	298
Papa potest leges condere sine consensu & con- silio Cardinalium.	354

papæ



